

THEOLOGIA.

N.


1297




36325-36326

I









ΣΚΟΛΟΦ

Seu

# PALVS PAVLI,

cuius II, ad Corint. xii. v. 7.  
fit mentio,

*Post Historicam Recensionem Explicatio-  
num plerarumq; aliarum omnium,  
Et modestum earundem  
Examen.*

Ex Convenientiore quâdam Allusi-  
ne, & Vſitatâ apud Chaldaeos In voce  
DARBAN, quâ Stimulus aliàs  
vocatur, Significatione,

## DILUCIDE OSTENSUS:

*Exquisitione & operâ*

GEORGI VECHNERI SS. Th. D.

\*

\*\*\*\*\*



*Rev. Clarissimo  
viro,  
Dno ALBERTO  
Suo  
Calixtiano apud  
Lipsiam Petri-Pa-  
fideles, Dni  
Amico*

LESNÆ POLONOR: *Typis, Fratr.*  
Apud DANIELEM VETTERVM. 1644. *in CH. h.*

*Cum S. pl. m. b.*



ILLVSTRI AC GENEROSISSIMO  
DOMINO,

DN. ACHATIO BURGGR-  
VIO & BARONI à DHONA,

CONSILIARIO  
SERENISSIMI ELECTORIS  
BRANDEBURGICI

*Intimo dignissimoq̃,*

Domino & Patrono suo  
Gratiosissimo.

36.326

T.



ILLVSTRIS AC GENERO-  
SISSIME BARO AC DOMINE,  
DOMINE AC PATRONE GRATIOSISIME:

**Q**uod privatis hætenus ser-  
monibus non rarò inter fã-  
miliares fui professus, Esse  
à Pientissimâ Clarissimi  
Viri, D. Abrahami Scul-  
teti, Macarita Animâ, Hereditatem qua-  
si geminam, emortuali quodam voto, peculio  
meo transcriptam: id libet nunc publicè,  
tabellâ hac, coram quibusvis, memori gra-  
toq; animo testificari. Nempe alterum  
hoc fuit, quod sanctè commendatum mihi  
suo Exemplo, nec sine Exhortatione piâ, vo-  
lebat Vir meritissimus: ut in Scripturæ Sa-  
cræ locis involutiõnibus, opportunâ quadam  
luce illustrandis, Philologicam post se dili-  
gentiam potius exercerem: quàm Rixis  
Contentionibusq; illis paterer me involvi,  
\* 2 ad



ad exedificationem Pietatis Charitatisq;  
Christiana heu nimis parum proficientibus.  
Alterum erat, ut quod ex Illustribus ac  
Generosissimis Burggraviis, BARONIBVS  
à DHONA, Patrocinium ipse esset in cultu  
Optimorum Sanctissimorumq; studiorum,  
sub rebus etiam quasi conclamatis, eximie  
semper expertus, ejus Successionem aliquam  
deinceps mihi indubitato pollicerer, de suo  
Experimento, Clientem me post se velut hæ-  
reditarium, haut frustra profecturus.

Neutra Hæreditatis huiuscemodi por-  
tio, potuit mihi non esse acceptissima. Al-  
tera quidem, quod indoli meæ congruenter  
destinata videretur: ut in Eloquiis Divinis  
meditandis, Voluptas mihi esset summa. Al-  
tera, quod conditioni afflictæ meæ, in quam  
per *ἡγορησαντων διαγνων* illum fui detrusus,  
solatium sic opportunum videretur fore pa-  
ratum: ut à prematuro illo, & heu nimis  
rebus optime sanctissimeq; fundatis detri-  
mentoso, Illustris Baronis SCHÖNAICHII b.  
m. decessu, sub remotiore etiam Cælo Patro-  
num superesse mihi usq; agnoscerem Gratio-  
sissimum.

Et



Et fuit verò vel supervivente etiam  
SCULTETO, Illustrium Heroum, Dn. CHRI-  
STOPHORI, itemq; Dn. ABRAHAM I,  
BURGGRAVIORUM à DHONA, Gratiosti-  
tas, proxenetâ illo, ita in me proclinata: ut  
gratulari mihi eo nomine, haut temerè  
quiverim.

Posteaquam iidem autem, ex arumna-  
bili hoc seculo, in portum concessère Tran-  
quillitatis Beata, tum Tu verò HEROS IL-  
LUSTR. ac GENEROSISSIME, ita me, absen-  
tem etiam, & nec oculis usurpatum, ample-  
cti gratioso animi intuitu annutuq; cæpisti,  
ut non tam ad eundam Hereditatis dictæ  
portionem hanc, apud Ill. Gen.<sup>rat.</sup> Tuam sen-  
serim, quàm eam pronâ ultroneâq; Benevo-  
lentiâ quadam ac Benignitate, ex ipsâ I. G. T.  
defluere ac quasi de volvi in me sîm expertus.

Dum verò quantum per Calamitates  
Exilii sic licuit, id de priore illo Sacri Ha-  
redii transcripto, etiam usq; cura habui:  
ut aliqua pro Scripturæ locis nonnullis, di-  
lucidius percipiendis, nuperis temporibus  
sîm elucubratus: visum nunc quoq; est, mo-  
rem

rem tenere Legatoris illius mei beati, ut  
Meletematum illorum meorum aliquid ad  
Patronum deferrem, quem ipse ille trans-  
scripsit mihi quoq; ; D Eus autem, ter Beni-  
gnissimus, ex Trigâ illâ Perillustri ac verè Ge-  
nerosâ Fratrum DHONEORVM, clementer  
unum superasservavit.

Cùm id quidem mecum repeto, quibus  
rationibus inductū se scribat, SCULTETUS b.  
m. ut Exercitationū Evangelicarum suarū  
Libros illos duos, qui lucem vidēre, Illustri  
ac Generosissimo Dn. ABRAHAMO, Fratri J.  
G. T. desideratissimo, inscriberet, potiores eadē  
omnes in J. G. T. etiam mihi sese offerunt.

Liceat adeo mihi, gratissima recorda-  
tionis Alloquium, quo ille tum usus fuit, ad  
Heroem <sup>μακαριστον</sup> Fratrem Generosissimum, in  
inscriptione suâ, idem ad J. G. T. tanquam  
modis potioribus omnibus ejusdem similem,  
& Virtutibus ipsis etiam verè germanum,  
hic mutuò accommodare, & mutuatione  
quoq; istâ heredem me, hacce etiam parte,  
Macarita illius, non genuinum tantum,  
sed eventu ipso etiam plenè felicem, tanto  
luculentius probare.

Quæ-



Quærenti igitur (*utor stilo inde prorsus mutuatio*) *querenti, inquam*, animo, Virum Illustrè, qui Philologicis & Theologicis huiusmodi meditationibus delectaretur, Tu Generosissime DOMINE, primus summusq; nunc occurristi. Tibi non tantum datum est, intelligere sinceram Theologiam, verum etiam, (quod longè divinius,) secundum eandem, ex præscripto Magni Apostoli, *σωφρόνως, δικαίως, ἐν φόβῳ* vivere. Tuam in DEum *Pietatem*, ardentes in cælum quotidie missæ Preces; *Charitatem in proximum*, Christiana *σωπρόδεια* &, (quæ *Iustitiæ* ab Apostolo designata pars maxima ex dialecto sacrâ ac Syriacâ intelligi potest) Liberalitas Munifica, quâ tot Exulum miseriam sublevas; *Continentiam*, seu *σωφροσύνην* perpetua in cælibe vitâ Castitas, Temperantiaq; loquuntur. Ac quoniam itidem non ignoras, lampadem FIDEI, oleo lecti & meditati Verbi Divini deficiente, facile extingui, idcirco in Meditatione LEGIS DOMINI frequenter *indefinenterq;* occuparis, & necubi in eâ hæreas, optimis  
qui-



quibusq; Bibliorum Interpretibus Bibliothecam tuam, (*multò illam ex Fraternâ etiam Hereditate antebac instructissimam*) ulterius exornas, qui Tibi obscura illuminent, difficilia explicent. Quem scopum cum mihi in Tractationibus plerisque meis præfixum habeam, & jam pridè expertus sim, non dedignari eas J. G. T. lectione suâ sivevisse: nunc quidem, dubitare nec possum, quin ejus, quam modò expromo, de PAULI PALO TRACTATIONIS Lectio, haut ingrata quoq; sit futura.

Jam verò ea sunt etiam J. G. T. in me merita, ut ingratus porrò viverem, vel etiam (*uti in Domini arbitrio momenta vitæ meæ omnia esse posita agnosco quotidie*) morerer, nisi absq; comperendinatione, & jam nunc aliquid pro tenuitate meâ redhostivem.

Offerro itaq; J. G. T. non manipulum tamen confertum, qualem Illustri macarita germano, SCULTETUS, in Exercitationibus Evangelicis, antè dictis, sed Spicam duntaxat aliquam, de agro Sancto illo, non sine quadam tamen curâ & meditatione,

post uberrimam aliorum meſſem, à me diſ-  
quirendo repertam.

Eam autem tantò magis ſpero J.G.T.  
fore acceptam ac gratam, quantò haut du-  
biè & Iſſa, Ecquid Paulus per Σκρότα il-  
lum vellet, quem ſibi datum eſſe profiteri  
non erubuit, attentius meditata ſecum ſepe  
fuit: atq; Eadem hic animadvertet, remi-  
ſſam exquilius (ἀποκρίτως ſcripſero) poſt  
explicationes aliorum quacunq; in pagellis  
hiſce me ſtudiſſe dare evolutam.

Saltem illud etiam, in ſingulariâ hac  
loci uniùs Tractatione bene uſq; me animat,  
quòd J.G.T. ex SCULTETI ſuffragio nec in  
me improbaturâ illud cenſeâ: quod Arnal-  
dus Caſaubonus (attigi nuper alibi, ſed  
nec hic indignum alienumve idem videtur,  
quod repetam) Filio illi ſuo Iſaaco, Phi-  
lologorum ſeculi noſtri Coryphaeo, in Dio-  
genis Laertii illuſtratione ſibi oblatâ, regeſ-  
ſit. Scilicet, Amplexari quidem iſtam ſe-  
ſe eius induſtriam: ſed gratiorem tamen  
multò rem ita ſibi ab eodem præſtitum iri,  
ſi vel unum aliquod Scripturæ S. Dictum,  
difficultate obſcuritateve involutum, bene



dilucideq; explicatum dederit, quàm si Scri-  
ptorum Profanorum loca vel millena à de-  
pravatione obscuritatéve vindicârit.

Sed & unum illud περὶ τοῦ Σκόλοπος illius,  
apud Paulum, tam intricatum hæctenus  
Comma, sic pertractatum J. G. T. hic spe-  
ro animadvertet: ut quæ in connexis obve-  
niunt verbis, minùs antehac à plerisq; item  
pressè excussa, sic omnia simul agnosci pos-  
sint haut obiter eâdem tractatione esse illu-  
strata.

Me quidem Gratosus G. T. J. Favor  
sic hæctenus animat, & Benevola Spica  
huius susceptio, porrò sic spero animabit, cum  
Bono DEo (qui J. G. T. diutissimè etiam  
bene servet rogo:) ut manum de hinc nec à  
stivâ hac sacrâ, quoad DEus annuerit, te-  
merè sim retracturus.

Scribeb. Lesnæ. Polonor.

Nonis Maj. An, M. Ioc. XLIV.

Illust. & Generosissima Vestra  
Gratositati

Obsequio Votoq; omni  
Dicatissimus

Georgius Vechnerus  
SS. Th. D.



AD LECTOREM  
*Benevolum atq; Eruditum.*

**A** Nimadverti à tempore jam non proximo, posse Paulino loco illi, inter Theologos vexatissimo, ubi, (ut *Vulgata Versio*, habet,) *Stimulum carnis sibi datum*, ait, lucem accendi non exiguam, si *Occasio*, si *Scopus*, si *Verba*, si *eorundem Structura*, si *Vus Vfusq;* ex *Ebraeo Chaldaeq;* idiomate, si deniq; *Ros ipsa*, quibus partibus clarè proponitur, attentius respiciatur: tum verò familiari colloquio Amici cuiusdam, qui loci eius obscuritate se propemodum torqueri, profitebatur, pronuper incitatus sum: ut calamum adhibere statuerim ad ea in schedas regerenda, quæ perspexisse mihi, pro illustratione Textus tam caliginosi, videbar.

Atq; animus primùm erat, agere id paucissimis: ut philurà quasi unà complecterer, quicquid sic essem meditatus. Cùm cœpi autem manum admovere, & mentem penitiùs excutere, atq; quid seu *Veteres*, seu *juniores*, de eâdem re afferrent, connotare, deniq; & ista ad obrussam Divinarum Literarum & Sanæ Rationis contendere: philura, mox una alteri adjicienda venit. Vbi tandem sic justum aliquod operæ pretium mihi facturus judicabar, si Complexionem Narratio=

tionis ejus totam illustrarem, excrevit mihi præter spem, in tot istas paginas, quot nunc comparent, pauculorum versuum istorum pertractatio.

Displicuit prolixitas ea postmodum, mihi propemodum etiã ipsi. Sed Amicorum tamen, eorumq; nec ineruditorum quorundam judicio, ita contruncanda, aut saltem circumcidenda hæc lucubratio non visa est quoq;: ut injuriam censuerint aliqui, bonis haut paucis me facturum: nisi nativã amplitudine suã eam exponerem.

Nempe sic illi rebantur, ut aliqui sint, quibus tria verba sufficere queant, ad loci etiam huius subdifficilis dilucidam perspectionem: esse multò tamen plurimos, qui exegesi requirant benè deductam, atq; vel iteratis & subinde variatis verbis rem eandem exprimenter: esse nec raros, qui à libris destituti, Patrum præsertim, & Auctorum hodie minùs parabilium, cupiant legere verba illorum, bonã cum fide transcripta; non putent satis sibi fieri, si locorum desideratorum, aliquod duntaxat fiat indicium: esse deniq; nonnullos etiam, qui ad Praxin simul aliquam deduci aveant; in nudã sensus Expositione, ægrè acquiescant.

Quibus cum gratificaturus sic fermè omnibus viderer, si Tractationem illam, uti sub manu



hi manu mihi erat nata, expromerem indelibatam: volui nihilominus in Tractatione eadem consulere illorum gustui quoque, qui per titulos ferè & breviora quædam, quod edisseritur, vidisse satis habent. His quidem id destinavimus, quod Dissertationem totam, per Sectiones suas, & iisdem appositas Comprehensiones Summarias, distributam, exhibemus: ut compendium facere possint temporis, ubi moram tædiumve facessere posset continuata lectio. Quamvis & illis, discriminatio ea protractæ Tractationis, usui sit futura, quibus ante lectionem eorum, quæ fusiùs disseruntur, argumenta brevia, velut faciem præferunt, ad expeditiorem eorum, quæ subjunctim dicuntur, intelligentiam.

Sic visus quidem sum mihi, velut arte accommodâ, tranquillaturus, etiam in hoc cibandorum animorum negotio,

*Poscentes vario multum diversa palato:*  
cùm mecum etiam ambigerem, ut Venusinus Poeta olim,

*Quid dem? quid non dem? Renuis tu, quod  
jubeat alter:*

*Quod petis, id sane est invisum acidũq; duobus.*  
Saltem autem duum generum Lectores habebunt, quod non omnino hîc aspernentur. Qui populariùs de re disserere avent, aut aliter nec agere pro auditorum suorum captu, necesse-

neceſſum habent, illi in Palo, ex *Lutheri* mente hîc clarè ſatis, ſpero, expoſito, inveni-ent, quod plebi proponant accommodatè ma-gis, quàm ea proponi ferè poſſunt, quæ vul-gò per nudam Opiniorum variarum comme-morationem, aut incredibilem quandam rei exaggerationem, occinuntur. Certe *Scopi genuini*, (adhibitâ exponendi ratione iſthac,) minùs dememiniſſe, vel ipſi poterunt, vel alios facient: quod nimis eſt proclive fieri, ubi in *ſtimulo, ſurculo, palôve*, nescio quæ po-tiùs conſideratio alia aſſertur, quàm quæ re-ſpectum habeat ad Elationem cohibendam prohibendamve.

Qui exquisitiùs aliquid etiamnum de *Scolope iſto* volent, hi verò, de dictione Chal-daicâ, jam olim in uſum Lingvæ Græcæ vim ſuam quoq; transmittente, nec ipſi non inve-nient, quod peraccommodum ad tractationē accuratiorem agnoſcant. Iſthoc quidem modo, ſpero, *σκόλοψ* ille multò intelligetur, quàm ante hac factū eſt, (præſciſcinè) planiùs, dilucidius, accommodatiùs.

Vix puto ulli ſic non dilucidè clarebit, ex Chaldaicâ illius ſignificationis æſtimatione, ad Græcam vocem hîc accommodatâ, quàm appoſito præpoſitu *ΣΚΟΛΟΥ τῇ σαρκὶ* dicatur ANGELUS SATAN, poſt Revelationum illam *ὑπερβολὴν*, Elationis prohibendæ cauſâ PAULO addi-



additus. Ubi enim prolapsio in vitium aliquod, eaq; perquam in publicum noxia, in Homine aliis præturo ac præturo, metuitur, quid fieri de eo convenientius intelligitur, quam si Præfectus rigidior aliquis illi adstituatur, qui pœnâ velut perpetim intentatâ abstineat, atq; sic ceu *Palo*, *Stimulo*, *Sude*, *Flagellôve ostensô*, Coercitor illi fiat, ne per Carnis imbecillitatem, Occasionumq; proclivitatē, exorbitet.

Quin, si qui voluerint ab istis esse tertii aliqui, inventuri nec hi non erunt, quod per *σκόλοπα* intelligant, *quâcunq; etiam Versione adhibita*: dum illa tantum verba, *τῇ σαρκί*, ita accipiant, ut non carni infixum, impactumve aliquid notetur, sed aliquid carni absterrendæ coercendæve ab Elatione, appositum.

Omnes autem istos, id communiter observasse necesse fuerit, (quod Explanatores ferè nulli antehac monuere, uti nec Interpretes etiam, particulâ commodè aliquâ adscitâ, ulli innuere,) ut *σκόλος* nomen hîc non primò & per se spectandum esse agnoscant: sed ad Angelum Satan referendum esse cogitent. Qui Angelus Satan datus *seu additus* Paulo primò significatur: Quid, Qualisve autem Paulo, ejusve potius definitim Carni, ille fuerit, per verba, *σκόλος τῇ σαρκί* designatur. Quæ adeò verba, quâ collatione, quâ figuratione sic hîc con-

congruentissimè accipi possint, satis, spero, à nobis ostensum deprehenderur.

Genuino loci hujus sensu ad modum istorum aliquem liquidè perspecto, nulli opinor erunt, qui non agnoscent, quàm alienum sit, vel *Stimulos* híc sibi imaginari *Venereos*, quibus Apostolus fuerit, ceu æstro quodam, subinde agitatus; vel *Tentationem* fingere aliquam, qua fuerit ad peccatum aliquod irritatus. Id sanè quod verba, ex *Occasione*, *Scopo*, ac *Circumstantiis potioribus omnibus*, æstimata, prophylacticum quoddam extitisse docent, adversus peccatum, longè ab eo distat, quod incitamentum esse ad peccandum intelligitur. *Allectationis* cujusdam fuisse, malè fingitur, quod *Castigationis* esse potius erat agnoscendum. Terriculum, illicium non est.

Examinetis tamen rem omnem istam penitiùs, qui cùm *Judicio* ac *Dexteritate* agere id potestis.

Nec temerè verò de eo etiam consideratè meditabimini, cur ἄγγελον κατὰν, quem Apostolus uno hoc loco sic nominat, cum Angelo conferri illo monuerim posse, qui Bileamo opponebatur, *lesatan*, ut Ebræum verbum habet: cùm interim Angelus Jehovæ ibidem nominetur. Occurret exquirendum híc aliquid, quod antehac vix fuit in verbis istis observatum.

Quid



Quid de verbis in narratione eadem aliis  
notari mereatur : (ut *το ὑπερβαίνον* accipiatur  
per modum *Conjugationis*, quæ Ebræis dicitur  
*reciproci sensus*, sitq; tantundem, ac *Me Effe-*  
*ram* : ut *το ἰδόν* accipiatur pro verbo compo-  
sito, sitq; tantundem ac *Additus*, seu *Adjun-*  
*ctus* : ut *το καταπίειν* per *Modum Potentialem* ex-  
ponatur : sitq; tantundem, ac, Percutere me  
pugno valeat, seu debeat : ut *το ἰσχυρόν* se-  
cundum suam singularem propriamq; em-  
phasin percipiatur, allusionemq; tabernaculi  
superius protensi innuat : ut alia deniq; com-  
plura, non ita obiter transmittantur) : Philo-  
logiæ sacræ Studioſi, puto, cū jucunditate etiā,  
animadvertent : si pervolvere schedas, quas  
sic offerimus istas, atq; ad finem, cū attentio-  
ne animi, perlustrare voluerint.

Quæ-quæ sic autem puncta tulerimus,  
Lectoris ullius judicio, si propè etiam nulla  
illa fuerint, nobis hoc satis est : Quodd lo-  
cum Scripturæ istum, magnæ ab omnibus dif-  
ficultatis judicatum, sollicitè scrutando illu-  
strare ; atq; sic eo dilucidè illustrato, prodesse  
aliis, opellā non superfunctoriā, studu-  
erimus.

Quod quidem ab initio Tractationis egi-  
mus, ut Explicationes aliorum quascunq;  
tentaverimus Historicè præmittere, easdemq;

singulas modestè examinare: id spero non  
improbabit temerè, nisi qui ignorarit prorsus  
quàm sit benè prudenterq; à *Plutarcho* moni-  
tum, in *Comment. de Virtute Morali*: Vbi,  
*Expedi*, inquit, *breviter aliorum Sen-*  
*tentias percurrere, non tam Recensiois*  
*gratiâ, quàm ut iis priùs expositis,*  
*nostra & Evidentia plus ha-*  
*beant, & Firmitatis.*

ἐπιτάφιος.






De  
PAVLI PALO, à G. V. D.  
*Admodum dilucidè ostensò,*

*Epigramma  
ad Lectores.*

**F**ertur Alexander Macedo, non arte sed ense,  
Nodum amputasse Gordium,  
Spe sceptri Phrygiæ plenus, casuque, modove,  
Sic occupandi, quolibet:  
Vi sapè heroum temerarius impetus id, quod  
Optare nescit, obtinet.  
Haut ita Uechnerus noster mysteria spemq;  
Regni futuri discutit:  
Sed fontes, causas, fines & pondera rerum  
Metitur ac examinat  
Iudicio Logico, veri sensus ad amussim  
Sanctiq; ductum Spiritus,  
Præviaper Christi vestigia; nota Prophetis,  
Apostolis & Patribus.  
Ex scriptis verbisq; DEI: quibus alma Fides se  
Sustentat atq; Veritas.  
Res patet in Pauli Palo Satanag; domanda  
Carni imminente, plus satis:  
De quibus hic Autor prudens ita disserit, ut nil  
Desideretur amplius!  
Ipse etiam, satis attentè qui legeris hæc: nil  
Desiderabis amplius.

*appos.*

Henricus Walther P. Cor. Cæsar.  
Dn. Auctoris profocer,



7  
J  
T  
E  
9

4  
λ  
κ  
8



## PALUS PAULI,

Cuius mentionem ipse facit,  
in posteriore ad Corinth. cap. XII  
v. 7. & seqq.

### SECT. I.

*Vti Textus ille Sacer reverahabeat, in quo  
PAULVS meminit Pali cuiusdam,  
quem hactenus vix planè satis  
habemus explicatum.*

**J**Am inde ferè ab Apostolorum temporibus; exercuit haut parùm, Lectores Commentatoresq; sacros, Locus apud Paulum ille, ubi in posteriore ad Corinthios Epistolâ, XII. cap. Versu Septimo, & qui sequuntur, de se scriptum reliquit:

7. Καὶ τῇ ὑπερβολῇ τῶν ἀποκαλύψεων ἵνα μὴ ὑπεραίρωμαι, ἐδόθη μοι, σκόλοψ τῇ σαρκί, ἄγγελος Σαλάν, ἵνα με κολαφίσῃ, ἵνα μὴ ὑπεραίρωμαι.

8. ὑπὲρ τούτου τρίς τὸν Κύριον παρεκάλεσα,

A

σα,

σα, ἵνα ἀποσῇ ἀπ' ἐμοῦ. 9. Καὶ εἰρήκῃ  
μοι, Ἀρχεῖ σοι ἡ χάρις μου. ἢ γὰρ δύνα-  
μις μου ἐν ἀσθενείᾳ τελειοῦται. 10. ἡδι-  
σα οὖν μάλλον καυχῆσώμαι ἐν ταῖς ἀσθενεί-  
αις μου, ἵνα ἐπισκηνώσῃ ἐπ' ἐμὲ ἡ δύναμις  
τοῦ Χριστοῦ.

Atq; sic Græci Codices potiores omnes  
habent, nullâ usquam lectionum varietate  
aliquâ comparente: cùm *Rob. Stephanus*,  
exemplaria sedecim scripta diligenter  
contulerit, & quicquid illa habuere discre-  
pantiarum, in eâ Editione, quæ *An: 1550.*  
*Latetia*, ex Regiâ Bibliothecâ prodiit, mi-  
nutim expresse-rit.

Nihil admodum etiâ à Græco recedit  
*Metaphrasis Syriaca*, quæ longè omnium An-  
tiquissima, ab Eruditissimis quibusq; agnosci-  
tur: sive illam, uti à *Gvidone Fabricio Bo-  
derano*; sive, uti à *Francesco Iunio*, Latinè red-  
ditam habemus, intuearis.

*Fabricius* quidem sic habet: "Et ne efferrer  
excellensâ revelationum, datus est mihi stimulus  
in carne meâ, nuncius Satana, ut colaphis cede-  
ret me, ne efferrer. Super hoc ter obsecravi Do-  
mi-



minum meum, ut discederet à me. Et dixit mihi: Sufficit tibi gratia mea: Siquidem virtus mea in infirmitate perficitur. Libentissime igitur gloriabor in infirmitatibus meis: ut obtegat me virtus Mesehiho.

Iunius autem: Et ne extollerer propter excellentiam revelationum, traditus est mihi stimulus carni mea, angelus Satana, ut colaphis caderet me, ne extollerer. Super hoc ter petii à Domino, ut removeret à me. Et dixit: Sufficit tibi gratia mea. Virtus enim mea in infirmitatibus perficitur. Libenter igitur gloriabor in infirmitatibus meis, ut protegat me virtus Christi.

Quæ omnia Græcis satis propè congruunt, nisi fortè, vocem *Schephaja*, quam uterq; etiam interpretes *stimulum* reddit, pressius ad Græcam, *σκόλοψ*, expendendam fuisse statuas: & Iunium propius Syriaco textui ibi accessisse agnoscas, ubi simpliciter reddidit, *Carni mea*, quàm *Fabrscium*: qui reddidit, *in carne meâ*: cum in Syriaco, litera legatur tertii, non sexti casus index: ut ut pro *Fabricij* interpretatione, Iunius in Scholiis etiam faciat. Alia minutiùs hîc observare, supervacuum censerî posset: id unum prætereundum non est, quòd, ubi in *Græco*, articulus nomini *Σαλὰ* nullus additus legitur, in *Syriaco* addita reperitur litera, quæ casus secundum

cundi est index : *Malache de satana,*

Sic *Græco* Textui cū *Syrus* propinquē propemodūm per omnia accedat : *Vulgatus* tamen *Latinus Interpres*, aut *Græcum* Textum habuit, ex parte ab illo, quem præmiffimus, variantem; aut, si eundem prorsus habuit, seu supiniūs illum inspexit, seu licentiosius sensum verborum exprimere ausus est: cū reddidit: *Et ne magnitudo revelationum extollat me, datus est mihi stimulus carnis mee, angelus Satana, qui me colaphizet. Propter quod ter Dominum rogavi, ut discederet à me. Et dixit mihi: Sufficit tibi gratia mea. Nam virtus in infirmitate perficitur. Libenter igitur gloriabor in infirmitatibus meis: ut inha-* *habuerit in me virtus Christi.*

Nemo, puto, non facilē perspicit, ex casu sexto, *magnitudine*, seu *excellentiā*, factum esse primum, *magnitudo*; ex casu tertio, *carnis mee*, factum esse secundum, *carnis mee*; deniq; ut præmittamus alia, omiffam esse repetitionem verborum, ut *extollar*; item voculam, *mea*, ubi virtutis fit mentio. Quæ quantū expendisse referat, suo postea loco parebit.

Ipsa quidem *Vulgatæ* *Versionis* verba, ex Antiquioribus usurpare *Cyprianus* videtur: bis tamen, dum ea repetit, id semper, post colaphizandi verbum, addit: *ne extollar* tum



5  
tum de Mortalitate f. 9. tum lib. 11. Testim.  
ad Quirin. f. 6.

Tertullianus, ubi Vulgato Interpreti, &  
aliis, adhibitum est *stimuli* nomen, *sudem*  
semper dixit, quoties eius loci meminit: ut  
videre est lib. de Fuga in Persec. cap. 2. Et lib.  
de Pudicit. c. 13.

Augustinus, in Quaestionibus Super Ju-  
dicium n. 6. à Vulgata sic quoq; abest: ut ha-  
beat: *colaphizantem Angelum* Apostolo esse  
datum, ne magnitudine revelationum extolle-  
retur.

Proximioris ævi Interpretes,  
cùm à Græco recedere minimùm voluerint,  
sic tamen, ubi *οὐλόφ ἡ σαρκί* nominatur, va-  
riant: ut Fabro Stapulensi, placuerit, *flagelli*  
nomen: dum habet: *flagellum carni, An-  
gelus Satan.*

Erasmo, *stimuli* quidem nomen reten-  
tum est, uti & Castellioni, sed ille reddidit ta-  
men, *Ne excellentiâ revelationum supra mo-  
dum efferrer, datus fuit mihi stimulus per carnem,  
nuncius Satana:* hic, *Ne ob patefactionum præ-  
stantiam me nimis efferam, appositus est mihi sti-  
mulus carni, angelus Satana.*

Beza, dum primis verbis Erasmus secu-  
tus est, pro *stimulo*, *Sunculi* nomen adhibu-  
it, atq; olim reddidit: *datus est mihi suncu-  
lus infixus carni & angelum Satan;* posteriori-

bus annis, pro  $\Theta$  reposuit, nempe.

*Germanis* Interpretibus, *Luthero*, *Tiguri-  
nis*, *Polano*; visum est *Pali* nomen congru-  
entius esse: (*Ein Psal*) verbaq;  $\tau\eta\sigma\alpha\gamma\epsilon\iota$ , red-  
dere, inß fleisch, ut palus carni impactus no-  
tetur: quod *Tigurini* tamen reddidère,  
meinem fleische: qui etiam habent, des Teu-  
felfß bote, ubi alii habent, des Satansß Engel.  
*Emserus*, vulgatam Latinam secutus, habet,  
Der stachel des fleisches, nemlich der Engel desß  
Satansß.

*Belga*, in *Versione* cum *Marlorati* notis  
conjunctâ, habent, een sprute in het vleesch:  
In Recentissimâ, atq; Exquisitissimè elabo-  
ratâ, een scherpe dorn in het vleesch: nomi-  
niq; Angeli Satanae, præposita idem particu-  
la, nemlicß, nempe.

*Angli* habent, a thorne in the flesch:  
*Galli*, une escharde en la chair: quod *Bezae*  
judicio idem est, ac *sarculus*.

*Iohanni Cameroni*, locorum *Scripturae* in-  
volutionum explicatori felicissimo,  $\sigma\kappa\acute{\epsilon}\lambda\epsilon\upsilon$   
est *asula*, vel etiam, quicquid acuminatum  
corpori humano insignitur, undè nascitur dolor  
acutissimus: ut inquit, in *Mirothecio*.

Qualiscûq; sic autè ista Interpretationû di-  
versitas, maior est multò in *Explicationibus*,  
olim hodieq; prolatis, varietas. De qui-  
bus



7  
bus absq; re spero non erit, videre, quæ sint,  
quidq; ferant, si consideratiùs excutiantur: ut  
sic tandem exquiramus, quid secundum Con-  
textus eius vestigia deprehendi, secundumq;  
Scripturæ Sacræ obrussam probari possit.

## SECT. 2.

*Qua potissima in loci ejus Explicatione  
harendi, aberrandive causa fuerit.*

**P**leriq; sic omnes Interpretum, partim  
olim minus habuere pensi, quòd in  
Græco non dicatur σκόλοψ τῆς σαρκὸς, sed  
σκόλοψ τῇ σαρκί; partim hodieq; non satis ani-  
mum advertere, ad connectendi rationem,  
& interpungendi, quæ in verbis istis, ubi  
σκόλοψ τῇ σαρκί nominatur, venit observanda,  
& tanquam verbis pariter rebusq; accomoda  
congruaq; agnoscenda est.

Vniuersi ferè verba ea, uti in Textu se-  
consequi cernuntur, respicienda & expen-  
denda putavere: Atq; cum primò nomine-  
tur σκόλοψ τῇ σαρκί, inde postea subjungatur,  
ἄγγελος Σαδαν, in illud ante omnia incubuere:  
ut explicarent primò, quid *Stimulus ille carnis*  
(uti pars maxima Latinorum vocem Græ-  
cam illam reddidit) denotaret: deinceps de-  
mum

num seorsum, quid *Angelus Satana* vellet, & quo isthuc modo referretur, expenderunt: cum respiciendum, seu vi structuræ Græcæ, seu propemodum rei ipsius ductu, præcipue fuisset, ad *Angelum illum Satana*, deq; eo postmodum videndum, quâ ille ratione, *σάτορ τῆ σαρκὸς* fuisse, dici posset.

Quod si cui fortè minùs etiamnum planum hoc loco, certuq; dum simpliciter sic affirmatur, existere videtur: puto fiet id multò deinde planissimum, quantumq; satis esse poterit, certum, ubi congerie quadam exemplorum ostendetur, eam structuræ rationem, in humanis pariter divinisq; literis, esse admodum tritam: rei autem præsentis vix aliud congruentius etiam cogitari posse, ac quod hoc declarandi illustrandive modo intelligendum tandem venerit.

Quamvis & solo istiusmodi connexionis & consequentiæ indicio apud perspicaciores opus sit: ut agnoscant, vix aliter quadrare verba hæc Apostoli inter se rectius, quàm si Paulus cogitetur dicere, *datum sibi esse Angelum Satana, qui fuerit σάτορ τῆ σαρκὸς*.

Sed de eo postea, ubi nunc antea viderimus, quid senserint, vel opinati fuerint, qui sic directè primoq; respiciendum sibi putarunt in verbis hisce, ad *Stimulum carnis*, seu *σάτορα τῆ σαρκὸς*, quem Paulus vocat.



SECT. 3.

9

Σύνοψ. *Pauli Augustino alicubi vix per-  
spectus, quid sit: ab Aliis ad Cruciatum  
quendam, seu Morbum corporis re-  
latus, eumq; à diversis  
diversum.*

**A**ugustinus, cum alibi aliter de re eā-  
dem disserere videatur, *libro de Nat.  
& Grat. contra Pelagianos c. 27.* quid  
sit ille Pauli stimulus, se haut omnino per-  
spectum habere, significat, cum inquit: *Pro-  
cul dubio firmissimum volebat Apostolum efficere  
(DEUS) cui tamen dixit, virtus in infirmitate per-  
ficitur: & non ei toties oranti aufert nescio quem  
stimulum carnis, quem sibi dicit datum, ne ma-  
gnitudine revelationum extolleretur.* Quam-  
vis sic innuat propemodum, judicare sese,  
stimulum illum ita fuisse comparatum, ut  
aliquid cum peccato conjunctum habuerit:  
quàm ut prorsus se id nescire dixerit, uti qui-  
dem *Cornelio à Lapide* visum est.

Pleriq; aliàs inter Antiquos Ecclesiæ Do-  
ctores, (quod ab *Augustino* etiam ipso sit alio  
loco) utut idem, quod referunt, non perin-  
de omnes probent, commemorerunt fere,

A 5

fuit

fuisse jam illis temporibus, aut etiam antè ipsos, qui stimulum carnis de *Cruciatu* quodà corporis, ac *Morbo* fuerint interpretati, qui Apostolo familiaris extiterit.

Ita *Tertullianus*, *Dolorem Auricula vel Capitis*, ex quorundam opinione denominat, per quem anima non aliunde, quàm ex summâ Sanctitate & ex omni Innocentiâ elata, fuerit in Apostolo cohibita: ut loquitur *lib. de Pudicit.* c. xiii,

*Basilus M. in Asceticis, cap. lv.* ubi de Arte Medicorum exquirat, An operâ illorum uti non repugnet Pietatis scopo: tum id monet generatim primò, Sæpenumèrò, ubi disciplinæ gratiâ incidimus in morbos, id iudicii à Domino in nos ferri, ut pars quædam disciplinæ sit, molestam ferre curandi rationem: tum verò speciatim deindè immissi Iobo à Satanâ morbi meminit, itemq; ulcerum Lazari: atq; tandem Apostolum etiam, tanquam simili aliquo malo, per Satanæ infestationem affectum, subiungit: inquiens; *Invenimus verò & aliam quandam infirmitatum causam, qua sanctis contingant: ut patet in Apostolo.* Etenim, ne videretur conditionem humanam excedere naturam, & ne quis ipsum singulare quiddam in naturali constitutione & excellens habere putaret, quemadmodum faciebant Li-



eaones, coronas ac tauros ad offerendum adducentes, ad evidens natura humana argumentum, abunde satis infirmitati erat obnoxius.

Augustinus in Expositione Psal. cxxx. definitum aliquid de stimulo, quem alibi se nescire innuit, adducens, *Intendite*, inquit, *rem tremendam vobis dico. Propter magnitudinem*, inquit Paulus, *revelationum, ne extollar, datus est mihi stimulus carni mea, Angelus Satana, qui me colaphizet. Quid est hoc, Fratres? Ne extolleretur tanquam juvenis, colaphizabatur tanquam puer! Et à quo? Ab Angelo Satana. Quid hoc est? Doloze quodam corporis traditur axagitatus vehementer. Dolores autem corporum, plerumq; immittuntur ab angelis Satana. Sed hoc non possunt nisi permessi.*

Hieronymus, aliorum item potius meminit, quàm ut suam omnino sententiam profert, & ad *Dolorem Capitis* stimulum referri indicat, cum in Commentariis ad Paulinas Epistolas, quæ ejus nomine venditari solent, ad hunc ipsum locum, *Quidam*, inquit, *dicunt, eum frequenter Doloze Capitis laborasse.* Sed & in iis Commentariis, quæ ejus certò esse agnoscuntur, commemorat eandem sententiam, puta in *Comm. ad Gal. iv. ubi vers. 13. Paulus scripsit, Scitis autem, quia per infirmitatem carnis evangelizavi vobis jam pridem,*

Es ten-

Et tentationem vestram, quæ erat in carne meâ non spreveritis, & subiicit; præmissâ expositione aliâ: Aut certe suspicari possumus, Apostolum eo tempore, quò primum venit ad Galatas, agrotasse, Et aliquâ corpusculi infirmitate detentum, non cessasse tamen, nec vocem silentio repressisse, quo minus cœptum Evangelium predicaret. Nam tradunt eum gravissimum Capitis dolorem sæpe perpesum, Et hunc esse angelum Satane, qui appositus ei sit, ut eum colaphizaret in carne, ne extolleretur. Hæc infirmitas Et langvor hic corporis, apud eos, quibus annuntiabatur Evangelium, tentatio fuit: an contemnerent eum, sublimia promittentem, quem langvoribus corporis subiectum videbant.

Non reticet eam, de Capitis dolore sententiam Chrysostomus, quamvis minimè illam probet, tum in Homiliâ ad Epistolam istam, xxvi; tum Homil. de Laudibus Pauli vi.

Gregorius Nazianzenus, Orationem, quam in laudem Basilii dixit, sic finit, ut conversus ad illum, Tu verò, sacrum Et divinum caput, inquit, nos cœlitus respicias, carnisq; stimulum nobis à Deo ad disciplinam datum, aut precibus tuis sistas; aut persuadeas, ut forti animo perferamus. Cùm nihil sic ipse explicare, vel definire ausus fuerit, quo stimulum illum (ut reddidit interpres, I. Billius) Nicetas Serre-



*Serronius*, Scholiaſtes, qui ante ſecula nunc  
quinque, & quod excurrit, floruit, designa-  
te annotavit: (n. 105.) *Renum infirmitatem*  
ſignificari, atq; *Articulorum debilitatem*, ſive  
*Podagram*. Sic enim, ſubiicit ulterius, locum  
illum Pauli, de corporis Infirmitate, & non  
de fomite concupiſcentiæ, Veteres quidam  
intellexerunt.

*Hugo de S. Charo*, Cardinalis, qui primus  
in excogitandis Concordantiis Bibliſis au-  
ctor extitiſſe ſcribitur, aliud etiamnum mor-  
bi genus nominat, ad quod ſtimulum illum  
aliqui retulerint, *Dolorem lateris* nimirum,  
ſive *Iliacam paſſionem*. Cuius mali memi-  
nit quoq; ad locum hunc Epistolæ Paulinæ  
*Thomas Aquinas*, inter Dd. Scholaſticos,  
quos vocant, celeberrimus ille, & nomen Do-  
ctoris Angelici apud admiratores ſuos adep-  
tus. Nec reticet eandem *Lirani*, in gloſſis,  
quas ad libros ſacros ſcripſit, nemini Theolo-  
gorum ignotis: cū inquit, dici de Apoſto-  
lo, quòd graviter fuerit vexatus *Iliacâ paſſione*.

Nec deſuere quoq; qui *Stomachi agri-  
tudinem* quandam hic intelligendam cenſuerūt:

Facit mentionem quoq; *Comitialis mor-  
bi*, aut *Incubi*, vel *Vertiginis* capitis, *Vir  
Clariss. P. Molinaus*, in Vate ſuo, ubi de loco  
iſto Paulino, diſſerit. Non ille quidem  
deſi-

definitum Morbum audet nominare, quo cum Paulus omninò conflictatus fuerit: sic interim putat incommoda, quæ circa loci huius interpretationem occurrunt, effugi facillimè omnia, si per *carnem* intelligatur Corpus, & per *stimulum* in carne Morbus aliquis, quo Paulus per intervalla fuerit vexatus. *Sunt enim*, inquit, *morbi corporis ad inhibendam animi superbiam accommodatissimi. Quis fuerit hic morbus, an Comitialis morbus, an Incubus, an Capitis Vertigo, nostrum non est definire.* Ab hoc morbo, cum Paulus obnixè peteret à Deo liberationem, iussus est abstinere hac petitione: quia DEI virtus perficitur in humana infirmitate. Sic enim visum esse DEO, uti operà hominis infirmi, ad promovendum Evangelium: ut gloria tanti successus, non homini sed DEO tribueretur. Eiq; DEUS promissit gratiam suam, id est, opem inter infirmitates. Quasi diceret, abundè tibi sit, quòd te non deseram, non infirmitas corporis tus retundet alacritatem tuam in opere Evangelii, aut sufflaminabis industriam, aut successum impediet. Potestq; eadem promissio aptari salutì animæ, ad quam DEUS nos perducit per infirmitates animi & corporis. Cessitamus quidem & claudicamus, in rectà viâ: ita sit, ut το χωλὸν μὴ ἐκτραπῇ, ut claudicans non abducatur à rectà viâ: Heb. XII. 13. Summuq;  
hac



*hac in re similes Iacobo, qui claudicans pervenit  
Betholem, id est, in domum DEI fortis.*

Attexere sic planè hic libuit *Cl. Molinas*  
verba: ut luculentiùs pateat, quid sententia  
hæc probabilitatis habere queat: si cui fortè  
videatur, contextu toto, ut fiet hoc in sequen-  
tibus, strictiùs expenso, eandem præ cæteris,  
vel tum etiam, amplexari. Fervè n. fieri  
solet, ut ob privatas experientias, sicut aliis in  
locis, ita in hoc quoq; cum maximè, sententia  
una videatur aliis quibusvis apud nonnullos  
esse potior. Quibus nihil adeo, quod expède-  
re possint, subductum ex oculis volumus.  
De *Melancholia morbo*, inter Medicos  
quoq; fuit, qui stimulum carnis, ex hoc nem-  
pe Pauli loco, appellitari posse, scripsit, *Nico-*  
*laus* nimirum *Kleinfeldius*, *Gedanensis*: qui in  
Appendice ad *Pathologiam*, quam compendio-  
sam edidit, lib. 1. cap. 18. *Quadam Melan-*  
*cholia*, inquit, adeo est contumax, ut omnem cu-  
ram Medici eludat: quædam suas periodos ha-  
bet, in quibus angustias cordis consuetas reiterat,  
cor sua mole premit, & quasi ludibris vexat: qua  
vexatio, vel pedagogia carnis, vel aliàs stimulus  
carnis non immerito nominari potest. Sed au-  
diendæ sunt, præter eas, quas hucusq; expo-  
suimus, aliæ quoq; aliorum sententiæ.

## SECT. 4.

Σκόλοϛ Pauli ad Afflictiones seu Adversitates & Hostilitates, ærumnasq; & injurias varias relatus. A quibus & ad quales, tam apud Veteres, quàm apud Juniores.

**S**Vnt igitur ulterius, qui ad *Afflictiones Hostilitatesve* referendum potiùs σκόλοϛ illum Angelumq; Satanæ, censent; aut ad *Ærumnas & Injurias*, quas Paulus permultas gravesq; ac acres, in functione sacrâ Apostolatus sui, experiebatur.

Quâ mente Cyprianum fuisse apparet, cùm libro de *Mortalitate* (Pestilentiam sic vocat) pulchrè de adversis quibusq;, præsentis animo perferendis, disserit. Inquit initio: *Ad omnia te paratum facere Timor D&I & Fides debet. Sit licet rei familiaris amissio; sit de infestantibus morbis assidua membrorum & cruenta vexatio; sit de Vxore, de Liberis, de excedentibus charis, funebribus & tristis avulsio: Non sint tibi ista scandala, sed praelia: Nec debilitent, aut frangant Christiani fidem, sed potiùs ostendant in colluctatione virtutem: cum contemnenda sit omnis injuria malorum presentium, fiducia futurorum bonorum; &c.* His speciarim de Paulo



Paulo deinceps subijcit : Sic & Apostolus Paulus, post naufragia, post flagella, post carnis & corporis multa & gravia tormenta, non vexari, sed emendari se dicit adversis : ut dum gravius affligeretur, verius probaretur. Datus est mihi Stimulus Carnis mee, Angelus Satanae, qui me colaphizet, ut non extollar. Sic lib. 2. Testimon ad Quirin f. 6. Bonos, inquit initio, quosq; & justos plus laborare, sed tolerare debere, quia probantur, apud Salomonem : Vasa figuli probat fornax, & homines justos tentatio tribulationis &c. Ibidemq; subjungit : De hoc ipso ad Corinthios secunda, Datus est mihi Stimulus Carnis mee : &c.

Sic Chrysostomus, Adversarios seu Hostes ab Apostolo hic denotari putavit, quos multivarios atq; graves Deus plerubiq; locorum illi objecerit, Quod Paulus, inquit, hoc loco ait, de Angelo Satan, nempe, hanc habet sententiam : Deus predicationem latè & feliciter progredi non permisit, quo animos nostros demitteret : verum adversarios in nos impetum facere passus est. Hoc n. ad depressendum fastum vni habet : nō item ille capitis dolor : (in evo de ζου- in τὸ τῆς κεφαλῆς.) Quocirca per Angelū Satanae, Alexandrum Averium, Hymenaeum, Phile- sum, ac deniq; omnes, qui fidei doctrina adver- sabantur, atque cum ipso contendebant, ac bellum  
B gere-

gerebant, eumq; in vincula conjiciebant, eade-  
bant, ac raptabant, intelligit: quod videlicet ea,  
qua Satana erant, perpetrarent. Quemad-  
modum n. Iudeos, Diaboli filios vocat, quod il-  
lius opera imitarentur: sic etiam Satana Ange-  
lum, omnes eos nuncupat, qui fidei doctrina ob-  
sistunt. Sic Chrysostomus.

Ambrosius paulò generalius, Hoc ergò  
remedium datum est, inquit, Apostolo, ut injuriis  
pressus, animo non possit extolli, magnitudinem  
revolutionum: quia otiosum pectus necesse ha-  
bebat in iis, quæ viderat, extolli. Theodoretus,  
similiter Angelum, inquit, Satana injurias, con-  
tumelias, & populorum insurrectiones Paulus  
appellavit. &c. Accedit eidem interpreta-  
tioni Occumenius.

In *Quæstionibus*, quæ *Operibus Athanasii*  
subiuncta leguntur, præcisè item verba ista ad  
Alexandrum referuntur, Fabrum illum: Hy-  
menæum item & Philetum, verbis ejusmodi,  
ut Responsio ad Quæst. CIX. videatur ex  
Chrysostomo deprompta planè esse,

In *Commentariis*, quæ *Hieronymo* adsi-  
gnantur in hanc Epistolam, per Stimulum  
Carnis, scribit auctor ille. *Tentationes perse-  
cutionum se sustinuisse Apostolus significat.*

*Hugo Cardinalis*, præter alias quas addu-  
cit sententias, intelligi etiam posse innuit,  
cormen-



Tormenta tyrannorum, & persecutiones & inopiam rerum, refertq; huc illud *I. Cor. IV.* Esurimus, & sitimus, & nudi sumus, & colaphis cedimur.

Faber Stapulensis, in Canonibus Epistolarum Paulinarum, accipit itidem de Pressuris secundum carnem, quas Malignus, ait, suscitabat adversus Paulum, tam mirifice secundum mentem divinis infusionibus & revelationibus confortatum.

Erasmus Roterodamus in Paraphrasi, Permissit propiti Numini, inquit, additus est mihi Stimulus & afflictio corporis, quæ & me me com-monefaciat, & apud omnes me mortalem arguat, communibus obnoxium malis. Additus est autem affligendo mihi, qui rem Christi ago, nuncius ac minister Satana, qui meo obstrepat Evangelio, meq; sevisimis persecutionibus divexet: perinde quasi colaphos impingat in caput meum, desiciens ac deprimens me, ne supra modum extollar.

In Annotationibus, Mihi, inquit, proximum videtur, quod ait Ambrosius, Insectationem malorum hominum, quæ illi negotium facessabat assidue, vocari stimulum.

Erasmum, nulla nota sequitur in Commentariis suis Conradus Pellicanus, hautq; pauci alii.

Lutherus eodem collimat, cum in Explicationibus

onibus Epistolarum Dominicalium, Germanicè illis primùm scriptis, sed in Latinum postea quoq; translatis, inquit. *Non displicet, per Plagas & Verbera Satana intelligi afflictiones, q. d. Per magna ista revelationes mihi quidem divinâ benignitate contingere; sed simul Palus carnis est alligatus. h. e. maxima illa pericula calamitates & afflictiones quibus carnem meam Angelus Satana verberat, castigat, & humiliat, ut facile arrogantiæ & Superbia obliviscar.*

Non aliò tendit, Bullingerus. cum scripsit in Comment. *Revera ex eo Palus præacutus est. Hic verò metaphoricè accipitur. pro adversitate subinde excruciante carnem totumq; Apostoli corpus. Sequitur enim per interpretationem, Angelus Satan. Significat autem angelus nuntium & fere ministrum. Satan verò adversarium. Posuit ergo Apostolus speciem pro genere, vel personam pro re, ut intelligas cunctum adversariorum, Pseudoapostolos & persecutores verbi Dominici; vel omnis generis adversa, quæ affligebant carnem Pauli.*

Musculus Dusanus, inter Commentatores nuperi seculi multò accuratissimus, cum Chrysostomi sententiam maximè prober, eumq; propiùs ad Apostoli sensum accessisse iudicet, subjungit nihilominus, pro sua omnino sententiæ explicatione, ut definitè adver-



adversarium singularem notari arbitretur, ex Pseudoapostolis aliquem: *Existimo tamen*, inquit, loqui Apostolum hoc loco, de singulari quodam, & insigniter malo adversario, quem angelum Satana singulariter vocet: qualis fuit Alexander, qui non uno tantum loco molestus ipsi extiterit, sed ubilibet ipsi infensissime adversatus fuerit. Hunc comparat suis ac paxillo: quod quemadmodum sudes praecuta carne pungendo affligit, sic sit illius infestationibus, veluti punctiōibus afflictatus.

Beza, licet in minoribus Notis suis alio respiciat, ut suo loco paulò post patebit, in Annotationibus tamen, An. 1578. editis, ad Contumelias & injurias omnifarias generatim refert. Quid per istos aculeos intelligendum sit, inquit, non puto longius querendum esse, sed ita metaphorice intelligi gravissimas & animi & corporis punctiōes, in illis, quas mox vocat *adversitates*: contumeliarum nimirum, & injuriarum omni genere, quae gravissimè ipsum fodicabant, quantum vis fortiter omnia perferente, ad eorum allevationem quandam petere cogeretur.

Atque hanc sententiam, quam de Auctoribus potioribus, tam Antiquis, quàm Recentioribus sic expressimus, plusquam illi multi sunt, qui hodieque sequuntur: ut vel nominare eos longius esset futurum. Sanè

vel ista de Auctoribus prædictis hic attulisse  
 radiosius accidisset, quàm ut lubenter idagere  
 mus: nisi Lectoribus gratificari iis studuis-  
 semus, qui quibus quisque verbis suam senten-  
 tiam protulerit, nosse cupiunt, quàm recen-  
 sionibus aliorum simpliciter acquiescere, nimis  
 sæpe ab iis qui nominantur auctores, exor-  
 bitantibus.

## SECT. 5

*Σύνοψις Pauli ad Stimulos Venereos rela-  
 tus: A quibus, & ad quales: (nempe Fæ-  
 das Carnis libidines, & Importunas Co-  
 gitationes: ) ut & per quam Feminam ta-  
 lium occasio illi præbita  
 fuisse fingatur.*

**L**ibuit nonnullis, ad Stimulos quoque Ve-  
 nereos (Seu Veneris, ut appellantur apud  
 Lucretium Lib. 4. de R. N.) referre ista  
 Pauli verba, quibus vir sanctissimus li-  
 cet, ex Dei consilio tamē, extiterit obnoxius.  
 Quam Sententiam Liranius, alteri, cuius ante  
 mentionem fecimus, subnectit: dum inquit:  
*Vel Stimulus carnis, dicitur Tentatio peccati car-  
 nalis, que fortius concupiscentiam movebat, post  
 revelationes, quam ante, permittente Deo: quam*

tamen  
 170110



tamen refrenabat adiutorio Gratia divina. Et Colaphizet, inquit, Carnis concupiscentiam suis tentationibus incendendo.

Sic *Nicolaus de Gorram*, Stimulos carnis, interpretatur, tentationes libidinis.

*Abulensis* ad Exod. XII. quæst. 48 *Litera Pauli*, inquit, sonat, quod non vult Paulum cruciari à Damone, sed à Concupiscentiâ carnali &c.

Atq; eundem in modum, interpretantur ista Pauli verba pleriq; omnes, è genere Monastico, ob causam hanc dubiè, vix potiore aliam ullam, quàm quòd ejusmodi tentationibus se divexari subinde, ac torqueri, præ aliis sentiunt: tum verò, ut argumentum inde, pro Cœlibatu Volitivo, suffulciant, quàm arguantur, Paulum hanc svasisse, I. Cor. VII. uxorem ducere propter tentationes: quia etiam ipse Stimulis Carnis tentatus fuerit, neq; tamen uxorem duxerit.

*Gulielmus Bailus* Iesuita, in Catechismo Controversiarum, ubi de Concupiscentia seu Reliquiis peccati Originalis post Baptismum in homine regenito disputat, eò etiam sententiam istam accommodat (quæst. XIV.) ut videatur evincere, primos motus, & primam ideam peccandi, quæ homini obrepit, peccatum mortale non esse: quia scilicet ex

sensu huius loci. S. Paulus *fedis carnis imaginationibus laboravit, nec Deus eum ab importunis illis cogitationibus liberavit.* Quibus verbis, sic magis etiam explicari patet, quos qualesq; stimulos intelligant, dum *Fedas carnis imaginationes. Importunasq; cogitationes* tam explicatè in isthoc dicto urget.

Ex *Vetustioribus Ecclesia Doctoribus*, ægrè invenies aliquem, qui Pauli verba in eum omnino sensum, vel accipienda censuerit; vel etiam a quibusdam primorum Seculorū sic accepta saltem fuisse commemorarit.

*Bellarminus* tamen, dum ex loco isto Pauli, contra alterum *I. Cor. VII.* id molitur obtinere, quod diximus, *Augustinum* audet præ aliis nominare, qui narrationem istam Pauli acceperit in illum, de Venereâ Tentatione, sensum. *Chrysostomo, Theodoretto, Oecuménio, Theophylacto Augustinum* opponens, *Illud quidem est verum*, inquit, *hos Patres referre hunc locum ad persecutiones: tamen S. Augustinus in Psal. LVIII. Concione secundâ, contendit Stimulum carnis aliquid significare, quod verecundiam & pudorem afferat, & quod nemo de tanto Apostolo ausus fuit dicere, nisi ipse hoc de se confiteri non erubisset.* Accertè, (addit porro Cardinalis, ut quod vult, ex Augustino exsculpere videatur) *nullus est pudor, do-*  
lorea



*lores capitis, aut persecutiones confiteri.*

At enim, in quem omnino sensum *Augustinus* verba ea Pauli acceperit, & quam alicubi dubius etiam, de vi illorum verè expremenda, extiterit, jam constare ex iis potest, quæ antea a nobis adducta sunt.

Id nullam etiam necessitatem habet, ut dum *Augustinus* scribit, tale aliquid, *Paulum de se confiteri. quod nemo nostrum ausu fuisset de tanto Apostolo dicere, nisi ipse de se confiteri id non erubuisset*: ut inde colligatur pudendos quosdam Veneris stimulos sic notatos ab ipso fuisse: cum capitis dolores, aut persecutiones confiteri nullus sit pudor. Scilicet, nihil esse aliud potest, in quo indigitando formula illa loquendi, qua usus est *Augustinus*, locum habeat, nisi id, ob quod Monachi pudorem ferè experiuntur! Et verò, dum *Augustinus* verba Pauli sic recitat, ut stimuli carnis non simpliciter mentionem faciat, sed cum talem fuisse disertè addit, quod colaphizaretur Paulus, jam innuit, non in stimulo, sed in colaphizando esse, quod pudorem, quod verecundiam afferre queat: cum colaphizatio genus quoddam castigationis innuat cum dolore pariter aliquo ac pudore conjunctum.

Sed si cui libet *Augustini* vindicias ab isto

sensu pleniore vide, adeat is *Chamierum* in *Panstratiâ* de *Votis*, lib. XX. cap. 19. Vel potius ipsum *Augustinum* audiat mihi, ut planè loquitur, in Concione illâ, ad quam *Bellarminus* provocat. Si enim verba ejus de contextu integriore spectentur, quàm uti à *Bellarmino* decurtatim perstringuntur, vel etiam à nonnullis adduci solent, plusquam liquidò animadverti poterit, quò potius se referant, quàm ut necesse sit ad illos à quodam stimulos restringere.

*Illud est vitium Capitale*, inquit *Augustinus*, Concione dictâ, quòd cum quis, benè profecerit, *Superbiâ* tentatur, ut perdat totum, quod profecit. Deniq, omnia vitia in malefactis commendanda sunt, *Superbia* in benefactis plus merenda est. Non itaq, mirum, quia sic est humilis *Apostolus*, ut dicat, *Quando infirmor, tunc fortis sum*. Nam hoc vitio ne ipse tentaretur, quale sibi medicamentum dicit appositum, contra tumorem à Medico, qui sciret, quid curaret. Ne magnitudine, inquit, revelationum extollar, datus est mihi stimulus carnis mee, *Angelus Satane*, qui me colaphizet: propter quod ter Dominum rogavi, & dixi mihi: sufficit tibi gratia mea: nam virtus in infirmitate perficitur. Videte quæ sunt consummationes. *Apostolus*, *Doctor Gentium*, pater fidelium per *Evangelium*, accepit.



accepit stimulum carnis, à quo colaphizaretur.  
 Quis nostrum hoc dicere auderet, nisi ille confiteri non erubesceret? si enim dixerimus, hoc nec passum fuisse Paulum, cum ei quasi honorem deferimus, mendacem facimus. Sed quia verax est, & verum dixit, oportet ut credamus, datum illi esse angelum Satanae, ne magnitudine revelationum extolleretur.

Inter Augustini opera, Opusculum aliàs visitur, Tomo primo, in fine collocatum, de vitâ Eremiticâ ad Sororem: habetq; illud Subscriptionem in Editionibus plerisq; olim hodieq; apud Pontificios evulgatis, talem: ut ab Augustino profectum videri queat. In eo sanè refertur cap. XXVII. Historia de Monacho, se propter castitatem in aquis immergente, & rursus affligente & orante, stimulum carnis tamen extinguere nequeunte. Verba quæ illhic leguntur addam: Novi ego Monachum, qui, cum initio suæ conversationis, tum naturalibus incentivis, tum violentiâ vitiose consuetudinis, tum suggestionē Callidi hostis & tentatoris, pudicitiam suam periclitari timeret, & erexit se contra se, & adversus suam carnem suavissimum (forte legendum potius, sevisimum) concipiens odium, nihil magis quam quod ad eam affectu erat, expeteret. Itaq; mediâ macerabat corpus, & quæ ei debebantur subira

subtrahens, etiā motus ejus simplices comprimebat.  
 Sed cū iterū nimia debilitas sibi plus indulgere cō-  
 pelleret, ecce caro rursus caput erigens, adquisitam,  
 ut putabatur, infestabat quietem plerūq; (fortē le-  
 gendū plerūq;) se frigidis aquis injiciens, tremens  
 aliquandū psallebat & orabat. Sape etiā illicui  
 sentiens motus, artibus fricabat corpus. Et nuda ear-  
 ni aperiens incendiū incendio superabat. Et cū  
 hac omnia nō sufficerent, nihilominus eum Spiritus  
 fornicationisurgeret, tunc quod solū superfuit, pro-  
 stratus ante pedes IESU, orat, plorat, suspirat, ro-  
 gat, adjurat, obtestatur, ut aut occidat, vel sancti  
 clamat crebro, nō abibo, non quiesco, nec te dimittā,  
 nisi benedixeris mihi: praestatur ad horā refrigeriū,  
 sed negatur securitas. Quiescentibus n. paululū Car-  
 nis stimulis, affectiones illicitae pectus invadunt.  
 Deus meus, quas cruce, qua tormenta tūc pertulit  
 miser ille, donec tāta infusa est ei dilectio Castitatis:  
 ut omnes quae sentiiri possūt vel cogitari, quas vi-  
 jiceret voluptates: Et tūc quoq; recēsit ab eo. Sed  
 usq; ad tēpus: Et nūc senectutis morbus accessit, nec  
 sic tamē se de securitate blāditur. Ita Narratio ha-  
 bet, in Editione Lugdunensi An. 1586 per Theo-  
 logos Lovanienses curata. Quae si ab Augustino  
 scripta esset, jā dubiū eē non posset, quo ipse  
 etiā Carnis Stimulū retulisset. Sed & Lugdunēsis  
 Editionis Curator quae in 8. prodit An. 1563, fa-  
 tetur in frōtispicio hujus opusculi; Nescire se  
 hujus libri auctorē: (quāvis interī addat videri  
 eē Augustini) Et Lovaniens. Theologi, in Censurā



suâ. disertè inquirunt: *Librū hūc Augustini nō ēē,*  
*constat ex multis.* Cap. 19. meminit B. Benedicti.  
 Cap. 45 citat Gregoriū, Rom. Pontifice, quantū opī  
 nor (ait Censuræ ejus scriptor, temporū multo  
 posteriorū scriptores. Habet etiā vocabula quedā  
 B. Augustino incognita. &c. Post August: ad-  
 ducitur à Bellarm: *Theophylactū* etiam, qui licet  
 Pauli locum istū de persecutionib: exponat, ta-  
 mē addat, sarius ēē, de tētationib: carnis eū ex-  
 poni. Vel, Scribere ait Theophylactū, *quod sa-*  
*sius est, Venerū incitāmēta, quib. maximē urgeba-*  
*tur,* (Paulus sc:) *expressit.* Atq; sic sane ha-  
 bent Editiones & Translationes quædā ejus Au-  
 ctoris: ut Bullingero quoq; visus fuerit *Theophy-*  
*lactū* in eā planè sentētia esse, quasi censuerit  
 Paulū incitāmēta aphrodisiastica hic intelli-  
 gere, quib. maximē fuerit obnoxius. Sed quid  
 de Editionib: *Theophylacti* incorruptionib: ostē-  
 dī hīc possit, & quā labascāt fides temerè ci-  
 tantū probè ad hūc locū etiam animadvertit,  
 graviterq; monuit Fran: Junius *Hecce vestra*  
*fides* (exclamat in Animadversionib: ad Bel-  
 larm.) *ô Pontifici! Quousq; tandē bonorū, etiam*  
*ipsius antiquitatis libros interpolabitis arbitrati ve-*  
*stro? Theophylactū verti Lonicerm; recensuit Phi-*  
*lip: Motanius, Lutetia ante annos aliquot: sed nuf-*  
*quā hac verba cōparēt. Nos ita in exemplari legimus,*  
*quod illi ediderunt: Vel, quod melius ipsam*  
*rem, adeoq; renisum, adversus verbi prædicationē,*

*periculorumq; oblationem, angelū Satana, nominavit.*

Habet tamen quod Cardinalis citat, Bullingerusq; putavit, apud Theophylactum revera reperiri, Editio Christophori Porrenæ, apud Ascensium An. 1534.

Contrā, in Basiliensi Editione, ab And. Cratandro Ann 1540. evulgatā, quā enarrationes Theophylacti, tum in quatuor Evangelia, *Iohanne Occolampadio Interprete*; tum in Epistolas Pauli, ex vetustissimo archetypo Græco per *Ioh. Lonicern* fidelissimè in Latīnū conversæ exhibentur, aliter longè res habere, deprehenditur. Nec verissimile videri queat, Theophylactum scripsisse, quod affingere illi quidam sunt ausi, de *Venerē prurigine*, si contextum ejus, ut à *Lonicero* exprimitur, totum videas. Quem adeo subungere hoc loco libet: ut Lector inquirendi labore sublevetur: & simul sic de ipsis illius Scriptoris verbis cognoscat, quæ propria ejus sit sententia, quasve alias improbet. *Angelum Satana & palum*, inquit, nonnulli *cephalalgiam*, hoc est, capitis dolorem intellexerunt, ab *Diabolo factum*. At absit hoc. Non enim Pauli corpus *Diabolo traditum est*, quandoquidem Paulus ipsi potius præciplebat, sineq; certos præscribebat, quando fornicantem tradebat ei ad interitum carnis; nec eam sibi metam ille vatergrēdiebatur.

*Quid*



*Quid igitur est Satan? Contrapositus, vel Adversarius dicitur, Hebraâ voce.*

*Angelus igitur Satana sunt omnes adversarii, Alexander Erarius, Hymenaus, & Philetus, omnesq; tribulantes ipsum & affligentes, ceteri Satana opera perficientes.*

*Dicitur igitur, quod non permisit Deus predicationem meam, absq; periculis procedere, ut ne extollar multis revelationibus donatus.*

*Quare autem non dixit, Angeli Satana dati sunt mihi, sed angelus? Quia in eo loco unus quispiam inventebatur, renitens fortasse, populumq; constans, quo precedente ducenteq; principium, reliqui sequebantur. Vel, quod melius, ipsam rem, adeoq; renisum adversus Verbi predicationem, periculorumq; oblationem, angelum Satan nominavit.*

*Sic Theophylacti verba habent, Lonicero dicto interprete.*

*Qui, si in archetypo illo Græco, vetustissimo, reperisset quicquam affine illi sensui, quem Bel-larminus tradidit, nec sensum eundem proprius expressisset, vel attigisset, quàm factum videmus, nescio an cœcutivisse magis, quàm delirasse, dicendus fuerit.*

*De Porfense autem illius Editione Latinâ, cujus antè meminimus, Lonicerus in Præfatione ad Danorum Regem, quâ suos in Theophylacto labores illi (Anno 1538.) dedicavit, queri haut temere, in hunc modum legitur.*

*Porfense  
Roma-*

Romanus quispiam, in Epistolas Pauli Enarratione  
primus in Latinum theatrum inuexit: qui si  
mansisset intra Græci exemplaris septa, ac nisi sepe  
quadam omisset, non fuisset opus sudoribus no-  
stris.

Taceq, quod nonnulla non sit adsecu-  
tus. Quare si nostra & Porsenica cum Græ-  
co fonte contulerit Christianus Lector, experietur  
se fideliter ac simpliciter (nam hoc polliceri au-  
sim) vertisse.

Iphius quidem Loniceri Versionem eti-  
am haut temerè denuò recensendam corri-  
gendamq; sum sit sibi postea, Ann 1552. Phi-  
lippus Montanus, Collegii Tornacensis, quod  
Luteriæ situm est, Administrator: eaq, gratiâ,  
cùm ex Italia Græcum exemplar frustra re-  
quisiuisset, adeptus tandem aliunde exemplar  
vetustissimum, quo usus fuerat D. Erasmus,  
ad illud non sine magnis laboribus, Latina  
infinitis, (ut in Epistolâ testatur dedicati-  
ciâ,) locis <sup>quod deest</sup> ut potuit, sedulò emendauit.  
Sed apud eundem Montanum tamen, præ-  
missum illum Pauli locum, ita prorsus quoq;  
reperies expressum, ut nihil animadvertere sit  
discrepantiæ: Et de Porsenæ Versione,  
faterur idem disertè, in præfatione ad Lecto-  
rem, multum à Græcis eam discedere ne dicat,  
plerumq, dissidere: ut qua sit paraphrastica potius,  
atq, etiam nimirum libera, utpote, quæ plerumq;  
adjiciat



*adiciat, qua in Græco non habentur: Et contra plerique, in locis complures versus prorsus omittat. Quin & ibidem paulò post, de eodem interprete Porfenâ, Solet, inquit, iste, si quid placeat, liberius tractare, ac multa de suo infarcire: Et contra, si quid non arrideat, illud prorsus omittere.*

*Quæ occasione isthac, de Theophylacti Versionibus atq; interpretibus atigisse, studiosorum gratiâ, haut piguit: ut vel exemplo isto moneantur, quâ in testium hujusmodi appellatione, opus sit cautelâ atq; prudenriâ.*

*Sed &, ut in gratiam eorundem Verba ipsa Theophylacti Græca, subjicere hîc possim, post multas & longinquas exquisi-  
tiones, (cùm ista pridem scripsissem) è Britannîâ tandem impetravi.*

*Habent Græca Theophylacti verba ergò ad hunc modum.*

[*Ὅτι μὴ ὑπεραίρωμαι*] Ἄγγελον Σατᾶν καὶ σκόλοπα τινος κεφαλὰν εἰδὼν ἐνόμισαν ὑπὸ τοῦ Διαβόλου γενομένην. Ἀλλὰ μὴ γένοιτο. Οὐ γὰρ ἂν ὁ Σάμα Παύλου τῷ διαβόλῳ παρεδόθη; ὅπου καὶ Παῦλος αὐτῷ μάχων ἐπέτασσε; καὶ ὅρους ἐτίθει; ὅτι ἐν πορνείᾳ αὐτῷ παρεδίδου εἰς ὀλεθρον τῆς σαρκός, καὶ οὐχ ὑπερέβη τοὺς ὅρους ἐκείνους. Τί οὖν ἔσαι Σατᾶν; Οὐκ ἀνέκείρωτο λέγεται τῇ ἐβραϊκῇ φωνῇ. Ἄγγελοι Σατᾶν πίνουσι ἀνέκείρωτοι πάντες. Ἀλέξανδρος ὁ χαλκὺς ἤμενοι καὶ καὶ φιλητές καὶ πάντες οἱ θλιβόμενοι αὐτὸν καὶ κακῶν, ὡς ὁ τῶν Σατᾶν ἔργα ποιοῦντες.

C

Φησὶν

Φησὶν οὖν, ὅτι οὐκ ἔλασεν ὁ θεὸς τὸ κήρυμά μου χω-  
 ρίς κινδύνων καὶ πόνων προχαιρῶν, ἵνα μὴ ὑπερμερωμῶ, ὡς  
 πολλῶν ἀποκαλύψω καὶ ἐξιώθεις. διὰ τὸ οὐκ εἶπαι,  
 ἄγγελοι Σατῶν ἐδόθησαν, ἀλλ' ἄγγελοι; ἐπειδὴ καὶ τοῖσι  
 εἰς πρὸς εὐρίσκετο ὁ ἀντικείμενος. ἵσως καὶ τὸν δῆμον ὑποκινῶν, οὐ  
 προκαταρχοῦν καὶ οἱ λοιποὶ συνείποντο. ἢ ὅπερ καὶ Βέλτι-  
 ον, αὐτὸς ὁ πρῶτος. ἦτοι τὴν πρὸς τὸ κήρυμα ἀντίθεσιν, καὶ  
 τὴν τῶν κινδύνων ἐπιφορὰν ἄγγελον Σατῶν ἀνόμασε.

Videre sic ex Græcis ipsis etiam pote-  
 rit sciens Lector, nihil ejus comparere apud  
 Theophylactum, quod tanquam ab illo pro-  
 fectum Cardinalis profiteri est tamen ausus.

Sed nec defuere hic, qui *certam* etiam  
*Personam ex sequere sexu* nominare ausi sunt,  
 unde Stimulus ille in Apostolo extiterit.  
 Quasi scilicet, cum illo apud Comicum que-  
 ri Paulus necesse habuerit: (*in Trucul. 4. 2.*)  
*Na illa stimulum longum habet, quæ usq; illinc*  
*cor pungit meum.*

Vix putem tamen  
 Antiquiorem aliquem ejus fabulæ auctorem  
 laudari posse, quàm *Hugonem*, Cardinalem  
 illum, cujus jam antè quoq; meminimus.  
 Is in Postillis, quas vocat, ad textus sacros  
 suis, ubi in Epistolam hanc ad Corinthios  
 commentatur, allatâ primùm de Capitis Do-  
 lore sententiâ, subjicit: *Aliter dicitur, quòd*  
*tentatio fuit de S. Theclâ, quam baptizaverat:*  
*eog. deinde accommodat, quod ad Rom. 7.*  
*dicit: Non habitat in me, id est, in car-*



ne meâ, bonum.

Et quòd apud *Hieronymum* in *Epistolâ ad Oceanum* legi putavit: *Thecla*; post *tentationem passionis*, *Antiochia cum Paulo* prohibatur *pergere*.

*Nemo enim miles cum uxore vadit in bellum.*

Sed ut per eam, quæ sic citatur *Epistolam*, fabulæ illi *Hieronymum* auctoritatem aliquam addere credat, non patietur induci se animo Lector, qui *Epistolam* illam, (uti *Tom. IV. p. 317.* Editionis *Erasmianæ Basilienfis* uideri potest,) inspexerit, atq; cum unâ saltem alterâue, quæ citra dubitationem ab *Hieronymo* profectæ sunt, contenderit. *Erasmus* quidem, in censura, quam præmittit: *Quis non*, inquit, *rideat Simium hunc?* Et deinde: *Quis non statim sentiat, hunc Scriptorem, ut libere quod sentio dicam, aut temulentum fuisse, aut febri laborasse?* Ac tandem: *Quisquis hunc sermonis characterem non potest ab Hieronymiano secernere, is nec asinum ab equo distinguet.*

## SECT. 6

*Εκλόφ* *Pauli ad Concupiscentiam generatim, seu ad Reliquias peccati & Labis Originalis*

ginalis à nonnullis; Speciatim etiam  
ad Superbiam à quibusdam nostri  
ævi Scriptoribus relatus.

**P**ermagni etiam nominis sunt Aucto-  
res, qui σκόλοπα illum non dubitant re-  
ferre ad *Concupiscentiam*, Affectum  
illum naturæ in nobis corruptæ per-  
versum ac malignum, quam nec Regeneratio,  
ut i ea in hac vitâ nobis contingit, funditus  
extirpat, penitusve abolet.

Ut primarios hîc nomen sententiæ  
ejus auctores, quos præsius hant pauci ho-  
dieq; sequuntur, *Calvinus* cõ, præ aliis, in-  
tendere digitum deprehenditur, cùm in  
Commentariis, *Ego*, inquit, *Sub hoc voca-  
bulo* ( *Stimulus carnis* ) *comprehendi arbitror*  
*omne genus tentationis, quo Paulus exercebatur.*  
*Nam caro, meo judicio, hic non corpus, sed par-*  
*tem animæ nondum regeneratam significat: ut sit*  
*sensus, Mihi datus est stimulus, quo caro mea*  
*pungeretur.* Neq; enim adhuc sum adeo  
*Spirituâlis, quin obnoxius sim tentationibus se-*  
*cundum carnem.*

Planius in eam sententiam *Beza*  
scripsit, cùm in Annotationibus, quas *Rob.*  
*Stephanus* excudit, Anno 1556. majoribus,  
*Sic autem Paulus, (ait,) ut mihi quidem videtur,*  
ira n-



translativè vocat *Tibi inculpam*, quæ scilicet teli in-  
star, carni penit<sup>9</sup> infixa est: ut eâ quasi lethale quan-  
dam arundinē, sicut Poëta ait, *saucius circūferam<sup>9</sup>*,  
cujus nimirū vuln<sup>9</sup> cogebat Apostolū quaten<sup>9</sup> caro  
cum Spiritu in eo quoq<sup>3</sup> luctatur, exclamare: *Non*  
*facio bonū, quod volo* &c. Et cum in iis, quæ  
editæ sunt, An. 1595 Notis minoribus, seu  
marginalib<sup>9</sup>, ad verba hæc Pauli, adjecit: *Con-*  
*cupiscentiā intelligit, quæ teli instar nobis inhaeret,*  
*ut cogat etiam regeneratum Paulum, exclamare,*  
*Non facio bonum, quod volo.*

Neq<sup>3</sup> aliò spectat *Marloratus*, præ-  
sertim in Annotationibus marginalibus Gal-  
licis ac Belgicis, cum ad Resistentiam quandam  
continuum refert, quam habeat Paulus in suâ  
carne, & suâ natura, contra Spiritum, de quo  
videre item jubet eundem ad Rom. 7. locum.

In Annotationibus tamen majoribus  
suis, uti editæ sunt illæ Ann. 1588. *Beza* ad  
sententiam, quæ Sectione quartâ jam ex-  
posita fuit, propiùs accedit: *Quid autem per*  
*istos Aculeos, (inquit ibi) intelligat, (Paulus*  
*scilicet) non puto longius quarendum esse, sed ita*  
*metaphoricè intelligi, gravissimas & Animi &*  
*Corporis punitiones, in illis, quas mox vocat, à d<sup>e</sup> i-*  
*rebus, Contumeliarum nimirum & Injuriarum*  
*omni genere, quæ gravissimè ipsum fodicabant,*  
*quantumvis omnia foriter perferentem, adeo ut*  
*allera-*

*allevationem aliquam petere cogeretur.*

Eundem in sensum Pauli verba hæc accipienda esse, judicavit & *Flavius Illyricus* in Clavi Scripturæ: dum in nomine, *Palus*, Scriptum reliquit: *Dirum quoddam supplicium se circumgestare, Paulus ibi judicat: siue fuerit aliqua Concupiscentia prava, siue aliqui terrores ac perturbationes Conscientiæ; siue quicquid demum ejusmodi triste ac acerbum.*

*Neg, enim facile est divinare aliquid certius.* Verisimile tamen est, fuisse aliquos Veteris *Adami* improbos motus, quibus *DEUS* Paulum coarguere voluit innata malitiæ: ne putans se adeo sanctum justumq; esse, insolesceret.

Theologorum nostræ ævitatæ celeberrimus meritissimusq; *Petrus Molinæus*, in *Vate*, quem non ita pridem edidit, *Cap. XIII* ubi per occasionem de loco isthoc Paulino etiam differit, *Superbiam* Speciatim etiam hîc nominat, ad quam verba Pauli quorundam iudicio referantur: *Receptissima*, inquit, hodie sententia est, per *Stimulum* carnis, & *Angelum Satana*, intelligendas esse *Reliquias Concupiscentiæ*, *Labisq; originalis*: quæ instar *Stimuli* alte infixi, urebat *Apostolum*, & tentationibus lancinabat: *Præcipue* verò *Superbiam*, quæ tenacissimè inheret, & in *Regeneratione* novissimè exuitur, si tamen unquam exuitur.

SECT.



## SECT. 7

Exólof Pauli relatus ad quendam Defectum seu Spiritualem aliquam Imperfectionem.

**I**nierlinearis Glossas quam vocant, Stimulum carnis sic contrà explicat: ut dicere Paulum fingat, Deum ad conservationem Humilitatis permisisse (fortè legendū, immisisse) Diabolum, ut ad Defectū traheret. Qui omnino autē Defectus sit intelligendus, in eadem glossâ non exprimitur.

Flavius Illyricus autem, explicatiùs quodammodo, Spiritualem quandam Imperfectionem nominat, cum rejectis aliis Veterum sententiis, subjicit in Clavi tandem, in nomine Stimulus. Quia erat quiddam, quod Spiritualem fastum, ac opinionem Sanctitatis, quasi jam esset planè Angelus cœlestis, exemptus ac liberatus ab omnibus navis humanis, in eo reprimere debuit, necessariò fuit aliquid, non tantum crucem aut poenam continens, sed etiam aliquid vicinum culpæ.

Oportet id idem esse in carne ejus, id est, in Veteri Adamo: siquidem eum movere debuit, de suâ Infirmitate, aut etiam, ut ita dicam, Carnalitate, de quâ Ipsemet conqueritur Rom. 7. Eam porro innatam Cupiditatem, seu infixum palum carni, Satan egregiè illi irritare

Et exacerbare solitus est, atq; ita ei in suo Spiritu-  
ali curriculo, aut vitâ, ignominiosos quosdâ cola-  
phos infringere.

Facile Et ex sequentibus  
probat, fuisse Spiritualem quandam Imperfecti-  
onem: quandoquidem Christus, denegans ei li-  
berationem ab illâ, dicit, Sufficere ei in hac vitâ  
suam gratiam, qua omnem imperfectionem no-  
stram contegat ac condonet, donec ad plenam Per-  
fectionem perveniamus. Sic Flacius.

Videtur sic Auctor ille, (quod eorû gratiâ ad-  
dendum censeo, qui minùs perspiciunt fortè  
ex Vulgatâ Interpretatione, aut aliis etiam,  
quâ ista specie quasi ex Textu pro se urgeat)  
respicere ad verbum *ἐμμενέω*. & sic aliquam  
ejus emphasin suæ sententiæ accommodare.  
Sed nos de vero ejus verbi sensu, qui hoc lo-  
co maximè agnoscendus sit, inferiùs postea  
videbimus, quæq; ejus vis propria sit, ac quò  
spectet ejus emphasis, seorsum explicabi-  
mus: ut attento Lectori expedire sese inde,  
in proclivi sit futurum.

## SECT. 8.

*ἡ ἀπορία* Pali relatus ad singularem, nec sa-  
tis explicabilem Tentationem, aut  
Genus quoddam afflictionis  
Intolerandum.



**I**oh. Piscator, Theologus ille de Analytica  
 Pertractatione & Translatione Germani-  
 ca Sacrarum Literarum longè celeberrimus,  
 Paulinum istum *σκόλοψα* interpretatur  
 quidem de *Tentatione* Satanæ; sed eâ *singulari*,  
 cuius finem formamq; exprimat Paulus.

Formam tamen, quam omnino esse putet, in  
 Explicationibus & Scholiis, quæ addidit,  
 nullus explicat.

Eundem in sensum recidere videtur *Luca*  
*Osiandri* Paraphrasis, quam Textui interse-  
 rit: cum Paulum dicentem facit: *Ne insoles-*  
*cerem, Dominus carni meæ infixit aculeum,*  
*qui me malè habet: hoc est, ordinavit Sata-*  
*nam quendam, malum Angelum, qui mihi gra-*  
*vi Tentatione valdè molestus est.* Ac subdit  
 idem: Nihil certi affirmari posse, qualis hæc  
 fuerit Pauli Tentatio: Vocabulum autè *σκόλοψ*  
 (quod Stimulū interpretatus est Auctor Lati-  
 næ Translationis) significare, *Palum, Sudem,*  
*Spiculum, Aculeum, Spinam,* aut quiddam tale,  
 quod corpori impactum, continuos dolores  
 creat, donec extrahatur.

*Iohannes Camero in Myrothecio,* Genus  
 quoddā Afflictionis intolerandum notari pu-  
 tat: *Descripsit Paulus, hic nobis, inquit, haut du-*  
*bie Afflictionis Genus pene intolerandū quod ideo*  
*σκόλοψ vocatur ἐν τῇ σαρκί. Est autem σκόλοψ (ad-*

det ulterius) *asula, vel etiam quicquid acuminatum humano Corpori infigitur, unde nascitur dolor acutissimus. Etiam ex óλοις σωγός est, non quilibet tamen σωγός, sed quo damnatorum Corpora transfigebantur.*

## SECT. 9.

*Ex óλοις Pauli ad Afflictionem Corporis à quibusdam relatus, unde Mortalis argueretur.*

**E**rasmus Roterodamus, in Paraphrasi, quam scripsit in N. T. perquam eximiam, *De Corporis Afflictione* explicavit, sed ea ad finem istum seorsum restricta, ut sese mortalibus haut exemptum esse agnosceret, & agnosceretur. *Permissu propitii Numinis, (inducit Paulum loquentem) additus est Stimulus & Afflictio corporis, quæ & me mei commonefaciat, & apud omnes me mortalem arguat, communibus obnoxium malis.*

Sequitur Erasmus hac parte, ut locis infinitis aliis, pede pressim, Scholiastes ille Tigurinorum celeberrimus, *Conradus Pellicanus*, adeò nihil ab illo discrepans: ut verba quoque prorsus eadem reperat. Veterque tamen, dum Genus Afflictionis illius pressius explicare nituntur, in Paraphrasi Commatis apud Paulum



Paulum sequentis, uti ex superioribus constare potest, quæ sect. 4. sunt adducta, ad Persecutiones eam potissimum referunt.

Sed & ante hos, *Primasius, Episcopus Africanus*, qui ad seculum, à Christo nato sextum, referri solet, atq; Commentaria brevia in omnes Epistolas Apostolicas concinnavit, ita quoq; in iisdem, quid Stimulus Pauli notet, explicat, ut aliter eum non describat, quam tale fuisse, *qui hominem esse ipsum commemoret, nisi potius legendum, commoneret.*

## SECT. 10.

*Σκόλοψ* *Pauli relatus à nonnullis ad*  
Tentationem quandam Animi, seu Internam.

**A**D Tentationem item quandam, sed eam Internam. & in animo sitam, refert Stimulum illum placuit *Rudolpho Gualtero, Ecclesiastæ Tigurinorum celeberrimo.* Is, Homiliâ in Epist. hanc LV, repudiatis aliorum de Morbo quodâ; de *Hoste Singulari* aliquo, opinionibus, suâ subjungens sententiâ, *Sed quia, inquit, tot tantisq; laboribus non potuisset sufficere corpus infirmum, & morbo alicui familiari abnoxium; & non de Hoste aliquo externo, sed de*  
*Sarcu*

*Sarculo carni ipsius infixio loquitur, ego Tentatione graviorē notari arbitror, quā DE<sup>o</sup> illum, nō in Corpore solum affligi, verū et iā intra Animā et Consciētiā suā exerceri voluerit: ne donorū excellentiā superbiret. Et huic sensui favet, (addit idem ulterius) quod ad Rom. 7. de gravi illā laciā scribit, inter legem DEi et legem Peccati, quam in corde suo sentiebat: adeo ut eā quasi ad extremas angustias reductus clamaret: Miser ego homo, quis me liberabit ex hoc corpore? Etenim credibile est, obrepisse ei simul Visa antea dāta et Cruelitatū, quā in fideles Christi saevierat, Recordationem, quam ipsi Satan suggerebat: ut quam in DEi gratiā fiduciam collocatā habebat, labefacteret. Nam qui scandalis, quae aliunde piis obici videbat, totum urebatur: quomodo potuit nō totus exhorrescere, et intra Consciētiā suā astrare, quoties cogitabat quā diris, quamq; indignis modis ipse Christi membra tractavisset: quā multos item fidem coegisset abnegare? Nec enim cum sono, qui aures feriebat, simul intra animum ejus, terribilis illa vox Christi evanierat: Saul, Saul, cur me persequeris? Et quāvis non dubitaret de Gratiā DEi, manebant tamen Stimuli conscientiae, qui acerbissimā istorum scelerum recordationem innovabant. Augebat dolorem istum Angelus malus, Satan nimirum, qui insuper illum quotidie novis terroribus exagibat, Et simul hostes externos excitabat, ut eum tan-*



tam non colaphis caderet. id est, Convitiis, Calum-  
nis, Persecutionib., Carcerib., Flagris, & omni inju-  
riarum genere exagretaret. Id tamen omne ad De-  
um refert Paulus, qui ita fieri veli: ne ipse suprà  
modum suæ conditionis efferretur, cui erat desti-  
natus.

Sic Gualterius: qui ut peculia-  
rem suam quandam explicationem, respectu  
stimuli seu σέλοντος, cuius Paulus meminit, sic  
initio proponit, eamq; satis prolixè asserere  
connititur, neq; paucoshodieq; invenit adsti-  
pulatōres: ita in posterioribus tamen, in eam  
sententiam satis planè quoq; loquitur, quam  
jam suprà, sectione quartā, exposuimus.

Ad Tentationem item internam, sed eam  
duriusculè quodammodo explicatam, retulit,  
verba Pauli isthæc de Satanæ nuntio, *M. Mat-  
thæus Index*, cū in Epistolarum Dominicali-  
um Explicationibus scripsit: *Nuntius Satana*,  
qui Paulū colaphis cadat, quid fuerit, nō explicat:  
Sed certum est, Tentationem aliquā fuisse, siue  
Externam, siue Internam. Exsequentibus, ubi  
Dominus dicit, Sufficit tibi gratia mea, videtur  
colligi posse, fuisse Tentationem Internam &  
Angorem Conscientiæ, colluctantis cum de-  
speratione, qualem in Davide, Christo, & aliis  
Sanctis Scriptura fuisse sepe indicat. Videtur  
tamen etiam de corporali afflictione intelligendum  
esse, præsertim cū dicat, Sibi datum esse stimulum  
per

*per carnem.* Sic iste, qui Ienæ floruit & Magdeburgi, circa Ann. 1562.

## SECT. II.

Σκόλοφ *Pauli relatus à quibusdam ad Blasphemam aliquam Cogitationem, item ad Sensum Mortis; deniq; Consternationem Animi subitam.*

**M** *Atthesius*, Ecclesiastes ille superioris seculi, in valle loachimica Saxonū celeberrim<sup>9</sup>, in Homiliis, quas in Epistolas Pauli ad Corin<sup>9</sup> peculiare edidit, fatetur ille quidem haut satis certò, vel explicatò. Sibi constare, quid omnino notetur, per Stimulum illum, seu Angelum Satan: suspicatur tamen, *Blasphemam Cogitationem* aliquam fuisse forsan, Paulo à Spiritu Maligno subinde injectam, à quâ nec expediri potuerit.

Quod si illud minùs placeat, Substituit quoq; aliud quid, quod, ipsius iudicio, locum invenire hîc queat: *Sensum* nempe *mortis*, de quo ad Romanos Sept. graviter queratur.

Tandem ad *Subitam* quandam *Animi Consternationem*, qualem Christus sensisse refertur Ioh. XII. V. 27. cum inquit, οὐκ ἔστιν ἐν ἐμοὶ  
μῦθος



πνευματικῆς: Nunc anima mea turbata est:  
 post alios, quos nominari opus non est, refert-  
*VWolfgangus Mamphrasius*, in Praxi Theolo-  
 gica, seu Panoplia & Militiâ Christianâ: p. 101.  
 Cum repudiato *Libidinum stimulo*, inquit: *Σκό-  
 λος* non est *Stimulus Libidinum*, ut *Papiste* bla-  
 terant: Sed aut Tentatio corporalis, aut Spiritu-  
 alis, aut Mixta; aut Recordatio & Memoria  
 peccati, quo se polluit ante Conversionem:  
 (nam etiam remisso peccato solent *Stimuli* consci-  
 entie manere, qui artibus & livore satana aenun-  
 tur) Aut fuit Subita Animi Consternatio, qualis  
 in Christum irruit Iob. XII.

Tales subita consternationes, addit ibidem  
 dictus Auctor: sunt Colaphi Satana, quibus nos  
 cadit. Hac sunt tela ignita, Stimulus, colaphi Sata-  
 na, nempo Tentationes acerbæ, & Cogitationes In-  
 fernes, quibus Cor aduritur & maceratur. Ho-  
 micida est Satan, ac neminem, quantumvis San-  
 ctum absq; vulnere lethali in conscientia dimittit,  
 quibus eam maceret.

Ac sæpe in tantas an-  
 gustias redigit pios: ut nesciant, quomodo eluctari  
 debeant. Grave dictum est Psal. LXXVII, re-  
 nuit consolari anima mea. Sed Deus non sinit san-  
 ctos Tentationi & Cogitationi Diabolica succum-  
 bere, & facit eos tandem triumphare in Christo.  
 Sic Mamphrasius.

Possent adduci fortè alii etiamnum, qui ite-  
 cam

eam suis quibusdam modis explicare conati sunt. Vix tamen occurrerit puto, quisquam, qui, vel plures explanationes duntaxat non comprehenderit, alternatione quadam; vel aliquid protulerit, quod ad Classes, hactenus descriptas, sese non referat: in quibus comprehendisse *Explanationes* loci huius Paulini potiores omnes, quas seu apud *Antiquiores*, seu apud *Iuniores* etiam reperire est, pro tenuitate nostrâ studuimus.

## SECT. 12.

*De Explanationibus præmissis plerisque omnibus, quid statuendum videatur generatim: Et quorsum σκέλοπος nomen hic omnino referendum sit.*

**Q**Uæ istæ autem cunq; sint sententiæ, vel Pauli verbis, si pressius ipsa spectentur, non satis planè per omnia aliquæ videntur congruere: vel generatim nimis res, quæ denotetur, indigitant, quæ ipsa autè ea sit, pro vi verborum Apostolicorum, parùm dilucidè quædã explicant: vel sumunt etiã aliquid, quod de Paulinâ Historiâ minùs verè cõstat, aut ejus etiã Conditioni ætatq; vix existit consentaneum.

Sane



Sanè nec ab ullo ferè inter prænominatos Autores, aut certè ab rarissimis, satis explicatum reperitur, quæ ratio sit *σκόλον* h: e. seu *Stimulus*, seu *Surculi*, seu *Palis*, carnis respectu considerandi, ad eam, quam proponunt ipsi sententiam, per *Allusionem* aliquam emphaticam, aut *Comparisonem* omnino dilucidam & accommodam, declarandam: ut carni scilicet accidere *Stimulus*, *Surculus*, *Palus*ve intelligatur, pro fine planè eo, quem Paulus designat, cujusq; ille gratiâ propriè privatimq; ipsi sit datus.

Quod spero Lector attentus, ex iis quæ deinceps posita, pro re istâ planiùs evoluendâ subjiciuntur, clariùs agnoscet, quàm sic generatim dici forsan potest.

Verba quidem Pauli, si attentius intueare, faciliè deprehendes, ita per se ea habere, atq; ita cohærere omnia: ut nec *Carnis Stimulus* quidem ibi nominari rectè cogitetur: nec *Stimuli*, sive *Pali*, *Surculive* simpliciter, vel Subjectivè, (ut loqui in Scholis gaudent.) mentio fiat. Tantum abest, ut *Stimulus*, *Surculus*-ve, vel *Palus*, per se absolutè hoc loco aliquid figurare putandus sit.

*Σκόλον τῆ σαρκὸς*, hoc est, *Stimulus*, *Surculus*ve aut *Palus*, *Carni*, non *Carnis*, in Græ-

eo dicitur: atq; nō per se nominatur, ut aliquid seorsū figuret, sed de alia re quidē ille prædicatur, puta de *Angelo Satan*, qui scilicet sic datus sit Paulo, ut esset *σκόλοψ τῆ σαρκί*, seu tanquam *σκόλοψ τῆ σαρκί* existeret.

Quā verborum ratione spectatā, haut obscurum est, quid obstitit, quo nūc pleriq; ex dictis Auctoribus, verbis Pauli satis per omnia congruum aliquid attolisse, agnosci possint: ut ut verum piūq; sensum aliquem cæteroquin expreserint. Nempe primum, verbis malè redditis, putarunt hic aliquid notari, quod à Carne exerceatur, seu à Carne procedat, in homine: quodq; velut Spina in illā subnascatur. Quò sententia sese refert, tum illa, de *Libidine Veneriā*, seu *Oestro luxuriosā carnis*; tum altera etiam de *Concupiscentiā*. At Textus Græcus si inspicatur, verba exhibet aliò tendentia, quā ut reddere illa ad eum modum, convenerit, ut ex prædictis jam clarum est.

Deinde nexu verborū, seu cohærentiā eorundē nō satis observatā, *σκόλοψ* à Paulo nominatus, tanquam ab Angelo illo Satan, diversum quiddam, minus aptè reputatus fuit. Quod ab illis factum est, qui Morbum aliquem, seu *Cephalicum*, seu *Iliacum*, seu *Epilepticum*, eo nomine denotatum statuerunt. At



nec σκόλοπος nomen, sic per Appositionem, quam vocant Grammatici, positum, rem diversam aliquam, seu distinctam ab Angelo Satan, notat: (ut structuræ ratio propemodum prodit:) Sed explicationis ergo adhibetur, & per structuræ rationem, (si rationabiliter illa observetur) designat, quid Angelus ille Satan, Paulo, post Revelationum excellentiam datus, seu additus, existere illi debuerit, seu apud eum, respectu Carnis, ad elationem proclivis, proficere.

Ut n. ordo verborum in Textu alius appareat, nomenq; σκόλοψ τῇ σαρκί, præcedat: sequatur autem nomen Ἄγγελος Σατάν: Connexionis tamen ratio alia rectius nulla agnosci potest, quam illa: ut *Subiectum* sit, Ἄγγελος Σατάν, Prædicatum autem ejus *Appositivum* (ut sic loquar) id, quod præmittitur, σκόλοψ τῇ σαρκί.

Ex qua connexionione obscurum esse nequit, per σκόλοπα τῇ σαρκί, non donotari hîc aliquid Carni, seu Corpori Pauli impactum, vel infixum: quod illi spectavere, qui *Surgulum carni infixum*, verba Pauli reddidère: sed tantum declarari id, quod in Subiecto nominato intelligi potest Paulo exteriùs accidisse, seu velut adstitutum aut adjunctum fuisse. Vîsi sic quidem sunt Interpretes illi, quos hîc notamus, ellipsin supplere, quæ inter verba, σκόλοψ.

& τῷ σαρκί, obvenire uisa est. Sed eā si accuratius res expendatur, haut satis commodè sic expletam fuisse, inde existimari potest: quòd aliud verbum ad eam, in dictā attributione explendam, congruentius facillè cogitari possit, imò debeat, puta τῷ ὄν. Cohærentia quidem & Consequentia verborum sic planissimè habebit: ἐδόθη μοι ἄγγελος Σαταν. (ὡς) σκόλοψ (ἂν) τῷ σαρκί: h. e. Datus seu attributus est mihi Angelus Satan, (tanquam) Syrculus, seu Palus (existens) Carni meæ.

### SECT. 13.

*Ex Attentiore Verborum Consideratione,  
quæ Speciatim redarguatur Expli-  
catio de Morbis: uti &  
per Rationes alias.*

Quo modo, ut declarari evidens est, quid Angelus ille Satan, suis molitionibus, Paulo, ratione seu respectu Carnis existat, nempe, Pali instar ad Elationem, in quam caro proclivis est, prohibendam, externè directi seu accommodati: ita per se ferè evanescit, ut σκόλοψ nomine, *Morbis* hîc aliquis, seu *Cephalicus*, seu *Iliacus*, seu *Epilepticus* intelligatur.



Et ubi quæso, in *Apostoli* ipsius scriptis, vel *Luca* etiam, de eodem Narrationibus, iudicium ullum sit Morbi, quo cum conflictatus fuerit *Apostolus*?

Quid *Epaphroditus* acciderit huius generis, meminit sanè ad *Philip.* 2. *Ÿ.* 27. Sibi simile quiddam contigisse, nusquam vel innuit.

Accùm per gratiam sibi divinitus concessam, liberare à morbis alios valuerit: annon probrosum extitisset, morbo cuidam perpetuo obnoxium esse ipsummet, meruissetq; propemodùm audire illud: *Medice, cura te ipsum*: idq; tanto contumeliosius, quanto in miraculosis Sanationibus indignus videtur, Si sibi nec ipsi prodesse vi miraculosâ suâ possint, qui eâ excellere aliàs putantur.

Non attingam, *Morbos* etiam eos, de quibus aliqui divinare ausi sunt, quod *Paulum*, iteratis usq; paroxysmis, infestârint, plerosq; tales esse: ut ad *Munus*, quod injunctum *Apostolo* erat, defungendum, reddidissent ipsum minùs idoneum. Quod *DEUM* voluisse admittere, haut verisimile apparet.

Atq; ubi *Apostolus* commemorat, quicquid ferè Calamitatum etiam ipsi accidisse cogitari poterat, *Epistolæ* huius cap. VI. *Ÿ.* 5. 6. nusquam tamen meminit ejus gene-

ris, quod morbo deputari posset: cum nominet interim pleraque omnia alia, in quibus Patientia cerni solet: *Tribulationes, Necessitates, Angustias, Plagas, Carceres, Seditiones, Labores, Vigiliis, Ieiunia.* Quibus utique etiam adiunxisset Morbos, si ipse obnoxius talibus extitisset eo interea tempore, quo Ministerio suo defungebatur: cum isthic loci propositum habeat declarare, quam sese in Munere suo gesserit fideliter, ac patienter. Patientia n. si in ullâ re aliâ, certè etiam in Morbis cerni solet, præsertim tam illis dolorosis, ac tolent esse, quos tribuunt, seu affingunt Paulo, nonnulli, seu *Capitis, seu Viscerum.*

*Epilepsia* verò ex eo etiam genere est, ut mentem ipsam etiam facile impeditam reddat, ad functiones tales idoneè subeundas, quales Paulo incubuere. De *Nicolao Leonicensi* quidem, *Medico Vincentino, Dioscoridis Illustratore celeberrimo*, mirabile est, & memorabile, quod morbi eius respectu, *Iosephus Scaliger* refert, in Epistolarum suarum quadam, numero, si benè commemini, decimâ nonâ. *Equidem*, scribit initio, *de Viro eo, non nisi honorificè predicare debemus, vel eo nomine, quod primus Philosophiam & Medicinam ipsam, cum humanioribus literis consum-*  
*xit.* *Primus n. ille nos docuit, ait ulterius, ho-*



mines, qui sine bonis literis Medicinam tractant, esse similes iis, qui in alieno foro litigant. Et mirum praterea, addit, accepi de eo viro. A pueritiâ, imò à cunabulis ipsis ad annum xxx, Morbo Comitiali adeò tentabatur, ut cum ad serendierat, pertasus vita, penè sibi manum afferret. Sed post annum trigesimum, subiungit tandem, planè eo mala defunctus, omnibus membrorum ac sensuum officiis integer, nulla morbi suspitione, ad xevi. annum pervenit. Et si bene memini, tri-duo antequam decederet de vitâ, operam dederat Lestioni. Hæc Scaliger.

Quo exemplo utut constare id videatur, Epilepsiam aliquo usq; ætatis protractam, Eruptioni vel deinceps excolendæ non obstare: ita planum est quoq; , defuisse eam in homine ad virilem ætatem progresso, atq; si cæteri anniab eâ liberi esse non debuissent, parum illum in publicum profuturum fuisse: ut de Paulo inde ne hariolari quicquid in Morbi ejus respectu conveniat, quasi is Affectus Muneris sanctissimi defunctionem nihil impediturus fuisset.

Repudiat istam de Morbis Explicationem eandem ob causas Cornelius à Lapide, cum eâ commemoratâ, Nusquam, inquit, alibi de Morbis suis queritur Apostolus: Et Morbi magno illi fuissent impedimento, in sua prædica-

tione : *Evangeliiq; propagatione.*

Vbi *Hieronymus*, quem suprà adduximus, sic speciosè *Infirmi- tatem Carnis*, cujus Paulus meminit, quamq; tentationem Galatis esse potuisse innuit, eò referri posse docet, ut Morbus aliquis intelligatur : Ipse ibidem isti explicationi ita non insistit, vel acquiescere potuit: ut tùm aliam præmiserit, tùm subjunxerit etiam. *Nec non & illud dici potest*, (scribit lib. 11. ad Gal. in cap. 4.) quod in principio adventus sui ad Galatas, contumelias, & persecutiones, & plagas corporis ab his, qui contraiebant Evangelio, sustinuerit: Et hanc fuisse tentationem vel maximam Galatis, Apostolum Christi cernentibus verberari. Quæ explicatio ut verbis Pauli isto ad Galatas loco congruentissima existit, atq; verissima meritò agnoscitur, ita alteram illam, quæ de Morbo præmissa fuerat, quodammodo extrudit, si non labefactat.

#### SECT. 14.

*Qui ex eadem Verborum Consideratione, ut & Argumentis compluribus aliis, redarguatur Explicatio de Stimulis Venereis.*

Quod



**Q**uod de *Stimulis* autem *Aphrosidiacis* aliqui suspicati sunt, id profectum haur dubie fuit ex eorum penetralibus, qui Votorum male consideratorum rei, experiri in se solent, quàm periculosum accidere soleat otiosis, beneq; saginatis corporibus, obstrinxisse se ad quandam Naturæ injuriam; quamq; molestum sit, ætate vegetâ cohibere vim illam, in quam se profundit genus fermè animantium omne. Sic quidem, quod in sese, non *Stimulationes* tantùm, sed *Visiones* etiam senserè, putarunt σκόλοπος appellatione, non aliud potius quàm illas à Paulo designari: maximè cum *Stimulum Carnis* in *Visione* sibi trita, audirent nominari.

Videri Narrationes oppidò multæ possunt, quæ quod diximus, clarè testantur, in *Vitis Patrum*, uti quidem illæ concinnatissimè editæ sunt ab *Heriberto Roswido S. I. p. 37.* Item 574. 575. 732. et alibi. Atq; vel una illa, lepidissima fabula, satis hîc fuerit, ut res ea quasi ex communi confessione aliquâ æstimeretur, quam Romæ pro Concione protulisse refertur *Pater Franciscus Aquilanus*, de Paulo, apud se pernoctante: quam legere, qui volet poterit, in *Francisci Albani Anato-miâ Pontific. cap. XIII.*

Si Græca autem legissent illi, & σκόλοπος

τῇ σαρκὶ dici, consideratè observassent, tam credo in illam opinionem non incidissent, ut aliquid potius credituri fuissent notari, quod ad *Carnē cū vitiiis & concupiscentiis crucifigendam* esset accommodatum ac directum. Certè quod Latinis solet denotari *Crucis* nomine, Græcisq; aliàs *σαυρός*, dicitur, id *σκόλοπος* nomine etiam signari reperitur. Sic apud *Hesychium* *σαυροὶ* dicuntur, *οἱ καταπεπηγότες σκόλοποις*: Et *σκολοπάννυμον*, *σαυρόσιμον*. Apud *Lucianum*, *Convitiatorem illum blasphemum, Salvator noster*, dicitur *ἀνασκολοπισμένος σοφιστῆς*, in *Peregrino*. Notum autem, quid inculcet *Paulus ad Galatas V. cap. Qui sunt Christi, carnem crucifixerunt*, *σαυρώσαν σὺν τοῖς παθήμασι, καὶ ταῖς ἐπιθυμίαις*. Ad quæ, quin oestrum etiam illud *Libidinis Veneræ* pertineat, non utiq; ignorant, aut inficiari possunt.

Atq; si Paulum ardor exagitasset illiusmodi, num in se ipso rebimur immemorem eum fuisse extitutum, *Consilii*, quod præscripsit alijs, in *Epistolâ ad Corinth. priore. cap. vii. § 9.* Vbi itidem, commate antecedente septimo, aliud sibi donum à Deo contigisse innuit: ut *Coelibatum* svadens, pro temporum conditione, velit quidem omnes homines esse, sicut se ipsū, subjungat autè, providæ correctionis atq; præmonitionis, ergò  
nequis



ne quis hac parte temerario sese laqueo inno-  
det: *Sed unusquisq; proprium donum habet ex*  
*DEO, alius quidem sic; alius verò sic.*

De quo *Continentie* dono, tanto minùs du-  
bitandum est in Paulo, quanto id certiùs in  
nonnullis quibusdam omni ævo conspectum  
fuit. Quid *Iacobo Fabro Stapulensi*, contige-  
rit Dei beneficio in hanc partem, ex iis agno-  
sci potest, quæ paulò ante beatũ placidamq;  
expirationẽ suam, jam centenario major, sã-  
ctẽ de sua castimonia testat' esse narratur, apud  
*Hubertum Leodiu*m: Ex quo Historiam mul-  
tò memorabilissimam in *Indicem Chronologi-*  
*cum* quoq; retulit *Bucholcerus ad Ann. 1549.*  
Quem quia adire Lectori facile esse potest,  
ipsa facti notabilissimi commemoratione hĩc  
superfedeo. Legisse quidem eam pœnitebit  
scio neminem.

Nec Paulum verò etiam, ut remedium ju-  
stum non adhiberet, intra *Vredinem*, quam  
sic affingere illi quidam non verentur, conti-  
nuisset Voti alicuius nexus: Cũ procũ à  
tali nexu abfuisse eum intelligamus ex illo,  
quod *priore item Epistolâ cap. ix v. 5.* inquit,  
assertione in præsens etiam tum, cũ emphasi  
quadam, per interrogationem expressa: *Num*  
*quid non habemus potestatem Mulierem (γυναικα)*  
*sororem circumducendi, sicut & ceteri Apostoli,*

Et Fratres Domini, & Cephas?

Saltem verò illi verborum Pauli Expla-  
natores, quibus collibuit, ex suis Stimulis,  
fingere etiam Apostolum, tali oestro agita-  
tum, saltem, inquam, considerassent quâ  
Ætate fuisse Paulus perhibeatur, cum scri-  
beret Epistolam istam: atq; in ipso restinctos  
credo ignes tales agnovissent: ut deprecati-  
one nec opus fuisset, quâ defunctum se hic  
itidem significat.

Non addam, vix fieri potuisse, ut libera-  
ri ab hoc affectu tam instanter peteret, nec im-  
petraret tamen, quod piè legitimèq; petenti-  
bus, Deus haut recusat.

Sanè Ætatem jam tùm ultra-Sexagenari-  
am Paulo assignat, Illustris Ecclesiasticorum  
Annalium, Scriptor, *Baronius*, *Cardinalis*.

Quod si quid veri verbis Poëtæ inest, cum  
scripsit jam illo etiam ævo,

*Otiâ si tollas, periêre Cupidinis arcus,*  
peirêre hî profectò apud Paulum penitùs,  
tam illum nunquam otiosum, tam perpetuò  
laboriosum: ut de se testetur, *gratis panem se*  
*non manducasse ab aliquo, sed* (ἐν κόπῃ καὶ μόχθῳ)  
*in labore & fustigatione,* (verba Græca utrumq;  
denotant cum difficultate conjunctum) *no-*  
*ctem diemq; laborantem: ne quem gravaret:*  
*2. Thes. III. v. 8.*

Non



Non vixit ille ex *Otiosa Mendicatione*, ut  
ferè solent Claustrales illi Fratres, vitam agen-  
tes cum otio per mendicimonium: sed seridò  
etiam testatur coram Ephesiorum Presbyte-  
ris, ad se convocatis: *Argentum & aurum,*  
*aut vestem nullius concepivi, sicut ipsi scitis: quo-*  
*niam ad ea, qua mihi opus erant, & his qui me-*  
*cum sunt, inquit, ministraverunt manus ista:*  
*Act. XX. v. 33. 34.*

Tot istæ rationes, cùm retrahere, Viro-  
rum henè consideratorum animos, ab opinio-  
ne illâ de Apostolo, tam indecente, potuissent,  
tum verò ipsa, ut dixi, Contextus ratio, si in  
fontibus eum intueri libuisset, facilè etiam  
diversum obcuisset. Sed usq; fuère, qui  
luce etiam commonstratâ, hoc nostro seculo,  
noluerunt tamen, à *Stimulis* illis, tam, *indeco-*  
*ris*, Apostolum agnoscere exemptum.

Sanè plusquam seculum jam abiit, cùm  
vir doctissimus, *Erasmus Rotterodamus*, No-  
vi Testamenti Versione de fontibus Græcis  
repurgatâ, de hac ipsâ etiam re graviter mo-  
nuit. *Quod nonnulli Stimulum hunc, (scripsit*  
*in Annotationibus suis) interpretantur motus*  
*& affectus libidinis, demiror ulli docto Theologo*  
*placere. Quid n. absurdius, quàm putare, tan-*  
*tum Apostolum, jam senem, adhuc sollicitari, ur-*  
*ticâ libidinem, & ita sollicitari, ut hac gratiâ sit*

coactus, ter interpellare Dominum. *Mouet* istos mentio Carnis, ac statim putant de Venero verba fieri: quemadmodum Augustinus, Concupiscentia vocem, fermè interpretatur Affectum coitus: quum Paulus omnem affectum humanum, qui non proficitur à Spiritu Dei, carnè appeller.

Ante etiam Erasmum, jam ista olim momentem, *Jacobus Faber* quoq; • cujus antè meminimus, cum pari ratione Novi Testamenti Versionem sibi, ejus quod ageret Erasmus ignarus, sumsisset tractandam, in *Commentariis An. 1512. Parisiis* evulgatis, oculos aperire cœcutientibus in eadem re studuit. Sunt, inquit, qui id, Datus est mihi Stimulus carni, Angelus Satan, qui me colaphizet, pro Titillatione luxuria, & Tentatione carnis, intellexerunt. Et arbitror maxime apud nos, id est, Latinos, Veterem Interpretem ejus rei præbuisse occasionem, quod pro palo, sude, aut flagello, vertierit, Stimulus. Et id de Paulo, tam Spirituali, Sanctoq; viro sentire, indignum & nefas puto. Neg, unquam, arbitror, id nostri scripissent, nisi Vetus Interpretatio ad id sensus eorum torfisset. Et veniâ dignos censeo. Nam si Paulum in Paulo legissent, pro eorum pietate & miti ingenio, intelligentiâq; etiam si superior gratia defuisset, aliter sensissent. Quomodo n. huiusmodi tentatio carnis, seu motionem, siue impetum, siue titillationem dicas, apud Palus,



*Syderve' dicitur? Id enim designat οὐλοφ, quo vocabulo Paulus utitur. Quomodo Angelus Satan? Quomodo colaphizare, id est, cedere & percutere? Ac tandem: Indignum est audire nonnullas, quas quidam, absq; DEO (arbitror) & Spiritu homines, de hoc loco sinxere fabollas, & novas, qua nunquam Paulum attigerant infirmitatum prestigias. Faxi DEUS, ut qui haec legerint (subdit sub extremum Pientissimus Faber) Spiritualiora & Veriora cogitent, & non ex infirmitate damnata natura iudicent Spiritualium infirmitatem, qua est ad Christi IESU Salvatoris omnium. & Illuminatoris omnium, limitationem.*

## SECT. 15.

*Excussio rationum, per quas, Cornelius à Lapide, Stimulos in Paulo Venereos nostro usq; seculo asserere conatur?*

**I**sthæ quamvis sic piè graviterq; tanti illi Viri jam olim monuerint, voverintq; , reperiuntur nihilominus hodieq; inter eruditissimos, ex Pontificiis, aliqui, qui pudentæ Explicationis illius futilitatem, (tantū abest, ut agnoscant,) propugnare etiam disputando connitantur. Placet sibi præ aliis post alios, postq; ipsum etiam *Bellarminum*, in eâ sen-

ea sententiâ asserendâ, *Cornelius à Lapide* Commentatorum hodiernorum celeberrimus, putatq; sex rationibus sententiam illam, præ tribus aliis quas rejicit, satis probari posse.

Sed rationes eas, si iusta lance appendas, leviores omnes facile deprehendes, quàm ut assensum hominis, ad Textum sacrum, satis attenti, & cum iudicio illas expendentis, impetrare ullo modo possint.

*Prima* quidem illa est, quæ ex *Versione* *Vulgarâ* petitur, seu ex eâ *ἡ οὐδένος* interpretatione, per quam *Carni Stimulus*, *Spiculum*, *aculeus*, *impressus* & *infixus*, seu, ut tandem inquit, *carni inharens*, seu *in carne* & *à carne excitatus*, fingitur.

Sed hanc Verborum Apostolicorum Interpretationem, à Textu Originario aberrantem esse, ex iis constare potest. quæ jam dicta sunt, constabitq; luculentius ex iis, quæ paulò post, pro totius textus huius pressiore consideratione, subjungentur. Et *Stimulus aculeusve* omninò hic agnoscendus est, non *in carne*, aut *à carne* excitatus, sed *carni* extraneè molestus. Qualis non est concupiscentia à *Dæmone* excitata, quæ *carni* grata esse, & *svavis* solet existere, *Spiritu* autem molesta: ut illam metonymiam, quâ causa pro effectu, & auctor pro opere suo ponitur, hic minus



minùs etiam in nomine Angeli Satanæ, (quod *Cornelius* opinatur) locum inveniat. Qui Commentator, dum inquit, *Demon humores commovendo, sanguinem accendendo, Spiritus generationi subservientes excitando & inflammando, Pauli phantasia turpes imagines objiciendo, concupiscentiam quasi sopitam, totq; laboribus, inedia, arumnis pene mortificatam, suscitabat, & ad turpes libidinis motus commovebat & acuebat, &c* plura omnino affirmat, quàm credere ullus teneatur, nisi testimoniis rationibusq; gravioribus quibusdam, fidem faciat.

Neq; verò, (quam *secundam* rationem affert) id, quod ad Rom. VII. *¶*. 23. legitur, eo referri etiam convenit: ut non generatim de *Concupiscentiâ contra Legem*, potiùs accipiat, quàm speciatim ad *carnis illam Lasciviam*, referatur: quamvis & *ἐπιθυμιῶν*, quod Apostolus ibidem subtextit, *¶*. 25. facile excludat, impuriorem illum ab Apostolo sensum. Et dum agnoscit *Cornelius*, propterea Paulum 1. *Cor. IX.* castigasse corpus suum, jam animadvertere quoq; debebat, aliud notari, quàm quod domare in sese ille nescierit.

Quod porrò, *tertio loco*, putat, *si quid aliud fuisset, clarè id explicaturum fuisse: jam autem rem ita verecundam & pudendam, ipsum tegere, vocareq; metaphoricè Stimulum*: in eo, poste-

posterius itidem gratis sumit; prius frustra desiderat: cum satis planis verbis hic utatur Apostolus, & quid velit significet, si dignè modò ac rectè ad Verba ipsa Apostoli animum Lector attendat: ut ex sequentibus postea magis clarebit.

Nihilo efficacius est, quod *quarta* rationis loco affert: Nempe, *hunc stimulum datum esse ei, ad ipsum humiliandum: Nihil autem castos & virtutis amantes ita humiliare, atq; hanc carnis tentationem; nihilq; eos ita continere ut cum metu & tremore salutem suam operentur: &c.* Nam, utut tentatio talis, facere eo, quo retur *Cornelius*, admodum possit, ad Humiliationem nempe generatim sic spectatam, & ad sollicitam quandam sui custodiam: Hoc tamen loco non de Humiliatione quacunq; agi cogitandum est: sed de eo, ne ob Excellentiam Revelationum sese efferat, eas fortè temerè effutiendo. Cui rei utiq; aliud accomodatius remedium adhiberi potuit, quàm *Cornelius* hic sibi, ex inveteratâ antecessorum opinione, etiamnum imaginatur: Vti deinceps spero, in pressiore verborum Apostoli explicatione, ad oculum elucescet.

Cum *quinto* loco id etiam urget, quòd *ista carnis tentationes, propriè Sanctos non laedant, sed*



sed tantum colaphizent, id est, ruborem ac ma-  
 rorem inculiant: sicut qui à Socio colaphum ac-  
 cipit, non tam dolore, quam pudore suffundatur:  
 In eo visus est parum meminisse, quod ten-  
 tationes illiusmodi, non tantum ruboris ali-  
 quid offerant, sed per multum etiam impedi-  
 menti pariant in Functionibus & Meditatio-  
 nibus, quales Apostolo incumbabant: ut vel  
 earum intuitu, sequestrare ab ipso, Pietas,  
 suspiciones illarum, jubeat. Vix morbus,  
 aut afflictio quædam exterior, ita sevocare  
 animum potest, ut illiusmodi stimuli solent.  
 Et remedium illis Uisionibus, non temerè  
 suggessit ipse Apostolus, eodem utiq; usus,  
 si opus fuisset: cū, *Melius esse nubere, quam Viri*,  
 testatus sit. Quod si alia hic minus proban-  
 tur, (ipsius etiam Cornelii judicio) quæ Mu-  
 neri Sanctissimo Apostoli, obstaculo vide-  
 bantur esse posse, *Morbi* præsertim, agnoscere  
 idem debuisset, nec morbo illi, locum hñe  
 esse posse, quo vix infestare & obnubilare  
 mentem alius æquè solet. Notum illud *Me-*  
*nandri in Andriā*, apud *Stobæum Sermo. LXII.*

Τὸ δ' ἐγὼν ἐπισκοπεῖ ἅπαντι ὡς τοῖς.

καὶ τοῖς ἐυλόγοις καὶ τοῖς καλοῖς ἔχουσιν.

H. c. *Venerens ardor tenebras offundit omnibus,*  
*ut videatur, Etiam illis, qui secundum bo-*  
*nam rationem & decenter affecti sunt.*

Patrum auctoritatem, *sexto loco* adducit, qui ita etiam ipsi sentiant: ut *Augustinus 2. Conc. in Psal. LVIII. Hieronymus* ad Eustochium, de Custodiâ Virginitatis; *Salvianus*, Sermone de Circumcisione, qui falso adscribatur S. Cypriano; *Haymo*; *Theophylactus*; *Anselmus*; *Beda*; *Thomas*; *Liranius* & alii.

Quàm istis nominibus parum proficiatur, ad Veritatem solidè evincendam, nihil nunc attinet dicere. Pleraq; sic obtenduntur etiam magis, quàm ut inter testes deputari possint, qui asserant.

De *Augustino* jam suprà visum est, quàm verba ejus ab illâ expositione longè absint.

De cæteris plerisq; idem asserit, *Chamierus. Hieronymus*, aculeos carnis; *Salvianus* aut *Cyprianus*, Stimulos carnis de Paulo dum commemorant forsân, nihil sic tamen de loco, quem potissimùm tractamus, affirmant: ut eo ille referatur. Et cùm *Cornelius* ipse, aliarum etiam Sententiarum Auctores, ex Antiquitate sacrâ nominet, haut minoris census, quod præsertim attinet ad explicationem de Persecutionibus, (ubi *Chrysostomus*, *Theodoretus*, *Ambrosius*, *Oecumenius*, *Theophylactus*, item, quem tamen in alteram quoq; partem, quâ fide adducere potue-



potuerit, ex superiùs jam dictis constare potest: ut & p. 408. *Basilium*, *Augustinum*, tanquam approbatores designat) vanus est profectò Testibus istis suis, in diversum nunc introducendis.

Vt & eo, quòd non nisi ex quorundam errore invaluit, atq; inter erroris ejus assecclas obtinuit, ut libidinis tentationes Stimulum carnis vocare pleriq; omnes videantur. Communis quidem fidei sensus hìc malè fingitur, ubi vel ex errore etià Vulgi inveterasse in loquendo formula quædam animadverti potest: quod locis aliis nonnullis etiam in Scripturâ Sacrà agnoscendum venit: tantum abest, ut hìc, vox populi, vox DEI esse agnosci debeat.

Atq; quocunq; tandem modo *Cornelius à Lapide*, contra *Erasmum Fabrumq;* tueri nitatur, Stimulum libidinis indecorum & indignum non fuisse tanto Apostolo, eoq; jam sene: nunquam tamen impetrabit, ut verba Pauli illa necessum sit ad eam rem detorquere, in quam à temerarii Cœlibatus Consecratis, pro suo quasi solatio quodam, perlubenter accipi solent.

Nec verò etiam, ubi Stimulum sic intellectum, in statu lapso, non esse indignum, sed utilem potius, ex *Gregorio* probat, 19. *Moral. l. 5. c. 6.* Item ex *Anselmo*, illi omnino.

id scribere reperiuntur, quod ipse affirmat.  
 Vti nec eo necessariò spectat, quod *Nazian-*  
*zenus* iam Senex de Carnis suæ malo conquē-  
 ritur, *Epist. 96. & in Carmine de Carne suâ.*

Pauli quidem ætatem, dum Senem tum  
 nondum fuisse vult evincere, vix satis con-  
 grueret æstimat ad calculum *Baronii*, de quo  
 antè: cùm ipse sub Conversione velit eum  
 fuisse xxv. annorum, aut xxvii: Annum au-  
 tem, quo Epistolam istam scripserit, extitisse  
 à Conversione xxii: ut scilicet sic quinquā-  
 genarium faciat, quem *Baronius* Sexagenario  
 majorem statuit. Sed parum hic, vir cate-  
 roquin doctissimus, cùm causæ servire stu-  
 deret, memor sui ipse fuit: Siquidem in *pro-*  
*œmio, de Prærogativis S. Pauli, cap. vi.* ex Chry-  
 sostomo, qui fuerit Pauli studiosissimus atq;  
 peritissimus, rationem ætatis eam iniivit: ut  
 ad Christum conversum fuisse ipsum affir-  
 met, anno ætatis suæ xxxi v: cùm occubuisse  
 eum tradat Chrysostomus, anno ætatis lxxvi.  
*Cum occubuerit, inquit, anno Neronis xlii,*  
*ut communior & verior habet Chronologorum*  
*sententia: sequitur eum occubuisse anno xxxiv.*  
*a suâ conversione: anno verò xxxvi, à Passione*  
*Christi. Tot enim annos scilicet xxxvi, inve-*  
*nies, si ab anno Neronis xlii. retrocedas, &*  
*computes ad annum Tiberis xlii. quo passus est*

*Chri-*



*Christus. Secunda autem anno à Passione  
(Christi) Conversus est Paulus. Rursum, si Pau-  
lus conversus ad Christum, xxxiv. annos labo-  
ravit pro Evangelio, & anno lxiix. occubuit, se-  
quitur eum ad Christum esse conversum pariter  
anno atatis sue xxxiv: ut eisdem annos vixerit  
post Conversionem, quot ante. Si n. duplices an-  
nos xxxiv. conficiet lxiix. quæ est integra ætas  
vita S. Pauli.*

Quin de altero illo xxv. annorum cal-  
culo, expressè ibidem in Proœmio sub-  
jungit Cornelius: *Alii volunt, Paulam Con-  
versum esse anno atatis xxv, eo, quod a Lucâ vo-  
cetur adolescens, in lapidatione S. Stephani. Ve-  
rum (ait, id ipsum subruens, quod in loco  
præsenti explicando postea pro suæ sententiæ  
propugnaculo habet) pro, adolescens, Græcè est,  
νεανίας, id est, juvenis: item, homo audax, in-  
veniri audaciâ & ferociâ præditus, qualis erat  
Paulus, anno atatis xxxiv. Sic igitur Corne-  
lius ille, ipse sibi adversatur, suæq; causæ sub-  
sidia, alibi depulsat. Quamvis in nomine  
νεανίωv nihil etiam necesse habuerit, ad alte-  
ram illam significationem se referre: cum  
nomen illud, seu adolescentis, non simplici-  
ter etiam sic dicti, sed admodum adolescentis,  
usu tum prophano, (ut videre est apud An-  
tonium Bendinellum loc. v.) tum Sacro etiam*

majoribus computat, quàm qui annorum  
xxxiv. tantùm censeantur: Siquidem non  
tantùm Ebræo, *Nagnar*, respondet, quod  
ad ætatem minorem usitatius refertur:  
sed & nomini *Bachur*, interdum exprimen-  
do, accommodatur: quo denotari omnis illa  
ætas solet, quæ ad militiam seligi apta est, ut  
liquet ex iis, quæ præcipiuntur. *Num.* 1.  
*ψ.* 3. 20. 26. *Ec.* si conferas cum locis, in  
quibus νεανιών nomen expressè in Græco offen-  
des, 2. *Sam.* vi. *ψ.* 1. *Ec.* x. *ψ.* 9. 1. *Reg.*  
xii. *ψ.* 21. 1. *Par.* xix. *ψ.* 10. Et diserta inter  
νεανίας καὶ πρεσβυτερος oppositio occurrit *Prov.*  
xx. *ψ.* 29. κόσμος νεανίας σοφία, δόξα δὲ πρεσβύτης  
πολιτεία. *Ornatus juvenum, Sapientia: Senum*  
*dignitas, seu gloria, Canities.* Quâ ratione ta-  
men alteram illam significationem, ut νεανίας  
designet, audacem & strenui Spiritus homi-  
nem, seu juvenili proterviâ & ferociâ prædi-  
tum, minimè negamus suis quibusdam locis  
usuvenire: ut pote à Lexicographis quoq;  
annotatam, & probè ostensam à *Stephano*; à  
*Casaubono* item, in *Exercitatione primâ ad Ap-*  
*parat Annal. Eccl. Baron. num.* xxxvi. Ut  
narrationi Apostolicæ illi, in Actis, ubi Pau-  
lus νεανίας vocatur, accommodandam poste-  
riore sensu, hanc censeamus: cùm ea res plus  
satis aibi commemoretur, quæ ætati illi  
coler



solet esse confectanea : isthuc autem ad ætatem magis respici manifestum sit.

Habeat verò, usum suum, Tentatio illa Fornicationis etiam, qualem in *Discipulo quodam* depingere Veteribus libuit, in *Vitis Patrum lib. 3. c. 8.* ut tanto scilicet, per occasionem impugnationis istius, jejunaret amplius, toleraret sese in vigiliis & orationibus amplius : ( licet inter ista etiam exercitia desperasse Pachon referatur, ut in Speluncam Hyæ næ sese immitteret, uti refertur in V. P. p. 732 ) aliùs tamen ille usus existit, quàm qui in Paulo huc propriè spectandus venit : ut nempe se non efferret, ob revelationes suas : aliisq; verbis remedium eò faciens ab ipso exprimitur, quàm ut isthuc referri ea, seu congruat, seu necesse sit.

Cujus porrò paulò ante facta mentio fuit, *Jacobi Fabri Stapulensis*, is adversum eandem illam explicandi rationem, in Commentariis suis, nervosè ita disserit : ut non abs re facturus, aut malam apud Lectorem, testium, vel antè nostrum seculum suppetentium, cupidum, initorus mihi videar, si ipsa eius verba huc subjiciam. Raris n. hodie illa Commentaria in manus veniunt. Sic igitur ille : *Sunt quid*, Datus est mihi Stimulus Carni, Angelus Satan, qui me cola-

phizet, pro titillatione *Luxuria*, & tentatione  
carnis intellexerunt. Et arbitror, ma-

ximè apud nos, id est, Latinos, *Peterem* Interpre-  
tem eius rei prabuisse occasionem, quòd pro *Palo*,  
*Sude*, *Flagello*, verterit, *Stimulus*. At id de  
*Paulo*, tam *Spirituale*. Sanctoq; viro. sentire in-  
dignum & nefas puto. Neq; unquam arbitror,  
id nostri scripsissent, nisi *Vetus* interpretatio ad id  
sensus eorum torisset. Et venià dignos cen-  
seo.

Nam si *Paulum* in *Paulo* legissent, pro  
eorum *Pietate* & mui ingenio, intelligentiàq;  
etiam si superior gratia defuisset, aliter sensissent.  
Quomodo n. huiusmodi tentatio carnis, seu mo-  
tionem, siue impetum, seu titillationem dicas, apud  
*Paulum*. *Sudè*ve dicitur? Idem designat exòxov  
quo vocabulo *Paulus* utitur. Quomodo *An-  
gelus Satan*? Quomodo colaphizare, id est, ca-  
dere & percutere? &c.

Atq; deinde, sub finem, ubi suam sen-  
tentiam antè interposuerat, de presuris,  
quam paulò pòst quoq; seorsum excuriemus,  
graviter subdit: Et indignum est audire non-  
nullas, quas quidam absq; *DEo* (arbitror) & *Spi-  
ritu* homines de hoc loco finxere fabellas, & no-  
vas que nunquam *Paulum* attigerunt praestigias.  
Faxit *DEus*, ut qui hoc legerint, *Spiritualiora*  
& veriora cogitent, & non ex infirmitate da-  
mnatae naturae iudicent *Spiritualium* infirmita-



tem, quæ est ad Christi Iesu, Salvatoris omnium,  
 & Illuminatoris imitationem. Hæc Iacobus  
 Stapulensis.

Vtut autem sententiam de Carnali tenta-  
 tione illâ, antesignari sic aliquot inter Ie-  
 sumas, *Bellarminus* putat; atq; *Cornelius à Lapi-  
 de*, propugnare etiam ausi fuerint, ejusdem  
 tamen ordinis Scriptor, multo item celeberrimus,  
*Sebastianus Barradius, Olisiponensis Theolo-  
 gus*, re attentius etiam secum consideratâ, in  
 diversum ire non dubitavit. Neq; rationes  
 idem nullas protulit, cur sententiæ illi mi-  
 nus accedendum arbitreretur, cum *Tom. 2.  
 Commen. in Concord. & Hystor. Evagelist. lib.  
 2. cap. 8.* aliorum sententiis adductis, scrip-  
 sit: Ego verò existimârim, Paulum de Carna-  
 li tentatione minime loqui. Neq; n. ea hac est  
 tentatio, de quâ publicâ Epistolâ fuerit agendum.  
 Ipse Paulus in consequentibus indicat, cuiusmodi  
 fuerit hæc tentatio & stimulus carnis, cum subi-  
 cit: Propter quod placeo mihi in infirmita-  
 tibus meis, in contumeliis, in necessitatibus,  
 in persecutionibus, in angustiis pro Christo,  
 Cum n. infirmor, tunc potens sum. Nul-  
 lam fecit carnalis concupiscentiæ mentionem. Fe-  
 cisset autem, si hæc potissima fuisset ipsius infir-  
 mitas, propter humilitatem permessa. Stimulus  
 igitur Carnis illius, mira Virginitate præcellen-

is, non turpis commotio fuit: Sed Contumelia, necessitates, arumna, persecutiones, & pericula, quæ Satana Angelus excitabat. Lege secundam ad Corinthios Epistolam, c. 11. Hoc indicant etiam illa Pauli verba ad Gal. 4. Scitis, quia per infirmitatem Carnis Evangelizavi vobis, jam pridem, & tentationem vestram in carne mea non sprevis, neque respulistis: sed sicut Angelum Dei exceperitis me, sicut Christum Iesum, &c. h. e. Cum non honoribus clarus, sed contumeliis & persecutionibus obscurus, Evangelium vobis predicaverim, hanc tentationem vestram, quam in carne mea cernebatis, hunc Stimulum carnis meæ, non sprevis: sed veluti Angelum & Christum complexi estis. Itaque sensus Pauli hic est, (subjicit tandem Barradius) Datus est mihi Stimulus carnis, Angelus Satana: id est, datus est mihi Stimulator carnis meæ, Angelus Satana, qui carnem meam variis Persecutionibus, Contumeliis, & Tentationibus stimulet, ac divexet per se, ministrosque suos, ne revelationum magnitudo, (gracè hyperbole & excellentia) me efferat.

Hæc Iesuita, professor Eborensis, in sententiam longè aliam, quam à Professore illo Romano propugnari vidimus. De quâ ipsa tamen Iesuitæ hujus sententiâ, quia coincidit cum eâ, quæ aliorum etiam & olim fuit, & hodie



hodie esseprehenditur, suo pressius loco  
jam actum est.

## SECT. 16.

*Quid de Theclâ, ratione Venerex Irritationis, ex Antiquitate & Veritate  
judicandum sit.*

**D**E *Thecla*, si qui opinati sunt fortè, tentationem Paulo obortam esse, necesse est, ut eam familiariùs conversatam cum eodem fuisse statuunt, aut simul circumductam. Sed de contrario constat potius, ex ipsis Pauli verbis, quibus 1. ad *Corinth.* ix. v. 5. significat, se Mulierem non circumduxisse. Et quid necesse fuisset, deprecari DEum, si ista tentatrix fuisset, *ivα* *αποσφ*, quam potuisset ipse, ac debuisset etiam à se remove? *Fabula* porro illa de *Thecla*, originem traxisse potissimum videtur, ex libello, qui inscribitur, *Pauli & Thecle Periodi*: quem rejiculum & apocryphum censent, non Antiquiores tantum Ecclesiæ Doct. *Tertull. lib. de Baptism. c. 17. Hieronymus de Scriptoribus Ecclesiasticis*, de Luca; *Gelasius, can. 5. Romana*: Sed & Recenciores non pauci inter Pontificos, nominis maximi: *Cassius de*

*de Locis Theolog. lib. xi. c. 6. Baron. Tom. i. an. 47. f. 2. Cornel. de Lapid. in Comm. ad Epl. Paul.*

De cætero, quod Theclæ historiam attinet, habeat se sanè res ita, ut Veterum quorundam testimonia perhibent: quòd nimirum, Virgo Nobilis ea, conversà ad Christum fuerit, Pauli ministerio, Iconii: quod legere est apud *Greg. Nyssenum Homil. 4. in Cant:* apud *Augustin. lib. xxx. contra Faust. l. 47.* apud *Epiphan. Hares. 78.* Illud tamen à veritate nimis quàm abscedit, quòd tonsa, & virilem vestem induta, comitantibus quibusdam juvenibus, ad Paulum profecta sit: & deniq; ab eo discedens in Seleuciam pervenerit, ibiq; mortua sit: cum Paulus. Fœminam virili togâ indui, nusquam docuerit, ac contrarium potiùs inculcaverit: *1. Cor. vii & xi.* Ut illud quoq; ex eadem Pauli doctrinâ dubium evadit, quod *Epiphanius* tamen affirmare ausus est: quòd in Paulum incidens, à nuptiis fuerit exsoluta: cum Sponsum, (*γάμον ὁμοῦ*) haberet formosissimum, ditissimum, generosissimum, illustrissimum.

Aliter quidem *Nyssenius* rem narrat, quàm ut de Paulo suspicari aliquid liceat sequioris affectus: Si quidem, *Talem* ait, *myrrham* olim infundebat Paulus ex ore suo: mixtam cum pari



*puro Pudicitia lilio, in Sancta Virginis aures. Ea vero erat Thecla, quae praeclarè animo defluentibus de lilio guttis hominem externum morte opprimit, omni cupiditate extincta.*

Aliter item *Augustinus* ejusd., meminit: (quamvis sic aliquid de desponsatione praecedanea involvat) cum, *In vita*, inquit, *condemnit terrena Sancta illa: & oppignorata thalamo, in amorem perpetua Virginitatis, Pauli eloquio succensa est.* Ergone Sanctitas in Paulo, per eloquium, tam fuerit efficax extra ipsum: ut Virginem juvenulam, vegetam, abstraxerit à sponso nobilissimo, ditissimo, & ad Castitatis vota planè perduxerit: nec in se ipsomet tamen praestitit pectori eius praesidium, ut tutum id foret adversum eos, qui de foris impetere illud possent, impuriotes Stimuli! Videre porrò Lector, ad rem eam, si ita allubeat, minutius eventilandam, poterit, *Virginis eius vitam*, ut, ex diversis auctoribus à *Ga. Morello* excerpta habetur, in *Cypriani* operibus, paulò antequam ex hac vitâ migraret, ab eo excusis. Collegit de eadem diligentissimè haur pauci *Espericus, Theologus Parisiensis clariss.* In Scholiis, quib' *Thecla* ad Paulû Epistolam illustravit. *Nicetas* eam locis aliquot, vocat *Virginum Protomartyrem*, ut *Stephanum Virorum.*

SECT.

## SECT. 17.

*Quid tribuendum explicationi de Con-*  
*cupiscentiâ generatim dictâ.*

**Q**UOD *Concupiscentiam* attinet, & *Reliquias peccati, labisq; Originalis*, generatim spectatas, etiamsi Paulum ab iis haut exemplum arbitremur fuisse: illæ tamen *σκόλη τῆ σαρκὸς* ita fuisse, ut retunderetur affectus in elationem pronus, parum congruenter cogitari possunt. Nam Caro ipsa, & quidem, quâ Concupiscentia spectatur in illâ, horum hominem, suis Stimulis & Concupiscentiis agit haut leviter: ut efferri cupiat, ut eminere super alios affectet. Sic ipsa igitur mali Scaturigo, de cuius remedio hîc agitur, remedii loco sibi esse statueretur, moribusq; idem ipse, sibi curationem præstaret: quod parum est rebus ipsis per naturam consentaneum.

Et quod Paulus de iis, qui Christi sunt affirmat, *ad Gal. v. 24.* quod crucifixerint carnem cum affectibus & Concupiscentiis, (*σὺν τοῖς παθήμασι καὶ ταῖς ἐπιθυμίαις*;) an id de aliis verum esse admitteretur, in Paulo ipso minùs agnoscetur? Inter Concupiscentias autem, plurativo numero dictas, puto comprehenditur



derur quoq; affectionum illarum malarum ,  
 quæ hîc aliàs cogitatur, exuberantia. Quî  
 Christi autem fuerit Paulus, ex eo præclare  
 licet animadvertere, cum eadē Epistolâ c. 11.  
*ψ. 20.* scripsit, *Vivo, non amplius ego, sed vivit*  
*in me Christus.*

Mirari propemodum subit, quî fieri po-  
 tuerit, ut quæ Paulus sic affirmat *περὶ σκόλοπος*  
*τῆ σαρκὸς*, sibi dati, non eo potius traxerint viri  
 eruditissimi, ut in *σκόλοπος* nomine, ipsum  
*σαρκὸς* nomen sibi ob oculos animi ponerent:  
 atq; sic crucifixionem carnis illam, vel vi  
 quadam vocis ejus, hîc agnoscerent. Istam  
 n. vocis ejus significationem *Hefychius* facile  
 poterat suggerere, ut & Lexicographorum  
 pleriq;. De eâ tamen, suo postea loco erit,  
 ut pressius, quid omninò huc quadret, ex-  
 quiramus. Saltem id hoc loco satis est cogi-  
 tasce, cum concupiscentia sit velut nativa car-  
 nis indoles: & Caro disertè dicatur concu-  
 piscere adversum Spiritum: *Gal. v. ψ. 17.*  
 num carni *σκόλοψ* esse censerî possit id, quod  
 à carne maximè propullulat, eidemq; pro-  
 prium ac nativum est?

Placuit sanè ista, de *Concupiscentiâ* expo-  
 sitio, Auctoribus nominis longè celeberrî-  
 mi, quos suprà indigitavimus. Sed eam  
 ob rationes, quas sic aliquas modò explica-  
 vimus,

vimus, haut temerè à nobis repudiari, consideratus Lector, spero, non obscure perspiciet. Atq; id, quod in præmissâ proximè sententiâ, ab iisdem, quos diximus magni nominis viris, aliàs reprehendi solet, involvitur idē ipsū in hac quoq; explicatione, suo modo, si Concupiscentiâ generati hîc interpretemur. Nam illa sic dicta, *Stimulos* etiam sub se *Venercos* complectitur: ut quæ in parte unâ absurditas vel inconvenientia agnoscitur, ea in parte geminâ quoq;, atq; sic tandem in toto ipso, tanquamq; homogeneo, seu partium quasi simularium, agnoscenda veniat.

Neq; primi etiam sic sumus, qui interpretationi, à tantis Auctoribus munitæ, dicam feribimus. Egit id ipsum non ita pridem ante nos præ aliis, Theologus celeberrimus, *Pet. Molinaus* in *Vate*, quem sic inscripsit, suo, cap. xi i. cuius aded verba, tanquamq; haut leve rationum plurium pondus, ad minuendam opinionem illam, afferentia, subtexere hoc quoq; loco lubet. Is igitur Vir summus, *Sententia*, inquit, *quæ per Stimulum in carne vult intelligi Reliquias Peccati, præcipuè verò aculeos Superbia, longissimè abest à vero. Nam nec Stimulus ille datus est Paulo à DEo: nec ei datus est, post raptum interitum cælum,*



cælum, utpote quam Paulus habuit ab ipso ortu. Nec DEus eum à tam sanctâ & necessariâ precatione revocasset. Nec potest per Stimulum in carne intelligi Stimulus in Concupiscentia, cum ipsa concupiscentia sit Stimulus.

Præcipue verò id quod de Superbiâ dicitur, evidenti Contradictione intricatur. Ann. aculei Superbiæ fuissent ejus cordi infixi, ad rotundendam ejus Superbiæ, & ne revelationibus intumesceret? An data esset ei Superbiæ, ne Superbiret? Hæc Molinaus.

Egit idem ante Molinaum etiam, Andreas Ruvetus, Professor Academiæ Batavæ Celebrissimus, in Catholico Orthodoxo, Tract. 4. quæst. 14. ubi scripsit: Quamvis Augustinus, Stimulum illum carni infixum, de quo conqueritur Paulus, ad Concupiscentiam retulerit: loci tamen circumstantia, & ipsa Apostoli verba, ostendunt, eum loqui, non de tentatione, quam pateretur, ab aliquo principio naturâ inherente, qualis Est concupiscentia, quæ etiam omnib. hominib. communis est & ordinaria: Cum tamen satis appareat eum conqueri de antiquâ extraordinariâ vexatione non innatâ, sed datâ &c. Et paulò post: Agnoscit autem illud sibi fuisse datum, nempe à DEo, in bonum finem. Unde sequitur, Stimulum illum seu Surculum infixum, non fuisse vitiosum, sed durum & importunum, ut sunt

*tribulationes varie, quibus obnoxii sunt fideles &c.* Sic Riverus.

Possent addi præter ista, alia insuper quædam. Sed ubi postea res tota ex scopo & genuinâ verborum consideratione pensitata fuerit, vel ista etiam in nimis & superabundantibus numerari poterunt. Et de reliquis nonnullorum Interpretationibus breviter quoq; videndum est.

## SECT. 18.

*Quo loco habenda sit Explicatio, de Blasphemâ Cogitatione quadam, quâ Paulus fuerit divexatus.*

**B**lasphe<sup>m</sup>a Cogitatio quædam, quæ Stimuli surculive instar lancinare animû Pauli potuisset, quam arbitrantur aliqui Satanam in animo Pauli subinde excitalse, illa verò itidem, nec Pauli verbis etiam hîc satis existit consentanea, nec iis etiam congruit, quæ vel de Paulo cogitare convenit, si seu ea spectentur, quæ de se testatur ipse; seu ad illa etiam animus attendatur, quæ requirit in Christianis.

Non certè ad aliquid in animo quid fiat, seu animo quid accadat, Pauli verba hîc sese  
refe-



referunt: sed tale quid norant, quod carni  
accidat, seu quod carni cohibendæ, ejusq;  
appetitionibus retundendis, existat idone-  
um: ut ne id addam, deprecationem blas-  
phemæ Cogitationis minimè censeri talem  
posse, quam Deus nolit exauditam.

Confirmatiorem verò etiam Paulum de  
Divinâ Veritate, Christi; gloriâ, ac rebus  
Spiritualibus ac cœlestibus fuisse liquet,  
quàm ut blasphemis cogitationibus, in San-  
ctissimâ & illustratissimâ mente ejus locus  
esse potuerit. Consideretur mihi Voca-  
tionis, quæ singularissima ipsi contigit, Ma-  
jestas: consideretur per *ἐκστασιν* illam, seu ra-  
ptum in cœlum usq; tertium Visio, rerum su-  
percœlestium, Auditioq; *τῶν ἀρρήτων*: Conside-  
retur *ἀποκάλυψις* seu detectio gloriæ ejus, quâ  
futurum est revelari tandem (*ἀποκαλυφθῆναι*,)  
in nos: Rom. VIII. *ψ*. 18. & quanta sic  
lux animo ejus, suavitasq;, infusa & impres-  
sa fuerit, obscurum esse non poterit: ut per-  
absurdum sit, blasphemarum cogitationum  
offuciis in tantis fulgoribus locum aliquem  
facere. Blasphemæ n. Cogitationes, quid  
esse aliud possunt, quàm quæ ad Deum i-  
psum, ad res divinas ac cœlestes, sinistrè tra-  
ducendas, & maculâ quadam verborum a-  
spergendas, tendunt? Quas tam à Paulo

abfuisse, ob lucem illam animo ejus, utraq;  
vice impressam. putem: quàm abesse à no-  
bis in naturalibus solet, ut, oculis nobis be-  
nè illustratis, tenebras, & nescio quid fisci-  
furvive, stellis solive adscribere, vel cogi-  
tando, audeamus. Si Benignitatem, si Sa-  
pientiam, si Potentiam, si Misericordiam, si  
Rectitudinem, si Justitiam, Virtutesq; alias in  
Deo spectemus, quarum respectu blasphem-  
ia in Deum, si quid illorum negetur, aut  
contrarium illi affingatur, maximè cerni so-  
let, has ipsas certè Paulus sanctiùs omnes ag-  
novit, tùm revelationum illarum beneficio,  
tùm variæ experientiæ documentis: quàm  
ut quicquam subire in contrarium sanctissi-  
mo ejus animo potuisset, quod adeò blas-  
phemiæ aliquid involveret. Severissimè  
semper in suis scriptionibus amolitur, quic-  
quid cum blasphemiâ in Deum conjungi, vel  
illi affine esse animadvertit. Rom. II. *¶*  
74. & III. *¶* 8. & XIV. *¶* 16. Sic & ubi,  
*το, μὴ γένοιτο* subjungit, c. ix. *¶* 14. & alibi.

Quod si blasphemi quiddam animo ejus  
subjectum fortè per impudentiam Satanæ  
fuisset: aut in cogitationem quacunq; tan-  
dem ratione venisset: an id verò fuisset, per  
quod *σκόλοψ ἡ σαρξ* contingeret: per quod  
Caro ab Elatione cohiberetur? Si in se  
qui-



quidem Caro spectetur, nec Christi Spiritu  
coherceatur, operibus istiusmodi facunda  
esse solet, quæ blasphemiis affinia sunt.  
Ex Corde prodeunt, uti in carne id agnoscen-  
dum venit, præter alia pessimi census crimi-  
na, etiam *βλασφημία, ὑπερηφανία ἀφροσύνη*, ut te-  
statur Scvator noster *Matt. VII. ̳. 22.*  
Quæ ne in Paulo locum invenirent, per *σκόλα-  
πα τῇ σάρκι*, seu palum Carni adhibitum, fie-  
ri potius cogitandum est: Tantum abest, ut  
in talium cogitationum exfuscitatione *σκόλος*  
ille verisimilitudine ullâ constitui possit.

Jam quicquid etiam Satanas injectare ani-  
mo Pauli fategisset fortè, instructiorem co-  
gitare Paulum à *πανοπλίᾳ* Spirituali fuisse con-  
venit: quàm ut eas non retunderet facile,  
atq; galeâ illâ suâ prohiberet, à penetratione  
in caput; clypeo thoraceq; abarceret à sub-  
tione in pectus & præcordia. De quibus ut  
alios docuit esse instructos, ad extinguenda  
etiâ ignita Maligni illius jacula, ita ipse haur  
singendus est non probè semper instructus ac  
paratus.

Quin, si Satanas Sanctissimi Viri ani-  
mum ad blasphemi quiddam cogitandum  
sollicitasset, non tantum frustra ille non fuisset,  
deprecatione suâ trinâ, quò abstinere co-  
geretur: Sed ipse quoq; uti potuisset effica-

ciffimo illo, *Apaga*, quo Christ<sup>9</sup> Saluator usus est, cum ad Idololatriam circa se admittendam, Spiritus arrogantissimus eum impudenter invitaret. Tam n. blasphemiae, quam idololatriae resistendum: Et uti Christus dixit: Scriptum est, *Dominum Deum tuum adorabis & illi soli servies*: ita Paulus dicere potuisset, quod aliis scripsi & dixi: *Glorificate Deum in Spiritu vestro & in Corpore vestro*: id mihi quoq; scripsi & dixi. Aequè opponitur, ut *Idololatriæ*, Adoratio Dei religiosa; ita *Blasphemiae*, ejusdem religiosa Glorificatio, quæ animo pariter & cogitationibus, ut corporis quoq; puritate & castimonia est præstanda.

## SECT. 19.

*Quid censendum de Explicatione, ad Considerationem præteritorum facinorum, & tentationem quandam animi seu internam,*

*ἡ ὁμιλία referente.*

**C**onsideratio porro facinorum, olim ante Conversionem, & Illuminationem designatorum, (qualia ipse, tam in Epistolâ de se cõmemorat, *1. ad Tim. I. v. 13.* cum



cùm se blasphemum fuisse fateretur, [ in Fili-  
um scilicet Hominis ] & persecutorem, &  
contumeliosum: tum in Apologiâ coram  
Agrippâ Rege publicâ fateretur: quod com-  
pulerit alios etiam blasphemare, & ampliùs  
insaniens in eos, persecutus sit usq; in exte-  
ras Civitates. *Act. xxvi. v. 11.*) facere sanè  
illa poterat ad Elationem prohibendam. Sed  
eadem ipsa consideratio, uti piè ab ipsomet,  
& ex instinctu etiam Divini Spiritus pecu-  
liari, institui poterat, atq; materiam præbere  
illi, tum suæ indignitatis agnoscendæ, tum  
gratiarum Deo tanto ampliorum dicenda-  
rum: ita à Maligno Spiritu non poterat vel  
excitari in ipso; vel piè animo concepta, aliò  
detorqueri malitiâ Satanæ, quàm ut in Diffi-  
dentiæ, vel Desperationis tentationem con-  
verteretur. Quod ipsum sanè illi etiam a-  
gnoscent, qui *σέλοπα τῇ σαρκί* hoc loco, de Co-  
gitatione illâ perpetratorum antea temporis  
facinorum, interpretantur.

At talis tentatio apud Paulum, cum lo-  
cum reperire vix potuit: si easpectemus,  
quæ de se plenâ fiduciâ proficitur: *Rom. viii.*  
*v. 38. 39.* tum nihil eo spectavit, ut esset  
*σέλοπα τῇ σαρκί*, pro isto quidem, quem Apo-  
stolus dilucidissimè designat, sine. Potiùs  
ipsam Revelationum fidem subvertere apta  
fuit.

fuiſſet, quàm ut Gloriationem de illis in-  
tempeſtivam atq; temerariam cohiberet.

Ipfam quidem *Præteritorum meritorum abolitionem, Condonationemq; in Chriſto*, tam apud Paulum in dubium vocare etiam Angelus Satan non potuit: quàm nec expungere ex animo illius, quæ cap. modo citato ad Romanos, ſub initium aſſeverat: *Nullam ſcilicet eſſe condemnationem* (κατάκριμα h. e. ac-  
cuſationis, ad condemnationem directæ, argumentum) *in iis, qui ſunt in Chriſto Ieſu &c.*  
Et cum generatim de fidelibus omnibus, tum ſpeciatiim de ſeipſo ſanctè profitetur, i. ad *Tim. 1. v. 15. 16. Fidelis ſermo, & omni ac-  
ceptione dignus, quod Chriſtus Ieſus venit in hunc mundum, peccatores ſalvos facere: quorum pri-  
mus, (ſeu præcipuus, ſi gratiam ſcilicet exuberantem illam ſpectes, ut non peccatorum tantum veniam graviffimorum, ſim adeptus, ſed gratiam quoq; Apoſtolatus, & legationis digniffimæ ac diviniffimæ ſim conſecutus) ego ſum: Sed ideò miſericordiam conſecutus ſum, ut in me primo (poſtquam ſcilicet ad cœlos aſcendit, & in throno Majeſtatis conſedit), oſtenderet Chriſtus Ieſus omne patientiam, ad informationem eorum, qui credituri ſunt ad vitam æternam.*

Adeò nec veriſimile eſſe poteſt, circa Ele-  
ctum



ctum illud Organon, hæitationem illiusmodi quandam, de *Peccatorum præteritorum Remissione*, sub tam illi manifestatâ Christi Patientiâ & Gratiâ, locum habere potuisse. *Accusationem* quidem, quâ infestare eum Satanas istâ parte connisus fuisset, non frustra etiam eum deprecari divinâ Christi Bénégnitas sivillet: de quâ tam persuasus ipse fuit: ut Romanis quoq; sanctè asseverârît, fore, ut *DEUS Pacis*, non tantùm abistere ab iis jubeat, sed etiam *conterat Satanam sub pedibus eorum brevi. Rom. xvi. v. 20.*

Neq; verò certitudinem de Peccatorum expiatione ac remissione, facere dubiam; aut metui cuidam illiusmodi, uti per σκόπη denotari aliqui arbitrantur, obnoxiam arguere illud potest, quod Siracides cap. v. v. 5. præcipit: *περί ἐξίλασμεν μὴ ἄφοβος γίνου*: h. e. *De propitiato peccato, noli esse sine metu*, ut Vulgatus Interpres habet. Nam Græca verba & de peccati propitiatione expressè loquuntur, non de peccato iam propitiato: & si de peccato præterito, atq; iam expiato etiam accipiantur, additum tamen ibidem in *Compluteni Editio* ne id legitur, quod metum eum ad certum quasi casum restringit. Nempe, seu de *Expiatione Peccati*, seu de *Expiato peccato*, ἀφοβος γίνεσθαι, sine metu existere, seu securum fieri homi-

hominem, vetat. non quocunq; modo, sed *ἐν πλεονασμῷ*, h. e. in adauktionem, seu ita, ut peccatum adaugere, vel multiplicare non abhorreas. Huc mens Siracidæ spectat: ut Lectorem à securitate & torpore dehortetur illo, qui condonatione expiationeq; impetratâ oboriri apud nonnullos de facili solet: quasi spes impunitatis in futurum æquæ certa esse semper possit, etiamsi peccata non negligenter tantum, sed & petulanter cumulentur. In eam Sententiam, explicationis manifestæ gratiâ, subjicitur amplius: *Vt adjicias peccatum super peccatum*: Et versu Sexto, *Ac ne dixeris, Miseratio Domini multa est, peccatorum meorum multitudinem expiabit*. Agnoscit sensum eundem ex Pontificis etiam, qui pro dubitatione de Remissione Pccatorum aliàs solent pugnare, *Cornelius Iansenius*, uti & *Bellarmini Hyperaspistes*, *Christophorus a Sacro Bosco*: quamvis Bellarminus ipse diversum spectet. Sed hæc attigisse hoc loco satis est, ut ne prædictæ sententiæ adminiculum, quale quale istud etiam, non subduceretur.

## SECT. 20.

*Quid*



93

*Quid de Defectu quodam seu Spirituali  
Imperfectione, de quâ interpretari qui-  
busdam τὸν σκόλοπα visum est, existi-  
mandum sit.*

**N**ihilo plus verò Verisimilitudinis &  
illa Explicatio habet, quæ σκόλοπα,  
quem Paulus nominat, & carni suæ  
datum fatetur, de quodam *Defectu* seu *Imper-  
fectione Spirituali* interpretatur. Nam ut ut  
Paulus suis quibusdam defectibus & ipse la-  
borarit. Spiritualemq; imperfectionē in hanc  
paucis senserit, queriq; aded de illâ hanc le-  
viter potuerit: quid esse poterat, cur eam  
hoc loco singulariter σκόλοπος nomine insi-  
gniret? cur Angelum Satan appellaret?  
Rem, quam indicare potuisset planissimè, sic  
datâ operâ nimium involuisse videretur: &  
voces, quæ sensum offerre longè alium ex se  
aptæ sunt, nescio in quem abulum, aut signi-  
ficandi insolentiam, traxisset. Saltem si di-  
ctiones, quæ apud Paulum hîc leguntur, nul-  
lum aliàs sensum invenirent idoneum, excu-  
satio translationi tam duræ locus esse forsan  
posset. Nunc cum verba illa, ex usitatore  
modo accepta, sensum pariant satis illum  
scopo rebusq; congruentem, quid est, ut pe-  
regrinitatem tantam illam admittamus? Et

*Verè*

verò si *σκόλος* carni infixus cogitari debeat, si Angelus Satan vel obiter considerari, an *Defectus*, an *Imperfectio Spirituualis*, sic nominari vel catachresi aliquâ etiam potest? Quod si *Defectum singularem aliquem*, quem haut temerè deprecari Paul' potuerit, respici arbitris, necesse erit, ut cum ad Muneris Statusq; illi' peculiaris, in quo Paul' versabatur, conditione, referas. Vbi tamen, si sapere de Paulo ex ipso Paulo volueris, defectus illiusmodi, qui Surculi sudisve instar torquere potuisset, cogitationem, facile excludet id, quod posteriore ad Corinth. c. III. *¶* 4. & 6. de se & Collegis suis affirmat: *Fiduciam talem habemus per Christum ad DEum, non quod sufficientes simus cogitare, vel rationari* (*λογισάμενοι*) *aliquid à nobis, quasi ex nobis: sed sufficientia nostra ex DEo est: qui & idoneos nos fecit* (*ἐκάρωσεν ἡμᾶς*) *Ministros Novi Testamenti, seu Fœderis.*

Quid quod defectum, qui superfuit in Paulo, omnem, id satis pensat, quod de Gratia Christi testatur 1. Tim. I. *¶* 14. *quod superabundârît* (erga ipsum, seu in ipsum scilicet) *cum fide & dilectione, quæ est in Christo IESU.*

Quâ parte verò etiam imperfectionem Spiritualem suam aliquam apertè intimat, ad *Phil.* III. *¶* 12: ibidem loci nihil tale signi-



significat, quod cum verbis, hoc loco extantibus, jure compares: suum potius ad perfectionem adspirandi studium proficitur, de nihilo quod sic angat crucietve, quentur.

## SECT. 21.

*Quid de Singulari, nec satis explicabili  
Tentatione sentiendum, an hic à Paulo  
talis aliqua notetur.*

**I**D Iohanni Piscatore b.m. Viro pientissimo, inq; Sacris literis per omnem ætatem suam versatissimo, placuisse suprà ostendimus: quasi *Tentationem* hîc indigitet Paulus, de qua, qualis fuerit, certi nihil affirmari possit. Sed pace tanti Auctoris istius, putem, haut meritò aliquid tam inexplicabile hîc fingi; vel etiam *Tentationem* omnino aliquam hoc loco jure præsumi. Nam ipse, qui à Paulo disertissime exprimitur, Scopus, talis est, ut non tentationem aliquam requirat, sed medium duntaxat, ad cohibendam prohibendamve Elationem, ad quam ob superexcellentes patefactiones tentari & incitari à Carne suâ poterat, accommodum. Quale profectò aliquid etiam aliud esse potuit, à tentatione, ut accipi vulgo solet, vel etiam, ut ex Scriptu-

pturæ usu accipi debet, multum distans.

Præterea, quid Paulo, ob finem istum, oppositum fuerit, & ad quem actum, quemq; in usum, ea oppositio, seu appositio, directa extiterit, minimè reticetur.

Atq; sit in nomine *σκόλος*, ob metaphoricam rationem, obscuritas aliqua, seu ambiguitas: attamen ut alibi metaphoras pro Contextus ductu; pro Subjectâ, quæ tractatur, materiâ; pro fine Scopove, qui præfixus est, explicare satis accommodatè ac dilucidè, & sufficienti etiam cum certitudine, liceat: ita hic, idem quoq; agi præstariq; puto poterit. Id quod, paulò post, in præsiore Textus ipsius consideratione, spero, manifestum fiet.

Saltem de facili fuerit ostendere, non omnino necessarium esse, *σκόλος* nomine intelligi tale quippiam, quale quiddam *Pientissimus Piscator* hoc loco sibi prorsum imaginatus fuit. Quin re ipsâ probè inspectâ, manifestum id quoq; fiet, ad scopum præstitutum, tale quiddam, quod corpori impactum, continuos dolores creet, donec extrahatur, nec requiri. Sola etiam interminatio mali cujusdam, cohibere ab exorbitatione potest: estq; *Colaphi impingendi metus*, satis efficax, ut digno compestatur labellum in re,  
de quâ



*de quâ temerè nihil effutendum, vel arroganter  
aut jactabundè non est gloriandum.* Quod

suo postea loco luculentius explicabitur.

Sed & ipse *Piscator* tentationis vocabulum  
hic minùs tandem probasse videtur: cum *in  
Scholiis ad Biblia Germanica additis*, quæ post  
Latina seriùs deinde edita sunt, vocem lon-  
gè aliam adhibuit quàm quæ Tentationi, ex  
tritisimo Scripturæ usu, acceptæ, responde-  
at. Nominat nimirum ibi, *Ein Beschwerde-  
nuß*, h. e. molestiam seu afflictionem, quod  
antè non dubitaverat appellitare in Latinis,  
*Tentationem.*

## SECT. 22.

*Quid de Afflictione Corporis, unde Mor-  
talitas arguatur, vel de Sensu mortis,  
quem suspicatus est Matthesius,  
statuendum sit.*

**N**Eq; verò Pauli verbis, quibus alexi-  
pharmacum aliquod adversus Ela-  
tionē describit hoc loco, id etiâ est  
congruentius, quod alii, de *Afflictione cor-  
poris, unde mortalis argueretur*; vel de *Sensu  
Mortis*, suspicati sunt. Non n. *αἰσθησις*, qui  
hic nominatur, vel Carnis, vel Carni impa-  
ctus,

etus, omnino nominatur, uti jam ab initio  
 monitum fuit: sed tantum *σκόλοψ τῇ σαρκί* di-  
 citur. Neq; aliquid, quod Carni simplici-  
 ter tale esse intelligatur, sed Angelus Satan  
 præcipuè nominatur, qui sit instar *σκόλοπος τῇ  
 σαρκί*. Dequâ verborum cohærentiâ & ne-  
 xû, ut jam supra aliquid monitum fuit: ita  
 paulò post erit, ut explicationem genuinam,  
 evidentius, cum afferamus, tum ostendamus.  
 Id nunc satis est, verbis sic vel obiter specta-  
 ris, sensum eum de quo agimus, abesse lon-  
 gius ab illis deprehendi. Quæ enim tanta  
 est necessitas, ut *Mortalis* arguatur ille, vel ut  
*Sensum mortis* omninò percipiat, cui angelus  
 Satan existat aliquis, ceu *σκόλοψ τῇ σαρκί*? Tor-  
 tura & afflictio sic quædam intelligitur, non  
 ipsa mox *Mortalitas*. A torturâ autem atq;  
 afflictione nec ipsos illos Spirit<sup>9</sup>, qui immor-  
 tales suapte conditione existunt, immunes  
 novimus, si Petrum audimus, in postero-  
 re Epistolâ, cap. 11. *Ψ. 4.* de iis testantem:  
 quod *DEUS Angelis, qui peccârunt, non peper-  
 cerit, sed catenis caliginis (ταῖς ἀσπίδων) in tartarum  
 præcipitatos, tradiderit servandos in iudicium.*

Sed & quid vis tandem fingamus, unde  
*Mortalitatis* suæ admoneri Paulus potuerit,  
 unde *Mortis Sensu* quotidie affectus sit, (â  
 quo eum etiam eximere nescio an ullâ ima-  
 gina-

gi  
 ni  
 Y  
 m  
 seu  
 9.  
 de  
 cit  
 rea  
 re.  
 feli  
 tur  
 glo  
 no  
 ro  
 ign  
 qu  
 an

Q  
 C

I



ginatione possit is, qui quid de *Θανάτου* de  
mortibus, in quibus saepe fuerit, 2. *Cor.* xi.  
v. 23: quid *περὶ ἀποσιναστος τῶ θανάτου* h. e. de  
medico quodā præsentiissimæ mortis iudicio,  
seu prognostico circa se critico, 2. *ad Cor.* i. v.  
9. commemorer, expendit:) quid ista tan-  
dem Mortalitatē sensio, certissima etiam, fa-  
cit eò, ut gloriari, ut efferre se homo abhor-  
reat ob revelationes divinas, si quæ contigē-  
re? Hæc mortalium est indoles, ut quo  
se se morti magis obnoxios esse animadver-  
tunt, eò magis affectent, quacumq; tandem  
gloriatione immortalitatem aliquam, saltem  
nomini suo, conciliare. Qui, quæ *Cice-  
ro*, pro *Archia*, in hunc sensum disserit, non  
ignorat, vix puto requireret hîc quicquam,  
quod adversum istam sententiam dicatur  
amplius.

## SECT. 23.

*Quid de Subitâ Consternatione, qualem  
Christo etiam aliquam accidisse audimus,  
ex quorundam Opinione, hîc  
censendum sit.*

**I**llorum opinio, qui suspicari hîc audent,  
intelligendum quippiam affine *Consterna-  
tio-*

roni, seu *ταράξει τῆς ψυχῆς*, de quali apud Johannem legimus, *cap. xlii. v. 27.* quòd Christus fateatur, eam sibi accidisse, probabilitatem fortè aliquam habere posset, si apud Paulum hoc loco quippiam velut obreptitum, seu momentaneū aliquid, significaretur.

Sed nimis est id in propatulo, Paulinis verbis denotari quippiam satis longi tractus, & cum perpetuo quodam terrore ac metu, post factas sibi illas supereminentes Revelationes, conjunctum.

De Christi a. *ταράξει* illā, quā animam suam consternatam faterur, liquet, eam ad certum aliquod & præsens momentum referri: cū disertè inquit, *Νῦν ἡ ψυχὴ μου ταραχῆται*: *Nunc*, seu modò, *anima mea turbata est*. Atq; quæ sequuntur, seu addita porro verba sunt, ipsa etiam plus satis pròdunt, quid animæ Christi in Humanitate, Consternationem, seu exterefactionem illam pepererit. Nempe cū de futurā apud Patrem gloriā disseruisset, subiit animum quoq; confestim cogitatio diri atq; immanis supplicii illius & *πυλινῶν* gravissimorum, quæ subitò paucò post tempore esset, antequam in gloriam suam introiret. Hæc cogitatio, ut nobis, secundum Humanam Naturam ipse existit, per omnia, peccati labe demtā, similis, pro



Humanitatis indole, cum exterefecit adeo, ut Patrem quoque deprecaretur, quo ex illa hora ipsum servaret. Sed utut consternatus, utut deprecans, confestim se quoque animo composuit, ad omne id fortiter patienterque subeundum ac sufferendum: dum continuo adjecit: *Sed propter hoc veni in istam horam.*

Non est ob rem, quam propriè hic tractamus necessarium, cur quicquam de verbis istis, & Consternatione Christi hic addamus. Attamen, cum Lectori forsan mirum videri possit, quid Christo tale quippiam acciderit, attexere in eius gratiam libet, quæ Theophylactus ad eum locum piè commentatus est. *Quid est, inquit, quod dicit: Nunc anima mea conturbata est? Videtur sibi ipsi contraria loqui. Nam qui superius videtur admonere: ut exerceamur, & parati simus ad mortem, & odio habeamus animam; hic nunc turbatur moriturus: quod non est exhortantis ad mortem, sed avertentis. At si rectè consideraveris, invenies, quod turbare ipsum, adhortatio sit ad Contemtum mortis. Ut enim ne quis possit dicere, quod ipse extra pericula alios admoneat: ostendit quod & ipse humanis proprietatibus tentatus sit, & nostra natura fuerit particeps, quamvis absq; peccato. Idcirco quamvis mereat & tur-*

betur, ut homo, qui naturâ vitæ amans est: non tamen mortem de vitâ, utpote quæ esset pro mundi salute. Propterea enim, inquit, veni in hanc horam, ut mortem pro omnibus subeam. Docet autem per hæc nos, ut nos etiam si turbemur, & mereamur, non fugiamus pro veritate mortem.

Hæc sic in transcurso ex Theophylacto adducta, non sine fructu tamen à Lectore pio considerabuntur, Christi exemplo ad perpersiones gravissimas sese animaturo, & ob consternationem, si quæ fortè in tales casus accidat, efficacissimè consolaturo: sed nunc hoc loco Paulini illius σκόλοπος explicationem penitus mecum quoq; exquisituro,

## SECT. 24.

*Quàm præ aliis Explicationibus probabilis sit illa, quæ ad Afflictiones, Adversitates, Hostilitatesq; , τὸν σκόλοπον refert: licet*

*nec ipsa Pauli verbis Scopove plenè congruat.*

**Q**uod igitur Afflictiones, Adversitates, seu Hostilitates tandem attinet, illæ sanè vel unæ videntur esse, quæ σκόλος τῇ σαρκὶ existere, atq; ad Elationē prohibendam facere, intelligi quàm



quàm commodissimè possint. Vti enim res prosperæ ad *Insolentiam* permultum faciunt, Caroq; seu corpus nostrum, si ab adversitatibus existat liberum, in luxuriam proclive est: ita de rebus adversis durisq; contrarium fieri liquet: ut per eas Caro coerceatur, & ad modestiam fiat compositior. Poëtæ jam olim de rebus felicibus id satis agnovêre. Queritur *Maro* x. *Æneidos*:

*Nescia mens hominum fati sortisq; futura,  
Et servare modum rebus sublata secundis.*

Et *Silius*,

*Hec cæca mentes tumefactaq; corda secundis.  
Seneca nem in Troade:*

*O Tumide, rerum dum secundarum status  
Extollit animos.*

Et cui *Nasonis* illud ignotum?

*Luxuriant animi rebus plerumq; secundis:*

Nec facile est, aquâ commoda mente pati. De Adversis rebus diversum contrâ profitentur universi. *Lucretius* sanè, quamvis atheismi subtilioris illius non Candidatus, sed Professor & Magister quidam, haut tamen reticuit, quid res adversæ proficiant apud homines:

*— Multaq; in rebus, inquit, acerbis,  
Acrius advertunt animos ad religionem.  
Quo magis in dubiis homines spectare periculis*

*Convenit, adversisq; in rebus noscere, qui sint.*  
*Nam vera vocis tum demum pectore ab imo*  
*Eliciuntur & eripitur persona, manet res.*  
 Ad submissionem, seu humilitatem, ut vocant, cum primis res asperæ, & infelicius secundum carnem habentes, faciunt: quod apud *Plutarchum* in *Tractat. Quomodo audienda Poëta*, Græcus ille aperte testatur, qui inquit:

*μικρὸν φρονεῖν καὶ τοῦ κακῆς πανταχόθεν :*

H. e. *Submisisse gerera se oportet eū, qui rebus utitur adversis.*

Atq; *Adversitates*, quæ homini sic extrinsecus animum accidunt, sanè rationem elegantem habent, ut conferri queant, cum *Surculo*, *Palove*. Quemadmodum n. per *Surculum*, *Palumve*, si infixus cogitetur, caro cruciatur, & impeditur, ne lasciviat, ne subilire atq; efferre se gaudeat: ita *Adversa* eodem faciunt in homine, carne præditi: & castigando illi perquam sunt accomoda, quò sese efferre minùs affectet. Mirumq; est, qui hæc sententia, præ altera illà de *Tulliarione Veneranda*, aded negligi deprimitive superioribus seculis potuerit, quamvis Antiquissimis Scriptoribus, ut superius ostensum est, ferè comprobata: ut *Iacobi Fabri Stapulensis* tempore, pro nova haberetur. Quod ipse in *Commen-*



tariis innuit, cum pro eadem eleganter dis-  
serit & ne solus videatur hanc sibi opinionem fin-  
xisse, *Athanasium* in eundem modum Pauli ver-  
ba explicante introducit. Cujus verba quia su-  
perius afferre prætermisimus, non abs re hoc  
loco atteximus: ut, quid Patrum Antiquorum  
Sanctissimus gravissimusq; de re isthac sen-  
serit, ex ipso ejusdem ore etiam quasi cognosca-  
tur. Is igitur in *Questionibus*, quibus loca  
quædam Paulinarum Epistolarum etiam e-  
volvuntur, *questione CIX*, Quid sit illud,  
*ἰδοὺ μοι ἐχόλας* (Sic habet Cōnteliana Editionis  
textus *ἰδοὺ μοι ἐχόλας* & c. respondet: Sa-  
tan, Adversarius dicitur. Angelum igitur, seu  
nuncium Satan dicit Alexandrum ararium fa-  
brum, Hymenæum & Philetum: qui divexa-  
bant ipsum & resistebant, dicentes Resurrectionem  
jam fuisse: qui etiam apprehensum eum in car-  
ceres projiciebant, & multis afficiebant malis. Sic  
loco dicto Athanasius.

Quantam sic cunq; speciem tamen habe-  
at isthac quoq; Interpretatio, quantaq; etiam  
ex Antiquioribus Ecclesiæ doctoribus au-  
ctoritate munita esse videatur: Vix puto ta-  
men per omnia attento satisq; considerato  
Lectori satisfaciet: si præsertim ad scopum  
propositum contentiore oculo respexerit:  
qui est, ut *Elationi seu Gloriationi ob Revelatio-  
nem singularissimam, sublimissimamq; repagulum*

ponatur: At, pone adversitatibus urgeri & exerceri hominem istiusmodi, quibuscumque tandem, an non sub illis quasi in solatium aliquod suum gloriari de Revelationibus suis magis audebit, quam ut per eas, sic absolute spectatas, à Revelationibus iis commemorandis & expromendis cohibeatur? Quid ipsum Paulum perduxit eo, ut sic aliquid earundem in Scripto isto suo ad Corinthios attigerit, nisi Adversitates, quibus ab aliis deprimebatur?

Quas ipsas Adversitates quoque si generatim ac promiscue sic spectamus, haut satis patet, quâ omnino ratione, & quâm plenâ planâve verborum congruentiâ, tanquam singulare quoddam de se Paulus hic prædicet: dum, ut ne efferretur, ob excellentiam revelationum, datum sibi fatetur, *σκόπη τῆ αἰγῆς ἡ γυγελὸς σαλευ*, qui colaphis ipsum accipiat, ne efferatur: qui uti abs se absteret, ter deprecatus sit Deum &c.

Omnino verbis suis istis indicat Apostolus, singulare quiddam sibi, post excellentes illas Revelationes, quæ præ aliis ipsi privatim contigerant, ex adverso ita accidisse: ut ab Elatione propter illas, tam peculiari aliquo modo cohiberetur, quâm singulari quoque modo ad revelationes illas sublimissimas fuerit



fuerit præ aliis admissus, seu elevatus. Bre-  
viter, quàm illa ἀποκάλυψις, quæ Apostolo  
huic seorsum contigit, rara & insolens, seu  
potius prorsum singularis agnoscenda est:  
tam illud remedium, seu alexipharmacum  
quoq; , rarum ac insolens, seu potius singu-  
lare prorsum apud ipsum adhibitum fuisse,  
haut obscuris verbis doceri constat, si Con-  
textus hicce totus plenè cohærenterq; expen-  
datur.

## SECT. 25.

*Verba Paulini Contextus omnia, qui pres-  
sius considerari debeant, ex narratione*

*de Revelationibus præmissâ:*

*Quantumq; , Revelationum  
illarum licentiosior Evulga-*

*tio, periculi involvere*

*potuisset.*

**V** Erborum igitur illorum vis omnium,  
ut tantò faciliùs luculentiusq; per-  
spiciatur, respiciendum est primò o-  
mnium ad id, quod præmissum Apostolus  
narravit, de sublimissimâ illâ Patefactione,  
quæ per Surreptionem in Cælum usq; terti-  
um illi contigerat. Ea res huiusmodi erat:

ut non

ut non Mosis tantum ac Prophetis; sed cæteris quoque Apostolis omnibus major reputari ipse propterea, & sic præ illo cæteri, quodammodo aspernabiles apud vulgus evadere, potuissent, nisi cautelæ aliquid interponeretur.

*Mosis* quidem in montem Sinai ascendere licuit, & cum Domino, in ista quantulacunque Sublimitate, colloqui, facie ad faciem, contigit. At in ipsa cœlestia Sacraia, montibus omnibus, astrisque, etiam ipsis sublimiora, ad *Cælum*, usque *tertium*, cum penetrasse, aut ibidem audivisse, quæ sint *supra*, quæque nec liceat homini eloqui, id nusquam commemoratur, aut indicio saltem aliquo, vel obscuro, significatur.

Quid *Paulo* contra in istum modum, benignitate Dei, & gratiâ longè mirabilissima, obtigerit, narratio illa, quamvis obliqua & quasi in tertium quendam translata, satis luculenter exprimit. Cum *Samuele*, quem Deus alloquio singulari dignatus fuerat; cum *Elia*; cum *Prophetis* plensque omnibus; cum ipso etiam *Ezechiele*, qui Angelorum quasi confors censeripoterat, si contendere Paulum allibeat, *Revelationum* intuitu, nimis eos omnes multis ipse parafrangaris antecelluit.



Alloquio eum, in Vocatione primâ ad Christianismum, & ad Apostolatam, dignatus fuit, Unigenitus ille DEI Filius, καὶ παῦλος ἡμεῖς ἀπαγγέλλει τῆς ἐκκλησίας τοῦ θεοῦ. Luce eum circumluxit humanitus intolerabili: quod oculorum suorum documento quoq; prodidit. Instituebatur sic sanè ab Ananiâ de nonnullis initiò: at ut planè posset asseverare, se, quod tradidisset, accepisse à DOMINO, in ipsum præterea Cælum usq; sublatus fuit: ad *Visionem Auscultationemq;* admissus eâ fuit, quæ mortalium nulli usquam memoratur contigisse.

Hæc igitur tanta Pauli dignatio, ut ad Sublimissimâ Majestatis Divinæ sedem fuerit intromissus; ut de Throno Cœlesti fuerit ad Sapientiam Spiritualem eruditus; ut verba audierit, quæ eloqui homini fas non esset: hæc facere, si sequi sensum carnis, (in quâ vivere deinceps necesse habuit *Gal. II. V. 20.*) inhibitum non fuisset: hæc, inquam, facere permultum poterat, ad sese super alios quosq; vel ipsos etiam Apostolos cæteros, si in vulgus visa, audita, liberè expromeret, efferendum.

Scientia inflat, ipso Paulo teste, & monitore, I. *ad Cor. IIX. V. 1.* At scientia quanta sic non eidem, præ omnibus etiam Apostolis, contigerat!

*Petrus,*

*Petrus, Iohannes, Iacobus*, in Monte viderant, clarificato Christum corpore, Mo-  
semq; ac Eliam cum ipso colloquentes au-  
dierant. Quanto id autem majus, quod  
Paulo contigit, per Raptum illum divinum,  
in cœlum usq; sublimissimum evecto, in Pa-  
radisum, h. e. Sedem beatitudinis supernæ &  
æternæ, translato! Vbi non Mosem, non  
Eliam tantum, sed Prophetas omnes ac be-  
atos; nec Christum in transitoriâ duntaxat ac  
momentaneâ clarificatione, sed in perpetuâ  
perfectissimâq; ac verè illâ *μεγαλοπρεπεί δόξα*  
spectavit, cū infinitis illis Angelorum myria-  
dibus, cum Spiritibus Sanctorum perfe-  
ctorum!

Si Carnis indolem sequi hinc Paulo li-  
cuisset, quid pro illâ, ex tantâ Revelatio-  
num præcellentiâ, non habuisset ipse argu-  
menti, ut efferret sese, adversum etiam *τοὺς*  
*ὑπερλίαν, Ἀποστόλους*, quos ita vocat in ipsâ hac  
Epistolâ, cap. antecedente xi, v. 5?

Quid inde autem periculi emergere  
non faciliè potuisset, cū, ut nimis illi tri-  
bueretur à vulgo; tum, ut alii præ ipso simul  
cū doctrinâ etiam suâ temnerentur! Con-  
jectura eventus sequioris illiusmodi, ex eo  
planâ est, quòd haur pauci, ob dotes utiq;  
præcellentes nonnullas alias animadver-  
sas,



fas, de ejus sese nomine appellitare cæperint.

Atq; ex quali quali isto, Revelationum tantarum illarum, quod Apostolus extare de se hoc loco voluit, indicio, non absuit etiam, quin existeret jam olim haut leve apud nonnullos delirium. *Origenes* in eam rem testis esse nobis potest: qui affirmat, extitisse nonnullos de Paulo sic persuasos apud se, ut pro *Veritatis Spiritu* ipsum haberent, illo nimirum, quem Christus à Patre Discipulis suis promiserat mittendum: Joh. xv. *¶* 26.

## SECT. 26.

*Quæ ex præmissâ Narratione de Sublimibus illis Revelationibus consequenter Ratio pateat, in Palo, Angeloq; Satan, de quo sequitur, generatim agnoscenda: perq; quas partes res illa edisseratur.*

**I**Taq; , cùm humanæ Carnis modus vix ferat, ut, dum in eâ attinetur homo, non idem sese efferat facilè, si præsentim ad *Sublimitatem majorem dignioremq;* aliquam se admissum præ reliquis animadvertat; si præditum se singulari præ aliis, supraq; alios *Scientiâ* nôrit: Conjectura non difficilis est, *quid*

quid de Apostolo, post tantas istas Revelaciones fieri, divino consilio convenientissimum fuerit. Nempe, requiri quodammodo videbatur, ut contra Elationis illud periculum, Remedium eidem singulare aliquod, ceu Alexipharmacum quoddam Spirituale, adhiberetur. Atq; id, cuiusmodi ac quale fuerit, ut planè intelligatur; utq; sic explicatè constet, quàm fuerit divinitus adversum illud, ex carne periculum prospectum: rem omnem istam Apostolus, post præmissam obliquam de Raptu suo, Revelationibusq; sublimissimis, narrationem, directâ Narratione, huncce in modum porro edisserit.

Primò. *Rationem propriam divini circa se Consilii in Alexipharmaco Elationis sibi adhibito, exponit.*

Deinde, *Commemorationem subtexit Eventus cuiusdam notabilis, post idem circa se Consilium, & adhibitum sibi Remedium, ex sua parte sequitur.*

De utroq; membro isto videbimus prefè ac distinctim: Si istâ ratione, Spiritu divino nos adjutante, rem tantam melius illustrare, intemeratèq; explicare valeamus.

SECT.



## SECT. 27.

*In Enarratione Alexipharmacii illius, Paulo post Revelationes adhibiti, quæ veniant discretim ulterius expendenda.*

**D**ivini igitur illius, in adhibendo sibi post Sublimissimas Revelationes, Elationis Alexipharmaco, Consilii rationem propriam enarrat Apostolus, per septenos quasi gradus hosce.

1. *Occasionem & Finem designat, ob quem Remedium illud fuerit adhibitum.*
2. *Innuat, Quo Auctore & Directore idem fuerit adhibitum.*
3. *Exprimit, Cui id fuerit adhibitum.*
4. *Significat, Cuiusnam modi atq; efficacie illud extiterit, cuiq; definitum parti adhibitum, seu velut applicatum fuerit.*
5. *Denominat in Specie, Ex quo rerum genere depromptum, seu quodnam illud fuerit.*
6. *Addit, Quæ propria eius operatio extiterit, aut esse debuerit.*
7. *Hoc etiam tandem subinnuit, Quâ cum restrictione, seu quali cum modo, sine, usu ac temperamento, Remedium hoc tam acre fuerit adhibitum.*

H

Per

Per puncta hæc talia, Narratio propo-  
ta convenientissimè posse distribui visa est:  
ut ad *Remediũ, seu Alexipharmacum Elationis*,  
tanquam ad Caput Periochæ huius, perpe-  
tuus nobis esset intuitus. Quem titulum  
vel ideo hic adhibere placuit, quod & po-  
pulari captui sit perquam accommodatus; &  
à *Veteribus* pariter ac *Recentioribus Scriptori-  
bus* haut paucis, circa Textum hunc reperiatur  
usurpatus: deniq; ad appellationem Angeli  
Satan, ut Serpentis, singulariter congruat:  
cũ *alexipharmaca* ex venenato itẽ animanti-  
um genere confieri, vulgo quoq; notum sit.

Quod si tamen placeat, *Remediũ, seu Ale-  
xipharmacũ* apellationem commutare hic  
cum nomine *Coercitoris* seu *Castigatoris*, qui  
Paulo additus significetur, ut ab Elatione eũ  
ceu Custos, & Terriculamentum aliquod,  
prohiberet, puncta plerãq; illa, quæ enume-  
ravimus, eodem referre, & modo congruen-  
te ad istum etiam titulum applicare, non adeò  
erit difficile. Sed de eo, suo postmodũ  
loco erit forsan, ut aliquid ulterius monen-  
di explicandiq; sit occasio. Nunc partes il-  
las uti instituimus, persequemur.

## SECT. 28.

Occa-



Occasio, Finisq; *Prophylactici seu Alexipharmacii singularis, Paulo adversus Elationem adhibendi, quæ fuisse designentur.*

**Q**Uod igitur in Remedio seu Prophylactico singulari illo, circa Paulum adhibendo, *Occasionem, Finemq;* attinet, designantur ea, dum inquit Apostolus: καὶ τῇ ὑπερβολῇ τῶν ἀποκαλύψεων, ἵνα μὴ ὑπερήρωμαι. *Et ne Supereminentiâ Revelationum offerar.*

*Occasio* quidem denotatur, dum mentio fit τῆς ὑπερβολῆς τῶν ἀποκαλύψεων; *Finis* autem ex occasione eâ velut enatus, indicatur verbis, ἵνα μὴ ὑπερήρωμαι.

*Ἀποκαλύψεως*, *Revelationis* nomen, si de nativâ vi suâ æstimeretur, refert sese ad quippiâ, quod vel certò jam existat; vel certitudinem omnino suam habeat, interim rectum sit, aut obvelatum, ut haut pateat aliis. Quod ipsum quo videre cognoscive dignius, jucundius, optatiusq; esse animadvertitur, eo major dignatio ac felicitas quædâm subesse in eo intelligitur, si id cui detegatur, si reveletur; hoc est, si quasi velario submoto, fiat alicui potestas spectandi atq; cognoscendi.

Hanc vim cum ea vox habeat, ex suâ velut nativitate, tum verò in Scripturâ Sacrà,

usum habet illum peculiarem ac longè excellentissimum, ut rebus divinis, ac supernaturalibus; ut consiliis ac decretis cœlestibus, seorsum accomoderetur, deq; illâ dignatione usurpetur, quâ fieri intelligitur, ut spectanda, cernenda, cognoscenda illa homini offerantur.

Quo respectu haud abs re videtur *Hieronymus* affirmasse, in Comm. Epl ad Gal. c. 7. Verbum ἀποκαλύψεως propriè Scripturarû esse, nec ab ullo Sapientum seculi usurpatum. Vbi item videri sibi ait, quemadmodum in aliis verbis, quæ de Ebræo in Græcum LXX. Interpretes transtulerunt, ita & in hoc magnopere esse conatos: ut proprietatem peregrini sermonis exprimerent, nova novis rebus verba fingentes: Et sonare, cùm quid rectum & velatum, ablato desuper operimento, ostenditur & profertur in lucem. Quod ut manifestiùs fiat, accipere exemplum jubet, & *Moses*, inquit, cùm DEo revelatâ & apertâ facie loquebatur: id est, absq; velamine: ad populum autem loquens, quia vultum ejus attendere non valebant, velamen ponebat in facie. Ante Arcam quoq; Testamenti, velum expansum erat: quod cum fuisset reductum, ea quæ antè abscondita fuerant, prodebantur, & ut ipso verbo utar, revelabantur.



Non libet hîc quicquid sic ab Hieronymo etiam affirmatur, minutiùs excutere, ut quædam fortè in Lectoris erudiendi gratiam exquiri pressius possent. Illud satis est, præclare sic intelligi, quàm isto nomine denotetur quippiam, *Dignationem* haut exiguam involvens, imò tanto illam quoq; maiorem, quanto res sublimior diviniorq; esse cogitatur, quæ retegitur.

Vnde non else in obscuro potest, quî hac parte occurrat aliquid, quod præbere *Occasionem Elationi* soleat.

Quod tanto hîc magis agnoscendum proponitur, dum non ἀποκαλύψεις cuiusdam tantum, singulatim, meminit Apostolus, sed τὰν ἀποκαλύψεων, numero pluralivo.

Solet is numerus in vocibus haut rarò vim eam per Ebraismum habere: ut rem notet non simpliciter, sed cum excellentiâ quadam intelligendam.

At hîc loci satius est congruentiusq; ad multa eam referri, quæ revelata significantur Apostolo fuisse.

Quæ cum summæ per se dignationis extitisse intelligantur, tû id verò ampliùs accedit, ut non Revelationes simpliciter nominare voluerit, sed τὴν υπερβολὴν quoq; dicere τὰν ἀποκαλύψεων.

Quâ exaggerandi voce, cum pluralitas, tum summa quædam excellentia, seu super alios exuberantia, vel supercummulatione.

latio, ut sic dicam, earundem Revelationum apertè designatur: ut plusquàm sic evidens fiat, ex istâ vocum consideratione, quid hîc Occasionem dederit affectui cuidam, apud Paulum, vel apud alios etiam metuendo, quem providentiâ singulari aliquâ præcavere ac prohiberi consultum fuerit.

Affectus ille, ob Revelationum tantarum illarum ὑπερβολῶν metuendus, *Elatio* fuit, seu *Sui super alios, ut sic dicā, extollentia*. Cui annecti solet seu comes individuus, *Ahorū præ se despectuentia, Contemptusq<sub>3</sub> ac Vilependium*: idq; seu animo privatim conceptum ac forū; seu sermonibus, moribusq; ac gestibus proditum, & in aliorum etiam animis excitatum.

Notum aliàs quid ex imaginatione etiam aliquâ sublimioris & Angelicæ cuiusdam dignitatis, accidisse nonnullis significet Paulus, ad *Coloss.* 11. & 18. cū eorum meminit, qui aliis brabeum velut præauferre affectent, in subnissione, & cultu quodam Angelico, seu Angelorum, quasi in ea, quæ non viderunt, ingressi, seu incedentes, frustra; adeo sensu carnis suæ inflati. Quid Paulo sic igitur proclive non fuisse cogitandum est, dum reverà vidit ipse & audivit, quæ alii tantum imaginabantur sibi: dum ad ipsam Angelorum conversationem contuitumq; admil-



admissus fuit? Qualis non inde *Affectus* in ipso existere humanitus poterat: ut sese extolleret: ut tale aliquid per jactationem suæ dignationis illius designaret, unde despectuosi evaderent præ ipso alii, sicq; in sacro munere suo haut leviter sufflaminarentur?

Nehic talis igitur *Affectus*, tot noxia secum Symptomata trahens, in Paulo post eminentiam illam Patefactionum divinarum, existeret, pro carnis, humanæq; indolis modo, verendum fuit.

Sic *Finis* ergo ille, præliturus *ex Occasione* eâ fuit, *Scopusq;* quasi præfigi cœpit: ut malo illi præcavendo, per Remedium aliquod accomodum iretur obviam, ejus proclivitate simul ac gravitate, tum *ex Revelationum excellentiâ*, tum *ex Carnis humana incontinentiâ*, satis omnino perspecta.

Atq; agit hoc Pater in Cœlis Providentissimus, ne Beneficiis, ne Dignationibus suis, nobis incommodet. Sic Gratias suas, eum excellentiore modo eas confert, contemperare, additamento quodam acerbioris, nostro bono, gaudet: ut Carni nostræ, contra *Luxuriam* ac *Superbiam* adhibeatur quoq; prophylacticum. Quod adeo, Paulus hic sibi obtigisse innuit: cum narratione Revelationis sublimissimæ, præmissâ jungit, καὶ ὑπερβολὴ τῶν ἀπακαλύψεων, ἵνα μὴ ὑπεραίρωμαι.

Atq; sic quidem potiora MS Græca omnia habent. *Vulgatus* tamen *Interpres*, ni privatim illam sibi licentiam sumfisse putetur, in exemplar incidisse videtur, ubi lectum fit: καὶ ἵνα μὴ ἡ ὑπερβολὴ τῶν ἀποκαλύψεων ὑπεραίη. Vnde reddidit: *Et ne magnitudo Revelationum extollat me.*

Sed eam lectionem haut facile asseverarim, pro genuinâ agnosci posse: licet emoliri sensum ejus, quem habet in speciem duriusculum interpretatione facili posse haut negem. Nimis scilicet durum aliàs foret, tam directè ac quasi per ferribui, singularissimo ac sublimissimo Dñi Beneficio, id, quod ex pravitate ac corruptione humanâ propriè duntaxat proficiscitur. Quod in passivo verbo, nisi inconsideratiùs fortè accipiatur, non æquè locum habere animadvertitur: cum multò usitatissimum sit, quæ per accidens, ut loquuntur, atq; eventu quodam, ad effectum minùs probum faciunt, istâ ratione enuntiari.

Sed & res omnis planior evadet, si verbum, quo *Finis*, seu *Eventus* potius, hic præcavendus denotatur, paulò consideratiùs ipsūm evolvatur: nempe, τοῦ ὑπερβαίνειν.

## SECT. 29.



*Verbum in epistola, quomodo sit hoc loco exponendum, ut sensus rectè congruenterq; in re istâ teneatur.*

**I**D verbum igitur, reddunt pleriq;, hoc loco, per, *Efferrer*: cùm in Græco sic habere etiâ videatur significationem passivam. Quam significandi vim, si ad eò simpliciter ex Grammaticâ ratione æstimare liberet, posset vel isto modo quoq; videri, ipsa Excellentia Revelationum, quasi directâ causa aliqua fieri Elationis: siquidem habere se Paulus passivè duntaxat, vi locutionis illius, putetur. Nam si locutionem istam, uti fieri per leges Grammaticas potest & solet, de passivâ in activam transformes, eq; casu sextu primum effingas: ipsa Revelationum magnitudo diceretur Paulum efferre, seu in Elationem agere. Sic igitur, quod activâ ratione hic agnoscendum veniret, in Revelationis divinæ magnitudinem deferri, consideratione minùs cautâ, facile posset.

At enim, ut denuò illud moneamus, dona Dei, eorumq; excellentia ac abundantia, haut sunt per se incusanda malæ frugis, quam suapte vi, aut principali operatione, ex se, talem nullam unquam producant. Omnis hæc mali labes, quæ donorum illiusmodi oc-

casione existit, in homine quaerenda est, & in illo, qui homini instinctor esse solet malorum, Diabolo nimirum.

Ne ergo verbum, quod hoc loco occurrit, in sensum facere videatur, quem minus per omnia probare queamus, notari id debet: *το ενεργητικον*, quamvis vim passivam videatur, in Graeco usu, ex sua forma, habere, esse tamen per Ebraismum ita accipiendum, ut sub eadem illa forma, citra vulgo usitatam illam Grammaticam transformationem, in activam significationem aliquam recidat. Qualis significatio in verbis aliarum Lingvarum, ex Ebraeo praesertim Idiomate aestimandis, non raro agnoscenda venit: ut scilicet, quae Graecis Latinisque, forma passiva enuntiantur, accipiantur in eum sensum, qui Ebraeis exprimi solet, per Conjugationem reciprocam, quam vocant, *Hupagnet*, seu in qua Persona agens, actionem aliquam in seipsam reflectere, intelligitur. Quam vim optime sic exprelsit *Interpres* noster *Germanicus*, cum activè reddidit, reciproca ratione: vnd *das ich mich nicht erhebe*: Et *Castellio*, *Ne me efferram*: cum minus interim accesserint eodem Interpretes plerique alii, qui vel reddiderunt: *Ne supra modum efferrer*, ut *Erasmus* habet, & illum hic sequutus *Beza*; vel *Ne extollerer*, ut Sy-



ut Syriacum verbum reddidit *Tremellius*.

Sic tamen & ipse *Germanicus Interpres* noster, verbi eius modum accomodatius, expressisset etiamnum: si potius scripsisset, daß ich mich nicht überhübe, oder überheben möchte: quàm quod posuit, daß ich mich nicht überhebe. Verbi enim modus, si in Græco rectè attendatur, hoc omnino requirit.

Probè id à *Belgio in Novâ illâ, eâq; elaboratissimâ Editione*, observatum fuit: ut modum illum sic propius exprimerent: cum reddidère, Op dat ick my door de utnemenheit der openbaringhen niet en soude verheffen. Quod tantundem videtur, ac se dicatur, *Ne per excellentiam revelationum, me efferre possim, vel auderem.*

Τὸ ὑπερυψώσασθαι igitur, tantundem hoc loco esse, ac, *Sese ipsum extollere, Sese ipsum præferre aliis, Supra se alios efferre*, convenientissimum est, ut agnoscat: ut hoc planè animadvertatur, venisse hic in Paulo divinitus præcavendum, quod humanitus ex ipso atq; in ipso, post Revelationum illarum divinarum excellentiam, existere poterat: nempe ut Sese aliis anteferet, Super alios sese evehet: Aliosq; præ se despiceret, contemneret, deprimeret. Hoc ne facere, vel posset, vel faciliè auderet, *ὅσοντος* quoddam, seu velut terri-

terriculum aliquod adhiberi, matureq; illi  
opponi necesse fuit.

Et verò si in in Paulo, ratione Apostolo-  
rum reliquorum contingere id debuisset, ut  
per aliquam suarum Revelationum jactan-  
tiam, eos redderet præ se despicabiles, ob-  
scurum non est, quantum inde exædificandæ  
Ecclesiæ obstaculum fuisset emersurum.

Præterquam, quòd, si liberiùs de Revelatio-  
nibus suis expromississet τὰ ἀποκάλυψαι, hoc est, non  
simpliciter ineloquibilia, sed quæ hætenus  
eloquio nullo prodita sunt, vel eloquio etiam

humano prodi vix possint; si ἀπὸ τοῦ ἀνθρώπου  
λαλῆσαι, quæ permissum non erat, seu non  
conveniebat homini (ulli) eloqui, seu per e-  
loquium communicare, si inquam, talia li-  
centiosius effutivisset fortè: fieri nimis facile

potuisset: ut Auditores de ipso *cognitarent  
supra id, quod viderent eum esse, aut quod audis-  
sent ante ex ipso:* Et sic tandem Deum quendam  
fingerent: ut accidit tale quid Iconii. *Act.*

*xiv. v. 11. 12.* Sed quàm id ipse abo-  
minatus fuerit, satis ex eadem narratione con-  
stat. Atq; obviam itum voluit, illiusmodi

circa suam Personam exorbitationibus, cum  
*Hocce*, (nempe talis) agnosci seu reputari

vellet, *Quod*, (seu qualis) erat: nempe Apo-  
stolus, ac Homo Minister: non Angelus ali-

quis.



quis, aut DEUS. Vnde etiam, cū inquit,  
 μή τις εἰς ἐμὲ λογισθῇ ὡς ὁ βλέπει με : hoc est, *ne quis*  
*in me reputet supra id, quod videt, me, scilicet es-*  
*se*: non dixit, supra id, quod sum, sed *quod*  
*videt me esse, aut quod audit ex me.* Homo e-  
 rat, *Apostolus* Christi erat, *Minister* ac di-  
 spensator Mysteriorum Dei. Id erat mani-  
 festum. Videbantur & audiebantur, certa hu-  
 ius conditionis & functionis in eo experi-  
 menta. Supra id ne sibi quid imputaretur,  
 præcautum voluit prudenti de suis Revelatio-  
 nibus silentio. Et jam quoq; 1. Cor. iv. v. i.  
 disertè monuerat: *Sic nos aestimet homo* (seu  
 unusquisq;) *ut Ministros Christi, & Dispensa-*  
*tores mysteriorum Dei.*

### SECT. 30.

*Quid ex consideratione istâ* Elationis eti-  
 am in Sanctissimis metuendæ, *sed* Divi-  
 no Consilio *præpediendæ singula-*  
*riter, notandum veniat.*

**L**iquet ita ex iis, quæ pro Apostolico-  
 rum in periochâ nobis propositâ Ver-  
 borum illustratione, hucusq; diximus,  
 quàm *Finis* haut leviculus, aut modici mo-  
 menti, notetur Consilio Divino spectatus  
 fuisset.

fuisse: cum isthuc illud directum intelligitur fuisse: ut Elatio seu Jactantia, præcaveretur; vel etiam Visionibus sublimissimis ac Revelationibus licentiosi<sup>9</sup> effutiendis quasi repagulum aliquod poneretur.

Præclare sic quidem patet, quæ humanitus metui in nobis possunt, tanquã Gloria Divinæ obstitura, Salutiq; hominum non leviter incommodatura, iis Divinam Sapientiam satagere sic maturimè prospicere, ut ne in nervum erumpant. Aded est indulgens simul ac providus, Pater in Cœlis ille supremus, erga nos: ut quasi ex metu etiam quodam, per ἀνθρωποπάθειαν sibi tributo circa nos, prævortat malis ex nobis oborituris. Occurrebat in Paulo, post Revelationū Divinarum ὑπερβολήν, quod pro humanæ indolis modo, metueretur, malum. At præstò est Cœlestis Providentia, malumq; in Paulo, post bonum excellentius illud, metuendum, Consilio Singularissimo amolitur.

Ad modum consimilem innuitur *Dent.* xxxi i. quoq; , quid quasi ex metu quodam futurorum eventuum, Divinæ Gloriæ nimis adversaturorum, constituerit Deus de populo suo, *Y.* 26. 27. *Statueram quidem, inquit, quòd dissicere eas vellem per angulos terra, tollereq; memoriam eorum è mortalibus: nisi ferociam* ho-



*hostium veritus essem: ne forte hostes eorum sibi  
id arrogarent: ne forte dicerent; Manus nostra  
excelsa, & non Dominus operatus est universum  
hoc &c.*

Fuit tùm quoq; temeraria Gloriatio,  
quam intercisam Deus, seu prævullam voluit,  
quasi ante herbam: deditq; sic velut metus  
aliquis, Occasionem, Divino Consilio con-  
venienter moderando: uti circa Paulum hic  
affine quippiam evenisse haut obscurum est.  
Involvunt ista, dùm sic docentur, *ἀνθ' ἡμῶν ὁ  
θεὸς* quidem, suntq; accipiendâ ita, ut *θεογενὲς*  
maneat salva. At interim perquam exi-  
stunt accomoda, ad efficaciter nos erudien-  
dos in *Fiduciam de Paternâ Benignitate Dei, &  
Solllicitâ quadam ejusdem Prospicientiâ*: ut cir-  
ca nos in omnem modum procuretur, quod  
esse potest Sanctissimo Nomini eius glorio-  
sissimum, nostrisq; simul Animabus existat  
verè salutare.

Sed & illud hac parte non omitten-  
dum, ut agnoscamus, quæ superesse soleant  
in *Homnibus etiam Sanctissimis Infirmis*,  
etiâ ubi iis dotibus instruuntur, quæ ad Sa-  
pientiam spectant planè Divinam. Elegan-  
ter hinc & nervosè *Augustinus lib. 1. de Gra-  
tia Christi, Contra Pelagium & Coelestium cap. XI.*  
*Quid dicam, inquit, de Revelatione Sapientia?*

*Neg.*

*Neg*, enim facile quisquam speraverit in hac vitâ posse pervenire ad magnitudinem Revelationum Apostoli Pauli. Et utiq; in eis quid aliud credendum est ei revelari solere, nisi quod ad Sapientiam pertinet! Et tamen dicit, In magnitudine Revelationum mearum ne extollar, datus est mihi Stimulus carnis mea, et Angelus Satana, qui me colaphizat.

### SECT. 31.

*Quid de illâ verbi ὑπερβολῶν Explicatione sentiendum, cum redditur, supra modum efferri, vel etiam, Ab aliis glorificari.*

**I**D vel obiter præterea circa hanc partem notari, abs re non fuerit, *Interpretes* eos, si *ὑπερβολῶν* secuti, *ὑπερβολῶν*, reddendum efferri, sic haut satis intra vim verbi, ne dicam, intra justam quoq; rerum considerationem propè se continuisse: ut non videri propemodum quant, Apostolo aliquid, tacitè vel licentiæ affingere; vel labeculæ impingere, minùs convenienter. Nempe eâ ratione significatur, Apostolum se omnino extulisse, vel quantenus efferre potuisse: adeoq; id spectatum



tum fuisse Consilio Divino, ne modum tantum excederet, in sese efferendo: cum efferre se quodammodo posset.

Sed mihi quidem, hoc affirmare de Apostolo, religio fuerit: quicquid videri aliis queat: cum præsertim cogito, quantâ cum protestatione, & quâm invitatus, vel specie quadam Gloriationis obtreclatores suos retundat: uti constat ex iis, quæ capite præcedaneo leguntur, *ŷ. 18. 19. 20. 21. & seqq.* Si Græcum quidem verbum, ὑπερεῖποναι, præse expendatur, valet simplex εἶποναι, tantundem quandoq;: ut extolli efferriq; significet: ut reddi probè videatur, particula ὑπὲρ accedente, per *Superafferre*, seu *Superextolli* possitq; adeo nimia quædam, seu modum excedens, Elatio, sic censerî innui. Sed enim necessitas nulla exigit: ut simplex verbum illud, ex vi ac usu omnino illo, accipiamus: quem propriè habet, cum dicitur εἶποναι. Apostolus utiq; si spectare illum planè sensum voluisset, atq; Elationem ultra modum tendentem, exprimere seu nimiam, ἵνα μὴ ὑπερεῖποναι, hoc est, *Ne superafferar*, dicturus fuisset: ut videmus eum consimili verbo ὑπερεῖποναι usum esse 2. Cor. x. *ŷ. 14.*

Annotat ex Recentioribus Lexicographis *Crispinus* sanè Significationem illam, *Supra modum*

*modum sese efferendi*, quasi unam & perpetuam in verbo isthoc. Sed aliud docent, tum Veteres, *Hesychius*; cui *ὕπερ ἑαυτοῦ* est tantundem ac *ὑψιῶ*: tum ætatis propinquioris Auctor, *Phavorinus Camertes*; cui *ὕπερ ἑαυτοῦ*, est vel τὸ νικῶ, vel τὸ ὑπερβαίνω: tum Recentiores quoque; ut *Stephanus*, qui disertè monet, non tantum, *Extollere*, vel *Efferre supra*, sed interdum etiam simpliciter *Extollere*, vel *Efferre*, id verbum significare.

Quin ubi de Passivo *ὕπερ ἑαυτοῦ* disserit, eam, quam nos antè inculcavimus hoc loco agnoscendam vim, ipse quoque, adducto Apostoli loco, exponit: verbis Apostoli *ὕπερ ἑαυτοῦ* subjiciens, *Ne me efferam*, vel, *Ne me extollam*: atque præterea, id ipsum, quod nos hic monendum sumus, itidem monens: *Nec enim* (ait) *videtur necesse esse, addere, supra modum: ne videatur concedi illi, se efferre, sed non supra modum.*

Quamvis, ut illud quoque; hoc loco non reticèa, quod ex *Annotationibus Erasmi* conjectare licet, atque ad excusandam Versionem istam facere aliquo modo potest, non fuit forsan etià ea mens Interpretibus illis, qui dictum illum loquendi modum adhibuerunt, ut aliquid Elationis licitæ innuerent: sed ut vehementem atque superciliosam Elationem tantum, qualis ob

Reve-



Revelationum hyperbolen existere potuisset, excludendam tantò luculentius significarent. Eo collimare *Erasmus* videtur, cum annotavit: *Vox Græca, plus sonat, quàm extollar: imò supra modum efferar: quasi dicas, ne superem rari plus satis.* Neq; aliò spectat, credo, quod *Musculus Dusanus* habet, cum, *Supra modum*, ita explicat, ut tantundem sit, ac *supra id, quod par est, seu convenit.*

Minus tamen à vero sensu id abit, quod apud *Theophylactum* indicatur à quibusdam factum esse: ut *ὑπερβαίνουσιν* reddiderint, per, *Extollar*, eò sensu: *ne supra modum glorificetur ab hominibus.* Quod quamvis *Theophylacto* minus videatur admittendum, sic tamen hoc loco locum habere potest: ut Paulus saltem Occasionem cogitetur dare potuisse, ad istiusmodi quandam sui Glorificationem nimiam: quamvis id præcipuè spectatum fuerit, ut ne Paulus ipse aliquid hîc in se admitteret minus probandum.

## SECT. 32.

*Quid ex isto Flationis periculo, quod in Paulo fuisse significatur, nobis Cautelæ emergat.*

**D**Um sic autem, apud tantum istum Apostolum opus fuit, divinitus illi prospici, ne se efferrer, quoad in carne esset; agnoscendum nobis prælucidè offertur, quæ *Carnis sit constitutio, etiam in Sanctissimu*: & quàm proclive censendum sit esse, etiam in illis, ut propter prærogativam aliquam inflentur, ac superbiant. Non est vanæ subjectionis illud, quod in *Glossâ interlineari*, ad hæc verba legitur: ubi à Paulo scriptum est, Et ne efferrer. *Quis ergo de se securus?*

*Si hoc erat Apostolo, rationatur graviter Musculus Dufanus, tot laboribus ac periculis depresso, usq; adeo timendum: ut singulari antidoto opus haberet: per quod contra tentationem Superbia, in humilitate ac modestiâ contineretur: quid nobis non est multò timendum amplius, qui etsi parem revelationum excellentiam consecutus non sumus: multò tamen minus habemus robore ad resistendum tentationibus superbia, quantumcunq; levibus ac minutis, quàm habuerit ille, contra tam graves Superbiendi occasiones.*

Non temerè addemus exinde & illud, quod Auctor idem post ista submonet: *Admodum desipere eos, qui studio Dignitates ac Honores in hoc seculo ambiunt, nec probè secum considerant, quantis se ipsi periculis obnoxios reddant.*

Quàm



Quàm sit autem illud quoque detestabile, si super alios efferri affectes, cum præsens illud Dei circa præcidendam in Paulo Elationem, Consilium nos docet: tum verò præclarum in modum ex eo liquet, quòd de *Homine peccati. Filio perditionis*, 2. *Thess.* 11. *Ψ.* 4 inter alia & hoc ceu gravissimum crimen notetur, quòd futurus sit, *ὑπεραιρόμενος ἐπὶ πάντα λεγόμενον θεὸν ἢ σεβασμα*, hoc est, *efferens sese super omnem*, qui dicitur *DEUS*, aut *Numen*.

### SECT. 33.

*Quo Auctore, vel Directore Remedium illud Paulo adversum Elationis periculum contigerit.*

**Q**uo Auctore seu Directore remedium hoc circa se, ad Elationem, post Revelationes illas divinissimas, excludendas adhibitum fuerit, significat Paulus, dum ait, *ἐδόθη μοι*.

Non exprimitur sic verbis ipsis istis *Auctor aliquis* nominatim. Dum tamen dicitur, *ἐδόθη μοι*, h. e. *datus est mihi*, jam subintel- ligitur necessariò *aliquis*, qui dederit. Atque in hoc etiam contextu, ut alibi sæpe, innuitur eâ loquendî formulâ, sublimior aliquis & non homine tantum, sed Angelis quoque major,

major, ejus hîc saltem voluntas interven-  
rit. Neq; dubitari potest, quin *Auctor* in-  
telligendus sit, adjungendi Paulo Castigato-  
ris, seu, Absterritoris adstiteris, extitisse ille-  
ipse, quem deprecatione suâ adortus postea fu-  
it, cum amoveri eundem abs se discuperet.

Benè adeò *Glossa interlinearis Ordinaria*,  
subaudiendum, a *DEO*, esse notat, dum dici-  
tur, *datus est mihi*: ut cogitetur explicatè, id,  
quod datum hic esse significatur, esse da-  
tum à Deo.

## SECT. 34.

*Qualis hic Datio notetur, cuiq; bono  
facta, & Quo eadem modo plenius  
veniat intelligenda.*

**A**T qualis ista Datio extiterit, & Quo  
modo seu pacto, eadem acciderit, id  
quoq; altiùs expendendum veniet, si  
quæ sequuntur verba, propiùs intueamur.  
Cum enim ad rem referatur Datio hæc, ma-  
lam aliquam in se, puta ad *Satane Angelum*,  
seu *Angelum Satan*, non omnino propriè ea  
potest accipi, nec intelligi, talis, ut statuatur  
merâ & ultroneâ liberalitate aliquâ ac lar-  
gitione, peracta fuisse: Sed accidisse eam ita



cogitari oportet, ut *Permissio* quædam inter-  
 tervenerit circa Malum Spiritum: uti notum  
 est, verbum *dandi* hunc usum, pro rerum, ad  
 quas refertur, respectu, habere. De quo  
 verbi eius usu, res notior est, quàm ut ullâ con-  
 quisione locorum opus sit. Satis fuerit  
 verba intueri illa, quæ *Psal. xvi. v. 10* le-  
 guntur: *Non dabis Sanctū tuū videre corruptionem*:  
 quæ eadem leguntur item *Act. 11. v. 27. & c. xi 11. v. 35*. ut alia ejus census præ-  
 tereamus omnia.

Attamen nec *Permissio* hic nuda aliqua  
 intelligenda est: sed cum *Directione in Bonum*  
*Pauli* coniuncta, & cum *Ordinatione ad*  
*finem usumq; salutarem*, restricta. Atq; il-  
 lud quidem, quod *Datio* hæc in Bonum Pau-  
 li directâ fuerit, notanter significatur, cum di-  
 cit, *δίδωμι σοι*, hoc est, *Datus est Mihi*, nempe,  
 ut *Glossa Interlinearis* benè explicat, *ad meam*  
*utilitatem*. Et sic porro, quicquid mali per-  
 missum hic circa Paulum fuisse significatur,  
 id datum Paulo, seu ordinatum circa eum, ita  
 fuisse innuitur; ut Remedii loco datum,  
 ordinatumq; esse intelligatur. Annexis e-  
 nim continuè verbis, cumfiguratione em-  
 phaticâ declaratur, cuius Remedium illud  
 modi, qualisq; efficaciz, ac cui proximè par-  
 ti quasi applicatum fuerit; tum verò quod-

nam in specie id ipsum etiam extiterit, aperte indicatur.

## SECT. 35.

Quem Ordinem in nexu verborum illorum, ἐδόθη μοι σκόλος τῷ σαρκί, ἄγγελος Σατάν, *observari conveniat, ut melius omnia intelligantur.*

**Q**UO clariùs autem res omnis ea, ac Coherrentia verborum vera, hoc loco, intelligi queat, structuræ seriem potiùs in considerando observasse, quàm verborum, ut leguntur, ordinem presisise expediet. Vti enim in aliis istiusmodi censys locutionibus, si rectè intelligi debeant, priùs respiciendum venit, ad structuram, quàm ad verborum ipsorum collocationem: ita hic quoq; agendum esse, apparet. Cùm Græcorum Proverbio dicitur, σκώλος παράσιτος τῶν ἐχόντων τὴν οὐσίαν (quod apud Schottum leges in Stromat: n. 834.) hoc est. *Vermis parasitus eorum qui quid habent Substantia*: facillè animadvertis, ad τὴν παράσιτον, priùs respiciendum venire, in intelligendo, si sensum assequi commodum velis, quàm ad τὴν σκώλον, utut nomen hocce in collocationis serie præmittatur, Quod ipsum



ipsum in eo quoq; conspicuum existit, cum  
apud eundem legis ibid. num. 674. *ἀπορίας ἐστὶν ἀνθρώποις τέχνη*: hoc est, *Portus in-*  
*felicitationis est hominibus Ars.*

Qui verbis Apostoli sic putarunt lucem  
conciliari posse, si reddantur, *Datus est mi-*  
*hi Surculus carni*, nempe *Angelus Satan*, illi  
id, quod explicatur hoc loco, ita fecerunt in-  
terpretatione sua accipi, ac si vicem sustine-  
ret explicantis: puta, quasi *σκόλοψ τῆ σαρκὸς*, ex-  
plicaretur per id, quod nominatur, *Angelus*  
*Satan*: Cum contrarium sit agnoscendum  
potius, atq; Angelus Satan, explicetur per al-  
terum, cum dicitur *σκόλοψ τῆ σαρκὸς*: & retento  
ordine verborum, explicatio sic potius institu-  
enda sit, *datus est mihi tanquam σκόλοψ τῆ σαρκὸς*  
*Ἄγγελος Σάταν.*

Atq; adeas mihi in Sacris Libris, vel u-  
num *Proverbiorum Codicem*, paucillis perq;  
videas, uti in *Ebraeo*, aut apud *Interpretes* eti-  
am verba pressius secutos, habeant loca, huic  
nostro affinia. Exemplorum sic assatim oc-  
curret, ubi, *velut*, vel *tanquam*, aut consimi-  
lem particulam præassumunt Interpretes, qui  
sensum exprimere planius nituntur: ut nos  
hoc Pauli loco faciendum item arbitramur.

Ad verbum in *Ebraeo* obveniet, atq; in *Vul-*  
*gatâ etiam Versione* non aliter, uti apud LXX.  
etiam, leges plerubiq;, Is Cap.

Cap. x. *Y*. 11. Vena vitæ, Os Justi.

*Y*. 17. Semita ad Vitam, Custodiens Correctionem.

*Y*. 20. Argentum electum, Lingva justii.

xi. *Y*. 22. Inauris aurea, in naribus porci; Mulier pulchra & deficiens consilio:

xvi. *Y*. 24. Favus mellis, Eloquia dulcia;

xvii. *Y*. 8. Lapis pretiosus, Munus in oculis domini sui:

xviii. *Y*. 10. Turris fortis, Nomen Jehovah;

xx. *Y*. 5. Aqua profunda, Consilia in corde viri;

xxi. *Y*. 1. Rivuli aquarum, Cor Regis in manu Jehovah.

xxii. *Y*. 14. Fovea profunda, Os alienarum;

xxiii. *Y*. 27. Fovea profunda, Meretrix; & puteus angustus, Aliena.

Et sunt ejus generis infinita propè alia ibid, in proptulo.

Apud Interpretes, planè ista reddere affectantes, *Pagninum*, *Mercerum*, leges perpetuè præscitam particulam, ut aut velut: Ut *Vena vitæ*, *Os justii*: Velut *Semita ad vitam*, est *custodiens justitiam*: Ut *argentum electum*, est *lingua justii*. Atq; sic item in reliquis.

Lxx. etiam cum reddere verba evidentiissime voluere c. xxi. *Y*. 1. habent,



ὥσπερ ἐρμὴ ὕδατος, οὕτως καὶ ῥοδὶα βασιλείας.

Neq; verò in solis ista ratio *Proverbiis*, quæ poëticum quiddam habere cense-ri pos-sunt, reperitur: sed alibi quoq; in Historico scribendi modo, eadem est non prorsus in-usitata. Exemplum sufficere unum illud potest, quod hîc addamus, ex 1. *Maccab. c. 1.* ubi cum versu undecimo, de Alexandri M. posteris dicitur: καὶ ἐξῆλθεν ἐξ αὐτῶν ῥίξ αἰμαρτω-λὸς, Ἀντίοχος ἐπιφανὴς: nemo non videt, id quo per similitudinem declaratur nomen consequens, præmitti: atq; si verba structu-ræ ordine pensites, Antiochum sic describi, quod fuerit, quasi radix peccatrix.

Si illud quis forsan usurpâret, in sermo-ne de Alexandro M. faciendò, quod *Paulus Orosius* illi tribuit: ut dicat immissum esse suò quondam seculo, magnum miseriarum gurgitem, & totius Orientis atrocissimum turbinem, Alexandrum Magnum: quis non facîle viderit, ad Alexandri M. personam sic primo respiciendum venire: quæ autem præ-mittuntur verba, de eâ per comparisonem seu similitudinem prædicari, ut ut præmittan-tur in sermone, ad dictum modum enuncia-to. Consimilis ratio in Pauli verbis usuve-nire sic utiq; convenientissimè atq; expedi-tissimè agnosci potest.

SECT.

*Ex Quo rerum genere Remedium Paulo contra Elationis periculum fuerit adhibitum.*

**S**ic igitur, verbis hoc loco acceptis, ut datus intelligatur, tanquam *σκόλος τῇ καρδίᾳ. Ἄγγελος Σαῦλ*, respiciendum primò est ad nomen, *Ἀγγέλου Σαῦλ*, atq; ita *Genus Remedii ipsum*, seu id, quod Paulo divinitus datum pro *Remedio* vel Prophylactico fuisse indicatur, considerandum ante alia venit: quod nomine *Ἀγγέλου Σαῦλ* denotatur.

Ea verò Periphrasi, si verba secundum usum tritissimum accipiantur, planum est, notari Personam aliquam ex Spirituum genere, non sanè illam probæ notæ, sed sequioris ac malignæ, seu Cacodæmonem, Angeli enim nomen, quid vulgatissimo usu signet, notum est: siquidem *Maleach*, cui nomen illud respondet, uti generatim *Ministrum quendam potentem* significat, præsertim ad perferenda mandata, & expedienda aliqua, longius à suo Domino remota negotia, missum: ita illis sigillatim, & usu Scripturæ frequentissimo tribuitur, qui per naturam sunt ad tales missiones & expeditiones exapti: Spiriti-



ritibus nimirum Cœlestibus, ad hoc ipsum, ut dictâ ratione mitti possint, à Deo primùm conditis. Cum autem hîc *Angelus Satan* dicitur, seu *Angelus Satana*: vel Angelus malus quispiam, sic denotatur simpliciter; vel certè ita describitur ille ab Antesignano, cui suberat, nempe Diabolo; quem Ebræi *Satan* vocant.

Atq; in eam rationem, ut qui hîc nominatur Angelus, intelligatur dici Satanae Angelus, *Interpretum pleriq; omnes* concedunt.

Sunt sic aliqui sanè, qui putant ipsum nomen, *Satan*, hoc loco, generali etiâ sensu accipi posse, ut adversarium denotet, quemadmodum Angeli nomine nuntius item denotetur: quâ ratione hic nihil aliud, quàm emissarius quidam adversator, illorum iudicio, intelligendus veniret. Sed Ebræum nomen istud hîc adhibere Apostolum in lingua Græcâ voluisse, alio sensu, quàm ut Principem illum Malignorum Spirituum notaret, vix verisimile videtur.

Et tota Contextus huius ratio nimis per se loquitur, non vulgare quiddam, sed singulare prorsus Elationis prohibendæ medium denotari.

Neq; facilè etiam ostendetur locus, ubi *Satana* nomen, cum Angeli nomine sic appositum

positivè connectatur sensu, ut vocant Grammatici, appellativo, seu adjectivo potius, hoc est, ut adversarium generatim designet. Saltem in Græco Apostolorum sermone hoc insolens esse liquet, ut sic adjectivo sensu Ebraum nomen aliquod substantivo alicui addatur, vixq; apud illos erit puto exemplum, quod proferri ejus generis aliquod possit.

Quocirca satius videtur, usitatissimam significationem, seu usum receptissimum, ac tritissimum, in vocibus hisce, cum *Angelus Satan*, nominatur, agnoscere: & eorum sententiã pro probabilissimã habere, qui *Angelũ Satana* interpretantur, atq; per eum intelligunt, quendam ex Spiritibus malignis, supremo illorum Duci, *Satana*, seu *Diabolo*, subditum ac parentem.

### SECT. 37.

*Angelus Satan, seu Satanæ, qui dicatur  
ex Scriptura usu, & hic dici  
agnoscendus sit.*

**Q**Uod ut percipiatur de Sacris fontibus quàm dilucidissimè, notandũ est, in divinis Literis nomen *Diaboli*, adeoq; *Satana* etiam, quatenus cum nomine illo, (ut *Apo.*



xx. v. 12.) pro eodem habetur, (Nam hoc interdum generalius usurpari, liquet ex verbis Christi, quæ leguntur *Matth: xxi. v. 27.*) quasi proprium Vnius usurpari, qui sit in genere illo malignorum Spirituum, Dux atq; antesignanus. *Diabolorum* nomen, utut ex vernaculo nostro, & vulgari in Latinâ linguâ usu, id receptissimum sic videatur esse, nusquam tamen plurativo illo modo, in literis Prophetiis Apostolicisq; inveniēs: si loca accuratè vel omnia intuitus fueris. *Dæmonia* enim nominantur, in Græco, ubi Germanis (haut scio, an etiam Nationibus aliis) plurale nomen illud occurrit apud Interpretes.

Disertè autem distinguitur *Diabolus*, tanquam Persona una & Singularis, ab *Angelis* suis, cum *ignis paratus* dicitur *Diabolo* & *Angelis eius*, *Matth: xxv. v. 41.*

Atq; hanc Ordinis inter Spiritus malignos rationem, de isto tam claro Scripturæ loco, jure unam agnoscimus. Fabulis pliusquam affinia censei possunt, quæ de *novem Spirituum* eorundem *Ordinibus* aliàs traduntur: ut princeps primi ordinis, sit *Beelzebub*; secundi, *Diabolus*; terti, *Belial*; quarti, *Asmodem*; quinti, *Satanas*; sexti, *Merim*, seu *dæmon meridianus*; septimi, *Abaddon* seu *Apollyon*; octavi *Astaroth*; nonis *Mamona*.

Mera

Mera quidem fabulositas, ex nominibus, quæ Scripturæ usu cæteroquin inter se æquipollēt, dum tam superstitiosè discernuntur, facillè elucet. Neq; si novenarii istius Ordinis discrimina reliqua respiciamus, (per quæ primi statuuntur *Idololatri*; h. e. *Affectatores Deiati*; ut, pro diis habeantur; secundi, *Spiritus mendaciorum*; tertii, *Vasa iniquitatis*; quarti, *Platores scelerum*; quinti *Præstigiatores*; sexti, *Potentates aerea*; septimi, *Furia discordiarum seminatrices*; octavi, *Calumniarum auctores*; nonni, *Tentatores & insidiatores*;) quicquam e Scripturis vel in speciem eo facere videmus. Illi, qui *Diabolus*, qui *Satanas*, qui *Beelzebub* vocatur, promiscuè pleraq; ista omnia tribui videmus: quòd affectet, pro *DEO haberi*; quòd pater sit mendacii; quòd homicida existat; quòd calumniator sit, quòd tentator, & quæ ejus generis sunt alia.

Huic igitur alii adiuncti, aut subordinati significantur esse, Angelorum ejus nomine. Subiuncti autem illi, ceu Duci cuiusdam aut Archistratego, ita esse innuuntur: ut ejus agnoscatur emissarii esse, qui, quòd ipse cupiat, obsequiosè pergant; qui, quòd ipse velit, dum *DEus* permittat, promptissimi patrent. Quamvis ex eo quoq; (ut paulò antè etiam monuimus) nomen habere Angelorum



lorum dignosci possunt, quòd ab initio, spiritus illi quicunq;, sic conditi fuerint: ut essent, qui mitterentur: cum præsertim ab Duce illo suo, nec à defectione sua, nisi D<sup>E</sup>o quasi frenos ipsis laxante, mitti non possint.

Cum defecisse autem illos à D<sup>E</sup>o constet, haut certò id explicatum usquam tamen legitur, an Dux quispiam cœlestis, cum suo satellitio ac grege, sic defecerit: (quod probabile admodum videtur:) an qui defecerint, sic porrò in ordinem nihilominus reducti fuerint, ut unus esset in defectrice cateruâ, qui reliquis præseset.

Id certum est ex Christi verbis, quæ paulò antè indigitavimus, *Diabolũ* existere Ducem, cui Spiritus maligni alii, seu dæmonia, ut Angeli atq; commissarii, subiecti esse intelligantur.

Ex cohorte igitur Diaboli, seu Satanae, illâ, certus Stipator, Satellesve aliquis hoc loco intelligendus omnino venit, cum Angelus Satanae Paulo datus seu additus, (quam verbi vim hic esse postea ostendemus) fuisse dicitur.

Atq; ut eum omnino in sensum, *Angelus Satanae*, qui nominatur, hoc loco accipiat: quo non Angelus tantum noxius, sed ex illo etiam genere, qui Summo Perditori

sunt subiecti, certus aliquis intelligatur, tam nihil prohibet: ut verba ipsa talem sensum, in narratione, qualem Paulus hic instituit, planè indicare videantur. Putem enim vel propterea nomen, *Satan*, hic fuisse retentum, ut tanto faciliùs animadvertatur, ad Archistrategum illum respici, qui nomen illud apud Dei populum κατ' ἰσχυρὸν habet. Nam ut ut apud LXX. nomen idem retentum alicubi videatur, in Græco etiam Textu, sub eâ significatione, quâ adversarium denotat: puta 1. *Reg.* 11. *ψ.* 14. 23. 25. Aliàs tamen & multò frequentius, cum præsertim in lingvis etiam aliis retinetur, sit illud cum respectu utiq; ad significationem illâ in Ebræâ Lingua tritissimam & notissimam, quâ Malignus ille Spiritus denotatur, quem LXX in Jobo insigniverunt Διαιβόλον nomine perpetuò: ut & *Psalmo* cix. *ψ.* 5. *Zachar.* 111. *ψ.* 1, 2. Nomine Σατὰ, designatur etiam in Græcis 1. *Paral.* xxi. *ψ.* 1. Retinuit quoq; Vulgatus Interpres Latinus nomen idem, *Satan*, in Jobo ubivis: nisi quod bis per relativum duntaxat, sermonis cursu ita ferente, illud censuerit potiùs innuendum, quàm exprimendum: cum in Ebræo Textu aliàs quoddecies ibidem expressè occurrat.

Atq; ubi in Græco apud LXX retentum,  
extra



extra significationem istam, legitur: 1. *Reg.*  
 11. *¶* 14. 23. 25. haut scio, an consilium  
 fuerit LXX. Interpretibus, ob peculiarem  
 quandam in Ebræo Textu particula cuius-  
 dam rationem, innuere; id ipsum à DEO sic  
 factum significari, quod isthic narratur: ut  
 Satanæ molitio intervenisse cogitari debeat.

In Novo Testamento aliàs, ista scriben-  
 di ratione, ut præsentè apud Apostolum loco  
 cernitur, nomen *Σατάν*; nusquam alibi obve-  
 nit: sed *Σατανᾶς* perpetuò, ubi occurrit, scri-  
 bi legitur. Nusquam tamen non signifi-  
 cat Spiritum illum malignum. Et cum  
*Matt. xvi. ¶ 23. Marc. viii. ¶ 3.* Pe-  
 trus à Domino; nomine isto increpatur, sa-  
 tis planum est, per tropum eidem nomén i-  
 stud accommodari: ut cogitaret & agnosceret  
 tanto evidentiùs. Satanæ instinctu svaderi;  
 quod ipse tam temporis audebat Magistro in-  
 culcare: Satanæq; vicem in dehortatione illa  
 ipsum velut subnisse. Ad eò nec hic refer-  
 re nomen illud aliò, quàm ad Spiritum ma-  
 lignum illum, convenit. Nam utut in Græ-  
 co *Articulus* desideretur hoc loco, qui alibi  
 ferè semper expressus reperitur; ubi scilicet  
 nomen *Σατανᾶ* Scriptum legitur: factum ta-  
 men id Ebræa imitatione putem; ubi sine ar-  
 ticulo nomen idem non semel obvenit, ut lo-

co ante citato, 1. Paral. xxi. v. 1. & Psal. cix. v. 5. Et Antiquissimus Interpres N.T. Syrus, hoc loco adhibitum omnino Articulum voluit: dum reddidit, *Maalche Desatana*: Nec alii Interpretes pleriq; non adhibuere casum secundum, *Satana*. Sic *Vulgarus Latinus* habet, sic *Tertullianus*, sic *Cyprianus*, qui alio ante illum interprete videntur. Sic nupero seculo *Erasmus*: sic *Cassellio*: Sic in Lingvis plerisq; illustrioribus alii. Sic Interpres *Galicus* & *Italicus*, *Anglicus*, & alii. Quæ omnia hant leve argumentum præbent, ut Angelum Satanæ hic illo sensu nominari agnoscamus, quem satis hucusq; explicavimus.

### SECT. 38.

*Qui Angelus Satan etiam alio sensu, voce Satan appellativè intellectus, accipi posse hoc loco congruenter, videatur.*

Quod si cui nomen *Satan*, hoc loco, omnino appellativè, casuq; recto, accipiendum videatur (ut tamen vix voluisse Interpretes omnes eos etiam putem, qui simpliciter id sic retinere, absq; expresso casus iudicio: quod *Beza*, *Arias Montanus*, *Belgicus* Inter-



*Interpres Marlorati, Bohemi item egere*) fermè  
dixero, Angelum hic congruenter intelligi  
posse, qualis Bileamo obstitit, *Num. xxi. 1.*  
*Ÿ. 22.* Cui, si Textum Ebraum inspicias,  
proximè verbum idem (*Satan*) appositum  
ibidem reperies. Ac deduci in eum sen-  
sum res isthæc tota satis fortè probabiliter  
posset: si ea præsertim admittantur, quæ  
prolixè persecutus est olim, Vir Eruditissi-  
mus, *Efromus Rudingerus*, ad Psalmū *lxxviii.*  
peculiari problemate: *An Diabolus sit. admi-  
nister Pœnarum Divinarum.* In quo per-  
tractando, miror, quā Vir doctissimus potue-  
rit, nec locum illum attigisse ex *Num. xxi. 1.*  
*v. 22.* ut vel ipsum verbum *Satan* Bono An-  
gelo etiam tribui ostenderet: nec ad præsen-  
tem, quem tractamus, quicquam respexisse.  
Sanè si Bileamo opponi potuit Bonus Ange-  
lus, cum verbi illius adhibitione, perquam  
probabile item videri potest, circa Paulum, i-  
dè potius accidisse, quàm ut Maligno Spiritui  
tantum adversus eum sit indultum.

Atq; si Herodi, qui ob Elationem,  
sui nimiam, *σολυκόβητος* factus esse narra-  
tur, *Act. xii. 1.* *Ÿ. 23.* Angelus Domini per-  
cussor extitit: ut ibid expressè refertur:  
quid absurdi admittere, ille censerì poterit,  
qui Paulo, ut per *σόλοτος* ab Elatione prohi-

150  
beretur, parem aliquem Angelum fuisse adhibere suspicari audeat?

Sed nobis haut liber à Sententiâ communiter hac parte recepta, recedere, verbaq; referre eò, quòd nullus unquam Interpretum renulisse animadvertitur: cum præsertim, si Angelus cæteroquin probus, utut Castigator severus, h'c aliquis intelligatur, minùs congruenter factum id videri posset ab Apostolo: ut ejus *παράκλησιν*, seu adfistentiam, deprecaretur.

### SECT. 39.

*Angelum Mal'icium aliquem, quomodo Paulo deditur, datum esse, intelligi conveniat.*

Cùm illiusmodi igitur Persona, pro tritissimo nominum, ab Apostolo h'c expressorum usu, planè designari videntur: nempe ex cohorte illa Diaboli certus aliquis, ceu *Paredrus Genius*: quærendum præstius nunc venit: quia Paulo datus esse dicitur talis Angelus, (atq; id à Deo factum esse, ut antè monuimus, intelligitur,) quem tandem in modum satis congruenter, dandi verbum hic accipi possit.

Atq;



Atq; illam quidem vim, quam verbum  
~~idem~~ habet usu communi sæpe talem, ut *donari*  
 aliquid denoter, parum liquet Personæ con-  
 gruere, de quâ hic agitur: non si illam sim-  
 pliciter spectemus, sed si ad id respiciamus,  
 quod à postolus eidem consequenter attribuit:  
 nempe ut ipsum colaphiser.

At tamen nec *doni* ratio sic prorsus inter-  
 verti potest, in Personâ, quæ datur, si sit ex  
 eadem molestiarum non parum, aut fortè e-  
 tiam dolorum ac cruciatuum affatim: dum  
 istæ modò molestiæ, dolores, cruciatusve in  
 usum vergant commodum, proficiantq; ad sa-  
 lutem.

Quod si tamen in verbo eo, præter  
 id, quod de *Permissione* jam antè monuimus,  
 ac *Directione*, hoc insuper agnoscas: ut, *da-  
 tus est*, tantundem sit, ac *additus* vel *adjunctus*  
*est*: jam nihil admodum esse poterit, cur An-  
 gelum talem etiam ex Sapientissimo Dei  
 consilio, non agnoscas Paulo adjungi potuis-  
 se.

Eâ nimirum ratione actum id esse  
 cogitari potest: non, ut pro suo libitu pote-  
 statem licentiamve haberet malignus Angelus,  
 quidvis adversus Paulum designandi: sed ut  
 invitus etiam quodammodo cogeretur adhæ-  
 rere illi, nec posset, interim, quamvis avidis-  
 simus, nisi certo aliquo casu, idq; definitos  
 intra limites tantum, esse molestus.

Ut res isthæc tota perspiciatur tanto dilucidius, cogitari poterit, accidisse hîc in Angeli istius adjunctione, simile quiddam, uti apud Romanos fieri sœvit, ubi in vincula aut custodiam militarem quis datus fuit. Tum verò receptus mos iste fuit, ut miles adjungeretur, qui catenâ longiusculâ sic adstrictus illi, qui custodiendus erat, hæreret: ut dextrum quidem brachium illius ex unâ; sinistrum autem brachium militis innodatum ex alterâ catenæ extremitate foret, quo pariter incedere cogerentur, nec posset sese sic adstrictus aliquid movere, quin comitem semper adstitemq; haberet militem custodem. De quali custodiæ militaris ratione, videre est in *Coment. ad Tacitum*, explicationes *Lipsi*, ad libr. *Annal.* 111. p. 140. *Edn. Lugdunensis in 8.*

Ad talem militis cuiusdam, illi, qui intra certos limites cohiberi debebat, addendi rationem, tanto minùs absonum censei debet, Paulum hîc velut allusisse: quanto planius constat è Sacrà Historiâ, fuisse ipsammet etiam Paulû pari aliquando ratione constrictum. Quod liquere potest ex loco, ubi Catenæ suæ mentionem facit 2. *Tim.* 1. v. 16. Ad quem locum vide mihi quæso *Piscatoris Scholia*: atq; deprehendes, ex dicto illo



illo Romanorum more verba Pauli luculenter admodum explicari. Ad parem custodiam *Lipsius* l. c. refert, quod de *Petro* legitur, *Act.* xii. v. 6. Vbi dormiisse inter duos milites commemoratur, catenis duobus victus. Quod vix æquè planè intelligi potest, quàm si Petrum duplicatâ ratione tum custoditum fuisse cogitemus, pro more illo, quem diximus, catenâ alterâ dextero brachio; alterâ sinistro brachio, aut cruri, adstrictâ; utrimq; altero extremo militib' ad latus quoq; applicato.

Quâ porro autem ratione acciderit omnino, ut Angelus Satanæ aliquis Paulo sic velut adstringeretur, seu adjungeretur, ita capi verisimillimâ cogitatione posse videtur. Nempe, ut postquam Deus Paulum tantis illis Revelationibus, quantas aliquâ ratione innuit, dignatus est, postquam eundem vas electum fore palàm significavit, intervenisse cogitetur Satanæ pro more suo, tanquam *avversario*, & quidvis contra Paulum, uti olim contra Jobum, moliri affectasse. At Deum, pro suâ in Paulum clementiâ & gratiâ singulari, panurgiam hanc Satanæ, in bonum convertisse Ministri sui: ut Satanæ non quidem omnino nihil concederet circa Paulum, at permitteret tamen non nisi aliquid admodum

Paulo ipsi profuturum. Nempe non ipsi Satanæ pro arbitrio in eum dedisse licentiam: Sed Angelum tantum ejusce aliquem qui terrere atq; percutere posset, admisisse, eumq; sic admisisse, ut cum imperio illi adjungeret, & cum mandato longè restrictissimo: quo servire magis, quamvis cæteroque hostis infensissimus, cogeretur Paulo, quàm ut eum posset extra calum certum, pro suo lubitu, ullo modo offendere.

## SECT. 40.

*Quæ differentia sit in eo, quòd Paulus alibi dicatur quosdam dedisse seu tradidisse Satanæ, Et ipsi hic audiatur esse datus Angelus Satan.*

**I**D adeo agnoscendum in hac loquendi ratione, cum dicitur *Angelus Satan datus Paulo fuisse*: ut discrimen animadvertatur à formulis, cum dicuntur alibi dati nonnulli fuisse Satanæ à Paulo. Scilicet cum dedisse vel tradidisse Paulus Satanæ dicitur, seu incestuosum illum, 1. Cor. v.  $\psi$ . 5. seu Hymenæum & Alexandrum 1. Tim. 1.  $\psi$ . 20. Jam intelligitur ipse potestati eius illos subjecisse, ad torquendū, *εἰς ὄλεθρον ἡς σαρκός, ἐν τάρ-*  
νῆ



*quis interitum, ut Spiritus servetur in dio Domini N. I. C.* In Paulo autem longè alia ratio h'c agnoscenda est, dum *datus illi Angelus Satana* dicitur. Nempe id ita factum in eius bonum omnino fuisse, ut Paulo plus potestatis in Satanam, eiusq; Angelum fuisse de reliquo cogitari oporteat, quàm Angelo illi, aut Satanæ ipsi, in Paulum, permissum fuit, seu *κολαφισματός* respectu, seu eo etiam intuitu, quò *ἐκλόψῃ τῇ σαρκί* extitisse indicatur. Id quod ex iis, quæ pòst sequentur, spero plusquam dilucide apparebit.

#### SECT. 41.

*Permissio in Dandi verbo agnoscenda, qui sic haut nuda, aut Dao non satis digna, appareat.*

**A**D prædictum ergo modum re istâ explicatâ, verboq; *ἐδόθη* sic consideratû evoluto, nihil puto erit, quod considerare hætenus possit consideratus Lector, quasi forsan nō accommodè satis vis verbi illius teneatur. si *Permissio* quædam ponatur intervenisse.

Disputat aliàs vir eximius h'c quidam, nominatim contra *Chrysostomum* atq; inquit:  
*Viden-*

Videntur mihi non satis perpendere studium DEi in Paulum, qui verbum idem sic exponunt, Permisit DEus, ut Satan adhiberet, mihi stimulum. Chrysostomus, forsitan veritus, ne DEo maliquicquam tribuatur, sic exponit: *εὐεχόμενος τοῦ ἀλλήλων οὐκ ἐπιτρέψαι ἑαυτῷ.* Verum Apostolus, non utitur verbo permittendi, sed disertè dicit: Datus est mihi Stimulus: ut significet illam reputari a se pro singulari DEi dono.

Quin subicit idem: Hoc genus exponendi Sacras Scripturas, quo verba, dandi, tradendi, obdurandi, excrucandi, occidendi, perdendi &c. DEo tributa, per verbum, permittendi exponuntur, meo iudicio, nec menti Spiritus Sancti satisfacit, nec quod cavere conatur, cavet. Sic Musculus Dufanus.

At enim ut nos hoc loco Permissionis rationem explicavimus, longè id abest, ut non alii etiam actus præter permissionem nudam intelligantur, mirandi in Deo, & cum gratiis agnoscendi: quales præ aliis sunt, insidiosæ ac malitiosæ machinationis Satanicæ, tum Sapientissima in optimum finem ac usum Directio, seu potius Conversio; tum Potentissima intra modum iustum Restrictio, seu Coercitio: de quâ ex sequentibus tamen res clarior evadet. Et ut Doni appellatio huc satis etiam congruenter applicari intelligatur, ex medicam-

nis res



his respectu illud æstimandum venit. Quod ex sequentibus item magis etiamnum elucescet: licet donum cogitari oporteat tale quoque quod deprecationi cuidam occasionem præbere queat, uti apud Paulum hic accidisse istud constat. Nempe medicamentum, quamvis salutare, ob amarorem tamen invisum etiam esse potest, & *ἄδυνον* videri *ἄδυνον*. Pro dono nihilominus ac bono, reputandum venit, dum ad Sanitatem faciat, seu restaurandam, seu à labefactione præservandam.

Neg; verò *nuda* etiam *Permissionis* cogitatio locum habebit facile in verbo, *Dandi*, hoc loco: si illud, ut monuimus accipiat sensu eo: ut tantumdem notet, ac *Addere*, *Adjungere*, *Adstnuere*. In quem sensum nescio an requiri à Lectore possit, ut vel doceatur verbū istud aptè hoc loco accipi posse. Nam certe vix quicquam est congruentius, quam ut Angelus ille Satan, *additus*, *adjunctus*, *adstutus*, *appositus*, &c. fuisse Paulo agnoscat, tanquam *Coercitor* quidam futurus, seu *Interminator*, aut ut ita dicam, *Absterritor*, ut ne se efferret. Si verbum autem *ἐδωκεν* ex Ebræo *Nathan*, æstimemus, non tam in eo conspicua, est illa permittendi significatio, (quā ratione etiam per *ἐπιπέτω* *Est h. ix. v. 14.* & per *Εἰς*, *Iob ix. v. 18.* translatum reperitur: ) quā

est item altera illa *Addendi*, *Adstituendive*.  
 Redditum id quidem frequentissimè legitur  
 apud Interpretes Græcos per *δίδωμι*. Est ta-  
 men ubi apud eosdem per *τιθῆμι*, & *παράτιθῆμι*,  
 itemq; *προστίθῆμι* ut & *προσδίδωμι* redditum leges:  
 ut quin ex trito quodam usu, vis eadem ver-  
 bi simplicis pro composito (quæ cæteroquin  
 Ebraismi propria est) usuvenire hîc potuerit,  
 dubium supersit nullum.

## SECT. 42.

*Cuiusnam Modi atq; Efficaciæ Remedi-  
 um Paulo adhibitum fuisse significetur con-  
 trā Elationem, dum Angelus ille Satana  
 dicitur σκόλοψ τῆς σαρκί: Et cui illud  
 Parti fuerit accommodatum,  
 seu applicatum.*

**J**Am cujus *Modi* atq; *Efficaciæ Remedium*  
 illud fuerit, quod Paulo sic adjunctum seu  
 additum fuisse indicatur, intelligendum  
 ampliùs datur, dum quo cum Usu, cuiusq; de-  
 finitum Partis in Paulo sanandæ aut præser-  
 vandæ respectu, adjunctio illa seu adstitutio  
 Angeli talis facta fuerit, significatur. Quod  
 fit per verba, quæ præmissimquidem posita le-  
 guntur, sed subiectim tamen, (ut patere ex



is potest, quæ superius jam diximus,) opum  
 me rectissimèq; intelliguntur. Ea verba  
 sunt, *ουδ' οφ' τῇ σάκκῃ*. Cohærent nimirum il-  
 la cum cæteris ad hunc modum: *Datus est mi-  
 hi Angelus Satan*, (qui sit velut) *ουδ' οφ' τῇ σάκκῃ*.

Quod quo sensu satis accommodatè dici in  
 repræsentante potuerit, sic intelligi puto satis po-  
 pulariter poterit: si nomen *σκόλοπος*, non o-  
 mnino pro *Spina* aut *Sarculo*, quo pedes of-  
 fendi; non pro *Sude*, quâ diverberari quispi-  
 piam; non pro *Palo*, quo suffigi, aut ad quæ  
 adjungi, alligariue aliquis; non pro *Stimulo*,  
 quo incitari bestia soleat; non pro re deniq;  
 ejus generis aliâ quacunq; accipias: sed si pro  
*Palo* illud habeas atq; interpreteris, qui vel  
 impositus humeris, degravet; ne efferre te  
 corpore admodum queas; vel in fossis val-  
 lisq; superius adhiberi solet, ut ascensus præ-  
 pediat, illeq; qui assurgere velit, ejus obje-  
 ctu offendatur; vel deniq;, (quod negotio  
 præsentî aptissimè, puto accomodari pote-  
 rit,) appendi solet ferociotibus animantibus,  
 quas cohibere necesse est arte aliqua, ne ni-  
 mis exsiliant, vel septa etiam transiliant.

Quæ postrema *Pals* significatio, ut refe-  
 rat, scilicet, ad Elationem propriè dictam  
 compescendam, ad transilitionem septo-  
 rum prohibendam; ex vulgari usu satis est  
 nota.

notas & omni utiq; ævo vel rusticis etiam fuit  
usu tritissima.

Neq; vis nominis Græci *σκόλος*, ab eo  
sensu abhorret quicquam, maximè si specta-  
tur ex usu Ebræi sermonis: ubi respondet vo-  
ci *Such*, quâ ramus frondosus denotatur &  
perplexus: quæq; Græco illo nomine reddi-  
ta legitur *Num.* xxxv. *ψ.* 55.

Sic eadem vox, *Φερίον*, hoc est *Onus*, quod  
portetur, redditur: *Num.* ix. *ψ.* 48. 49. ut  
altera quoq; ratio, quam in pali nomine nota-  
vimus, invenire locum videri queat in præsen-  
te materiâ: cum per *onus*, seu gestamen, im-  
positum, quasi repagulum Elationi propriè  
dictæ afferri cernatur.

Tertiam illam *σκολόπων* rationem seu u-  
sum, ad ascensum prohibendum in vallis  
fossisq; cognoscere licet ex locis Homeri ali-  
quot: ubi fossarum meminit sic appara-  
tum, ut *σκόλοpes* iisdem desuper fuerint adhibi-  
ti, quò ascensuris nimirum ab adverso latere  
existerent obstaculo. Videat cui libet &  
vacat *Iliad.* ii. *ψ.* 55. & *Odys.* ii. *ψ.* 45. 46.  
Ea quin aliquo etiam modo accommodari in  
rem præsentem possint, non puto facile erit,  
qui per se non perspiciat. Saltem uti in fos-  
sâ *σκολόπεσι* munitâ ascendi non potest, quin  
offensam pariat *σκόλος*: ita nec efferre se



Paulo licuit, quin offenderet qui additus seu appositus ipsi erat Angelus Satan.

Sed illa tamen significatio, quā nomen *ἐκλόπος* ad *Palum* refertur, appendi bestiis solitum, ut vulgo notior est, ita præsenti negotio utiq; existit multò præ cæteris illis accommodatior. Quin *Pali* nomen hîc Satis accommodum ad talem etiam usum intelligi potest, utur lignum acutum designare vulgo doceatur. Nam sic quoq; *Palus* ad coercendam ab exilitione nimîā bestiam aptior existit, si altera parte acutior existat: uti quod *ἐφ' ἡκίστου* Græci appellant: ut exilientem bestiam ad collum ventremve suo quasi stimulo feriat, & submissius ob punctiones ejusmodi incedere cogat. Vti in contrarium etiam, ad demissionem vultus prohibendam, *Vitellio Germanico Imperatori* accidisse refert *Sext. Aurel. Victor, in Epitoma*, cum ne homo impudens in extremis, saltem malorum, quæ gesserat, rubore faciem demitteret, subiecto in mentum gladio, per scalas gemonis tractus fuit.

Quem in modum, Josepho etiam aliquid accidisse Rabbini fabulantur: ut explicent illud, quod *Psal. CV. V. 18.* de ipso legitur: *Ferrum venit in animam ejus.* Vti enim legitur in *Medrasch Tanchuma*, Rabbiq; Salo-

mon id inde reperit, Verti, seu ferrum acutum. Modesto juveni sub mentum fuit appositum, ne inclinare faciem posset, ubi requirebatur à Potipharis Uxore ad Colloquium. Quicquid de fabulâ statuatur, nos hic non nisi quid ad Elationem naturaliter spectatam faciat, ostendimus.

Atq; id, quod apud *Plantum* legitur *ταπεινώδης, in Rudente, Act. v. se. 2. V. 3.* ubi Leno inquit, *Cum mentionem fieri audio usquam viduli, quasi palo pectus tundat*, (seu, ut *Dulsi* legit, *tundat*), satis docet, pali usum quoq; esse in percutiendo seu percellendo pectore, & sic denotari percussione admodum vehementem. Qualis percussio ex appensione pali oboriri, ipsius gestantis culpâ maximè, solet.

Sic ergò Angelus ille Satan, adjunctus Paulo fuisse cogitari item potest: ut ab eo non nisi suapte culpâ percuteretur, seu percelleretur gravius: si scilicet sese fortè incogitanter jactaret de Revelationibus suis sublimioribus, atq; propter eas efferre se nitetur: perinde ut palo appenso brutum, tum sibi percussione seu allisionem excitat, cum petulanter exilire gestit: si modèstè incedat, laborem experitur leviculum & exiguum.

Neq; verò temerè etiam ad nomen *oxoniv* addi-



additum est, *in oculis*, non *in h. oculis*, ut *Camero-*  
*ni* visum est *in Myrothecio*. Sic scilicet pars  
 illa ipsa in Paulo notatur, cui *Remedium Ela-*  
*tionis* istud *Singularè* velut applicatum fuit,  
 atq; accommodatum. Vti enim bestia sic  
 coerceri solet, & intra modestiâ facilius con-  
 tinetur; si *Palus* illi appendatur: ita perquam  
 dilucidū est, quā Caro in Paulo, per se suaq; na-  
 turâ in Elationē proclivis, & luxuriantis be-  
 stia, indolem ferè habens, coerceri & ab Ela-  
 tione perpetuò abstineri, ab adjuncto Angelo  
 Satañæ, accommodatissimè quiverit.

Allusione istâ nescio an quicquam pla-  
 nius, ex populari usu, afferri possit: ut res  
 omnis in his Pauli verbis congruentissimè  
 declaretur: atq; nihil sic longè petitum vel  
 alienum appareat à verbis.

Esto tamen Eruditorum de explicatione  
 istâ iudicium. Tam enim meliora audire, atq;  
 agnoscere paratus sum, quàm nec invidus,  
 vel nimis pavidus existere volui, in istis sic  
 publicè proponendis.

## SECT. 43.

*Stimuli significatio, in nomine σκόλος, pro-  
pè nec usum invenit apud probos Aucto-  
res: nec usus ratione vulgo notissimi huc ad-  
modum quadrat: utut à Vulgato In-  
terprete haud temerè etiam  
videatur adhibita.*

**E**T potest verò Explicatio ista, vel indec-  
tiam reddi probabilior, si per appen-  
dicem ostendatur: quæ aliàs aliæ in  
nomine σκόλος spectari solent significatio-  
nes, (puta quatenus vel ad *Stimulum* refertur,  
incitandis jumentis adhiberi solitum; vel ad  
*Sirculum*, *Spinamve* aut *Apsulam*, fortuità  
infixione lædentem; vel ad *Aculeum* qua-  
cunq; ratione pungentem; vel ad *Sudem* di-  
verberando obrudentem; vel ad *Palum*,  
suffigendo, affigendo, transfigendo corpori in-  
servientē, vitibusve adjungēdis, pecorib' alli-  
gandis, aut hortis deniq; vineisve muniendis  
idoneū) earū nullū accomodari negotio huic  
toti sic posse, ut non alienior parte eximiā  
aliquā appareat.

Ac *Stimuli* quidē significatio, quæ *Vulgato*  
*Interprete*, aliisq; hīc maximè tamen placuit, à  
voce σκόλος (si usū spectemus Auctōrū idone-  
orū) propemodum videri posset aliena: cum  
nec



nec Henr. Stephanus in *Theſauro*; nec Scapula in *Lexico*, Stimuli meminerint, ubi vocem, *σκόλας* explicant: licet interim nihil prætermiſſiſſe videri voluerint eorum, per quæ vox illa reddi ſecundum auctores probos queat: adeoq; tum *Palum præacutum* nominent, tum *Vallum*, tum *Aſſulas*, tum *Sarcu- los acutos*: *Aculeos* item ac *Stirpem*, exemplo è *Dioſcor. lib. 4. c. 176.* notato, ex *Interpretatione Ruellii*. Quam utramq; vocem, in ſimili re deſcribendâ, *Plinium* quoq; adhibere, obſervant, *lib. xxiv. c. 11.* ubi de Arundine, inquit, *Filiis ſtirpem corpori extrahit arundinis radix, contrita & ſimpoſita*: Et paulò poſt; *Folius eius ad extrahendos aculeos utuntur*.

Non reticent tamen ſignificationem illam, Lexicographi celebriores alii; ut *Criſpinus* & ut *Auctores Lexici*, quod *Basilea* ex potiori- bus aliis concinnatum prodiit. Putemq; à *Vulgato Interprete*, haut factum temerè omnino vel privatâ planè auctoritate, ac licentiâ, ut quaſi extra uſum tum receptum, *Stimuli* vocem huc accommodârit; licet ex uſu, quem *Stimulus* vulgariſſimum & notiſſimum habet, minùs huc quadrare vox eâ animadvertatur.

Si ex uſu quidem Latino æſtimatur, fuſſis eſt, acutæ cuſpidis, (ut *Martinus in Lexico*,

*Philolog.* explicat) quo rustici boves sup-  
pungunt: quasi Stimulus, à *αὐγῆ*, punctus,  
ex *σῆα* pingo. Quod fieri solet incitationis  
causâ, ad progressum. Unde *Glossarium Philo-*  
*loxi* quoq; vocem *Stimulus*, explicat per Sy-  
nonym. *Incitamenta.*

*Κίνητρον* nomen, quod *Stimulus* alibi propriè  
redditur, in *Actu c. ix. v. 5. & xxvi. v. 14.*  
Vel ex proverbiali illâ locutione (apud *Pin-*  
*darum*, *Euripidemq;* etiam, & in Latinis apud  
*Terentium* obviâ) quæ isthîc adhibetur, vim  
prodit eandem, quam in præmissâ Stimuli  
explicatione Lexicographus tradidit: signi-  
dem ad boves Proverbium illud alludit, cal-  
ces contra Stimulos, temerè & cùm damno  
suo exferentes.

Plusquam verò clarè etiam genuinus  
*stimulorum* usus proditur, cùm apud *Lucret.*  
*lib. 4.* dicitur:

*Et stimuli subsunt, qui instigant &c.*

Dilucidæ accommodationis est illa stimuli  
significatio, cùm in aliis Scripturæ locis;  
tum præcipuè *Eccle. xii. v. 13.* ubi inquit,  
*Verba Sapientum sunt tanquam Stimuli &c.* De  
quo loco videri potest *Mercerus*, in Com-  
mentariis, utpote vim vocis Ebrææ & affini-  
um explicatè ibi persequens. *Doctrinam Sa-*  
*pientum*, inquit. *Stimulis comparat*, quòd ut  
*stimuli*



*stimulo dirigitur bos ad arandum, & excitatur ac docetur, ut rectè aret; sic homines lenti aliqui & pigri ac Imperiti, sepe Sapientum Sermone exsuscitantur, stimulantur, erudiantur & dirigantur ad viam vitæ.*

Jam hîc quidem, ut Paulus ad progrediendum dirigeretur vel excitaretur, non spectatur; Sed ut ne sese efferret. Vnde seposito usu *Stimuli* isto, congruentior allusio aliqua aliunde est quærenda.

Neq; verò *stimulorum* usus, qui in bobus, tibi decumbere solent, excitandi cernitur, huc magis, quàm prior illa ratio etiam facit. Præterquam, quòd *Columella de Re Rusticâ lib. vi. c. 2.* ejus usus sic meminit: ut nec in brutis animantibus satis probet. Est etiam, inquit, post domituram mollioris generis bos, qui decumbit in sulco.

*Eum non levitâ, sed ratione censeo emendandum. Nâ qui stimulis, aut ignib<sup>9</sup>, aliisq; tormētis id vitii exigi minus judicât, vere rationis ignari sunt; quoniam per vicæ contumacia plerumq; savientem fatigat. Quod circa bruta parum aded probat Magister rusticarius: quid probæ allusionis id in præbeat, ubi electo sibi organo rationali, ratione summâ prospectum Cœlestis Sapientia voluit: idq; non ut erigeret sese, sed se extolleretur.*

*Quatenus tamen in stimulo Castigationis*

aliquid etiam usuvenire videtur, non fuerit omnino vox ea à præsentī negotio rejicienda.

Quod suo postea loco amplius ostendemus: ubi de aliquâ commatis huius explicandi ratione videbimus, quæ quibusvis etiam translationibus accommodari possit. Id ad eā tractationē velut in antecessum hic tantum notetur, posse non facilitationem tantum, sed *Castigationem* etiam quandam in *stimuli* usu omnino agnoscī. Quod nisi præcedens proximè exemplum satis docet, alia tamē apud probos auctores loca hanc obscure innuunt. Ut cum apud *Lucetium* per translationem dicitur, ad *Castigationem*, seu *Correctionem* tacitam describendam, lib. 3. de *R. N. Scire licet, subesse*

*Cœcum aliquem cordi Stimulum.*

Et lib. eod. *At mens sibi conscia facit*

*Premetuens adhibet Stimulos, terret, flagellis.* Sanè apud eundem auctorem est, ibi videatur *Stimuli* vox sic quoque usuvenire, ut ad terrorem quendam denotandum adhibita esse animadvertatur. Qualis consideratio in præfente loco, locum fortè invenire accommodatè aliquem faciliè posset. Inquit scilicet auctor ille, lib. vi. de *N. Rer.*

- - *Interdum præsens vis ipā pericli*

*Subditat hunc Stimulū, quā de parte timoris.*



*Ne pedibus raptim tellus subracta feratur  
In barathrum &c.*

Sed nos in loco Paulino isto, meritò requirimus aliquid popularius, quàm quod ex Poëtico planè usu adscitum esse videatur: cùm præsertim Lexicographorum etiam illorum, quos diximus, iudicio, stimuli vox non satis probè adhibita censeatur ad eam, quâ Apostolus est usus, vocem Græcam, Latine exprimendam.

#### SECT. 44.

*Surculi Aculeive Significatio, quam aliàs  
nomen σκόλοψ admittit, parum hic  
etiam quadrat.*

**H**inc quidem *Surculi* nomen, ac *Aculei*, magis placuit Interpretibus aliis Recentioribus, ipsiq; adeo Lexicographorum celeberrimo, *Stephano*. Qui locum Paulinū nostrum, in *Thesauro*, sub finem, ubi vocem σκόλοψ explicat, attingit, atq; Aliquam inquit, aculei, seu, aculeati significationem habet apud Paulum, ubi ait: ἐδόθη μοι σκόλοψ ἢ σάραξ: id est, Datus est mihi *Surculus infixus carni, Angelus Satan*. *Surculus* nimirum *carni infixus, eamq; aculei modo pungens*.

Sed nec in istis nominibus, si de vi suâ rectè

testimentur, haberi omnino id potest, quod  
 satis congruentem huic loco Allusionem præ-  
 beat. Ut Surculis enim aliquis offendatur,  
 aut Aculeis lædatur, casu fieri solet, non cer-  
 to consilio, quale quid hîc apud Paulum ac-  
 cidisse significatur. Et læsio illa, aut offen-  
 sio per surculos seu aculeos, reddere ineptio-  
 res solet ad progrediendum, quàm ut consul-  
 to adhiberi posse videantur: licet eo facere  
 queant: ut subilire & efferre se læsus non pos-  
 sit. Quod si *aculei* significationem spectare  
 loco isthoc Paulus voluisset, quo apes, vel pæ-  
 crabrones, aut tabani pungere solent: jam i-  
 psam Satanæ Angelum potius Tabano, seu  
 Afilo, Crabroniye, hoc est Græcè, ἀνθ' ἐννυ-  
 σφον, comparasset: quàm solius aculei me-  
 minisset: Et non colaphisandi, sed pungendi,  
 vel icendi verbum, postea adhibuisset.

Neq, est, ut *Surculi* nomen, (vel *Sudis* etiā)  
 Paulino huic loco quadrare omnino ex eo  
 putetur, quod idem apud Interpretes adhibi-  
 tum legatur locis iis in V. T, ubi apud LXX,  
 σκόλον nomen legitur: quasi ad ea loca al-  
 luisse hîc videatur Apostolus: nempe Num.  
 xxxiii. v. 55. & Jos. xxi. i. v. 13. Nam  
 longè illis in locis aliud denotatur, quàm ut  
 certo, simpliciterve sic destinato consilio ad-  
 mitti adhiberi potuerit circa Israelitas: uti  
 qui-



quidem hîc apud Paulum res agnoscenda venit. Priori quidem loco, quid ipse DEUS præmoneat & prohibeat, apertum est. Et quod sic damnum populo eventurum sit, denuntiatur.

Altero loco autem, jam post neglectum DEI illud præceptum, obedientiamq; illi non præstitam, denuntiatur pœna: uti rem eam eleganter de fontibus exquirat, & explicatione plenâ illustrat *Martinus del Rio*, in Adagiis V. T. Vbi, præmissâ vocum singularum consideratione, subjicit: *Hic positus locum sic interpretor: Gentes illas residuas crucem Israël futuram, quo ad animam, & quo ad corpus: Anima, propter Scandalum & imitationem; Corpori, propter crebra bella, peccati supplicium. Illi, aut, vos exemplo suo ad Idolomaniam adducent: Sic mentis oculos vobis eruent. Ego, ut pœnas pendatis, permutam, eos, qui peccandi vobis illecebra fuerunt, vos contemnere, & arma capere, & non raro vincere. Permutam ut quasi sepes aculeata, vos undiq; exercitiis suis circumvallent, ut nullum vobis effugium pateat: sed vos infestent, profligent, dirâ subdant servituti.* Hæc Auctor iste pro locorum istorum V. T. ubi σκόλοσ item fit mentio, illustratione. Et vide, uti Josuæ illa verba explicet quoq; *Lavaterus in Com. p. 75. 6.*

atq;

atq; puto nihil isth'ic agnosces, quod satis cō-  
modè ad præsentem Pauli locum transferas.  
Atq; pœnæ etiam, & peccati illius relaxatio,  
seu sublatio tandem promittitur, apud *Ezech.*  
*xxviii. v. 24.* Ubi *Lxx.* itidem habent  
*ἐνέλαπα, πικρίας* nomine addito.

Quæ sic explicatiùs paulò attingere hac  
parte visum est, ut Lectoribus judicare tantò  
sit facilius, quàm parum accomodè à ma-  
gnis etiam quibusdam Viris in tractatione  
loci Paulini huius, remittantur ad loca il-  
la, quæ notavimus, Veteris Testamenti.

*Aculeorum*, arte quadam applicandorum,  
peculiarem usum, in petulcis cùm capris, cùm  
arietibus, *Columella* cōmemorat, *De Re Rust.*  
*lib. VII. c. 3.* ubi docet quâ astutiâ pastores  
petulcorum illorum animalium sævitiam re-  
pellant. *Mensura pedalis*, inquit, *robustum*  
*tabulam configunt aculeis, & adversam fronti*  
*cornibus religant. Eares feram prohibet à rixâ,*  
*cum stimulum suo ipsum ictu sauciet.*

Sed exinde quoq; vix adeò accommodum  
aliquid ad Paulina verba transferri potest, ut  
per allusionem satis evidentem, & in vulgus  
notam, *ἐνέλαπα* ille dilucidè, & verbis omnibus  
reliquis congruenter, intelligatur: utut in  
rusticano eò artificio, medicina adversus vi-  
tium, Elationi affine, puta, impetendi feri-  
endiq;



endiq; libidinem, idonea admodum efficacq;  
ibi conspiciatur.

## SECT. 45.

*Sudis significatio, quæ quibusdam in nomi-  
ne σκῆλονος Latinè exprimendo adhibita  
fuit, præq; aliis Tertulliano hæc  
frequens est, num quadret  
huic loco.*

**Q**UOD *Sudis* appellationem attinet, videri  
ea sanè potest negotio præsentis non o-  
mninò ineptè quadrare: si usum spectare li-  
beat proverbii, cum *Sudes* aliquis dicitur esse  
alteri in oculis: uti usus ejus vulgò quidem  
hodie obtinuit. Nam si rem ita spectemus  
simpliciter, absq; Finis & Scopii antè expositi  
intuitu, quid de Angelo Satanæ, qui Paulo  
additus seu adjunctus hîc fuisse significatur,  
dici potuisse videatur verius, quàm eum fuisse  
Sudem item ejus carni, ut *Sudes* esse ali-  
quis dici solèt oculis cujusdam, cui multò  
existit invisissimus. At enim diversum quid-  
dam & quod medicum quendam respectum  
involvat, hîc necessariò intelligendum ve-  
nit, non simplex quædam rei invisæ desi-  
gnatio.

Es

Et usus Proverbii illius, ætatis fortè est minoris, quàm ut in Pauli tempora satis congruat. Ego quidem unde exquiri vis eius de Antiquitate possit, hætenus non video: nisi illud agnoscamus ex usu *Vulgaris Interpretis* Latini acceptum è Bibliis. Jam ibi autem alium habere ex nativâ sede sua sensum non potest, quàm locus requirit; antè adductus, *Ios. xxiii. v. 13.* Vbi Gentes, temerè in Cananæa relictæ, dicuntur futuræ populo Dei *Sudes in oculis*: cùm Græci habeant eo locos *βολιδας ἐν ὀφθαλμοῖς*, quæ *Num. xxxiii. v. 55.* dicuntur *ὀνόματες ἐν ὀφθαλμοῖς*: quatinus voces Ebrææ ibidem diversæ reperiantur.

Atq; sic quidem de istâ voce nihil hîc esse videri poterat; cur amplius laboraremus. Placuit ea tamén in præsentè Pauli loco exprimitendo admodum, præ aliis Scriptori longè Antiquissimo, *Tertulliano*: ut vel eâ de causâ exquirere lubeat, an ita forsân existat accommodata, ad tropum in eâdem, aut allusionem pro negotio præsentî accommodant ostendendam.

Si de Latinis Auctoribus igitur, vim nominis ejus exquiramus, liquet, genus quoddam armorum rusticorum, *Sudes* olim fuisse quod *Maronis* illud docet, *Æneid. vii. v. 523.*



— non jam certamine agresti,  
*Stipitibus duris agitur, Sudibusq; pransis:*  
 Et Propertii eidem geminum, lib. IV. Eleg. I.  
 Vbi de Romanis, cum agrestes essent, lo-  
 quitur:

*Nec rudis infestis miles radiabat in armis:*

*Miscebant uestra praelia nuda Sude.*

Clavarum quoq; loco, Veteribus in usu,  
 Sudes erant, in exercitatione ad palum: quod  
 ex Vegetio constat, lib. I. c. XI. Et lib. II. c.  
 XXI. Ubi, *Ad palum quoq; vel Sudibus,*  
 (sic legendum docet Steuueckus, cum vulgo  
 legatur Sudes) *juniores exerceri percommo-  
 dum est.*

Ritus ille Palatix, uti pugna ea vocari  
 siveit, sic habent: ut pali figerentur in ter-  
 ram, sex pedes alti, ad justam viri staturam,  
 atq; hi pro pugnatium numero. *Ac singulis*  
*Tyronibus figebantur singuli,* inquit Vegetius,  
*ita ut nutare non possent.* Sudes deinde illis pro  
 gladiis ligneis, seu clavis erant. Palum, uti di-  
 ctum est, defixam, cominus sudibus, eminus mis-  
 silibus, procul ferre meditabantur. In quam  
 rem id quoq; facit, quod Iuvenalis Sat. VI. ait,

— — *Aut quis non vidit vulnera pali,*

*Quem cavat assiduis Sudibus, Scutoq; lacescit,*

*Atq; omnes implet numeros.*

Ante ipsam etiam militiam, tam quàm in exer-  
 citio

citio dicto, quàm quàm in pugna feriâ adhibita  
fuere, Sudes usum habuisse longè alium,  
cumq; in rustico cultu tritum notumq;, docet  
*Maronis* loca illa, ubi nominat, tum quadri-  
fidas Sudes, *Georgicor.* 11. *V.* 25. tum Fraxi-  
neas, *Eodem*, *V.* 359. quas in pedatione ad-  
hibendas docet: ut furculo recens depacto  
fulcimentum adsit, seu adminiculum, ad al-  
tius assurgendum, & contra ventos substi-  
tendum.

Nautis quoq; ferratas Sudes tribuit, &  
acutâ cuspide contos, *Aeneid.* V. *V.* 208.  
ut illarum in navali pugna usus etiam fuisse  
animadvertatur.

Inter arma præterea ad defensionem op-  
pugnatae Urbis comportata, Sudes nominan-  
tur *Aeneid.* XI. *V.* 473.

*Perfodiunt alii portas, aut Saxa Sudesq;  
Subvertants &c.*

dum studium describitur civium in Urbe ad  
defendam patriam, certatim declaratum.  
Præterquam scilicet, quod alii fossas ante  
portas foderint, alios subvertasse significat,  
in murum scilicet, Saxa Sudesq;: ad hostem  
& feriendum & repellendum.

Quî, autem istorum usum modo ullo  
aliquo, Sudis nomen, in hac Pauli narratio-  
ne, videatur accommodatè adhibitum: ut

Ang-



Angelus Satan intelligatur fuisse Sudes Carni-  
parum profectò liquet: ni in illam signifi-  
cationem transferas: ut *Stipitem* Baculum-  
ve tantùm designet, qui in eum, quem antè di-  
ximus, usum ac finem, alligetur, seu appen-  
datur.

## SECT. 46.

Palorum usus, *quantumvis varius alius,*  
*nullus hic aequè locum invenit, ut cum*  
*appensus ad Petulantiam & Exi-*  
*litionem cohibendam*  
*cogitatur*

**Q**Uod si *Pali* significatio, dum ea in no-  
mine σκέλοπος exprimendo, maximè pro-  
batur, de vario alio palorum usu hic exami-  
netur, atq; an inveniri ex aliquo illorum ac-  
commodatio satis apta queat, dispiciatur, pu-  
to frustra se quoq; fore sentiet, qui usus quos-  
cunq; omnes exquisiverit, & iustâ ratione pro  
præsentè Scopo, & circumstantiis reliquis  
exponderit.

Qui in suffigendo, transfigendo, vel affi-  
gendo corpore aliquo, vulgarissimè notus es-  
se videtur, atq; in verbo σκαλοπίζειν, Christo  
Salvatori nostro, à *Luciano*, *Sophistâ* blasphe-

mo attributus legitur, eum in *Dialogo de Mor-  
te Peregrini*, eum ἀνασκολοπισμένοι σοφιστὴν appelli-  
tat, supplicium denotat, quo homo interim-  
tur, non *Castigationem*, quā a vitio abstine-  
tur, atq; ad frugem retrahitur. Qualem hoc  
loco spectari, mirum est profectò, quòd non  
perspexerint, viri cæteroquin perspicaces: qui  
sibi nimium placuere haut pauci, in allusione  
ad *Transfixionem*, aut *Suffixionem* illam huc ac-  
censendā. Quamvis sic forsitan minùs aber-  
rasse a Scopo videri possint, dum volunt do-  
lores cruciatusq; , duntaxat tales notari, qua-  
les *Transfixio Suffixioq;* pariat. Quem sen-  
sum præ aliis, sui auditorii usibus accommo-  
dare studuit, Ecclesiastes p. m. facundissimus  
Fraustadiensium, *Val. Herbergerus*, in Ser-  
monibus, quos habuit ad funera, singulari-  
bus, *parte secundā num. xvi i.*

Nec aliò collimat *Scholastes ad Germani-  
cā Biblia hodie celeberrimus, Daniel Cremerus*:  
qui Pali appellationem, notanter hìc refert  
ad vivorum *Transfixionem*, itemq; ad telum  
in vulneratione corporis sic infractum, ut  
vulnus existat immedicabile Atq; antè  
istos, *Flavius Illyrius* etiā, in *Clave Scriptu-  
ræ*, sub nomine PALUS, *Videtur omnino*, inquit,  
*Paulus respexisse ad atrox illud, & apud Veteres*  
*valde usitatum genus supplicii, quo rei palo insige-*  
*bantur, inserto per posteriora, & emergentis*



per humeros aut Scapulas: quo etiam nunc Turcicos plagarios in sinibus Christiani afficere solent. In quo si palus non vulneret cor, aut arteriam tracheam, aliquando etiam per biduum aut triduum infixi videntur. Tale quippiam durum supplicium, se circumgestare Paulus ibi indicat, &c.

Sed si omnino vehementiam cruciatuum notare istâ parte talem voluisset Paulus, quales auctores dicti sic depingunt; aut quales, Herbergers iudicio, *Bladus Dracula*, *Moldavia Princeps*, ante sesquiseculum & quod excurrit, in hominum viginti millibus suffigendis excitasse legitur, ad quam sævitiam, *Chalchocondyla* teste, lib. 9 de reb. *Turc.* immanissimus etiam Turcarum Tyrannus exhoruerit: quâ conveniret, *κολαφισμασος*, seu *τὸ κολαφίζειν*, hoc est, depalmandi tantum mentionem postea fieri? Nimius quidem ille à vehementissimi supplicii indicio saltus foret, ad leviolem, quæ corrigendi castigandiq; causâ fiat, offensam. Saltem id cogitari hîc etiam conveniebat, extremo remedio apud Paulum opus non fuisse: ubi duntaxat id spectabatur, ut ne se ob Revelationes, sublimissimas illas efferret. Sic fermè nimiam ad exorbitandum proclivitatem in sacris explicationibus afferre solet, Scopi minùs attenta consideratio, Verbiq; vel unius supinior transmissio.

Solet præterea palorum usus quoq; esse, (estq; is fortè etiam antiquissimus) in claudendis hortis, fulciendis vitibus: unde *Tibull. lib. 1. eleg. 7. de Ofiride,*

*Hic docuit teneram palis adjungere vitem:*  
Et *Plin. lib. XIV. c. 3. Nec orthampelos indiget arbore, aut palis, ipsa se sustinens.* Atq; res vulgo notior, quàm ut videri opus sit *Colum. lib. IV. c. 33.*

Est usus præterea, in agnorum tenerorum curatione, & enutritione primà: Si *Varro* nem audiamus, *Rei Rustica lib. II. cap. 2. de iis præcipientem: ubi, Circiter decem dies, inquit, cum præterierunt, (à partu scilicet) palos offigunt, & ad eos alligant libro, aut quâ aliâ re levi, distantes: ne toto die cursantes inter se teneri, delibent aliquid membrorum.*

Atq; plures istiusmodi usus hîc attingere, supervacuum propè fuerit, eum præteritum, quem *Plautus* innuit in *Menachmis Act. II. se. 3. V. 53. cum palum palo proximum dicit, proverbiali locutione: quam Turnebus explicat lib. XI IX. c. 15. Nam is quidem nihil habet, quod expellionis officinâ huc referatur.*

In prioribus sic aliquid esse forsan posset, quod haut paulò melius quadraret ad infirmum ab evagatione continendum: ni sic aliquid



aliquid hinc spectandum veniret, quod vim castigatorem aliquam contra Elationem in se complecteretur. Quod quia in nullo æquè *Palu* usu deprehendere est, ac *cum appendi cer-*  
*nitur bestiis*, ut ne transiliant septa, vel iusto exultantiùs agant: hactenus inde Allusionem congruentissimam ad præsentem Pauli locum, arcessi, post pensitatos in modum prædictum, modos tam illos varios, haut puto temerè judicamus.

### SECT. 47.

*Ad Palum, seu fustem bestiis appendi solitum, Lutherus quoq; atq; Westham-*  
*merus, in explicando hoc Pauli loco,*  
*digitum intenderunt.*

**V**idebamur sollicità meditatione, ac sic quasi primi in explicationem hanc nobis devenisse: cum nec destitimus interim quicquid ad manum nobis esse potuit de eadem re Commentationum amplius perquirere. Itaverò commodum comperimus, & *Lutherum*, Superioris Seculi Reformatorem meritissimum; & *Bartholomeum Westhammerum*, Troporum Biblicorum Explanatorem eximium, ab eadem explicandi.

ratione, jam ante seculum abfuisse proximè.

Lutherus, cuius Verba integrè hic subiicere in Lectorum gratiam lubet, in *Enarrationibus Epistolarum Dominicalium*, Argentorati editis An. 1530. habet in hunc modum.

A multis hætenus est hic Stimulus acceptus, pro tentatione carnis. Cuius causa fuit, quod Latine Stimulum carnis in Vulgatis exemplaribus legunt. Hæc autem Interpretatio non potest consistere. Carnalem enim tentationem non solet Paulus vocare stimulum: siquidem stimulus sit, quod pungat & affligat. Neq; est hic stimulus Carnis, quo ipsa pungit, sed quo pungitur. Ad hæc Græcum exemplar habet, *ὀξύς τῷ κατὰ*: Stimulus carnis, id est, Stimulus carni paratus, vel carni appositus: ut ferè sensum eum habere videatur, qui est Proverbi Germanici: *Der Knüttel ist dem Hunde an den Hals gebunden*: id est, Paulus est ligatus a collo Canis. Quo significamus, adjunctum esse, quod hominem affligat, vel contineat. Quasi voluisset Paulus dicere: *Quemadmodum solet indomito cani palus ligari a collo; urso circulus includi naso; equo frenum immitti in os; porco distineri palo fauces: ne scilicet vel nimium currat; mordeat; ferociat; aut lasciviant; ita & mihi usum venit, qui habeo in meo corpore stimulum; hoc est, alligatum gravem & molestum palum: ne ferociam scilicet, aut supra quam par est*



me attollam. *Quid autem hic stimulus sit, ipse explicat, vocans Angelum Satanae, hoc est, Diabolum, qui ipsum colaphis cedat; h. e. immittit verberet, atq; plagas gravissimas incutiat. Sic Lutherus.*

*Westhammerus in Troporum Explicatione,* ita Lutheri exegesis illam planè sequitur, ut verba quoq; ipsa nō aliūde videatur accepisse.

Hæc de loco Pauli isto, tam plerisq; omnibus difficili viso, à tantis Viris illis, tam dilucidè inculcata, à tam raris hodie observitata fuisse mirum certè mihi visum est. Sed nimis quàm solemne est multis ad primum quemq; obvium Commentatorem, hæere tanquam ad vadum, neq; vel meditando privatim in sensum, qui maximè Scopo Verbisq; congruat, inquirere, neq; quid alii quicunq; tandem etiam prodiderint, labore debito pervestigare.

Et verò, vel ipsi *Luthero* contigit, ex Opinione, quæ in vulgus sic admodum de Paulino illo stimulo irrobora verat, ut ejus, quamvis accommodatissimæ explicationis suæ, non fuerit ubivis memor. Nam alibi *Stimulum* eum, seu *Palum*, ad Crucifixionem quandam retulit: uti & *Colaphisationem*, ad nescio quam *Excarnificationem*.

Audi sis, quid ex *Luthero* ore oxceperit

G. Rorarius, *An.* 1543. atq; deinde Ioh. Fre-  
derus transcriptum reliquerit, in *Isaia* loc. cap.  
ix Vti Witeberga ea Enarratio prodiit *An.*  
1546 p. 230. *Habui*, inquit, tentationes, qua-  
les cogitavi neminem in terris habuisse, & dispu-  
tavi cum D. Paulo, (& ad huc delector eâ di-  
sputatione) quid fuerit *oxôxôv*, palus, seu stimulus  
ille, quo crucifixus est, & Colaphus, quo vapula-  
vit à Diabolo. Et fui aliquando tam Superbus,  
ut putârim, me cum coposse hac de re disputare;  
aut me tantundem tentationum, tam gravium &  
multiplicum sustinuisse, quantum ipse sustinuit  
(quia Stimulos & Colaphos eos putant fuisse ten-  
tationes desperationis:) &c. Et p. 234. *ibid.*  
Paulus 2. Cor. 12. Datus est mihi, inquit, palus  
in carnem, angelus Satana, qui me colaphizet,  
q. d. Satan excarnificat, coquit, macerat, asiat,  
divexat, & disceperit me miserimè: significans huius  
verbis longè gravissimas & durissimas fuisse ha-  
pationes, seu tentationes, quibus est vexatus, &c.  
Sic Lutherus istis locis.

Haut tamen putem ego, ratione eâ voluif-  
se ipsum retractare, quod antea scripserat, ver-  
bis illis Pauli accomodatus. Potius com-  
munem orem interpretationem eam sic sequi  
ipsum voluisse dixerò, quam ad captum Au-  
ditorii sui accomodaret, pro tempore: licet  
ipse videret de loco eo, si accuratè expend-  
tur.



tur, aliter pronunciari posse. Quod sanè non obscure etiam innuit, dum verba in parenthesis illa interseruit, *quia Stimulos & Colaphos eos putant fuisse tentationes desperationis.*

Libet igitur nobis in eo hîc magis acquiescere cum Luthero, quod asseveratius, in *Postillâ*, quam vocant, scripsit: quàm ut illud præferendum censeamus, quod alibi ex eo protulit, quod vulgò aliqui putant stimulos & colaphos illos fuisse: de quibus ipsis suo etiam postea loco docebitur explicatius.

### SECT. 48.

*Ex Chaldaismo indicatur etiamnum aliquid, per quod σκόλες τῆς σαρκὸς multò omnium planissimè explicabitur: puta, si verbo isto denotari dicatur*

*Præfectus Castigator, quasi cum Stimulo, Sude, Palove, Carni, ad absterrendum ab Elatione, seu Gloriatione temerariâ, appositus.*

**H**Ac istâ tamen explicandi ratione, cum probabilius aut congruentius quiddam vix inveniri posse arbitrer: subiit animo de *Targumicis* loquendi rationibus, dictionem istam (seu *Stimuli*, seu *Aculei*, seu *Pali*, etiamnum exquirere: atq;

an inde forsan, ad maiorem rei illustrationem peti aliquid possit, dispicere. Nempe animo id recurrebat, Christū ipsum, Apostolosq; haut pauca inde accepta retinuisse, & usui Sacro porro accommodasse: uti ostensum atiam à nobis est sigillatim in explicato *Sinu Abrahae, Secti. 5.*

Vbi sic igitur de re eā ulteriùs video, nomenq; illud ipsum, quo Vulgatus Interpres est usus, de Chaldaicā, quæ illi responderet, dictione, exquiro, oggessit sese commodū, significatio, seu usus nominis ejus, qui huc facere omnem in modum, maximè appositissimeq; potest.

Nimirum vox *Darban*, quæ Hebraicè *Stimulum*; *Aculeumve* notat, & 1. *Sam.* xiii. *ψ.* 21. proprio sensu obvenit, (unde & apud Lxx. redditur *βούκιλον*, quo sensu etiam per comparisonem adhibetur *Ecc.* xii. *ψ.* 11.) Chaldaico usu, non *Stimulum* tantum denotat, vel *Aculeum*: Sed eo quoq; translata reperitur, ut per tropum quandam adhibeatur ad designandum *Gubernatorem*, *Prasidem*, *Præfectum*, *Magnatem*: atq; sic etiam *Castigatorem*, *Animadversorem*, *Correctorem*, *Vexatoremve* significet. Videre id est ex locis, ubi in Targumicis vox ea occurrit: ut *Proverb.* iix. *ψ.* 16. ubi in Ebræo Principes,



cipes, Iudicesq; nominantur, quorum scilicet est punire ac judicare: apud Lxx. <sup>מִשְׁפָּטִים</sup> *Ṣēpāyim*: (quamvis hīc *Veneta* Targumi editio nonnihil variet à *Regiā*;) *Iob* item xxxv. *Ṣ*. 9: ubi in Ebræo nominantur fortes seu prævalentes; apud Lxx. itidem <sup>גִּבּוֹרִים</sup> *ḡbōrim*. Sic *Iob* xxxiv. *Ṣ*. 20. Et *Psal.* xxxi *Ṣ*. 24. Etiam *Darbonain*, Custodes, Observatores Januarum & atriorum vocantur: ut annotavit *Buxtorffius* ex *Bechor. fol.* 8. 2. quæ vox & ipsa originem planam habet ex illâ, quâ Stimulus notatur.

Et, quod in eâ voce explicandâ, quasi Synonymum nomen, in Aruch. h. e. Chaldaicarum seu Targumicarum vocum explicatio-  
ne, illi additur, *Malmad*, ad significationem, *Erudiendi, Castigandiq;* nos deducit: quippe id cum Stimulum denotet, deducitur tamen à verbo *Lamad*, quod docere significat, adeoq; in Stimulo aliquid addocendum castigandumq; accommodatum significat: id, quod Lexicographi quoq; pluribus monent.

Sic usu Chaldaico Stimuli Aculeive nomen eo traductum reperitur, ut *Stimulatorem, Punctoremve* denotet, adeoq; Personæ accommodetur, quæ *Stimulo, Aculeove, seu Sude etiam*, vel *Palo*, coerceat, atq; sic Castigatoris severioris munere fungatur.

Atq;

Atq; ita quidem Chaldaico usu hæc Significatio in voce *Darban*, & similibus, inusitata non fuit: ut *Melach Mahesh*, *veshton magnék*, hoc est, Regis malefacientis, Principisq; tribulantis nomen etiam contrà reposuerint, ubi apud Lxx. nominatur *ἐκλόαυ* *negias* & *ἐκλῶαυ ὀδύνη*: *Ezechielis* nimirum **xxvi li. v. 24.**

Quod à Chaldæis mirificè fieri, forte non scripsisset, ad hunc Pauli locum, Clarissimus *Heinsius*: si vel id ex aduerso factum animadvertisset esse, quod de voce *Darban* monuimus: vel rem ipsam magis, quàm voces in *Ezechielis* loco expendisset. Neq; n. mirificum adeò est, si Paraphrastes pro voce tropicâ, reponat propriam: ut evidens est isto loco à Targumistis factum esse.

Sed id nostro proposito uti accommodari possit potius videbimus.

Ausim igitur τὸ ἐκλόαυ nomen in hoc Paulino Textu, (re ac negotio ipso, sic, si non prorsus exigente, saltem congruentissimè admittente; verbo autem eo, sine durâ, aut inusitatâ aliquâ translatione commodum ferente; reliquis deniq; quæ sequuntur, in eâdem narratione, idipsum propè postulantibus, si omnia inter se satis consentanea, scopoq; accommodata esse debeant:) accipere ad eum modum.



modum, ut illi Chaldaeorum DARBAN, hoc est, Stimulo seu Aculeo, æquivaleat: Et sic per translationem notet, *Castigatorem, Animadverforem*, seu quendam quasi cum Stimulo, *Aculeo, Sude* vel *Palo* ad pungendum plectendumq; paratum & præfectum.

Verba *וְהַמִּשְׁתָּדֵר* adduntur, uti ex antecedentibus constare quoq; potest, in eum finem, ut Adstes ille, carni, in Elationem proclivi, coercendæ, seu à jactantiâ absterrendæ, velut Judex atq; Executor quidam, præfectus intelligatur.

Translatio illiusmodi in nominibus ejus & census & sensus, tum alibi in Sacris literis, si Chaldaica spectentur; tum in aliis quoq; linguis ignota esse eruditis non potest.

Apud Jeremiam primo capite, notum est ut Prophetæ ostendatur *Virga vigilans*, seu velut ad percutiendum porrecta & protensa. In Ebræo ibi nomen est *Makkels*, quod *Baculum* aliàs significat, prouti etiam Latinum *Baculi* nomen exinde originem suam duxisse videtur, cum literæ M mutatio in aliis quoq; lingvarum translationibus non infrequens existat, ut *Angelus Caninus* eruditè ostendit. Id nomen Chaldaeus Interpretes, vi sensus figurati, ad personam transferre eodem loco ausus est: Nempe reddidit,

*Regem*

*Regem festinantem ad malefaciendum.*

Adeo jam illi etiam Interpreti, Ebraeorum nomen, *Makkel*, in figuratum sensum accipere libuit, ex usu utiq; in vulgus Ebraeorum tum non ignoto.

In aliis porrò Lingvis, Græcâ cumpri-  
mis, nôrunt eruditi, quos dicere *μάστιγας* solea-  
mus, cùm nomen illud flagellum propriè si-  
gnificet. Zoilum *Galenus Therapeut: lib. 1.*  
*μήρου μάστιγα* appellat: quòd versuum cavil-  
latione, quasi flagellatione quapiam, ipsum  
exercuerit. Unde vulgò quoq; in usum ve-  
nit, ut nominetur *ὁμηρομάστιξ*. Sic nihil for-  
san prohibebit, Angelum Satanæ illum, seu  
Satan, vocare, *Παυλοσκόλοπα* seu *Παυλομάστιγα*.

*Attila*, Hunnorum Rex, pari translatio-  
ne, non tantùm *Malleum universi orbis*, sese  
nominavit: Sed id quoq; titulo suo adjici-  
curavit, cùm ab Eremita quodam sic vocatus  
esset, ut diceretur, *Flagellum DEI*: uti apud  
*Nic. Olahum* refertur *lib. 6.* apud *Bonfin.* Et  
*Naucler. Generat: 16.* Quod eo sensu factum  
esse per se liquet: ut intelligeretur, flagelli  
instar à DEO, ad plectendos & puniendos e-  
ius ævi homines, usurpatus.

Hæc quidem vocis acceptio sic Scopo  
bene convenit; Angelo Satan, aptâ & evi-  
denti ratione tribuitur; reliquis etiam, quæ  
nunc



nunc porro excutienda sequuntur, ita consentit: ut nihil planè videam, quod usquam vel minimâ parte discordet.

Atq; hoc est, quod supra innuebam, sectione præsertim 27. sub finem: posse nempe per analysin convenientem, omnia sic etiam referri, ad *Coercitoris* respectum: uti isthîc quidem docuimus ad Alexipharmacî, seu Prophylactici appellationem, omnia reducere.

Qui *σκόλος* nomen, vel per *flagellum* reddidit seu exposuere Commentatores, illi suos, quos habent assecclas, vix patientur etiam, nostræ huic interpretationi contradicere. Jam suprà autem *sect. 1. Fabri* mentio facta est, ubi *Flagellum* hic nominat, quod Vulgatus Interpres, Stimulum dixit. *Ferule* appellationem *Calvinus* huc accomodat, cùm in Commentariis scribit: *DEus cohibere volens omnem in Paulo insolentiam, fetulâ eum domuit.* Ferulam hanc Stimulum vocat, metaphora à bobus sumptâ. *Suidas*, de Rege quodam refert, qui in Tenedo, ad iudicia tantò sanctius agenda, legem tulerit, ut homo, securim tenens, à tergo Iudicis, vel potius (ut narratio apud eundem alia habet) à tergo ejus, qui alteri objectaret crimina, cōsisteret, eūq; si mendacii convinceretur, confestim feriret.

Qui

Qui homo, cum perterrificus extiterit illi, qui coram Iudice, seu criminari alium auderet, seu testimonium esset dicturus, factum est, ut in Proverbium inde abierit, appellatio *Tenedii Homini*: ut nomen istud adhibeatur, cum quispiam denotatur ad exterrendum valde esse comparatus: de quo videri potest in *Adagiis Erasmi*.

Cum Homine ejusmodi Tenedio, perquam convenienter comparare *Angelum hunc Satana* licebit, qui Paulo additus seu appositus hic fuisse significatur. Vri enim *Tenedius ille*, dicturum in judicio prohibere preteritâ securi suâ, potuit, ne crimen alteri falsum intentaret; testimoniumve promeret commentitium: ita hic *Angelus Satana* item, cum velut Palus, Sudes, Stimulusve ad castigandum præsentaneus esset, vehementer absterre Paulum potuit quoq; ut ne sese efferret, vel de Revelationib<sup>9</sup> sublimibus illis usquam jactaret.

Propè abfuisse hic videtur ab eo, ut ad explicationem eandem pertingeret, *Sebastianus Barradius Iesuita, Theologus Olisiponsis* cum in *Comment. in Concord. & Histor. Evangelist. Tom. 2. lib. 2. c. 8.* Stimuli nomen sic reddidit hoc loco, ut *Stimulatorem* vocet Angelum Satanae.

Inquit



Inquit enim, *Sensus Pauli hic erit*, Datus est mihi Stimulus carnis, Angelus Satana: id est, *datus est mihi Stimulator carnis meae*, Angelus Satana: Græcè *Carni meae*.

Quâ ratione attigit sanè, quod in verbis agnoscendum venit, ut rectè satis congruenterq; accipiantur, licet interim eò non planè penetrârit, quod vi verborum sic redditorum, intelligi poterat, & nostro iudicio, debebat.

## SECT. 49.

*Quâ ratione, quæcunq; Translatio nominis ἐκείνου, accommodatè ad præsens negotium explicari possit: si præcedens Interpretatio minùs fortè alicui placeat.*

**Q**Uod si cui, nec prior illa, de *Palo*, *Ropalove appenso*; nec altera hæc, de *Præfeto rigidioris quodam, pro coercendâ seu absterrendâ carne addito*, Explicatio, satis probari potest: (quamquâ sic ad rē & verba, existat, illa popularibus; hæc verò Eruditorum etiam auribus atq; animis accommodatissima: ) poterit generalior forsan explicandi ratio illi satisfacere: quam perspexisset talem etiam mihi videor: ut quadrare ex æquo propemodum

dum queat, quibusvis illis interpretationibus, quibus nomen, *σκόλοψ*, redditum videmus: puta, sive *Stimulus*, sive *Surculus*, sive *Aculeus*, sive *Spina*, sive *Arsula*; seu *Sudes*, seu *Palus*, seu *Flagellum*, seu *Fustis*, seu *Baculus*, seu *Ropalum*, seu ejus generis aliud quiddam dicitur.

Nempe nullus hic proprius usus; nullus, qui actu ipso cernatur casus, in rebus illis spectari judicandus fuerit: sed id generatim tantum, quod res sic notentur tales, ad quas offendere facile graviterque queas, seu per te in illarum aliquam impingas improvidus: seu ab alio eadem adversum te, casu certo moveantur.

Sic igitur, dum Angelus Satanæ dicitur *σκόλοψ τῆ σαρκὸς*, (hoc est, seu *Stimulus*, seu *Surculus*, seu *Spina*, seu *Arsula*, seu *Aculeus*, seu *Sudes*, seu *Palus*, aut simile quiddam,) cogitandum fuerit, cum conferri, seu cum Stimulo, in eum sensum accepto, quo *Chalinus* servus, apud *Plantum* in *Casinâ*, se dicit esse Stimulum *Stalini*, hoc est, offendi- culi loco: seu cum re affini consimilive aliqua, ad quam offendere Paulus facile gravi- terque posset; aut quæ ipsum dicto modo, nisi sollicitè sibi caveret, atque temperaret, offensu- ra omnino esset.

*Offensaculum* porro istud, qualicunque, tan- dem



dē nomine exprimat, *ἡ σαρξ*, h. e. *Carni pos-*  
*itum* intelligere necesse erit: non in eū sensū,  
 quē vult Interpretatio illa, cū *Surculus carni*  
 dicitur *infixus*; vel *Palus carni impactus*; vel ali-  
 quid *in carne inditū*, (ut visū est *Cameroni*;) vel  
 aliud quiddam, ejusmodi in modum, ad car-  
 nem comparatum, ut *Carni dolorificum* quip-  
 piam jam accidisse seu inhærere notetur:  
 Sed ita tantū res accipienda fuerit: ut *Car-*  
*ni hinc periculum fuisse innuatur*, *lesionis cujus-*  
*dam gravioris*, nī cautē foret actum, pericu-  
 culumq; illud providē declinaretur.

Et verō omnem in modum hīc minuenda  
 est opinio illa, quā vulgō putatur, ad Dolores  
 & Cruciatūs acerbissimōs, vel immanissi-  
 mos quosdam, figurandos, fieri mentio seu  
 Surculi, seu Pali, seu acutioris Spinæ: quod  
 plerisq; omnibus hactenus est visum, ac tan-  
 tū non generatim etiā asseveratum, tum  
 à *Strigelio in Explicationibus Dominicalibus*,  
 cū scripsit, eam appellationem *σκόλοπος*, si-  
 gnificare summā acerbitatē temptationum;  
 tum a *Camerone*, cū dixit, haut dubiē affli-  
 ctionis genus quoddam pænē intolerandum  
 hīc describi: ut suprà *sect. 8.* ejus verba ad-  
 duximus.

Non isto fine, ut sic summus Dolor ali-  
 quis omnino notetur, seu tanquam prætens  
 N 2 signi-

significetur, *ὀφθαλμός* fit mentio : sed ut *Periculum proclive* & *grave* figuretur, ac velut ob oculos ponatur : quod ex adjuncto Satanae Angelo Carni in proxinquo fit, seu velut immineat, nisi providè caveatur. Prouti scilicet periculum tale esse animadvertitur, ubi *Sarculus, Aculeus, Spina, Ascula*, in proximo sita sunt incedenti; ubi *Sudes, Palus, Flagellum, Stimulusve*, vel quippiam istis affine, velut apparatus & porrectum cernitur, si quis dum cautè agere queat ac debeat, minùs sese providè gerat, ac sese ab impingendo contineat.

Breviter, sic Satanae Angelus additus Paulo intelligi potest fuisse, vel tanquam *Stimulus* carni castigando apparatus ( de quâ stimuli significatone suprâ monitum est; ) vel tanquam præsentaneum, seu ad latus appositum *peracutum aliquod*, quocunq; tandem nomine denotetur, *Offensaculum*, gravem Carni ictum daturum, nisi sollicitè caveret, sibi; ab Elatione omni ob divinas Revelationes temperaret.

Qualis porrò ictus ille futurus esset, ex sequentibus deinceps explicatiùs intelligendum veniet.

Hæc addere hic libuit : ut ne Lectori accurate Explicationis cupido, & ad eas, quæ præ-

præ  
mod  
usu p  
à ver  
men  
S  
pote  
nis,  
com  
tore  
quis  
alter  
vide  
I  
gidio  
adju  
sequ  
luce  
Sata  
fect  
qui  
sit, a  
pidi  
non  
re q



præmissæ sunt, fortè nauscaturo, in omnem modum non consulamus: maximè si pro usu populari quàm minimùm recedere libeat à verbo, quo forsàn in suo aliquis idiomate nomen, *σκόλοψ*, redditum offendit.

Sic quidem modus puto, parere aliquis potest, quo Translatio quævis, ratione nominis, *σκόλοψ*, non ineptè ad rem propositam accomodari à considerato scripturarum tractatore queat. Quamvis cur jure aversetur quispiam Interpretationum priorum illarum alterutram, (quas proximè præmisimus,) vix videamus.

Illæ quidem, quæ per *σκόλοπα τῆ σαρκὸς Rigidiorem Præfectum & quasi Castigatorem Carni adjunctum* docet intelligendum esse, vel ex sequentibus, ubi *colaphisandi* mentio mox fit, lucem etiam accipiet; ut ne dicam Angelo Satanæ id maximè congruere, ut talis præfectus dici, seu cum eo comparari, statuatur, qui per tyrannidem, seu cum tyrannide præsit, atq; à *Stimuli, Sudis, Palvæ* usu, quem cupidissimè exerceat, (si licentia modò detur,) nomen ipsum ejusmodi instrumenti reportare queat, seu mereatur.

## SECT. 50.

N 3

*Quid*

*Quid sibi velit, quòd Paulus dicit non simpliciter, σκόλοψ σαρκί, sed τῇ σαρκί.*

**I**llud hîc transmittendum supinè etiamnum minimè videtur, quòd Paulus, dum σκόλοψ nominat, non addiderit simpliciter, σαρκί, sed τῇ σαρκί: quasi definitim *Carnem* notare, aut ostendere *certam aliquam* vellet.

Quin igitur suam ipsius Carnem sic respiciat, atq; ad eam velut digitum intendant, dubitandum non est.

Voluit nempe hac loquendi ratione, non obscurè de Se quoq; fateri, quàm carnis indolem in se experiretur, perinde scilicet atq; in aliis ad commune illud vitium nimis proclivem: ut ubi contigit aliquid beneficio DEi præ aliis singulare atq; eximium, de eo efferre sese, ac jactitando præferre aliis gaudeat.

Neq; absurdum etiam fuerit, Carnem sic definitè cum articulo hîc, ubi de *Elationis Iactationisq;* negotio agitur, designatam, referri ad *Linguam*, ad *Labia*, ad *Buccas* potissimum, quibus ad *Elationem* & *Iactationem* ob Revelationes illas divinas, præcipuè propriè abuti Paulus poterat: ut illi signatè Carni σκόλοψ, seu offensacululum oppositum intelligatur, quæ delinquere in negotio isto proclivissimè poterat.

Ad



Ad istas carnis partes, *Carnis* nomen ibi sanè potissimùm etiam sese refert: cùm *Cor* & *Caro* exultatura dicuntur ad DEum vivum, *Psal.* LXXIV. *Ps.* 3. Nam verbum *Jerannens*, quod isthïc legitur, vim eam habet, ut ad *Linguam*, *Labia*, *Buccas* propriè sese referat: Siquidem *Ranan*, est *Canere*, *Cantare*, *Cantillare*, *Exclamare*, *Acclamare*.

*Lingva*, sermonis instrumentum, est vobulabilis illa caruncula in medio oris, (ut definit eam *Illyricus in Clavi*) quæ maximè in hoc morbi genere, de cuius Prophylactico hïc agitur spectanda venit. Ea ob contemptum aliorum protrahi dicitur, seu prolongari *Es.* LVII. *Ps.* 4. Ea flagellatrix esse significatur aliorum *Iob.* v. *Ps.* 20. Ea acui ut gladius, quandoq; commemoratur, *Psal.* LXIV. *Ps.* 4. Vt *Remedium* illi *acutum*, seu *terriculum* aliquod *aculeatum*, opponi, perquam sit congruum.

Vti quidem ad partes, quæ Linguae in delinquendo dictâ ratione solent esse sociæ, id sese refert etiam, ex iis, quæ porrò explicanda veniunt, intelligi amplius quoq; poterit.

## SECT. 51.

N 4

Quæ

Ad

*Quæ propiâ prophylactici illius, seu Coercitoris atq; Castigatoris, Apostolo adhibiti operatio extiterit: intra quem modum restricta, & ad quem finem casumq; directâ.*

**S**atis, sic puto planè constat, *qualis* hic *Persona* Paulo adjuncta fuisse significetur, qualemq; in *Finè* ac *Usum* sic generatim eidem illa, divino consilio, addita fuerit.

Non ita tamen addita eadem *Persona* Apostolo fuisse significatur, ut cum malignæ illa indolis, infestiq; cæteroquin in ipsam animi extiterit (ni sensum illum in appellatione Angeli Satan alterum sequi libeat, quem *sectione 38.* innumus) actus adversus eundem cujusvis exercendi licentiam habuerit, pro lubitu & arbitrio suo: sed ut *certi tantum actus exercendi, jus concessum fuerit, in Finem omninò definitum directi, summq; intra Modum restricti*: mandato districtim illorsum attempato, ut magis per terrorem actus illiusmodi intentati, quàm per ipsum actum eum, fortuitò, vel tumultuariè exsertum, ab Elatione, seu temerariâ gloriatione, Apostolus prohiberetur.

Quod Paulus significat, cum non simpli-



pliciter datum seu additum sibi Angelum Satan ait, qui quasi *παράκλητος* existat *τῇ σαρκί*: sed & addit continuè, *ὥστε καὶ ἀφίξῃ*. *ὥστε καὶ ὑπερβίβωμαι*: *Ut me colaphis cedat; ut ne efferar.*

Definitè adeò licentia Angelo illi adversum Paulum data fuit, ut eum colaphizaret, seu potius, ut verbum Græcum temporis ratione sonat, colaphizet: neq; id quovis *Causæ*, sed tantum in eum *Finem*, ne se efferret.

*Scholium Græca* id sanè pressius observandum hîc monent, non dici *καὶ ἀφίξῃ*, ut res quasi ad præteritum referri videatur: sed *καὶ ἀφίξῃ*, ut præsens innuatur. Sed in eo tantum esse non situm putem: dum *Modi* ratio modò rectè perspiciatur, & huc accommodetur: de quo postea videbimus.

Res ipsa quidem tota planius intelligi poterit, Maligni Spiritus respectu, si cogitemus, Satanam seu Diabolum, ubi Paulum in Apostolorum numerum adscitum, atq; jam tantis etiam Revelationibus donatum, videret, simile quiddam circa eum expetivisse: ac Christus eundem etiam expetivisse, seu rationibus velut adductis quæsisse, circa Apostolos reliquos refert, *Luc. xxi. v. 31.* Cùm inquit: *Ἰδοὺ ὁ Σατανᾶς ἐξέληται ὑμᾶς, τοῦ σκιδνοῦν, ὡς ἐστὶν οἶνον.* Dicit *ἐξέληται* ut innuat, ceu jure eum egisse, & rationibus urfisse, ut sibi liceret cir-

ca eos agere. Quid vero? *αἰνῶσαι*, hoc est, *cribrare*, eos, quasi *repurgandi causā*, & ut *paleas*, seu qui *palearum instar inter Apostolos forent*, *excuterentur*.

*Vt* circa Jobum petiit licentiam, cum graviter tentandi, deq; Pietate ac Constantiā explorandi: ita hīc voluit, ut Apostolos *cribrare* liceret, seu *ventilare*, h. e. tali tentatione aliquā adoriri, per quam concuterentur atq; projectarentur, uti grana paleis mista solent: ut appareret *granorumne proborum* instar omnes habituri essent, an aliqui *palearum* modo diffilari, & à Christo separari possint. Videtur velut respexisse in verbo cribrandi, ad id, quod Baptistes de Ventilabro, intimārat. *Matth. 111. v. 12.* quod in manu esset ejus, qui baptizaturus erat Spiritu Sancto & Igne: quem diserte agebat, *permundaturum aream suam, & congregaturum triticum in horreum suum, paleas autem combusturum igni inextinguibili.*

Quā ratione petitum illud suum, velut juris prætextu quodam munire, vaferrimus Spiritus visus est, dum *Cribrandi* verbum adhibuit.

Atq; arreptā qualiquā in fidelibus occasione, adversum eos moliri aliquid satagit. *Ἀντίδικον* hoc est, *Actoris*, seu *jure contra aliquem disceptantis* in morem: quo nomine etiam haurit



temerè insignitur apud *Petrum* I. *Epl. c. v. §. 8.*  
 Prouti quoq; κατήγορος τῶν ἀδελφῶν, h. e. *Accusa-*  
*tor fratrum seu fidelium*, vocatur *Apocal. xii.*  
*§. 10.* qui quasi in foro Poli contra fideles,  
 fratrum more ac nomine conjunctos, agat.

Et verò causa quoq; adversus homines,  
 fideles præsertim ac DEo gratos, cur κατήγορος  
 cur ἐνιδίκος contra illos esse cupiat, seu affe-  
 ctet, perpetua suppetere ex eo illi videtur:  
 quòd sese cum suâ cohorte de cœlesti aulâ ex-  
 turbato, videt, iam hominibus illas beatas se-  
 des apud DEum, celsuras. Quod ut invi-  
 det humano generi, adeoq; invitissimus fert,  
 ad effectum perducì debere: ita hominibus,  
 fidelibus præsertim, tanquam ejus, ex quâ  
 ipse exciderat, apud DEum dignitatis atq; glo-  
 riæ candidatis, quàm maximè adversatur.

Neq; id tantum molitur, uti eos à viâ se-  
 ducat, per quam ingredi in cœleste regnum  
 ipsis DEI benignitate atq; gratiâ liceat: sed a-  
 pud DEum quoq; quicquid potest prætextu  
 juris vel minimo, contra eos machinatur,  
 eâq; ratione licentiam adversus eos seu ve-  
 xandos, seu interimendos, haut rarò sibi dari  
 contendit.

Tale igitur quidpiam contra Paulum  
 etiam molitus Satanas, non impetravit, quod  
 voluit: uti nec circa Apostolos cæteros; nec  
 olim

olim circa Jobum: Sed id tantum, per Sapientissimam DEi Permissionem & Directionem obtinuit: ut licentiam haberet, ex Angelis suis, (quales illi esse complures significantur *Matt. xxv. v. 41.*) subornare aliquem, tanquam Adlitem seu Comittem, vel potius Insectatorem futurum, qui observaret, an *Casus* sic aliquando ferret, ut sese Apostolus forte ob Revelationes sibi factas efferret, quiq; tum jus haberet, aliquid ipsi mali afferendi seu infligendi.

Quod ipsum DEus, per benignam moderationem suam, præpotentemq; hostilis insectationis constrictionem, gravius etiam aliquid esse noluit, quam *κολάφιση*, seu *Alapam*: quod præsens *pena delicto accommodata*, atq; secundum etiam humanum modum attemperata esset. Efferre enim sese Apostolus potissimum deprehensus fuisset, si sese ob suas illas Revelationes divinissimas, gloriando aliis Apostolis prætulisset, aut de illis profusiore ore jactitasset. Jam *Ore* sic *Buccin*, peccasset. Pœna igitur parata quoq; erat futura, peccato illi coercendo & castigando accommodata atq; attemperata: si Angelus ille Satan Colaphum ipsi infligeret.



τὸ κολαφίζειν *quid proprie sit, & in qualibus delictis usum habuerit.*

**N**otum quid κολαφος dicatur, unde verbum effectum est, κολαφίζειν: *plaga nimirum, quæ palmâ in maxillam alienius incutitur.* Vtq; Etymologicum Græcum exponit, ἡ δὲ δομένη διὰ τῶν μέσων δακτύλων πληγὴ, seu, ut κολάφισμα ἰν *Veteri Lexico* exponitur, τὸ διὰ κοίλης ἀφ᾽ ἧς ράπισμα.

Exempla autem vel in sacris suppetunt, ubi pœnæ huiusmodi inferendæ licentia ministris, seu *Exactoribus* (ὑπηρέταις) fuisse intelligatur, si quid ore procaci visum fuit in iudicio peccari. Vide ipsi Christo, cùm talis delicti insimularetur, quid acciderit, *Ioh. xi. ix. v. 22*: Et Paulo *Actorum xxi. i. v. 2*.

Vbi lectorem id nihil inturbare debet, quod ραπισματός potius fiat in locis illis mentio, quàm colaphi. Neq; enim tantum distant κολαφος & ράπισμα, ut non sæpè planè idem significant. Quod in *Hesychio* apparet, ubi κολαφίζομενος exponitur, per ραπίζομενος. Sic *Suida*, τὸ ράπισαι, ἐστὶ παλάξαι τὴν γνάθον ἀπὸ τῆ χειρὸς λέγονσι καὶ ἐπὶ κόρης scilicet πατάξαι. Ράπισαι, ἐστὶ maxillam explicatâ manu percutere, alapis impingere: quod dicunt etiam ad genam verberare.

Deno-

Denotatur sic partialis, seu certæ tantum partis percussio: cui opponitur ὁλοσάρκεος πληγή, quæ apud *Nizephorum* alicubi ita nominatur: hoc est, *plaga totum corpus afficiens*.

Neq; pœnam etiam mendacio aliam æquè, ac colaphum deputat, ex vetustate illud hodieq; tritum verbum, quo *mendacium colapho pensandum* dicitur: quod proverbium Germanis quoq; esse usitatissimum, nemo credo Germanorum ignorat.

De *Charilo* poëta quodam, Alexandri M. temporibus scriptitante versus (quorum, tanquam incultorum & malè natorum *Horatius* meminit, *Epistolarum lib. 2.*) sunt qui tradant, Alexandrum hac cum ipso lege pepigisse; ut pro singulis bonis versibus, singulos Philippæos acciperet; pro singulis autem malis, singulos colaphos. Quod pœnæ genus, peccato sic quodammodo attemperatum, subire ille ex pacto postea necesse habuerit: cum opere toto tandem recensito, vix Septem, qui probarentur fuerint deprehensi.

In quodam apud *Quintilianum* joco, lib. VI. c. 3. legimus: *Colaphum tibi ducam, & formulam scribam, quòd durum habeas caput.* Cui gemina est loquendi ratio, quæ in jure occurrat, l. 4. ff. de Injuriis: *Si cum servo pugnum*  
duca.



*ducere vellem, in proximo astantem percusserim.*

Inde apparet, in qualibuscumque delictis, poenæ, seu Castigationis servilis, ejusque festinæ, atque quasi extemporaneæ, genus quoddam *Colaphum* seu Alapam fuisse: ut delinquenti ab astante in propinquo, duceretur seu infringeretur.

Et vide, si lubet, apud *Terentium in Adelph. Act. 2. sc. 1.* Vbi *Æschinus* *Parmenoni* præcipit: quò ad festinam Castigationem *Sannionis* paratus sit:

(moveas tuos,  
Cave nunc jam oculos à meis oculis quicquã di-  
Ne mora sit, si innuerim, quin pugnus continuò  
in malâ hæreat.

Occurrit præterea usus apud Veteres *Alaparum*, *Colaphismatumve* varius alius: ut in mimis, qui in theatralibus spectaculis, cum dabantur, alios mimos, ad risum excitandum, alapis cedere solebant. Quo refert *Turnebus* id, quod apud *Martialem* legitur lib. V. Epigr. 62.

*O quam dignus eras alapis Mariane Latini,  
Te succedurum credo ego Panniculo.*

Quo spectat quoque *Tertulliani* illud, cum scribit: *Insuper contumeliis alaparum sic objicit, quasi de præcepto Domini ludat.*

Nec aliò se referunt, quas *Juvenalis* nominat Sat. VIII. *Mamercorum* alapas: qui ut  
*Isaacus*

*Isaacus Grangæus* explicat, sipario locati, Scur-  
rarum personam agebant, & alapis cedeban-  
tur, populo ipso ridente.

De qualibus etiam *Plautus in Captivis*  
*Act. 1. se. 1. Et quidem hercle, nisi qui colaphos*  
*perpeti potest Parasitus.*

Et *Sidonius Apollinarius, lib. 3. de Epl. xiii:*  
Vbi de Gnatone quodam, *Se quid è raptis,*  
inquit, *inter alaparum procellas, præmisit obsonis.*

*Quas item Quintilianus Decla cccxviii,*  
notat: ubi, *Multa, inquit, video genera di-*  
*versa vite, nec probabilia omnia. Ceterum ta-*  
*men hoc novum est, & inauditum, contumelias in*  
*questu habere: & injuriâ pasci: &c.*

Cuius generis fuere quoq;, quos *Festus* Fla-  
gratores dictos esse docet, qui mercede fla-  
gris cædi se permittebant.

In usus *alaparum* cum nihil ad propo-  
situm nostrum spectare videri possit, huc ta-  
men facit, ut quantum propudii, contume-  
liæve in percussione tali à sanioribus qui-  
busq; statutum sit, agnoscatur: siq; probius  
æstimetur, quantopere Paulus ab Elatione  
absterreri hacce pœna potuerit.

Fuit *Colaphorum* seu *alaparum*, usus olim  
aliquis etiam in manumissionibus: de quo  
*Claudianus Consulatu IV. Honori,* (recedit  
*Tristis conditio* (servitutis nimium pulsata fronte  
In



*In civem, rubrere gena, tergoq; removit*

*Verbera, promissi felix injuria voti.*

Et

rapinosa vocabantur in *XII tabl.* fitq; eorum mentio l. ult. *C. de Emancip. lib. 6. Novella LXXXI.* Estq; eorundem in Christianismum aliquis etiam usus olim inductus: de quo videri potest Læli. *Bysciola Horar. Subct. siv. lib. X. c. 15.*

Sed ista *alaparum* ratio huc minimùm fortè fecerit.

In Injuriis uti *alapa*, seu *colaphi*, aliàs numerari soleant, nihil opus quoq; est atterere: quo respectu Christus percussionum talium patienter & sine vindicatione ferendarum meminit. *Matth. v. 39.*

Hoc quidem loco, quicquid aliorum iudicio ab injuriis huc accersendum videatur, id potissimùm respiciendum est, quod in Castigationibus pœnisve locum habet. Inter quas *Colaphizatio* referri solere, cum ex Historia Veteri, tum ex Ufu hodierno satis est notum. Et multò evidentissimè id patet ex eo, quod *1. Pet. II. 20. legitur.*

Id puro juxta oppidò clarum, notumq; est, ad delicta, que *Ore Linguae commutantur*, hoc genus plectendi quasi per naturam esse comparatum.

De *Mendacio* saltem, ac *Procatitate* res plusquam nota est, compescendis his atq;

O

corri-

corrigendis, *oblapisma* congruere.

*De Iactantia* autem atq; *Elatione*, quæ hîc potissimum nobis spectanda venit, nescio an illud nobis, similis pœnæ congruentiam non quodammodo oggerat, quod in *Glossario Veteri*, quod *Bonaventura Vulcanius* edidit, *Alapator*, per *ναυχῆς*, explicatus reperitur: quasi scilicet, alapis fuscipiendis atq; sustinendis maximè obnoxium esse eum deceat, qui jactator sui gloriabundus existat. Quæ quidem alia convenientior ejus interpretationis ratio afferri possit, vix sanè video: utur afferri varias alias posse per me etiam satis videam.

### SECT. 53.

Quo modo τὸ καταφίγειν hîc circa Paulum  
usuvenire potuisse videatur, dum Angelus  
Satan executor fuisse significatur.

**Q**ui autem καταφίγειν modus, dum Spiritus Executor illorum seu Exactor fuisse significatur, hîc intelligendus sit, non ausim quidem planè definire.

Atq; visa est res ea plerisq; vix satis esse explicabilis: dum excipias eos tamen, qui καταφίγηται, Paulum, perpetuatione quadam perpeßum esse, arbitrati sunt, atq; ita ea retulerunt



lerunt ad id, quod Paulo cum fidelibus plerisque omnibus prorsum commune fuisset, puta ad *Afflictiones varias atq; graves.*

*Piscator* ita hic ambiguus est, nihilq; pronuntiare certi audet, ut proprium tamen sensum colaphismatum non planè aversetur. *Sane*, inquit, *hoc*, quod de colaphisando Paulus refert, *proprie intelligendum, an per metaphoram, de Pudefactione? quis certò affirmet? Sanè id, quod subjungit, se rogasse ut abscederet à se ille Angelus, favet propria acceptioni.*

Quin exterior autem *plaga aliqua*, seu *percussio* intelligi debeat, quocunq; tandem modo circa faciem illata, verbum, quod expressè adhibitum legitur, *κολαφίζω*, nimis evidentè ferè, ut ne dubitetur, exigit. Quæ enim propria vis Græci eius verbi sit, jam antea explicatum fuit à nobis.

Interpretes, qui suo idiomate singuli aliàs exprimere propriissimè eandem vocem studuere, mirè quidem variant.

Latinis à Græcâ voce minùs recedere studium fuit: ut vel *colaphisandi* verbum adhibuerint: vel *cadendi* verbum ad *colaphos* restrictum huc accommodârint.

*Lutherus*, ad manus retulit, quibus percussio fiat: *Mit feusten schlagen.* Sic *Enserius* quoq; *Polanus* itè, uti & *Belge* in suo idiomate. O 2 Tigu-

*Tigurini*, ad caput referunt, cui plaga infligatur, *Kopfstreiche geben*.

*Angli*, generaliore voce contenti fuere, *buffet*: ut & *Galli*, *buffeter*.

Omnes sic tamen exteriorem aliquam plagam expressere, quam Paulus hic noiet.

Atq; tanto minus mirum videri debet, Satanae Angelo, circa Paulum, tale quid fuisse indultum, divino sapientissimoq; consilio: quanto luculentius Historiae testantur, tum Pristinorum, tum Nostrorum quoq; Seculorum, *Genios sic quosdam Adfices nonnullis extinsisse*, qui Vellicatores, seu Punctores, aut Percussores iisdem fuerint, si quid agere vel obmittere deberent.

Facit eò planè quod de Geniis prolixè ducit *Lipsius*, ex Stoicorum Disciplina *Lib. 1. Physiolog. Stoicor. cap. 19.* dum Dæmonem seu Genium, non *Mythagogum* tantum, sed *Pædagogum* etiam ex *Senecâ* dici ostendit: dum non ex *Hesiodo* tantum docet, *Δαίμονες* illos φύλακας ὄντων ἀνθρώπων, custodes mortaliū; & apud *Platonem* Genium vocari φύλακα τοῦ βίου καὶ ἀπολήξεως τῶν ἀνθρώπων, Custodem vitæ, & adimpletorem, quæ quis elegisset: Sed & apud *Epictetum*, eundem ἐπιτηροῦν seu Curatorem unicuiq; adstiturum, atq; apud *Zenonem*, ἐπιστάτην seu Inspectorē humanarum actionum appellari commonstrat.

Quid



Quid enim Pædagogis, quid <sup>inceptoris</sup> Inspectoribus in eos juris esse soleat, quibus præstipiuntur, notum est satis.

Atq; apud *Eusebium*, *Historia Ecclesiastica* lib. V. cap. 25. de Natalio, Confessore quodam Christiano refertur, uti seductoribus quibusdam conjunctus, non tantum per Visiones commonefactus fuerit à Domino: Sed & quoniam illis attenderit negligentius, (inefcatus videlicet, primatus apud eos honore, ac turpi quæstu, quo plurimi pereunt,) tandem ab Angelis sit flagellatus, ac totâ nocte verberatus hauri modico.

Apud *Bodinum*, de *Magorum Damonomania*, cum totum cap. 2. De Spirituum cum hominibus Confoederatione, huc faciat, tum verò, post mentionem de Socratis Dæmonio, quod apud *Plutarchum* satis descriptum reperitur, *Historia* obvenit ejusmodi, ut hæc eandem expendisse, alienum non videatur.

Ego vero, inquit *Bodinus* eo loco, confirmare possum, me ex homine, qui adhuc vivit, audivisse, Spiritum quendam esse assiduum ipsius comitem, quem iam demum ceperit agnoscere, cum annum ferme trigessimum septimum ageret: putare quidem, eundem Spiritum sibi per totam vitam adfuisse, cum ex antecedentibus somniis, iam ex visionibus, quibus fuerat præmonitus, ut

certa vitia, periculaq; præcaveret: nunquam  
tamen ita percepisse planè, ut ab eà atale fecerit.  
Hoc autem sibi narrabat accidisse, cùm prius non  
desivisset anno integro DEum orare ex animo,  
Vesperis & mane, ut Bonum Angelum, futurum  
actionum suarum Ducem, ad ipsum transmittere-  
ret: se antiè & postquam oravisset, certum tempus  
in contemplandis operibus DEi occupavisse, binis  
interdum, aut ternis horis confidentem, ut medita-  
retur, volutaret animo, legeretq; Biblia, & depre-  
henderet tandem, quanam ex omnibus Religio-  
nibus, tantoperè controversis, eum veritate face-  
ret. Itaq; hos versus non raro a se pronuntiatos  
esse, ex Psal. 143.

Me DEus informa, quæ sit tua sãcta Volũtas,  
Morigerasq; man<sup>o</sup> præsta, gressusq; sequaces.  
Namq; eris ecce DEus semper mihi: Tramite  
recto

Spiritus ille tuus, divinaq; virgula ducat.  
Se itaq; improbantem eorum factum, qui DEum  
orant, ut in præceptâ opinione confirmet ipsos, per-  
gentem in Oratione hæc, & legentem Scripturas  
Sacras, apud Ebraeorum Philonem reperisse in li-  
bro de Sacrificiis, Virum bonum & integrum, ac  
purificatum à DEo, non posse ullum majus, aut  
gratius DEo Sacrificium, quàm suipsius offerre  
Domino: obsequentem huic consilio, Animam  
suam DEo obtulisse. Ex eo tempore (sic enim  
illa



ille mihi) *Somnia ipsi & Visiones monitorum* plenas obvenisse, modo huic aut illi vitio corrigendo; modo antevertendo periculo; modo huic aut illi difficultati solvenda, tum in Divinis, tum etiam in Humanis rebus. Inter alia verò dormientem se visum esse audire DEi vocem, dicentis: *Servabo animam tuam; Ego sum, qui ante apparui tibi.* Postmodum quotidie sub horam tertiam aut quartam matutinam, Spiritum pullasse fores, se verò cum surgens aperuisset fores, vidisse neminem: ita persistisse Spiritum unoquoque mane, & nisi surgeret, excitasse. Tunc sibi demum obvenissemetum, cogitanti (ajebat ille) Spiritum aliquem malignum esse: propterea non destitisse, neque dum ullum intermisisse, quin oraret DEum, ut Angelum Bonum ad se transmitteret, & saepe Psalmi, (tenebat n. memoriter plerosque) cecinisse. Tum ego vigilanti sese patefecisse Spiritum, leniter pulantem, quo die primum sensu percepit illum, & sapius tangentem vitreum baculum: quo factio non parum fuit attonitus. Biduo post cum amicum quendam Regis Secretarium. adhuc superstitem, prandio excepisset, erubuisse illum, ut audivit Spiritum ita cadentem scammum quod adstabat sibi, & fuisse perculsum metu: se verò dixisse illi: Ne timeto, nihil est: ut tamen hominem confirmaret, facti veritatem ipsi explicasse. Ab illo igitur tempore mihi confir-

mauit. Spiritu semper sibi adfuisse, & signo afflicte Sensus monuisse: puta, modo aurem dexteram, feriendo; si quid mali faceret; modo sinistram si secus. Si quis ad circumvenendum ipsam accederet, aurem dexteram fuisse pulsata; Sinistram vero, si vir bonus & ad rem bonam adveniret. Si quid mali bibiturus, aut surus esset; si quid facere cunctaretur, aut aggredi, signum item fuisse datum. Si quid male cogitaret, aut institueret, signo revocatum esse, Si quando DEum laudare Psalmis inciperet, aut facta eius admirabilia eloqui, spirituali quadam vi auctum fuisse, atq; confirmatum. Atq; ut inspirata Somnia, a deliriis discerneret, qua ex involuntate, aut animi perturbatione solent inidere, se sub secundam, tertiamve horam excitat a Spiritu, desinde redormiscere, nim sibi domum vera somnia de eo, quod facturus aut crediturus esset; de iis, qua dubitabat, aut qua ventura erunt, obtingere: adeo, ut ex illo tempore nihi fere sibi acciderit, cuius non sit pramonitus; nihi credendum dubitaverit, quin fuerit factus de o certior. Se quidem quotidie a DEo petisse, ut ipsum doceret Voluntatem, Legem, & Veritatem suam, & unum ex hebdomade diem occupasse non autem Dominicum, propter laxam vitam, perditam, quam die illo dicebat agitari) legendi Bibliis; meditando & expendendis rebus lectis; DEo cum

volu



voluptate laudando Psalmorum laudibus, quo die  
 feriebatur, domo non exivisse. Verum tamen  
 in suis actionibus reliquis satis esse hilarem, letog  
 animo: (citabat enim ad hanc rem Scripturæ lo-  
 cum: Vidi facies Sanctorum lætas.) Quid  
 si versanti eum alius contigisset non bonum sermo-  
 nem habuisse aut diebus aliquot precari intermis-  
 set Deum, illicò dormientem fuisse monitum. Si  
 librum malum legeret, fuisse librum, percussum  
 à Spiritu, ut eum deponeret. Ab eo, quod va-  
 letudini ipsius fuisset nociturum, revocatum esse,  
 & in morbo curatum studiosissimè. Deniq, tam  
 multa mihi narravit, ut infinitum esset percurrere.  
 Monebatur verò imprimis, ut mare surge-  
 ret, idq, horà fermè quartà; Sibi dormienti nar-  
 rabat edi vocem quæ dicebat: Quis primus ora-  
 turus surget? Narrabat quoq, sepe se commone-  
 factum esse de erogandà Eleemosynà: quò plus ero-  
 garet, eò secundiores rerum suarum successus per-  
 cepisse. Cùm inimici, appetentes vitam ipsius,  
 aquà vectum iri cognovissent, patrem sibi per so-  
 mnium fuisse visum, adducentem equos duos, rus-  
 sum & album, ideòq, curavisse, ut duo equi con-  
 ducerentur. & quamvis de colore nihil indixisset,  
 famulam duos illos, rufum & album adduxisse.  
 Mihi autem roganti, Quid non aperit Spiritum  
 compellaret, Hoc quidem a se, respondit, semel po-  
 stulatum esse, repente verò Spiritum, tanquam

malleo vehementer fores pepulisse : ut istud sibi ingratum esse ostenderet. Caterum se a Spiritu, ne diu legat aut scribat, impediri : ut quiescat animus, ac meditetur solus : persapè ad ipsius vigilantis aures subtilissimam quandam vocem, & *ἀναγδον* pervenire. Quarenti etiam an formam Spiritus vidisset unquam? Respondit, se dum vigilaret, nihil vidisse unquam, præter lumen quoddam valde clarum, in orbem ductum. Semel autem, cum in extremo agens vita discrimine. Deum orasset ex animo, placeret saluti ipsius consultare, & sub diluculum dormitaret, super lecto, cui incumbibat, animadvertisse puerulum, veste alba, in purpureum colorem inclinante, vultu firmag<sup>3</sup> admirabili. Hoc illi plurimum confirmabat. Iterum versantem in gravi periculo, & modo cubantem, a Spiritum impeditum esse, qui non cessaret, donec è lecto surrexisset. Insomnem itaque totam noctem in precibus consumpsisse : postridie se mirabili ratione, & incredibili, carnificum manus effugisse : hoc facto, se dormientem audivisse, cum inlamarer vox. Jam dicendum est, Qui sedet in latibulo Altissimi. Ne plura, narrabat ille se in omnibus difficultatibus, itineribus, institutione, qua agressurus erat, consilium à Deo petivisse : & quadam nocte, cum benedictionem sibi à Deo donari postulasset, Visionem dormientis fuisse oblatam, in qua ipsi benedicebat pater. Hæc



de eo homine (subdit tandem Bodinus) perspet-  
ta placuit enarrare : ut ostendam non debere  
mirari quenquam. Malignorum Spirituum  
consecrationem, si Angeli, Boniq; Spiritus societa-  
te huiusmodi & frequentatione cum hominibus  
communicent. Quod autem narrabat ille au-  
rem sibi à Bono Angelo pulsata[m] esse, idem o-  
ptimè Iob, 33. & Esa. 50. ostenditur. Hic enim  
Dominus, inquit, vellicavit mihi aurem dilu-  
culo. Longè vero apertius secretum hominibus  
peritis reteguit, quo se paulatim DEus percipien-  
dam sensibus exhibet. Similiter quod dicebat,  
se tanquam malleo pulsantem audivisse, hoc pri-  
mum legimus fuisse Prophetarum signum. De  
Manoha enim in Iudicum libro legitur, cepisse  
Angelum DEi pulsare antè ipsum, Interprete Rab-  
bi Davide, &c.

Hæc sic adducere hoc loco visum est, ut  
de exemplis, quorum plura adduci possent,  
si opus foret, conjectatio fiat: an adeò abso-  
num sit, τὸ καλαφίζειν in Paulino loco isto pro-  
priè intelligere.

Quibus h'c à proprietate verbi illius re-  
cedere nimis libet, ut τὸ καλαφίζειν interpreten-  
tur de probris, conviciis, blasphemis & con-  
tumeliis, quibus ipsum Angelus ille Satan  
affecerit, ac contemptum reddere molitus sit,  
(ut Musculus Dusanus post alios verbum istud  
hoc

hoc loco exponitur ) illi nihil fermè singulare  
 verbis his Pauli subesse relinquūt, faciuntq;  
 explicatione eā suā : ut figuratione quadam  
 repeti hīc duntaxat statuendum sit, quod an-  
 te hac, atq; paulò antè, apertè de se quoq;  
 retulerat.

Sed ut Revelationum respectu,  
 singularissimum quiddam de se commemo-  
 ravit Apostolus : ita probabilius est, Reme-  
 dii contra Elationem ob illas, singulare ge-  
 nus quoddam, cum quoq; subjecisse. Ha-  
 bet id quidem contentus ac ignominie no-  
 ram, si quis colaphis aut alapis cædatur. At  
 non propterea consequens mox est, ut ver-  
 bum, quo Apostolus hīc utitur, pro contu-  
 meliis duntaxat ac probris accipiamus, quæ  
 adversarius contemptus gratiā hic vel ille aliās  
 intulit.

In modum porrò immoderatiorem ali-  
 quem, nolim etiam facilè colaphum, quamvis  
 de exteriori plagā aliquā, quæ à Spiritu illo  
 inflingeretur, acceptum, extendere : ut scilicet  
 vel talis intelligatur, qualem apud *Plautum*  
*minitatur, Sagaristio Servus, puero Pagnio* : cum  
*inquit, in Persā, Act. 2. f. 4. V. 22. Te hodie*  
*siprehendero. desigam in terram colaphis* : vel  
 qualem *Trachalio* denuntiat *Gripo Piscatori, in*  
*Rudente Aæ, 4. f. 3. V. 68. Verbum addit*  
*etiam unum, jam in cerebro colaphos abstrudam*



tho: vel de qualibus apud *Terentium* conquiritur *Sannio*, Act. 2. sc. 2. *ſ. 37. in Adelpis*: cum inquit: *Colaphis tuber est totum caput*: ubi antecedente scenâ, jam quiritatus esset, *plu-  
guingentos colaphos sibi infractos esse.*

Scilicet, ut antè jam indicatum id etiam fuit, intra modum Castigatio hæc Angeli Satanæ in Paulum, restricta fuit eum: ut ne minus evaderet idoneus ad munus sacrosanctum illud sustinendum, feliciterq; peragendum.

Cum enim in humanis quoq; rebus præcipi soleat, ut tantâ, qui deliquit, afficiatur pœnâ, quantum æquitas, humanitasq; patitur, (quod vel *Ethnici* etiam, ut *Cic. 2. officiorum*, monuere): illud per Benignitatem & Philanthrophiam divinam multò magis agnoscendum est, circa Paulum fuisse accuratum: ne per licentiam, maligno Spiritui datam, inclementius tractaretur: quàm ut vacare suo muneri satis aptè, ac sufficere posset.

## SECT. 54.

*Verba* *ἡμετερον κολαφίζεσθαι* *cur de* *Interratione* seu *Interminatione Colaphi potius*, quàm *de* *infractis assidue colaphis accipi-  
pienda sint*: *Et per quam ratio-  
nem ita accipi possint.*

Agno-

**A**gnosci adeò, verbis sic proprio etiam magis sensu spectatis, convenienter hic potest, jus moderatæ omnino, & attemperatæ Castigationis, duntaxat concessum fuisse illi Satanae Angelo adversus Paulum: Idq; ad *Casum etiâ tantum Elationis*, si scilicet elaturus sese videretur, vel potius si sese efferret. *Bileamo*, Vati ab Ecclesia DEI alieno, atq; ad imprecandum DEI populo conducisse passo, Angelus Domini sic oppositus (*Lesatan*) ad adversandum, fuisse legitur: ut minitans apparuerit, non ut omnino verbera inflixerit, vel gladio percussent. Et Paulo Angelum Satanae, seu Satan, ad adversandum, ne se efferret, oppositum fuisse opinemur: ista planè ratione ut vim continuo inferret, & impetu bruto quodam, citra seu ante omne meritum, eum contunderet? Id verò absonum est magis, quàm ut per Pietatem admittendum videatur.

Non est putandum, licentiam infestissimo Spiritui datam fuisse, perpetuæ cuiusdam *Vexationis*, aut *Afflictionis*, vel immanis etiam cuiusdam aut atrocioris *Excruciationis*, uti in vulgus ferè irroboravit hodie circa hæc Pauli verba opinatio. *Aequitatis* omnino memor simul fuit DEus, in jure illo  
adver.



adversus Paulum maligno Spiritui concedendo, dum bonum Præservationis à noxio illo Elationis crimine, promorum in ipso, tali Alexipharmaco voluit. Ne in servis quidem, qui quod flagris maximè essent obnoxii, (teste Nonio,) flagrionum nomen olim habuere, id accidisse putandum est, ut cogerentur illa, nisi ob meritum & causam aliquam experiri. Tantum abest, ut DEUS in Apostolum temerarios planè atq; arbitrarios ictus veteratori crudelissimo indulserit.

Et cum omnino Elationis præcavendæ respectu, sic jus tantum habuerit Angelus Sathæ, colaphum Paulo infligendi, apparet vel exinde, in terrorem magis additum hunc *Castigatorem* fuisse, quàm ut cogitari debeat eum continuè depalmasse, agereq; adeò sic potuisse ex petulantia illud, quod *Gellius* refert *lib. XX. Noct. Attic. c. 1. ex Q. Labeone*, de Lucio Veratio, quem egregiè hominem improbum atq; immani vecordia, nominat. *Is*, inquit, *pro delectamento habebat, os hominis liberæ manus sue palmâ verberare. Eum servus sequebatur, crumenam plenam assium portitans, & quemcumq; depalmaverat, numerari statim secundum Duodecim Tabulas, viginti & quinque asses jubebat.*

Siccine verò vel humanis legibus licentiam

tiam colaphorum inhibitam circa liberum hominem, audiamus, atq; eam Angelo Sata-  
næ, quasi arbitrariam relictâ, putemus, qui in-  
dole est ultra. Veratianam perversâ atq; im-  
proba? Quin, cum sic lege apud Roma-  
nos, nondum satis videretur petulantia esse  
itum obviam, *propterea*, inquit Labeo, *Prato-  
res postea hanc (legem puta de asibus XXV. ob  
colaphum numerandis), abolere, & relinqui  
censuerunt: injuriisq; astimandis recuperatores  
se daturos edixerunt.*

Neq; verò, quod à Paulo hic adhibetur  
verbum, *ὡς καὶ νόμος ἐστίν*, non admittit etiam fa-  
cile eum, quem invenimus sensum, quo ma-  
gis colaphisandi potestas, intelligatur, quam  
ipsa colaphisatio. Notum est, quam vim  
habere soleat, *modus*, quam vocant, *Subjun-  
ctivus*: ut scilicet aliquando, non ipsum fa-  
ctum, sed posse tantum significet. Quam  
ob causam à Grammaticis quibusdam inpe-  
culiarem modum, quem *Potentialem* vocant,  
transcribi item verba illius modi solent, cum  
sensum, pro negotio ac contextus ratione, ha-  
bent, non de simplici, seu ipsissimo actu, sed  
de potentiâ ad actum. Ejus modi ac  
sensus esse *ὡς καὶ νόμος ἐστίν* cense-  
ri hic debet: ut  
*non factum ipsum* intelligatur, sed *potestas fa-  
ciendi*: non *colaphisatio ipsa*, sed *ius seu potestas  
colaphi-*



*colaphisandi*) cogiterur eò directa, ut ne se  
efferrer Paulus. Perpetuo quidem ejus, quod  
fieri ab Angelo Satan circa se posset, metu,  
sic plusquam platum est, quã absterreri Paulus  
potuerit, ut abiefferendo sese contineret.

Res de *Potentiali modo* illo, aut sensu po-  
tius, in *Subjunctivo* alicubi agnoscendo, satis  
reperitur inculcata apud Grammaticos. Vi-  
deatur ex Latinis, Scriptor ejus rei exquisi-  
tissimus, *Vossius, lib. III. de Analogiâ cap. 8.*

Vel vulgo in Scholis nostratibus etiam me-  
ritò tritissimus *Rhenius*, De Coniunctivi va-  
riâ significatione, ac Speciali appellatione;  
*Emmanuel item Alvarus* in Scholiis primæ  
coniugationis. In Græcis videri potest *Iac.*  
*Gretserus*, in Institut Ling. Græc. lib. 1. c. xvi.

Neq; obstare hîc illud potest, quò minùs  
possibilitatem, quam *Priscianus* sic vocat,  
lib. 18. hîc agnoscamus in præsentî Conjun-  
ctivi, utut particula & addita non legatur.  
Nam & illam omitti interdum, disertè mo-  
net *Gretserus*, loco citato: Et de Apostolis  
constat, quòd Græcis loquendi modis haut  
rarò sese accommodent ad morè usumq; Lin-  
gux Ebrææ. At in illâ quoq; , etiam citra  
*modorum discrimen*, quod apud Latinos Græ-  
cosq; obvenit, verba eam indolem sortiun-  
tur: ut per *potentiam* illam dictam, aut etiam

*consuetudinem, conatum, consimile sue rationes alias* exponenda & intelligenda veniant. De quo videre licebit, insignem Tractat. *Flacii Illyrici*, ubi de Tropis & Schematibus S. literarum docet *Tract. IV. p. 193.*

Id forsan præter vim illam *modi Potentialis*, quæ in verbo *κολαφίζει*, uti dictum est, hîc venit agnoscenda, notari præterea conveniet, particulæ præmissæ respectu: cum scilicet dicitur, *ἵνα με κολαφίζῃ*, jam non denotari potentiam illam colaphisandi simpliciter, ut concessa tantū esse Angelo Satan cogitur: sed ut certo quoq; fine, destinatoq; cōsilio illi velut injūcta ac demandata agnoscatur. Quod ipsum consilium, Fine mox expressim etiam denuò subjuncto, notanter inculcatur: per verba, *ἵνα μὴ ὑπερέγωμαι.*

*Belge*, in recentissimâ illâ, atq; exquisitissimâ Versi one, huic, quem sic monstravimus sensum, suam interpretationem, unî optimè videtur accommodasse: *Dat hy my mit vuysten slāen soude/op dat ick my niet soude verheffen.*

## SECT. 55.

*Verba, ἵνα μὴ ὑπερέγωμαι, nec pro irreptitis, nec pro temerè repetitis habenda: siquidem*

Con-



Consilium Finemq; permissæ seu  
mandatæ colaphisandi potestatis  
notabiliter exprimunt.

**D**Um verba autem illa *ὡς μὴ ὑπερβαίνει*,  
sic respectanda hîc animadvertimus,  
ut *Consilium Finisq;*, ad quem pote-  
stas colaphisandi Angelo illi divinitus per-  
missa, seu commissa fuerit, accuratè obser-  
vetur: facile est perspicere, quàm ea verba  
pro irreptitiis habenda non sint: uti nec pro  
temerè repetitis, dum illiusmodi non sunt,  
reputanda sunt. Quorum illud tamen fuê-  
re ex Theologis non infimæ notæ aliqui, qui  
propè ausi fuerunt affirmare. *Particula hæc,*  
inquit Musculus, *abundat hoc loco.* Nam ini-  
tio periodi huius posita, sic satisfacit presenti cau-  
se, & consilium DEi exprimit, ut lector illam  
hanc quaquam denuò requirat. Crediderim ab  
aliquo inconsultò repetitam. Si dicat Prin-  
ceps aliquis, ne per excellentiam potestatis supra  
modum efferar, datus est mihi peculiaris hic mor-  
bus, qui humana me conditionis admoneat, puto  
non requiri, ut denuò dicat, ne supra modum ef-  
ferar. In *Vulgata Editione* non reperitur &, ne  
quis Græca exemplaria prætexat, à Chrysostomo  
quoq; non repetitur. Sic Musculus.

At enim verò, faciliùs dixero, & Chry-

*Chrysostomum* sic aliquid in verbis Apostolicis prætermisisse, aut repetitione non omnino opus esse, judicasse; & *Vulgato Interpreti* idem accidisse, quod *Chrysostomo*: quàm ut Græcorum Codicum fidem id dubium hinc vocem: quos magno satis numero collatos scimus à *Stephano*, prætermisorum verborum horum vestigio aliquo, in nullo sese prorsus offerente.

Nèq; verò *Syrus Interpres*, vel *Arabs* etiam, pro suo quodam lubitu verba illa hinc repetisse putari possunt, apud quem utramq; expressè reperiuntur: ut in Græcis Codicibus, quibus ipsi sunt usi, iisdem oblata ea fuisse credendum sit. Et *Vulgata Latina* in cæteris quibusdam huius textus particulis, vix satis, debitam attentionem auctoris sui, probat: ut ejus auctoritas præjudicium verbis illis afferre nullum jure queat.

Nèq; rationes, quæ obtendi videntur posse, tales sunt, ut Spiritus S. frustra temereve vel eandem prorsus rem repetivisse putandus sit. Quanquam, quæ hinc eorundem verborum repetitio esse videtur, ita planè eorundem non est, ut in hoc nexu emphasin longè majorem habeant, quàm ex initio solo judicari possunt habere. Nempe non morbus hinc significatur immisus esse, ut ne sese efferret: sed Castigator aliquis eâ gratiâ, ne se effer-



efferrer, additus esse indicatur: atq; de illo pressim simul commemoratur, quali omnino actu, seu actus intentione efficere valuerit, debueritq;: ut efferre sese Apostolus quoq; exhorresceret.

Quàm autem nec sic propè satis fuerit, ut scopus accuratè in hac narratione à Lectoribus observaretur, dum repetitò inculcatus videtur: secula haut pauca docuere: per quæ narratio hæc absq; sine illo ac consilio divino, à compluribus spectata fuit: ut magis scilicet, quid ex cæteris vocibus exsculperent, laborarint, quàm pensi habuerint, quid Finis ille ab initio intimatus & sub extremum repetitus requireret.

Breviter, Temeraria repetitio tanto minùs hîc cogitanda est, quanto ex dictis jam antea luculentius constat, permixtæ seu commissæ potestatis colaphisandi, Consilium seu Finem, sic notabilissimè, atq; cum emphasi aliquâ inculcari: ut Angelus Satan intelligatur non tantum in id, ne Paulus sese ob Revelationes suas efferret, Castigator appositus illi fuisse: sed ut cogitetur simul, quonam, & quàm idoneo atq; efficace modo, idem velut accinctus extiterit ad hoc prohibendum, ne Paulus sese efferre auderet: vel potius, qualis pænæ intentione eum absteruerit, ne de

Revelationibus suis se jactitaret, sed agere id, plurimum verecundaretur, & haut leviter metueret, sollicitè deniq; caveret.

## SECT. 56.

*An τὸ κολαφίζειν huius loci, per illud κολαφίζειν exponendum non videatur, cuius Paulus alibi meminit, 1. Cor. 4. v. 11.*

**V**ideri posset, facere haut parum ad hunc locum explicandum, id, quod Paulus alibi disertè meminit, τὸ κολαφίζειν. Atq; sanè, quod hoc loco eodem verbo Paulus utatur, induxit nonnullos eò, ut referenda, quæ hîc significantur aliò non putârint, quàm isthuc, quò verbum idem, alibi adhibitum, satis manifesto sensu referatur, ad colaphos nimirum, ob Evangelii prædicationem quandoq; & alicubi inflictos.

At enim, quæ hîcce loci mentio sit τὸ κολαφίζειν, præterquam, quod certæ omnino personæ, quæ *colaphiser*, respectû habeat additum, aliis haut obscuris modis, (uti constare de præmissâ explicatione nostrâ potest) sese discriminat facilè, ab eâ, quam Paulus commemorat, 1. Cor. 12. v. 11. Huius nempe loci *Colaphisatio* in jure quodam Castagatorio consistit,



sistit, eoq; spectat, ut absterreretur Apostolus ab efferendo sese, seu jactando se de suis Visionibus; vel ab effutiendo secreta per Revelationes illas cognita, quod prohibitum omne illi fuisse intelligitur.

*Colaphisatio* illa altera, cujus meminit alibi Apostolus, ob præconium Evangelii illi demandatum accidit, fuitq; ad comprobendam Constantiam, & ad Martyrium luculentius, non ad Castigationem, vel coercionem aliquam comparata.

Hæc singularis planè in Paulo extitit, 'ad ejus Personam seorsum, ex occasione singulari, peculiari *sine* directa: Illa communis Paulo cum cæteris Apostolis, & eorum Collegis fuit: Imò etiam Christianis, seu fidelibus universim sustinenda venit: ut liquet ex eo, quod 1. Pet. 2. *ψ*, 20. innuitur.

## SECT. 57.

*Num illud quod Paulus 1, Thes. 2. v. 18. de Satanâ queritur, ad τὸ κολαφίζειν huius loci pertineat.*

**V**isum est nonnullis atiam, ad *Colaphisationem* huius loci reducere id, quod accidisse sibi Paulus queritur à Sata-

nā, cū semel iterumq; constituisset, Spiritualis cuiusdā profectus causā, visere ad Thes. salonicenses, ubi in proposito eo sitō, <sup>synopsi</sup> seu impedimentum sensit inferri & moram, nec quivit ad eō pręstare temporius, quod agendum sibi maturius iudicaret. De quo legere est 1. ad Thes. 2. v. 18.

Sed & hoc ipsum minū fieri congruenter, satis liquere potest ex jure illo colaphisandi, quod Angelo Satan hīc tributum fuisse intelligitur, certæ occasionis, & definiti finis respectu: ut nempe sese non efferret.

Habuit hoc Angelus ille Satan (si ex maligno genere, ut communissima est sententia, porrō æstimetur:) ex permissione aliquā divinā: ut item alterum illud, quod esse posset Paulo in salutaribus propositis, impendimento, citra Permissionem divinam, minime habuit.

At in sacro hoc negotio, propositiq; perse prorsus laudabili, prępediendo, seu sufflammando, longē diversa ratio Permittendi agnoscenda est, quæ DEi respectu interveniat, ab eā, quæ in præsenti negotio antē declarata fuit.

Discrimen istud *permittendi* aliquanto dilucidius agnoscere, non poterit, spero, esse Lectori Studioſo, infrugiferum. Malo id tamen



ramen *Basilii M.* verbis exprimere, quàm me-  
is, quàm quidem Permissio divina in impedi-  
endâ re salutari & bonâ spectatur.

Is igitur *Basilius*, in *Regulis contractis*,  
*Wolfgango Musculo Interprete*, num 275. Pro-  
posita quæstione, *An impedire queat Satanas*  
*propositum Sancti*: quia Scriptum est: Ego qui-  
dem Paulus proposueram venire ad vos, semel  
atq; iterum, sed impedivit me Satanas: Re-  
spondet: *Eorum, quæ in Domino rectè agun-  
tur, alia mentis proposito & iudicio absolvuntur;*  
*alia per corpus perficiuntur, vel Studioso opere, vel*  
*tolerantiâ.* Quacumq; igitur in animi sita sunt  
propositio, illa nullo modo potest impedire Satanas.  
Iis verò, quæ corporali operatione perficiuntur,  
sepenumero permittit etiam D<sup>e</sup>us, accidere im-  
pedimentum: ad probandum & arguendum eum,  
qui impeditur: ut vel, si bonum propositum mu-  
tat, arguatur: quales sunt, qui supra petram se-  
minantur, qui ad breve aliquod tempus sermonem  
Domini cum gaudio quidem suscipiunt, verùm,  
subortâ tribulatione, confestim deficiunt: aut si  
in bono perseveraverit, probatus reddatur in Vir-  
tutum studio, ac diligentia, sicut ipse Apostolus:  
qui cum sæpe statuisset proficisci ad Romanos, im-  
peditusq; semper esset, ut ipse fatetur, nihilominus  
a proposito non destitit, donec illud, impleverit etiã;  
In tolerantia verò, ut Job: qui licet tanta à Dia-

holo perposus esset, qui ad hoc urgebat, ut blasphemiam aliquid diceret; aut ut ingratus esset erga DEum: perstitit tamen ad extremas usq; calamitates in Pietatis iudicio ac proposito, & sano erga DEum sensu & affectu. Scriptum est enim de illo: In his omnibus non peccavit Iob labiis suis contra DEum, nec insipientiam dedit DEo. Hæc Basiliius.

Ex quibus, satis explicatè potest constare, quæ Permissionis divinæ ratio sit, in iis, quæ piè proponuntur, & sancto conatu tentantur, si à Satanâ impediri ista contingat.

Quæ hîc porro circa Paulum, ex Permissione seu etiam Commissione Divinâ, egisse Angelus Satan significatur, ea finem habent, ut læpius jam dictum est, longè alium illum: non ut impediri prædicatione & propagatione Evangelii, exploraretur eius animus, atq; probaretur ipsius constantia in proposito & conatu Sancto: sed ut, intentatâ quasi præsentancâ pœnâ, cohiberetur ab eo, quod Evangelii propagationem impedire præmodum potuisset, nempe ab Elatione.

## SECT. 58.

*Satan apud Prophetam Zachariam, c. 2.  
v: 1. Sacerdoti Magno à dextris stans, ut*  
illi



*illi adversaretur, num conveniat cum Angelo isto Satan apud Paulum.*

**Q**UOD in Visione quâdam legitur ostensum fuisse *Zacharia*, ut *Iosuum Sacerdotem* magnum spectaret coram Angelo Domini stantem, eidemq; à dextris stantem *Satanam*, ut adversaretur ei: (*Zach. 2. V. 1. 2.*) id videtur ipsum quoq; nonnullis ad rem præsentem illustrandam facere.

Atq; hætenus sanè non incommodè fieri id facile concessero: ut sic ostendatur mirum non esse, si Sanctiori Ministro DEI, etiam pessimus ille Adversarius agnoscatur stare proximus: ut item animadvertatur, quàm soleat *Satanas* obmoliri iis, qui rem sacram promoveri debent, modis & occasionibus omnibus.

Sed de reliquo, quatenus Paulo datus, seu additus Angelus Satan significatur, neq; is ab eo adfluite deprecationibus se suis expedire valuit: illuc autem *Satanæ* Increpatio divina, denunciata auditur, qualem Paulus non impetravit: observanda venit differentia haut levis. Quæ eò notari merentur: ut tantò plenius cõstet, quid DEUS vasserrimo suorum Servorum hosti indulgere quandoq; soleat: Et quàm eundem pro status humani necessi-

cessitate ac commoditate cohercere sciat.

*Paulo igitur* sic additus seu adjunctus fuit Angelus Satanæ, ut opportunè eum ab Elatione prohiberet tantum, cum cuperet ipse alias multò illi atrocissimè adversari. At *Iosue Sacerdoti*, (Visionem enim eam hinc interim aliis non rimabimur, ut quò spectaret figura ea explicemus: quod si lubet apud Commentatores, præcipuè *Ariam Montanū* videri potest:) *Iosue* igitur Sacerdoti adstans Satanæ à dextris, cum adversari veller, sic nihil impetravit: ut sententiam atrociorē in se potius audierit, & divinitus à conatu suo fuerit repulsus. Opus erat Paulo, ut ab Elatione cohiberetur, Palo quodam, seu Coercitore. Talis ei fieri cogitur Angelus Satanæ. Apud *Iosuem* Sacerdotem status erat talis: ut ipse jam cum Ecclesiā videretur pal° esse combustus, seu titio ex igne ereptus. Hunc contra ergo Satanæ nihil amplius indulgetur: Vtrimq; Electionis privilegio, salvo in *Paulo*, qui vas erat Electum, *ex eo dicitur in Iosue*, ut dominus, qui elegerat Hierosolyma, ad Satanam diceret: *Increpet te Dominus, qui elegit Hierosolyma: Nonne hic (Iosua nimirum cum cœtu sacro) est quasi titio ereptus ex igne? Ut scilicet ejus curam gerere conveniat, & à penitā combustionē cum asserva-*



re. Vtrinq; affectabat esse adversarius: sed hic apud *Paulum* servire cogitur ad vas electionis tanto depuratiùs asservandum: illic apud *Zachariam* servire prorsus vetatur, ad vas jam semiconfractũ, magis non conquassandum.

## SECT. 59.

*Sensus, in verbis Pauli hætenus ostensi  
evidentia tanta est: ut Interpretationes  
alia illæ, cum primis de Tentatione Vul-  
gatissima, & de Satana meto-  
nymicè dicto, per se ex-  
spirent.*

**Q**ui hætenus in Pauli verbis sensus est ostensus, cum ex *Occasione*; ex *Fine*, seu *Scopo* propter occasionem illam divinitus proposito; ex *Verborum deniq; pressâ consideratione*, liquidissimè fluat: non dubito quin satis sese probaturus sit, præ omnibus plerisq; illis Explicationibus, quas ab initio præmissimus, numero non exiguo. Nullam quidem æquè puncta ferre potiora omnia interpretationis genuinæ, deprehendet, spero, Cordatus Lector: qui quæ dicta sunt expendere voluerit.

Dum

Dum hoc quidem multò evidentissimum est, post Revelationes illas sublimissimas, cum periculum esset, ne Paulus sese propter illas efferret, *Coercitorem* illi esse adhibitum, quasi *Sude, Palove ad castigandum instructum*, Angelū Satan, qui colapho eum, si sese fortè auderet jactitare, compesceret, ne sese efferret: seu ut efferre se horreret, vel desviceret: dum ista, inquam, sententia, suam habet ex Verbis & Contextu evidentiam: jam expirat illa, quæ longè vulgatissima evasit, opinatio, de *Tentatione aliquâ*, quasi à Paulo verbis sic tectis innuatur, quibus eum modis Tentator ille exercuerit.

Sanè si *tentandi* verbum sic quidem intelligamus, ut Satanæ per divinarum literarum usum tribuitur, utq; irritationem ad delinquendum contra DEum involvit: tantum abest, ut propriè *tentatio* hîc agnosci *Diabolica* queat: ut contrà potius, Satanæ intelligatur adactus esse, ad Paulum à delinquendo adversum DEum, cōhibendum.

Qui necem ex se spectavit, in Medicum converti necesse habuit: ex venenò per se noxiosissimo, factum est provido DEi ac præpotente temperamento, Alexipharmacum adversum Elationem saluberrimum.

Eleganter adèò, Commentatorum haut infi-



infimus, *Quid sibi vult*, hîc inquit, quod *Satan*, qui homicida fuit ab initio, *Pauli fit Medicus*? Neq; modò in curando corpore, sed quod majus est in animâ sanandâ, seu potiùs præservandâ à labe? *Respondeo*: *Satanam* pro ingenio moreq; suo, non aliud, quàm necandi perdendiq; consilium agitasse, & aculeum cuius meminit *Paulus*, leibali veneno tinctum. Sed hoc singulare fuisse beneficium Domini, quod natura exiitale erat in medicinam vertere.

Atq; sic alexipharmaci nomen haut sanè huc ineptè etiam accomodatur. Nempè hîc planè accidit simile quiddam, ac fieri solet in medicamentis ejusce generis, sic vulgò dictis. Ubi cùm veneno obistere debet medicamentum, venenum misceri eidem solet: Et *Antidotus*, seu *Theriaca* de venenosissimarum bestiolarum carne, viperarum puta, paratur. Ista proinde, quæ Paulo adversus Elationem adhibita fuit *Antidotus*, ex Viperâ, Angelo *Satanæ*, conflata fuit: atq; ut à veneno vir sanctus præservaretur, Jactantiæ ac Superbiæ, Venenatissimus serpens, geniusq; idem Elatissimus & Superbissimus, ad medicationem deservire necesse habuit. Accomodè in hanc sententiam *Primasius* loquitur, *Africanus Episcopus*, qui Seculo V. ab Apostolis floruit. *Perfectionem Virtutis utiq;*  
not

nondum habebat Apostolus. Nondum erat aequalis Angelis Dei, sed inerat illi se extollens infirmitas, quæ per Angelum etiam Satana fuerat comprimenda, ne revelationum magnitudine extolleretur. Quare per Angelum Satana? Quia frequenter & amittodum etiam de Serpentibus contra venena Serpentum conficitur.

Sic coercere Spiritum rebellem illum Majestas divina satagit: ut nec detrectare potuerit Genius arrogantissimus, Apostolo Coercitor fieri & Animadversor existere adversum id vitium, quod cæteroquin maxime affectasset. Quod munus quoniam disertè significatur peregrisse colaphisando: jam inde etiã plusquàm evidens evadit: quàm huc non quadret illa nominis Satanae acceptio: Vt persona dicatur pro re usurpata: quod Westhammeroplacuit in *Troporum Biblicorum* *explicatione*: ubi de nomine Angeli disertit. Nempe videtur illi Paulus Communem loquendi modum sequutus esse: quo vulgo, quicquid adversitatum & periculorum accidit, aut Diabolum vocant, aut ex Diabolo esse existimant. Vix posse autem eum loquendi modum, utut nostris temporibus satis usitatum, de veteri & sacro usu approbari, ex iis intelligi satis potuit, quæ superiùs jam de re ista sunt dissertata. Nec vel vulgo ita tritum est, ut Dia-



ut diaboli nomine, Adversitates & pericula simpliciter designentur: quamvis sic atrocissima esse significantur, cum ipse Satanas esse, seu eum repræsentare dicuntur.

## SECT. 60.

*An Finem eundem illum, ad quem Colaphisatio, seu permixta, seu etiam commissa, spectabat in Paulo, Angelus Satan etiam habuerit perspectum.*

**I**D sub extremum Paulinæ Narrationis huiusce, de Angelo, sibi ad colaphisandum addito, quæri non temerè etiam videtur, *An idem ille Angelus Satan, Finem Ususq; colaphorum, abs se Paulo infligendorum, perspexerit?*

Atq; si quidem Angelum Satan, eo hîc dictum sensu arbitremur fuisse, quem Sectione xxxiix. indicavimus, nihil sanè erit, quod addubitare nos sinat, fuisse tali Angelo, quamvis ad adversandum sic constituto, id probè cognitum perspectumq; , quo *Finem*, quoq; cum *Usu*, infligere colaphos Paulo teneretur: cum nec demandatum id illi fuisse, verisimile sit, sine ipsius ejus Finis Ususq; indicio: ne addam, suapte perspexisse indole,

le, talem Angelum, quo colaphi in sanctum virum demandati tenderent.

Angelo Domini, qui Bileamo ad adversandum submittebatur, constabat plus satis, ob quid, & in quid, jus haberet, seu munus potius, adversandi. Cum eodem si hunc Angelum contendamus, qui Paulo Satan esse iustus est, seu ad adversandum constitutus fuit, quid æquè statui de eodem conveniet: ac illi rem omnem fuisse quoq; planissimam?

At si intra sensum, de Angelo Satan, seu Satanæ, subsistimus eum, quem cum Antiquitate omni, meritò certissimum agnoscimus: ut Angelus hîc intelligatur ex Malignorum Gentiorum classe aliquis, ad hoc jus in Paulum usurpandum, admissum, ut colaphos illi posset, pro casu dato, impingere: jam dubitari saltem licebit, an Finis omnis Vfusq; colaphorum istorum eidem fuerit perspectus. Videtur certè malignus iste Spiritus, à colaphis lubentiùs abstenturus fuisse, si vidisset Vsum eorum talem omnino esse debere, ut Paulus vitium vitaret Elationis illud, multò noxiosissimum.

*Musculum Dusanus* quidem, quasi pro certo habuit, ignarum eum extitisse boni illius, cui sic serviret suâ saviendi in Paulum libidine. *Tanto bono inquit, serviebat ipsi*  
*Angelo*



Angelus ille Satana, imò Satan ipse, non intelligens Consilium DEI: sed cursum Evangelii Christi, hoc se pacto impedire posse putans: si Apostolum illum condignâ existimatione privatum, contumeliis ac probris contumibilem redderet.

Commonefactionis aliquid haud superfluatoriæ, auctor idem inde colligit, cum subdit consequenter: Sic infatuatus Satan, dum obesse molitur, magis etiam prodest: Et quod impedire conatur, expeditum potius reddit, quam impeditum. Gloria hac est Sapientia ac Providentia DEI, &c.

In eandem Sententiam Augustinus jam olim quoq; de re istâ docuit: cum loco, quem supra jam citavimus, Sect. 3. ex Expositione in Psal. 130. post verba de Angelis Satanae, Sed hoc non possunt, nisi permissi, subdit: Nam & Job Sanctus sic probatus est, Permissus est ad eum probandum Satanas, & percussit eum ulcere, ut vermibus seateret. Immanis enim permittebatur, & Sanctus probabatur. Nescit Diabolus, quanta bona de illo fiant, etiam cum sevit. Saviens intravit in cor Iude, saviens tradidit Christum, saviens crucifixit: & crucifixio Christo redemptus est orbis terrarum. Si sciret tantum se damnum passurum, non funderet in terram pretium, quo redemptum est genus humanum. Sic ergo ille Angelus Satana, quasi libenter permis-

*sus est, colaphizare Apostolum: Sed tamen Apostolus sanabatur. Sic Augustinus.*

At enim cum Paulus *Finem* illum Vsq; colaphorum Angelo Satanæ adversus se indultorum, jam literis quoq; istis tam diserte prodidisset: quî poterit perspicacissimo Spiritui id accidisse, ut vel tum ignoraret, quousque spectaret illud alaparum Paulo infligendarum?

Id autem licet vel antè etiam, quàm à Paulo sic res literis planè proderetur, perspectum cognitumq; Satanæ, seu Angelo Eius, fuisse, agnoscamus: nihil tamen divinæ Sapientiæ ac Providentiæ vel isto etiam modo decedere putandum est.

Animadvertendum potiùs, sub istâ consideratione luculenter venit: Per Sapientiam, & Providentiam DEi præpotentem, Vaserimas Satanæ contra Paulum machinationes, in eius bonum fuisse conversas, atq; vel invitissimum ex DEi mandato seu voluntate eò adactum fuisse: ut, cum Paulo ægrè facere averet, cogeretur ipsius Angelus quispiam, Paulo quàm maximè ad spirituale emolumentum deservire. Quamvis & illud agnoscei de Satanâ hîc posset: cum non potuerit, uti omnino voluisset, Paulum divexare, & in perniciem præcipitare, maluisse malitiosissimè.



lissimum hostem, saltem quâ parte licentia divinitus daretur, Sanctissimo viro molestum esse. Id uti in indolem congruit Satanæ malignissimam: ita mirabilissimam DEi Sapientiam magis illustrat: quæ quodvis malorum genus, quod insidiosissimus hostis intenter, potenter satagit, apud fideles suos, convertere in ipsorum bonum. Quod ipsum sic nudâ aliquâ Permissione non fieri, tam planum est: ut cum Permissione Conatus actusq; in Se mali, *Directio* in finem usumq; bonum, & *Restrictio* quædam ac *Moderatio* intra æquitatem, præclare simul agnoscenda veniat. De quo jam supra, sic explicatè satis actum esse arbitramur.

## SECT. 61.

*Quâ ratione ulterius Narratio consequatur, Eventus cuiusdam in Paulo singularis, ob talem illum Elationis prohibendæ Custodem: Et quæ sic amplius expendenda veniant.*

**C**Oercitore igitur, seu Custode tali Paulo, ad prohibendam Elationem, appposito, non est dubium, quin Paulus satis sibi caverit: ne occasionem inveniret

ret adversum se Angelus ille Satanæ, juris illius exercendi & colaphis ipsum lacessendi.

Adeoq; à plagis talibus re ipsâ, seu eventu ipso Apostolum fuisse exemptum, perquam mihi quidem videtur probabile. Nam verba *ἐν τῇ μεταλαφίᾳ*, per *modum potentialem*, commodè hîc accipi posse, superius jam est ostensum: ut contra ipsa Apostoli verba sic quiddam hîc affirmare, videri minimè debeamus.

Attamen id non potuit non permolestum accidere Apostolo, *Stipatorem* illiusmodi, & *Coryceum* talem, seu aliquem quasi *invisissimum Parmenonem*, (sic Servi olim vocabantur, *μεινότες παρὰ τοὺς δεσπότας*, qui manebant semper propè dominos) habuisse ad latus perpetuò: sicq; esse quasi militi custodi adstrictum, & ad colaphos ab eodem excipientes, perfacili casu, existere semper obnoxii.

Haut mirum itaq; alienumve videri debet, quod de Eventu memorabili quodam, in se & circa se ulterius consecuto, Apostolus porro commemorat.

Nempè deprecatum refert se fuisse, uti *ab Adstue, tam horrido illo & formidoloso liberaretur.*

Ubi ampliùs illud perquam mirabile, sed ad instructionem salutarem multò quoq; notabilissi-

bilissi-  
catu  
lerit  
eoq;  
ut sic  
illi ci  
S  
tius  
labor  
nec id  
à non  
pres  
illust  
mod

Eve  
Pa

T

Q  
in P  
dem



bilissimum existit, quod *ter isto nomine deprecatus* Dominum, repulsam nihilominus tulit. Quæ ipsa repulsa, responso illi certo, eoq; longè rationabilissimo, significata fuit: ut sic acquiescere placidissimâ mente, divino illi circa se Consilio, tandem planè potuerit.

Singula illa habent, quæ expendi attentius merentur: adeoq; hoc operæ, præmisso labori insuper adjungemus: cùm præsertim nec istâ parte non occurrant aliqua, supiniùs à nonnullis, vel *Interpretibus*, reddita atq; expressa; vel à *Commentatoribus* explicata atq; illustrata, usibusve etiam Ecclesiasticis accommodata.

## SECT. 62.

*Eventus ille, ob Coercitorem Angelum, in Paulo, circaq; Paulum memorabilis, per quas partes considerandus veniat.*

Et primò,

*De Deprecatione Custodis tam invisibilis & terrifici.*

**Q**UOD *Eventum* ergò illum memorabilem attinet, qui ob Coercitorem Angelum, in Paulo, circaq; Paulum exiit: uti quidem ejus narrationem Apostolus ipse de se

hic subtexit, discretim videndum venit, Quid  
sub Castigatore isto,

*Tum ipse affectârit ;*

*Tum deinde consecutus sit ;*

*Tum animo tandē apud se constituerit.*

*Quid ipse affectârit*, sub Castigatore eo,  
tam illo invisio ac terrifico, indicat verbis,  
cū inquit: *ὅτι τοῦτο ἔστι τὸν Κύριον παρεκάλειν ἵνα  
ἀποσῇ ἀπ' ἐμοῦ.* *Super hoc ter Dominum precatus  
sum, ut absteret a me.*

Deprecationem se instituisse significat :  
dum inquit, *παρεκάλειν*, hoc est, viribus meis  
diffusus, & ab incumbente molestiâ expedire  
me, per memet nescius, in auxilium vocavi  
superiorem potentioremq; aliquem.

Et verò optimum tutissimumq; malo-  
rum, quæ nos urgent, aut exercent, *Remed-  
ium* est, *Deprecatio* : quâ scilicet à Superiore,  
qui potentiâ præpollet, atq; in affectum nos  
adjuvandi pronus est, auxilium & liberatio  
rogatur.

Hanc porrò Deprecationem suam, ita  
abs se institutam fuisse Paulus commemorat:  
ut discretim innuat,

*Tum, Ob quid eam instituerit ;*

*Tum, Quoties id egerit ;*

*Tum, Quem deprecatus sit, seu Ad quem  
deprecationem suam direxerit ;*

*Tum,*



Tum, *Quid præcisè seu explicatè per eam  
requisiverit.*

*Ob* quid suam istam Deprecationem institue-  
rit, innuit, cum post præmissam narratio-  
nem, infit hac parte, *ὕπερ τούτου παρεκάλεισα.*

Manifestum id puto per se est, sic respi-  
ci ad id, quod in narratione præmissa nomi-  
natum fuit. Quod quia à plerisq; in sen-  
sus diversos, atq; à simplicitate & recepto vo-  
cum illarum usu longiùs distractos, acceptū  
fuit, hac quoq; parte consequenter factum  
est, ut alii alio rerulerint verba hæc Apostoli,  
cum subiunctum ait, *ὕπερ τούτου παρεκάλεισα.*

*Liranus, & Glossa,*, quam vocant, *Ordi-  
naria*, referunt ea, ad Colaphisationem, ex  
opinionem illis temporibus invulgatā, intelle-  
ctam: puta ad Passionem Iliacam, vel Car-  
nis etiam tentationem.

Sed ista, ut & consimilis census alia, in  
præmissis verbis hautquaquam agnoscenda  
venire, satis superq; superiùs est ostensum.

Adeò nec est, cur ex ulla illiusmodi in-  
terpretatione intelligendum hic nobis arbi-  
tremur, quidnam notetur, cum Paulus hic  
significat, ob quid Deprecationem suam in-  
stituerit.

Eò verba hæc, cum inquit *ὕπερ τούτου παρε-  
κάλεισα*, Lectorem tristissimo usu suo propè  
ducunt,

ducunt, ut ad *Personam* in illis respici animad-  
vertat. Nota in Latinis formula, apud  
Maronem, *Multa super Priamo rogans, su-  
per Hectore multa*, in quâ Personarum respec-  
tus planè reperitur expressus. At in Græ-  
cis eiusmodi loquendi modis, ubi verbum  
*παρακαλεῖν* vel affinia, per ὑπὲρ constructum le-  
guntur, in Novi quidem Fœderis Scriptis,  
vix reperies, absq; personæ respectu seu deno-  
tatione, id fieri. Vide τὸ προσεύχεσθαι *Matt.*  
*V. 44. Col. 1. ᾠ. 9. τὸ δεῖναι Act. VIII. ᾠ. 14.*  
*2. Cor. 1. ᾠ. 11. lit̃ IX. ᾠ. 14. Rom. X. ᾠ. 1. Phil.*  
*1. v. 4. τὸ ἐντυγχάνειν Rom. II. v. 27. 34. Heb. VII.*  
*ᾠ. 25. τὸ εὐχαριστεῖν Rom. 1. ᾠ. 8. 1. Cor.*  
*X. ᾠ. 30. Eph. 1. ᾠ. 16. τὸ εὐχεσθαι Iac. V. v. 16.*

Eorum autem, quæ antecesserunt, vel  
simplex consideratio quoq;, *Personam* planè  
exhibet, quæ verbis sic subnexis notari agno-  
scatur.

Atq; mox etiam consequitur in ipsa De-  
precatione hac verbum eodem spectans aliud,  
*ἐν ἡμῶν ἀπὸ ἐμοῦ*, (ut desisteret à me) quod sua-  
pte quasi naturâ ad personâ sese prorsû refert.

*Persona* ergo illa, ad quam hoc loco per  
pronomen τούτου respicitur, est *Angelus ille Sa-  
tan*, seu Satanæ, qui σάτολ Τῷ σαταν̃ erat, qui ad  
colaphisandum Paulum pro occasione omni  
erat intentus.

Erat



Erat sic, quod Apostolum poterat ad deprecandum haut temerè impellere: cùm hoc natura ferat humana, ut ab iis liberari cupiat, quæ infesta existunt illi atq; molesta.

Neq; Persona talis non erat, super quâ deprecatio institui poterat ex ipso Christi præscripto: siquidem in eâ, quam nobis tradidit, orandi formulâ post alia disertè continetur & istud, ut à Maligno illo liberari petamus.

An id autem Personæ ejus respectu planè hic deprecatus sit Apostolus, quod deprecari simpliciter atq; absolutè liceret, id paulò post penitiùs erit ut exquiratur.

## SECT. 63.

*Cùm dicit Apostolus, τοῖς παρεκάλεισα, quæ numeralis vox ista sit accipienda.*

**Q**uoties deprecatus sit, declaratum voluit, dum ait, υπὲρ τούτου τοῖς παρεκάλεισα, *Super hoc ter rogavi. Sc.* Accipere particulam numeralē, τοῖς, h. e. *Ter*, libet hoc loco plerisq; pro aliquoties, aut sæpius: ut numerus certus videatur positus pro incerto.

Sed nihil im, edit, quò minùs voculæ ejus proprius hic sensus retineatur, atq; trinâ vicē Deprecationem istam à Paulo fuisse factâ agnoscamus.

*Quin*

Quin dum mox subjungitur, quâ ratione factum sit, ut à deprecando tandem destiterit, verissimillimum est, Paulum orasse primum, atq; unâ vice: Sed tum nihil dum responsi accepisse. Deinde instituisse eum secundâ vice. At neq; tum de Voluntate DEi, atq; Consilio, tã illo firmo atq; destinato, fuisse edoctum. Tandem nec prætermisisse id agere, vice tertiâ, imitatione Christi Servatoris, qui trinis quoq; vicibus disertè calicem illum deprecatus fuisse commemoratur. Atq; tum demum edoctum fuisse Divino Responsio, quid ferret in re eâ, quam deprecaretur, Consilii Divini ratio.

Quem in modum præclarè liquet, Et quam Paulus perseveranter in precando, ob rem eandem institerit, ad tertiam usq; vicem progressus, atq; ulterius etiam idem urlurus, nisi Divinum, quod prohiberet, Responsum intervenisset: Et quam deinde à deprecando amplius hoc modo, cùm sibi id salutare, DEoq; gloriosum idem existere, ex ipsâ Responsione divinâ intelligeret, morigeranter ac submissè destiterit.

Argumento id nobis esse quoq; potest, quàm liceat in malis, quæ nos urgent aut exercent, conniti instanter, si deprecando ea amoliri queamus: quàm itidem in deprecando

tando  
decre  
ribus  
conste

A  
tra vic  
pto, p  
debet  
immit  
planè c  
no nost  
ri: ut  
natus  
dum  
desista

Toū Ku

A

N  
Chri  
sed in  
scitâ



eando instare conveniat, si de Voluntate DEi decretoriâ in ærumnis aut molestiis, vel doloribus quibusdam nostris, nobis nondum constet.

At & ipsum hoc Pauli factum, cum ultra vicem tertiam, Responso divinitus accepto, postea progressus non est, exemplo esse debet: Si de Voluntate DEi, quâ mala nobis immittuntur, aut continuatè etiam incumbunt, planè constet; Si planè pateat per ea salutem omnino nostram promoveri, Gloriamq; DEi illustrari: ut preces in reliquum divino attemperemus nutus, atq; ab eo, quod nostro nobis bono sufferendum imponit Dominus, deprecando, patienter desistamus.

## SECT. 64.

Τοῦ Κυρίου nomine, ad quem Deprecationem suam Paulus direxit, quisnam intelligatur.

**A**D quem direxerit precationem illam suam Paulus, indicat, dum ait, *παρενδύοντα τὸν Κύριον.*

Nomine eo dubium esse non potest, quin Christum designet, Unigenitum DEi Filium, sed in naturâ jam nostrâ sibi personaliter adscitâ, ad Dexteram DEi, thronumq; Majestatis

tis supernæ residentem. Ei quidem Domini nomen peculiari Apostolorum usu tribui in Sacris Literis, notius est, quàm ut ostendi ullo modo opus sit.

Isto autè, què indigitavimus, DOMINI huius nostri intuitu, ut DEum simul hominemq; verù eundem agnosceret, adire Paul⁹ eū potuit tum *singulari cum fiducia*, de pronitate ad iuvandum, tanquam similiter in omnibus tentatum, & *merito tabern* edoctum; tum *plenà cum persuasione*, de Potestate, quā præpolleat in Satanam eiusq; Angelos prorsum divinà.

Et notum est, quid Spirituum quoq; illorum Supercœlestium & Subcœlestium respectu de Christo prædicetur ad *Eph. 1. v. 20. 21. 22.* Itemq; *1. Pet. 3. v. 22.* Ipsa verò in retali illà Deprecatio quoq;, dum à Paulo ad Christum directà fuisse significatur, per se evincit, Majestatem verè divinam in Illo ab ipso fuisse agnitam; non qualis in hominem cadere potest, ut valeat ad coerendum aliquà ratione Malignos Spiritus; sed quæ tanta omnino existat, ut Dominium illud complectatur simul prorsus atq; *divinus* divinum. Nunquam certè, qui Homo tantùm fuerit, quanta quanta etiam Majestaté præditus extiterit, sic invocatus fuisse legitur, ut Spirituum potens. Qualem ex isthac Pauli

Pauli i  
omni  
regia. se  
præditu

Quid  
no, a

Q  
pr  
seu de  
quæ ad  
steret a

H  
Satanæ  
carni, l  
stes C  
Custos  
paratus  
dum,  
exlicet  
infestus

Ip  
in nos,  
mo, ar  
in ante  
tamq;



Pauli invocatione Christum agnoscere nos  
omnino convenit, verè mereq; divinâ *αὐτοκρα-*  
*τορία*. seu potentiâ in Spiritus etiam omnes  
præditum.

## SECT. 65.

*Quid præcisè precatu sit Paulus à Domi-*  
*no, dum rogasse se dicit, ἵνα ἀποσῇ ἀπ' αὐτοῦ.*

**Q**uid requisierit tandem Apostolus, per de-  
precationem illam suam, ut id præcisè,  
seu definitè pateat, indicat id ipsum verbis  
quæ adjecit: *ἵνα ἀποσῇ ἀπ' ἐμοῦ*: h. e. *Ut absi-*  
*steret à me.*

Hoc declaratè voluit, ut Angelus ille  
Satanæ, qui *σκόλοψ τῆ σαρκί*, Palus Sudesve  
carni, seu Castigator prærigidus erat: qui Ad-  
stes Comesq; illi perpetuus, ac velut Miles  
Custos adjunctus erat: qui pro malitiâ suâ  
paratus assiduè existeret ad ipsum depalman-  
dum, si occasionem inveniret modò ullam,  
exlicentiâ divinitus datâ, ut iste, tam invisus,  
infestusq; Coercitor, abs se absisteret.

Ipsam, quod hac parte legitur, verbum,  
*ἀποσῇ*, vi suâ quasi nativâ, usq; longè tritissi-  
mo, arguere potest, personam reverâ aliquam  
in antecedentibus notari, ad quam respiciatur:  
tamq; talem, quæ adstando & comitando mo-  
lestâ

lestia existeret: Ut confirmatio hinc peti luculenta possit ejus sententiæ, in quam verba antecedentia, & propiora illa & remotiora, jam superius à nobis accepta fuere.

Videatur verbi ejus usus per potiora loca omnia ubi in N. T. libris occurrit: atq; semper ad personam, adstantem aliquam, vel incumbentem, referri id apparebit, si rei alterius, vel personæ respectu usurpetur, cui adstari possit. Sic de Anna, *ὅν αὖ φησιν αὐτὸ ἀνδρὶ τοῦ Ἰεσοῦ.* *Luc. 2. Ὑ. 37.* Et Christus de Infidelibus seu operantibus iniquitatem, *ἀποστείλει αὐτοὺς ἐπὶ τοὺς πατέρας αὐτῶν ἵνα μαρτυρήσιν αὐτοῖς.* *Luc. XIII. Ὑ. 22.* Similem sensum usumq; deprehendes in eodem verbo, si videas, *Act. V. Ὑ. 38. & XV. Ὑ. 38. & XIX. Ὑ. 9. & XXII. Ὑ. 29. & 1. Tim. VI. Ὑ. 5.* Atq; de Angelo etiam *Act. XII. Ὑ. 10.*

Accommodatissimo ad præsentem locum exemplo, verbum idem adhibitum deprehendes apud *Lucam c. IV. Ὑ. 13.* Vbi de Diabolo post Christi tentationem dicitur, *ὅτι οὐκ ἔστιν αὐτῷ ἰσχυρὸς καὶ ισχυροῦ.* *Abstinit ab ipso ad tempus.* E quo loco, ut planissimum est, nec Servatorem ipsum nostrum, in diebus Carnis suæ, fuisse à personali insectatione Satanæ, nisi ad tempus aliquod, immunem: ita minùs id mirum videri nobis debet, quod de Paulo hoc loco, ad literam intelligendum esse de Angelo Satanæ animadvertimus. Cum

super  
dem  
gvam  
ut per  
cant,  
leat p  
plene  
recede  
Chri  
ex C  
Patre  
jestat  
scum  
test:  
nimu  
detre  
rura  
dunt  
seu  
Prin

Pa  
spe



Cum porro precatum se esse Paulus ait, super Angelo illo Satanæ, tam sibi infesto, *ὡς ἀνέστη* ut abstergeret à se, agnosci in verbo eodem id jubet res ipsa, & usus in Græcam linguam ex Ebræo more adscitus, facile finit: ut per *modum* aliquem *Conjugationis*, quam vocant, *Dageschata* exponatur: tantundemq; valeat per Ebraïsmum, ac si dictum esset, verbis plenè expressis, *faciat, seu jubeat abstergere, vel recedere a me.*

Quod quantâ auctoritate & potestate Christus facere, jubereq; possit, non tantum ex Consideratione Divinitatis, quam cum Patre communem habet; & ex intuitu Majestatis ad quam secundum naturam, nobiscum communem, effectus est, constare potest: sed ex ipso quoq; cuius modò meminimus, documento, clarum existit, dum indetrectabili illo verborum imperio, *ὡς ἀνέστη* *Matth. IV. V. 10.* non adversus Angelum duntaxat Satanæ, sed contra Satanam ipsum seu Diabolum, h. e. Malorum Spirituum Principem summum, est usus.

## SECT. 66.

*Paulus, de Usu Angeli Satan quid perspectum habuerit, cum sic deprecaretur:*

R

*quidq;*

*quidq; adeò de Deprecatione sic factâ  
judicandum.*

**C**Um planè autem, ex iis, quæ jam superius, de *Divino* circa Paulum *Consilio*, deq; *Fine*, & *Usu* Coercitoris illiusmodi adversus Elationem illi non temerè adjuncti, explicata à nobis fuère, pateat, accidisse sic Paulo quippiam, cum Salutari commodo ipsius conjunctum, utut aliquid haut levis molestiæ ac terroris simul incumberet: disquirendum exinde hîc etiamnum venit: *An Paulo ante Deprecationem istam, res eadem illa omnis, uti quidè ab ipso commemorata fuit postea, fuerit perspecta.*

Si Paulus igitur perspectum plenè, ante ipsam etiam Deprecationem illam suam, habuisse statueretur, Consilium DEi, in Custode illo ipsi adjungendo, quò esset scilicet Elationis antidotus: videri sanè poterit, Deprecatione suâ istâ requisivisse aliquid, quod minus decebat. Neq; enim convenit, ut Alexipharmacum deprecari velit is, qui adversus morbum, aut contagii periculum, illo se opus habere omnino intelligit.

Attamen, cum genus hocce remediorû, esse quoq; possit varium, alterumq; altero mitius aut gratius in varietate istâ existat, licet  
vel



vel sic cogitare, posse ægrum, seu eum, qui de valetudine sibi metuat, deprecari certum aliquod genus, si Medico collibeat scilicet, aut videri queat, quod acerbius ingratusve ægro existimetur, commutare cum alio mitiore, & minùs ingrato seu acerbo.

Et quamvis saluberrima quoq; fore non dubitentur, quæ carni adversa sunt, seu sensibus naturæ nostræ nimis ægrè faciunt, posse tamen ea sub deprecationem cadere, vel absq; vitio referri, ipsa Christi deprecatio illa, ter quoq; repetita in horto, plus satis docet. Tanrum scilicet DEus Humanæ naturæ, nostræq; imbecillitati indulget: ut deprecari quoq; sinat, quod ipse nihilominus vult à nobis pertolerari.

*In quam sententiam benè ab Augustino scriptum est, de Natura & Gratiâ, contra Pelagianos cap. 23. Hoc utiq; DEus agit, ut sanet omnia: sed agit judicio suo, non ordinem sanandi accipit ab ægroto.*

Tantummodò igitur in deprecationibus ejusmodi, meminisse ejus cautelæ nos oportet: ut seu addamus apertis verbis, seu certo animi sensu nobiscum id cum votis nostris concipiamus: ut nihil expetamus, invito prorsus aut renuente DEo, hîc nobis contingere. *Si tua est voluntas Pater, inquebat*

ipse DEI Filius, Servator noster : *Fiat Voluntas tua : Non ut ego, sed ut Tu vis.*

Sed & fieri in isthoc Pauli casu potuit : ut antequam divinitus erudiretur de Consilio Domini, circa insectatorem tam malignum sibi additum, non satis perspectum habuerit : quæ planè Domini voluntas fuerit : adeoq; deprecari tantò licentiosius illud quiverit, inq; modum, quem commemoravit, ausus fuerit. Vti diversum omnino postea temporis eum egisse patet, postquam de Voluntate Domini irrefragabili constitit.

Quæ eò hic addere visum est, quòd reperiantur inter Commentatores aliqui, qui non dubitant affirmare, Paulum in Deprecatione istâ egisse aliquid ignorantem. Præ aliis *Sebastianus Meyerus*, Ignorans Paulus, inquit, huiusmodi Stimulum remedium esse adversus jactantiam revelationum, divinitus sibi factarum, iter Dominum oravit, ut se ab huiusmodi malis Satana nuntiis liberaret, ac finem remoris illis faceret.

Sed jam nunc videndum sequitur, quocunq; id modo à Paulo oratum fuisse statuamus, ut absisteret, seu abstinere abs se juberetur Angelus ille Satan colaphisator : quid deprecatione suâ sit consecutus.



## SECT. 67.

*Quid Paulus Deprecatione suâ sit consecutus: Repulsam nempe, sed eam Consolatorio Responso suaviter mitigatam.*

**A** Commemoratâ igitur deprecatione suâ, pergit Apostolus narrando subtere, quid per eam à Domino sit consequutus. *Καὶ ἔγραψέ μοι Ἀρχεῖ σοι ἡ χάρις μου. ἡ γὰρ δύναμις μου ἐν ἀδυνείᾳ τελειοῦται.* H. e. *Et dixit mihi: Sufficit tibi Gratia mea. Potentia enim mea in infirmitate perficitur.* Repulsam sic passus in eo, quod definitè rogârat, sanè fuit. Sed eam Responso tamen sentiit sibi intimari perquam benigno, & ad animum sub ipsâ molestiâ illâ tranquillandum consolandumq; haut inefficacem.

Vti id verbis Apostoli commemoratur, videndum,

Tum, à *Quo qualiq; modo, proditum fuerit;*

Tum *Quale sit, ac Quò per se dirigatur.*

Cùm inquit, καὶ ἔγραψέ μοι factum id responsum sibi innuit ab eo ipso, ad quem directâ fuerat deprecatio, à Domino nempe Jesu CHRISTO.

Quod quoniam dicendo factum esse indicatur, Revelationis modo accidit utiq; illiusmodi aliquo, quales usuvenisse varios cir-

ca Apostolum videmus: puta, ut *vel per Angelum Sanctum* aliquem suam illi Dominus voluntatem manifestarit; ut factum, *Act. XXVII. v. 23.* Vbi de futuro naufragii eventu eum erudit: *vel per Prophetam aliquem*: ut factum *Act. XXI. v. 5.* *Vel Visione aliquâ* suâ etiam ipsius personæ factâ, atq; alloquio quasi coram instituto: ut factum *Act. XXIII. v. 11.* Vbi expressè dicitur, *τῇ δὲ ἐπιούσῃ* *οὐκ ἔστιν ἐπιστὰς αὐτῷ ὁ Κύριος. εἶπε, θάρσει Πάυλε.*

Quam postremam rationem hac in re quoq; intervenisse, videtur verisimillimum: dum aded expressè dicit, *καὶ ἐγενέ μοι* scilicet *ὁ Κύριος*, ad quem deprecatio fuerat directâ.

Quocunq; tamen modo id Paulo accidisse cogitemus, nobis satis est, spem eius exemplo concipere indubiam: nec nostris deprecationibus defuturam Domini gratiam: utur non in eundem prorsus modum sua nobis responsa aperiât.

Respondet enim nobis Dominus, si non peculiari aliquo oraculo, saltem ex communibus illo oraculorum divinorum penu sufficienter: ex divinis puta Literis, dum eas legimus; dum eas audimus; dum easdem, quod requiritur, scrutamur & meditamur.

Respondet nobis DEUS, cùm dubios anxiosq; confirmat & consolatur interiùs; cùm labi-

labid  
suâ,  
sub c  
sis: v  
usq; s  
Ja  
E quo  
rū co  
magi  
reger  
Id, c  
rium  
deatu  
mun  
factu  
tur r  
dilec  
agno  
Verb  
veni  
de q  
quod  
in G  
vir  
pha  
tur.  
quo



labidos & vacillantes sustentat consolatione suâ, ne excidamus; cùm ita adspirat nobis, sub calamitatum torturâ nutibus suis gratio-  
sis: ut patientia nostra subleuetur, & spes usq; surrigatur ac statuminetur.

Jam *Quale ipsū id Responsū Domini exiiterit, & quò directū per se fuerit*, sic videtur pro verbo-  
rū consideratione, Contextusq; ipsi<sup>9</sup> collatione magis attentâ, congruenter teneri: Si Paulo regeri verbis illis, *Αἰνεῖ τοὶ ἡ χάρις σου*, statuatur: Id, quod præstari sibi definite petat, necessarium non esse ut præstetur: quamvis sibi videatur petere aliquid, quod vel requiratur ad muneris demandati perfectionem; vel quod facturum eò sit, ut munere eo tanto defungatur rectius & felicius: vel, unde saltem inter dilectos DEi filios sese numerandum plenius agnoscat.

*Germanus Interpres* poster vulgarissimus, Verba sic reddidit, quasi in Græco forma obveniret Imperativa: *Laß dir an meiner Gnade genügen*. Quem modum sequuti sunt quoq; *Tigurini*: *Piscator* item, ac *Polanus*, in Germanicâ quam haut levi, operâ adornavit N. T. editione. Quod sic sanè cum emphasi majore aliquâ responsum fuisse videretur. Sed enim in Græco non legimus, *αἰνεῖται*, quod propriè esse id posset, quod Germani sic

expressere. Indicante modo legitur, *quod* quem nemo non *Latinorum Interpretum* etiam retinuit: *Belgae* item strictè secuti sunt, tam in eâ, quæ in *Marlorati Versione* adhibita fuit Interpretatione; quàm in *Recentissimâ nuperâ, & exquisitissimis curis elaboratâ Translatione*. Sic igitur respondens Paulo Dominus, & velut annexas petito suo rationes, respiciens *Sufficit tibi*, inquit, *Gratia mea*, quam hætenus satis multiplicem largamq; experiris: ut præter eam nihil hîc habeas, quod omnino requiras amplius, aut quod impensè adeò desideres, muneris scilicet tui causâ, ad quodd præcipuè hîc respiciendum videtur.

Agnosceitur ex responso hoc, Paulum sic egisse in precatione suâ: ut sejunctionem maligni illius Adstitis, ac Castigatoris, urserit rationibus quibusdam, atq; eâ principaliter: quod in munere Apostolico suo, & profectu Evangelicæ prædicationis sic sibi præpediri videatur: quoddq; adeò defectum quandam, seu infirmitatem aliquam in se experiatur ob quam non satis se putet aptum, liberum, idoneumq; ad rem demandatam, sufficienter peragendam.

Adversum eam rationem directum animadvertitur *Domini Responsum*: cum dicit, *Sufficit tibi Gratia mea*: Q. d. Quod imaginariis

nat  
fici  
id va  
cole  
hact  
agne  
quoc

Qu

C

qu  
riti  
tim

Tu  
per  
qui  
Tu  
Tu  
ju  
Tu  
ma



naris tibi De defectu, de Infirmitate, de Insufficienciâ quadam ad munus demandatum, id vanum est. Temerè hoc tibi fingis. Recole tantum, quid tibi Gratiae elargitus sim hactenus, quidq; Gratiae in praesens praestem agnosce, ac crede, eâdem me Tibi in futurum quoq; non defuturum.

## SECT. 68.

*Quæ definitè fuerit ἡ χάρις τοῦ Κερίου, quæ ἀξία  
h. e. Sufficere Paulo dicitur.*

**G**ratiae suæ nomine (quam sic definitim per articulum, ἡ χάρις, innuit) respicit Dominus utiq; ad omne illud, quod ex merâ benevolentia, citra ullius meriti rationem illi contulerat, Muneris praesertim dignissimi gravissimiq; respectu.

Sic igitur eo nomine recolenda venit,

Tum *Singularis illa & extraordinaria Vocatio*, per apparitionem splendidissimam, & alloquium planè divinum;

Tum *Confirmatio miraculosa illa per Ananiam*;

Tum *Dotatio per Spiritum Sanctum & varia eius χάριτα*;

Tum *Miraculosa Liberationes à variis gravissimisq; periculis*;

*R*

*Tum*

Tum *Potestas in demonia homines obsidentia*, in morbos planè lethales;

Tum *Auctoritas in Castigandis & coercendis immorigeris & blasphemis*;

Tum ipsa quoq; *Dignatio illa admissionis intima ad secreta cœlestia*, per raptum in cœlum usq; tertium.

Tum *Frequens præterea per Oracula singularia ad casus quosq; gravissimos instructio*;

Tandem, præter ejusce generis alia complura, & illa *Moderatio in affectatione Satana adversum ipsum facta*: ut non licuerit nisi Angelo terrificissimi Spiritus illius esse adstiti, Archistratego ipsi, malitiosissimo *ἀρχιστρατήγῳ* indultum hoc non fuerit: jus deniq; nec illi permissum fuerit, nisi ad casum certum affligendi, ac limites præfixi castigationis moderatissimæ, alapæ nimirum, tantum infligendæ.

Quod quamvis à nonnullis referatur ad aliquid, quod publicè Paulo ignominiosum extitisse videatur, putem tamen intra ejusmodi modum divinâ item moderatione fuisse constrictum, ut nemini de colaphorum hoc genere, nisi privatim Paulo, quicquam confiteri: ut hac quoq; parte auctarium aliquod divinæ in ipsum gratiæ se prodiderit. Nam quò secretius nobis aliquid divinæ castigationis accidit, eo nostræ coram mundo etiam hoc

hoc di  
DE

At  
esse c  
tamen  
cum h  
raneâ  
bendu  
tum, a  
Grati  
tione

MINO  
largâ  
tè præ  
frueb  
poter  
re del  
tè de  
ipsi n  
ob n  
ipso

dem  
lis, q  
næ  
Hic  
vot



hoc dignitati gratiosius consuli & salveniri à DEO videtur.

Atq; utut servilis pœnæ genus quoddam esse colaphisma ostenderimus suprâ: illud tamen in Paternis quoq; castigationibus locum habet. ubi delictum aliquod extemporaneâ castigatione corrigendum, vel prohibendum, videtur. Quod satis in vulgus notum, atq; apud Parentes fermè usitatum. Ut Gratia singularis ex isthac quoq; consideratione agnoscî hîc à Paulo debuerit.

Hæc totuplex igitur Gratia, quæ à DOMINO erat Paulo præstita, & continuatione largâ præstabatur usq;: quâ aded partim antè præmunitus erat ad munus suum; partim fruebatur etiamnum in præsens, satis esse ipsi poterat, inq; omnem modû *agere* h. e. sufficere debebat agnosci: ut feliciter atq; expedite defungeretur munere suo: licet sic Custos ipsi non adimeretur, ad Elationem omnem, ob nimis excellentes Revelationes illas, ab ipso prohibendam, divino consilio adjunctus.

Potest per gratiam Domini, *Favor quidem etiam ejusdem* intelligi: neq; is in tot illis, qui à nobis enumerati sunt, Gratiæ divinæ modis ac partibus, usquam non elucet. Hîc convenit tamen magis ad id, quod ex favore prodit, respici. Quod agnovit Calvinus quoq;

quoq; , cùm hic scripsit in Commentariis ,  
*Vocabulum Gratia hic non favorem, ut alibi, sed*  
*per metonymiam, Auxilium Spiritus Sancti signi-*  
*ficat, quod nobis a gratuito favore DEi provenit.*

Quod cùm Paulo cum fidelibus com-  
 mune fuerit, non ita generatim tantùm nobis  
 hic attingere visum est : sed ad illa, potius in-  
 tendere digitum libuit , quæ in Paulo singu-  
 laris Gratia fuisse liquet : ut tantò luculentius  
 pateret, quæ sit ἡ χάρις τοῦ Κυρίου, cum arti-  
 culo sic designata, quam sufficere sigillatim  
 etiam SIBI agnoscere debebat.

## SECT. 69.

*Quo spectent Verba à Domino prætera ad-*  
*data : ἡ χάρις δι' αὐτοῦ ποιεῖν ἐν ὑμῖν τὰ ἐλεηθέρως : quam*  
*& connexionem cum antecedentibus, &*  
*vim propriam eadem in se*  
*habeant.*

**Q**Uæ in Responso, post Deprecationem  
 illam, Paulo divinitus reddito, verba  
 adduntur amplius, habent ea, quæ per se spe-  
 ctantur, sensum sic ferè satis evidentem. Non  
 æquè tamen planum in iisdem istud est, ut quò  
 sese modo nexuq; ad antecedentia referant,  
 itidem pateat. Nam quamvis per particu-  
 lam



lam rationalem expressè ad illa restringan-  
tur, ni aliquid tamen, præter priora illa ver-  
ba, cogitetur, subobscurum usq; manet, quâ  
ratione eò pertineant.

Vt res igitur hac parte etiam planè tene-  
atur atq; evidenter, agnoscendum est, ad id  
ipsum etiâ in his verbis ampliùs respici, quod  
Apostolus tacito animi sensu de Petitione suâ,  
& Responsione sic factâ, poterat ulteriùs ex-  
cipere. Nempe id cogitare Apostolus po-  
terat, velutq; ex adverso, ad responsum divi-  
num, excipere: Vtut Gratiam gratus agno-  
scat in se & circa se multiplicem, atq; suffici-  
entem, quam præstet tot illis modis ipsi Do-  
minus: non posse tamen, humano iudicio,  
saltem non videri probrosæ propemodum  
*Infirmittatis* argumentum, habere juxta se  
Coercitoris instar, Angelum Satan: *Indignita-*  
*ti* aliquid complecti, sufferre comitem tam  
terriculosum, perpetuisq; colaphorum minis  
infestum: Videri sic eum, qui *Magister* ali-  
is ad virtutes quasq; sublimissimas esse debe-  
at, infirmiozem, quàm ut Munere tanto, tan-  
tis etiam illis sub gratiis, sufficiat: dum ipse  
*Castigator*, ceu infirmior quispiam *Discipulus*,  
subesse tam rigido severoq; cogatur. Quo-  
circa conducibilius fore, si abs *Custode* ac *Co-*  
*ryceo* illo liber agere possit, nec tam infestum

in

in propinquo semper sibi sentiat esse socium.

Hunc quidem in modum urgere Apostolum potuisse id, quod directè petierat, plusquàm evidens est: nec dubitandum, quin tacitis animi cogitationibus talia obtenderit, regefseritq; , ubi tam instanter, ad vicem usq; , tertiam, Dominum deprecaretur.

Et novimus ita preces, dum nihil dum impetrasse per eas nobis videmur, reperi urgeriq; solere non simpliciter, sed rationibus subinde novis additis, atq; ad exceptiones, si quæ intervenire rationabiliter posse videntur, repositis.

Quod dictum igitur in modum Apostolus in petendo, saltem tacitâ animi cogitatione urfisse potuit, ad id *καρδιον* Dominus responder: Nihil nempe esse, quod de Infirmitate suâ sic obtendat, quasi ob illam, petitum minimè sit recusandum: quamvis esse talis ea appareat, ut trahi in probrum seu Apostoli, seu ipsius etiam Domini posse videatur, utq; obstaculo esse judicari possit, ne muneris successus is foret, qualem Dominus ipse vellet. Nimirum ita comparatum esse cum Potentiâ atq; Majestate suâ, quâ uti satagat, in Sacris illis negotiis per humanam operam aliquam expediendis: ut *Potentia illa divina sua, in infirmitate humanâ perficiatur*: Hoc est, ut Ma-

ut M  
Poten  
oculi  
stand  
instru  
firmit  
cillic

Si  
agen  
dius  
tur e  
effic  
lis al  
ne p  
preh  
ximo  
inep  
fatag

hoc  
agne  
suam  
ea n  
bui  
ac fa  
ria  
max  
qui



ut Majestas ipsius tanto sic illustrior evadat ,  
 Potentia ejus tanto sic luculentiùs sese exserat.  
 oculisq; Hominum & Angelorum velut spe-  
 ctandam sese exhibeat: quanto ille , qui ceu  
 instrumentum adhibetur, apparer ex sese in-  
 firmior, seq; ipsum agnoscere cogitur imbe-  
 cilliores.

Sic quidem semper major ad principale  
 agens redit gloria, ejuq; vis seu efficacia luci-  
 diùs patescit, si organon sit & deprehenda-  
 tur ex se tenuius vel imbecillius, quàm ut  
 efficere id ex se queat, quod tamen principa-  
 lis alicuius Agentis directione & moderatio-  
 ne prudenti ac mirandâ, per illud effici de-  
 prenditur. Artificem mirari illum ma-  
 ximè solemus, qui scalpello propemodum  
 inepto etiam, atq; obtuso, icunculam edolare  
 satagit speciosam ac laudabilem.

Quod si in organis vivis ac rationalibus,  
 hoc insuper contingat: ut non tantùm ab aliis  
 agnoscatur, esse ea per naturam indolemq;  
 suam imbecilliora, quàm ut effectus, qui per  
 ea nihilominus producit, illis omnino tri-  
 bui queat: sed ipsamet etiam agnoscere in se,  
 ac fateri de se idem cogantur: tum verò glo-  
 ria luculentiùs redundat omnis, aut certè  
 maxima, ad ipsum agens principale, seu eum,  
 qui in agendo princeps existit, ejusq; *Potentia*,  
 ejus

ejus *Sapientia*, ejus *Bonitas*, illustrior conspici-  
tiorq; sic redditur.

Ita quidem τὸ δυνάμειος nomen hoc loco  
accipi à nobis convenit, ut non ad *Potentiam*  
solam, quamvis ad eam principaliter, respi-  
ciamus: sed ad illa simul convertamus animi  
oculos, quæ cum eadem in divinis negotiis  
sefe exerunt, *Sapientiam* puta, atq; *Bonitatem*.

Vel propterea non de robore tantum, &  
virium valentiâ, τὸ δυνάμειος vocem hoc loco  
accipere decet: sed de *Sapientiâ* simul: ut  
Sapientipotens tanto magis intelligatur DE-  
us esse, cum per homines operatur miranda,  
quanto illi & *Sapientiâ* & *Potentia* ex se exi-  
stunt infirmiores.

τὸ τελειώδης, sic commodissimè utiq; red-  
ditur: ut Perfectio denotetur ratione cogni-  
tionis seu perfectionis, quâ ipsa res, quæ per-  
fici dicitur, plenius clariùsq; innotescat, seu  
pervideatur: non quâ in se absolutior seu  
consummator reddatur.

Facere ad verba ista luculentius intelli-  
genda, potest & illud, quod Erasmus, hic scri-  
psit. Sentit, inquit, *Christus*, virtutem ac po-  
tentiam divinam, longè diversâ ratione declarari,  
quàm potentiam mundi. Siquidem hæc vi, &  
viribus innotescit, illa contrà tolerando. Potest  
& hic sensus (additidem) accipi: Virtus divina  
maxi-

maxi-  
mitat  
univ

Cot  
haut  
stra o  
us in  
lus,  
cuiu  
vers  
virtu  
ut cl  
Virt  
(i d  
Don  
opia  
cat,  
turi  
tion  
nun  
bab  
firm

ci,  
sen  
per  
den



maximè illustratur, cum is, per quem fit, infirmitatis suæ conscius, nihil inde sibi vendicat: sed universam laudem uni D<sup>E</sup>o tribuit.

Benè item in eandem fermè sententiam Commentatorum sacrorum nuperi seculi haut infimus scripsit: Videtur infirmitas nostra obstaculo esse, quo minùs suam virtutem D<sup>E</sup>us in nobis perficiat. Id non tantùm negat Paulus, inquit ille, (Dominus dicere debebat, cuius verba sunt, quæ Paulus recitat) sed è converso asserit, tum ritè demum perfici D<sup>E</sup>i (suâ) virtutem, quùm infirmitas nostra apparet. Quod ut clariùs appareat, distinguendum est, inter D<sup>E</sup>i Virtutem & nostram. Nam in dictione M<sup>E</sup>a, (in divinis nov) est emphasis. Virtus M<sup>E</sup>a, inquit Dominus, hoc est, quæ hominum opitulatur inopia, quæ eos collapsos erigit, & deficientes revocat, (adde hîc quæ per se lapsuris, aut exorbitaturis, ne collabantur, vel exorbitent, castigatione tempestivâ prospicit: ) perficitur in hominum infirmitate: h. e. materiam, seu Occasionem, habet sese exerendi, quùm se produi hominum infirmitas.

Nec temerè idem monet, verbum, Perfici, hoc loco relationem habere ad hominum sensum & cognitionem. Quia, inquit, non perficitur, nisi palam reluceat, ut habeat suam laudem. Nam ne homines quidem eam gustant,

vel gustu suo satis percipiunt, *nisi prius sua necessitatis fuerint convicti; & statim obliviscuntur, quid valeat, nisi assidue sua infirmitatis sensu exerceantur.*

Notabile in verbis istis Domini, & illud est, quod dicat, ἡ δύναμις μου τελεῖται ἐν ἀδυναμίᾳ. *Potentia mea perficitur in imbecillitate*, nec addat tuā. Nempe sic imbecillitatem generatim spectari hīc vult, non Pauli tantum, sed meam, tuam, ac quorumcunq; etiam, quos Dominus ad Ministerium suum adhibet: ut sic agnoscamus, DEUM, Gloriæ suæ ex nobis amplificandæ, isto velut artificio velificari.

## SECT. 70.

*Quo loco sit habenda Interpretatio verbi*  
 τελεῖσθαι, *cum redditur, Ad finem*  
*perduci.*

**Q**Vibus τὸ τελειῦσθαι reddere hoc loco visum est, per, *ad finem perducitur*: illi, licet vim verbi eius, ratione Grammaticæ deductionis, spectasse sic probè videri queant, quatenus à τέλος h. e. finis, formatum τὸ τελειῶν putatur: ratione tamen attributionis, ut ἡ δύναμις dicatur τελεῖσθαι, abesse longius videntur ab eo, quod subjecto tali, sensu adeo plano, con-



congruere deprehendatur. Sunt autem talia prædicata, qualia esse à subjectis suis admittuntur.

Saltem si res expendatur attentiore animo, non perinde planum est, quæ *Potentia Divina* ad finem perducì in *Infirmi- tate humana* dicatur: ut id fieri illo verbi sensu intelligitur, quem præmissim explicavimus. Sed & ipsū τελείωσις, si rectè verèq; æstimem⁹ suæ deductionis respectu, à τέλειος, quod perfectū denotat, evidentiùs proximiusq; descendit, quàm à τέλος, quod finem notat. A quo τελείω propiùs deduci liquet: quod etiam finio, seu ad finem perduco significat.

Quam verbi illius deductionem & significationem non satis observitasse, seu expendisse, Interpretes nonnulli, nominis haut minimi, hoc loco videntur. Quos velim tamen ego magis excusare, dùm sic pium quendam sensum spectasse sibi visi sunt: quamvis, dum verba, uti apud Apostolum leguntur, pressè exponenda sunt, præjudicium facere Lectori minùs attento eosdem hac parte noluerim.

## SECT. 71.

Vulgati Interpretis, quiq; illum sequuntur,

*Explanatorum circa hæc Domini verba, aberratio.*

**N**imis autem illi hîc sibi imponi per *Vulgatam Versionem* palse sunt, qui cum *Virtutem* nominari legerent, quod in Græco est *δυναμις*, & prætermisum pronomen, *mea*, quod in Græco est *μου*, cernerent, Virtutis nomen retulere ad Virtutem, quæ moraliter existeret in Homine. In quem sensum *Lirani*, Nam *virtus* &c: *Dupliciter*, inquit, potest intelligi. Vno modo materialiter, in quantum Infirmetas est materia virtutis exercenda, scilicet Humilitatis & Patientia, & etiam Temperantie. Debilitatis enim viribus per Infirmietatem, homo temperantior redditur.

Alio modo, occasionaliter. Nam infirmitas est occasio perveniendi ad perfectionem, in quantum homo propriam fragilitatem agnoscens, cautior redditur ad præcavendum, & resistendum peccatis, & per consequens, exercitior in bonis, & sic fortior efficitur, propter quod & Dominus Philistæos & aliquos alios in terrâ Promissionis reliquit ad exercitum Israel. Sic *Lirani*.

*Augustinus*, lib. ad Bonifacium Episcop. c. 13. refert verba ea ad Virtutem hominis, quæ in futuro seculo perficietur.

*Ambrosius*, eodem ferè illa traxit, quod

*Lira-*



*Lirani*, quasi id spectetur, ut *Devotio*, dum infirmitate pressura non frangitur, probata videatur: ut respondeat illi, inquit, quod sequitur: *Cum n. infirmor, tunc potens sum.*

Cujusmodi Expositiones, utut sensum contineant in se probum bonumq; aliquem: non tamen ad præsentem locum faciunt, ubi non *Humana Virtus*, sed ἡ τοῦ Κυρίου δύναμις, *Potentia illa Domini* spectatur, & quod ea, per Infirmitatem in nobis existentem, illustrior reddatur, notabili effato, ab ipso Domino indicatum affirmatumq; auditur.

Quam Domini ac Servatoris nostri Sanctissimam gravissimamq; gnominam, strictè observitare, accurateq; tenere, nobis convenit. Neq; facile est admittendum, ut ab eo, quem Dominus ipse suis verbis nobis inculcatum voluit, sensu, in alium, quamvis eundem per se pium etiam, abstrahi nos patiamur.

Quorsum aliàs hunc Pauli locum adhibeat in *Catechismo Controversiarum*, *Jesuita Basil.*, ut contra orthodoxos de Concupiscentiâ post baptismum residuâ, disputet, jam suprà est indicatum *Secl. s.* In eâ verò disputatione, Versionem corruptam illâ potissimum hac etiam parte sequitur: ut Virtutem in infirmitate perfici, urgeat: hoc est, *primos motus illos peccandi in nobis, materiam subministrare.*

*virtuti dicat.* Quo sic fundamento nitatur  
clarius liquet, si quæ hîc monuimus tenean-  
tur. Et verò eximiè eundem retundit, *Clari-  
ssimus Rivetus, in Catholico Orthodoxo*, quem  
Catechismo illi opposuit, Archiepiscopi Bur-  
digalensis jussu evulgato: ut nos illi refellen-  
do insistere hîc nihil sit opus.

## SECT. 72.

*Quem fructum Gnoma eadem Domini  
apud nos parere debeat.*

**A**Tq; id nunc satiùs quoq; fuerit, circa  
ea Domini verba à nobis tandem agi:  
ut sensum eorum sic agnoscamus sim-  
pliciter, eumq; nobis informandis, refor-  
mandisq; accomodemus: quàm ut operose  
aliorum circa verba illa aberrationibus in-  
sistamus.

Quin igitur, dum *Domini Potentiam* per  
*Infirmiorem nostram* audimus reddi illustri-  
orem, surrigimus ad eum animos nostros, quan-  
docunq; per infirmitatem nostram nobis pla-  
nè concidui videmur! Potentiam ille suam  
dignabitur in nobis & per nos reddere tanto  
illustriorem, quo ipsi ex nobis existimus im-  
potentiores.

Quin ita Gloriæ divinæ, per *Infirmiorem  
nostram*



*nostras*, vicissim quoq; velificamur: ut nec dubitemus illas, quô *Potentia Domini* fiat celebratior, publicè, si res exigat, palàmq; profiteri, non apud nos tantum intimè eas agnoscamus.

Vasa sumus testacea, fragilia, quibus tamen divina Gratia committere dignatur id, quod thesauro contrà habendum est omni inter mortales maximo. Et quantò vasorum conditio labilior est ac tenuior, tantò gloria *Benignitatis*, *Sapientie*, *Potentieq;* ejus evadit illustrior, qui tantis donis illis suis capiendis transfundendisq; eadem novit adhibere.

*Admonemur hac gnômâ:* (verba lubens retineo, hucq; referenda judico *Musculi Dufani*) *quâ Virtutem suam Dominus in Infirmirate perfici dicit, quo consilio suo Deus totum genus humanum, tot infirmitatibus abnoxium reddere voluerit, præsertim quod carnem nostram attinet, de quâ Dominus ipse testatur, quòd sit infirma. Ad hoc videlicet, ut sit velut officina quædam Potentie ipsius, in illâ & exercenda & declaranda magis, quam in ipsis Angelis. Huius admoneamur, quoties propria infirmitatis molestiis affici-mur: ne undè ad laudandam providentiam erga nos Creatoris nostri permoveri debemus, inde ad impatientiam impellamur.*

## SECT. 73.

*Responsum Paulo sic factum, utut Repulsam involvat petiti, satis tamen accomodum exitit petenti.*

**C**um minimè autem sic impetrarit Paulus, quod definitè rogabat : ut abscedere nimirum ab ipso juberetur Angelus Satan : Repulsam quidem tulisse in petito viderur : at *Responsum* interim reportavit, *petenti sibi plane accomodum.*

Et verò in Petitionibus nostris, si vel humanitus eas spectemus, non semper id præstari convenit, quod definitè petitur : sed sæpè penumerò magis expedit Rationes spectari atq; expendi, ob quas petatur aliquid. Quòd si illæ sunt minùs idoneæ ac momentosæ, præstat animum ab iis expediri, quàm, quod propter eas petitur, petenti omninò præstari.

Atq; sic etiam satis petito factum judicari potest, si rationes petendi tam dextrè excutiuntur, diluanturq; : ut desiderium rei antè petitiæ penitus cessare in petente possit.

Perinde se res habuisse in Spirituali hoc Pauli negotio cogitanda est : Ubi Domino pro Sapientiâ suâ visum est, ad petendi rationes potissimum respicere : & Responsò suo adil-



ad illas, id efficere in animo Pauli, ut desiderium rei petiti exspiraret citius, quam Repulsam se tulisse vel animadverteret, vel dolere posset.

Vi quidem Responsi illius, quamvis quod affectarat, non impetraret, effectum tamen in animo suo id sentire potuit: ut tranquillitate deinceps quasi novâ aliquâ gauderet, solatioq; perfrueretur divino.

Exaudiit DEUS, dum erudiit: obtinuitq; Paulus, quod maximè expedit: dum Responsi divino isto fuit negatum, quod ex appetitu potissimum humano erat flagitatum.

Agnosci hîc meretur, tanquam negotio præsentî congruentissimum, quod *Augustinus* monet, de *Naturâ & Grat. contra Pelagianos* cap. 23. *Hoc utiq; DEUS agit, ut sanet omnia. Sed agit iudicio suo, non ordinem sanandi accipit ab egroto.*

Affine eidem monito est, quod *Lirani* item habet ad hunc locum: *Infirmus, ignorans Medici processum, quando imponit sibi mordax emplastrum, rogat Medicum, ut removeat ipsum: quem tamen Medicus non exaudit ad nutum, licet exaudiat ipsum ad bonum suum, sciens infirmitatem suam aliter non posse curari.*

## SECT. 74.

*An quia Paulus non omnino impetravit,  
quod petiit, ex fide non petiisse,  
judicandus sit.*

**Q**uoniam tamen Paulus non obtinuit omnino id, quod deprecatione suâ quæsit apud Dominum, ut scilicet ab adjuncto sibi maligno Animadversore evaderet immunis: fermè est, ut videri queat non ex fide rogasse, quod tam definitè ausus est rogare.

Sanè promissiones divinæ huc spectant: ut ex fide orantibus, impetrationem planè spondeant petitorum, qualium etiam cunq;. *Omnia, quæcunq; orantes petitis, credite quòd accepturi sitis, & eveniet vobis,* inquit Christus, *Marc. XI. V. 24.*

Sed enim, dum credere sic Christus nos jubet, quòd accepturi simus, quæ petierimus cunq;, non sunt in eum verba illius sensum trahenda, quasi quidvis item, quod nobis alibeat, sic credere vel possimus vel debeamus, nos accepturos esse. Sensus quidem verborum in eum modum acceptus, absurditatum involveret nimium quantum multarum variarumq;. Facile discupiat prævæ indolis homo petere, quòd Deus prohibere etiam voluit, non tantum promittere dignatus nusquam fuit.



Sicigitur omnia, quæ petierimus credere jubemur, nos accepturos, dum tanquam fideles, & tanquam Christi præceptis promissisq; insistentes, petierimus. Et cum inquit, *credite, quod accepturi sitis*, hoc monet Salvator, ut fiducia de Promissis, in DEum habeamus indubiam, quæcunq; illa fuerint. Non nobis licentiam dat ex nostro arbitrio judiciove fingendi quidvis æquè promissum.

Sunt alia absolutè promissa: alia cum Conditione; cum Exceptione; cum Temperamento. Prioris generis quæ sunt, peti sic absolutè possunt, & credi quoq; debent, quod accepturi simus, si petamus. In cæteris petitio fieri non nisi restricta potest, saltem tacito animi sensu conditio includenda Judicii Arbitriq; Divini, adeoq; nec credere illa aliter nos accepturos convenit, quàm uti fert Divinæ Promissionis modus, Arbitriq; de nobis Superni moderatio.

De Paulo igitur, quin ita petierit ab Adstite maligno illo liberari, ut Judicio tamen Domini committeret, quod præstandum videretur, dubitandum non est.

Petere simpliciter possumus, *ut à Maligno illo liberemur*, quâ salutem scilicet ille nostram nobis subvertere atq; adimere parat; quâ tentationibus nos urget exitiis. At, ut ne

cola-

colaphis nos à vitio aliquo deterreat, seu *Castigatoris* vices, ex Domini permissu, vel etiam mandato aliquo circa nos expleat; vel *Exercitator* etiam nobis ad virtutes varias, suis quibusdam molitionibus fiat: id deprecari absolute non licet.

Estq; ita fides rebus, quæ petuntur, attemperanda, ut simpliciter nobis spondeamus, quæ simpliciter sunt promissa. Cum conditione fides expetat & expectet, quæ nec sine conditione vel exceptione Dominus pollicitus est.

Quæ credere ex Promisso simplici absoluteq; possumus nos accepturos, sanè ea omnia accipimus, si cum fide petimus. Sed non item, quæ non accipimus, ea vel credere ex promisso simplici absoluteq; nos accepturos omnia potuimus: vel alio modo non credidimus, orari tamen à DEO aliquā posse. Nam orare quoq; per fidem possumus, quæ fide tamen, an absolute accepturi simus, nescimus.

Libet rei huiusce, seu uberius clariùsq; explicandæ; seu penitiùs firmiùsq; inculcandæ gratiā addere hinc item, quæ *Commentator eruditissimus*, in eandem sententiam disserit. *Sicuti*, inquit, *petendi ratio est diversa, sic duo sunt genera impetrandi. Petimus simpliciter, de quibus certam habemus promissionem:*

qua-



qualia sunt, Regni DEi Complementum, & Sanctificatio Nominis ejus, Remissio peccatorum, & quicquid nobis est salutare, seu ad salutem omnino necessarium. Verum, dum hoc vel illo modo putamus Regnum DEi posse, imò debere promoveri; hoc vel illud ad Sanctificandum ejus Nomen esse necessarium, sæpè opinione fallimur. Similiter, quod ad salutem nostram spectat, sæpè hallucinamur. Securè igitur & absq; exceptione, priora illa petimus. Modum verò præscribere nostrum non est. Quod si modum exprimimus, semper inclusa est tacita conditio.

Non ita porrò ignarus fuit Paulus, ut hoc nescierit. Proinde quod ad finem suæ precatio-  
nis, non dubium est, quin fuerit exauditus: ta-  
men si repulsam passus est in ipsâ formâ.

Vnde admonemur, non despondendum esse  
animum, quasi operam perdiderimus, ubi non sa-  
tisfacit DEus, aut obsequitur nostris votis deside-  
riisq;: sed nobis debere sufficere ejus gratiam:  
hoc est, quòd ab ipso non destituamur seu desera-  
mur. Hæc enim ratio est, cur misericorditer &  
gratosè interdum suis neget, quod impiis iratus  
concedit: quia melius ipse providet quid nobis ex-  
pediat, quam mens nostra ex se prospicere valeat,  
vel imaginatione suâ aliquâ apprehendat.

Atq; hæc de Responso ad Pauli deprecæ-  
tionem Divino illo, & ad animum tranquil-  
landum consolandumq; verè accommodato.

## SECT. 75.

*Quí Paulus ad Responsum Domini acquie-  
verit, & qualiter animo sese deinceps  
composuerit.*

**S**Vper est, ut videamus, Quí Paulus ad Responsum illud acquieverit, seu, Quomodo sese deinceps gesserit, animoq; apud se suo composuerit.

ἡ δὲ αὖ οὖν μᾶλλον, inquit, καυχῆσομαι ἐν ταῖς ἀδυναμίαις μου, ἵνα ἐπισκηνώσῃ ἐπ' ἐμοῦ ἡ δυνάμις τοῦ χριστοῦ.

H. e. ut Erasmus reddidit: *Libentissime igitur gloriabor potius super infirmitatibus meis: ut inhabitet in me Virtus, seu potentia Christi.*

Velut confectarium quidem deducit, ex eo, quod narrarat, Responso sibi divinitus facto. Sed interim sic simul redit, & respicit ad id, quod initio capitis huius dixerat: καυχᾶσθαι δὴ οὐ συμφέει μοι. &c.

Verè jam ex narratione interpositá apparere poterat, quí non expediret ipsi, καυχᾶσθαι, hoc est, pleno ore, & exerto quasi collo ebuccinare ea, qua gloriam ipsi parere poterant, Revelationum Visionumq; intuitu. Suppetebat ipsi quidem luculentum gloriationis argumētum, ex singularissimis illis & divinisissimis patefactionibus. Sed de illis non expediebat



ebat gloriari, cū alias ob causas, quas supra jam suis locis innuimus, *sectione cumprimis* 28. & 29. tum ob periculum, quod ex adjuncto sibi Angelo Satan, suberat, *κολαφισματος*.

Atq; ne tum quidem meminisse suarum illarum sublimium Revelationum & *ἰπτασιῶν* seu Visionum, Paulo liberum fuit, cū maximè idagere, ad retundendos eos, de quibus *ad Coloss. c. 1.1. v. 18.* monet, conveniens videri humano iudicio potuisset. *Τοὺς ἐμβατεύοντας* enim, *ἀμὴ ἐωράκασι* h. e. *velut penetrantes sese ad ea, qua nec viderunt tamen*, Angelicæ puta Vitæ cuiusdam & Conversationis respectu, quæ licuisset gravius retundere, quàm si ipse iis opposuisset, quæ sibi visâ, ac spectata, sibi detecta ac revelata esse gloriari poterat?

At & devitare quodammodo Gloriationem illam hîc studuit, per indirectam, quâ usus est, narrationem: & periculum ob Elationem seu Gloriationem illiusmodi sibi imminens directè exposuit.

Subjungit ita tandem, *ἡδιστα ἐν μάλλον καυχῆσθαι* &c. *Lubentissimè igitur potius gloriabor, de Infirmitatibus.*

Non dicit ista, dum *ἀδυνειῶν* meminit, quasi sic explicaturus, quid per *σχόλοπα* prænominatum intellexerit: ut permultis, iisq; magnis etiam viris, olim hodieq; putatum est: sed ut

ad

ad id, quod antè cœperat, de Gloriatione in infirmitatibus dicere, redeat: postquam scilicet, quibus aliis de rebus gloriari præmodum posset, quodammodo significarat, atq; simul, quâ ratione seorsum ab illâ Gloriatione prohiberetur, commemorarat. Hunc enim proprium finem narratio, post Revelationum mentionem facta, habet: ut intelligatur, singulari divino consilio, & peculiari repagulo ipsum prohiberi: ne effutiret, quod videbatur ad gloriam eius. maximè facturum.

Non ipse *σολοψ* infirmitas hinc esse notatur, sed infirmitatis causa tantùm addit<sup>o</sup> fuisse intelligitur. Ut frustra sit *Cardinalis Cajetani* collectio circa hæc verba, quasi inde planè patere possit, per Sudem & Angelum Satan, ipsas infirmitates notari, seu illa sub infirmitatibus cõtineri. Sic enim ad verba isthæc subiicit *Cajetanus*: *Eruditum lectorem perpendere posse, quòd Sudes data Pauli carni, Angelus Satan, sub hoc genere contineatur. Nisi enim sub infirmitatis genere contineretur, non attulisset DEus pro ratione, Nam potentia mea in infirmitate perficitur.*

*Augustinus* ipse etiam, quicquid cæteroquin de Stimulo illo senserit. Infirmitatem ab eo diversam in Paulo agnoscit, quâdo ob illam, hunc datum fuisse urget, *lib. 1.*

*Contra*



*Contra Pelagium & Cœlestium: De Gratiâ Christi, cap. XI. Proculdubio si jam summa, & cui nihil esset addendum, Charitas in Apostolo tunc fuisset, quæ omnino non posset inflari, nunquid necessarius esset Angelus satanæ, quo colaphizante, reprimeretur Elatio, quæ in magnitudine Revelationum posset existere. Et cap. XII. Ideo nolenti perpeti molestiam, quâ eius cohiberetur Elatio, antequam esset in eo Charitatis ultima & summa perfectio, rectissimè dicitur: Sufficit tibi gratia mea: nam virtus in infirmitate perficitur. In infirmitate, scilicet, non ut ille putat carnis tantum; sed & carnis & animi: quia & animus erat in comparatione summa illius perfectionis infirmus, quando extolleretur. Proinde Stimulus carnis, Angelus Satana, intelligebatur datus, quamvis esset in carnalium, vel animalium, nondum percipientium, quæ sunt Spiritus DEi, comparatione, firmissimus.*

Hanc igitur vim verba, quæ per particulam *oñ*, collectivam seu conclusivam, nam, subjungit, habent: ut dicere videatur: *Eru- dior sic ad alios mores, quàm ut gloriar de Revelationibus, ob quas me aliis digniorem censendum judicare possem. Hoc potius agam, idq; multò libentissimè, ut gloriar de rebus, unde submissius de me judicare ipso cogar & contemni humani- tas queam: idq; ob finem longè mihi fructuosissimum*

T

dignis-

*dignissimumq; futurum.* Gloriabor super *infirmitatibus*, *in ædificationem*: quippe quas plures, non unam tantum in me sentio ac experior. Est illa sanè una non è minimis, quòd per Angelum Satan, sub disciplinâ modestiæ continear. Custode enim & Coercitore tali opus habere, evidens est Infirmittatis argumentum. Et verò cui Sapiencia ipsa divina censeat illiusmodi Animadversore adjuncto opus esse, illum necesse est, infirmum existere admodum, & in prolapsiones proclivem.

Sed sunt infirmitates complures, quæ accidunt mihi, ob quas ut humanitus contemni possum, ita divinæ potentæ illustrandæ uberior in me materia sic offertur. De his igitur gloriabor. Idq; agam *in deum*, h. e. *lubenter*, & *confidenter*, seu *cum jucunditate* & *suavitate maximâ*: cum alterum id, ut de Revelationibus & meâ ex illis dignitate ac præstantiâ glorier, non possim agere, nisi cum terrore ac metu, seu, ob periculum adjunctum, invitatus. Hic, in gloriatione de infirmitatibus, nihil subest periculi; nihil expectandum mihi venit, quod horream: cum in alterâ gloriatione, in quam propè abreptus fuisset, terror colaphisationis non abfuerit. Hic contrarium mihi polliceri ejus possum, quod in alterâ erat metuendum; nempe, non ut cola-



colapho excipiar, ab Angelo Satan astite: sed ut à Christo ipso mihi contingat aliquid illustrioris Gratiæ.

Et quoniam videri poterat jam quodammodo de rebus illis esse gloriatus, de de Revelationibus puta, dum ad eas vel oblique innuendas accesserat, tum gloriationem quasi abrumpens, seu potius rejiciens, non *ἡδιστα* tantum, sed *μᾶλλον* præterea de Infirmitatibus se gloriaturum dicit: h. e. *potius, fusius, frequentius, directius, explicatius.*

## SECT. 76.

*Cur addat, ἵνα ἐπισκηνώσῃ ἐπ' ἐμὲ ἡ δύναμις τοῦ Χριστοῦ: quidq; istis verbis significetur.*

**N**E verò id frustra sibi proponere videatur, connexum indicat, *quo fine,* aut *quo cum usu suo,* constituere id apud animum suum possit, porroq; acturus sit. *ἵνα ἐπισκηνώσῃ* inquit, *ἐπ' ἐμὲ ἡ δύναμις τοῦ Χριστοῦ.* Quibus verbis perquam emphaticè significat, quid sic speret, quid sic certò circa se eventurum expectet: dum lubenter & frequenter de Infirmitatibus suis gloriatur, seu eas velut cum jactatione quadam prædicet: Quasi in hunc modum, quid se ita futurum sit, exprimeret: Cùm de Infirmitatibus meis

glorior, easq; commemoro, illarumq; intuitu me aliis præfero, vel omnibus potius Inferiorem abiectionemq; ostendo: tum verò δύναμις τοῦ Χριστοῦ, *Christi Potentia*, cumq; illâ perpetuò hic conjuncta *Benignitas & Sapientia*, luculentior perfectiorq; in me, & supra me, evadit. Hoc inde consequor, ut quamvis malignus ille Spiritus, adstes mihi sit, & velut ad latus appositus, seu circum me oberet: supra me tamen cernatur velut *tabernaculum suum* figere ipsa illa Christi Potentia.

Reddunt τὸ ἐπισκηνῶσθαι ἐπὶ ἐμὲ, pleriq; per, inhabitet in me. *Beza*, ut emphasin magis exprimere videretur, reddit, *tanquam in tabernaculo inhabites*.

Sed consideres mihi verbum hoc paulò pressius, atq; videas quàm τὸ ἐπισκηνῶσθαι, differat ἀ κατασκηνῶσθαι, (quod legitur *Matt: XIII. Ὑ. 32. & Act: II. Ὑ. 26.*) deniq; vim particulæ ἐπὶ, tum in verbi compositione; tum in reliquâ constructione hic adhibitæ, rectè expendas: spero, agnosces, aut subodoraberis saltem, aliud hic notari, quàm inhabitationem: quam per verbum ἐνοικῶσθαι Paulus alibi (*Rom. VIII. Ὑ. 11.*) denotat.

Meo quidem iudicio, allusio quædam Emphatica in verbo eo latet: quæ verè plenèq; sic perspicietur, si ad ἐπισκηνῶσθαι illam animum refe-



referamus, quæ Populo Israelitico præstita fuit, cum ex Ægypto educeretur. Ut populus ille, per ἐπισκηνώσασιν illam satis notam, divinā protectione servatus est, Pharaone quamvis proximè acriterq; insectante: ita Paulus agnovit, Divinā Protectione, per ἐπισκηνώσασιν τῆς δυνάμεως τοῦ Χριστοῦ se tutum esse, & porro fore, cum maximè non alios tantum haberet insectatores, sed ipsum quoq; Satanam, per Angelum peculiarem aliquem sibi experiretur colaphos intentantem.

Solatii id plenum est, si quis Potentiam Christi sciat sibi præstò futuram ad casus quosq; necessarios: utut videatur quasi ex alto & longinquo devocanda. Quanti igitur solatii censendum illud est, si Potentia ea super aliquo velut tabernaculum habeat defixum, atq; sic in omnes eius necessitates velut præsentissima & intentissima excubet.

Porro ἡ τῆς Χριστοῦ δύναμις, *Potentia illa Christi, seu Virtus*, ad quam Paulus verbis his respicit, dum ἐπισκηνώσασιν seu Tabernaculi supra statuendi vel figendi meminit, ex peculiari Exercitu Christi, dilucidius æstimanda venit: non ex eo solum, quod ipse in se polleat Robore Divino & Virtute infinita: per quam habet τὴν ἐνέργειαν τοῦ δυνατοῦ αὐτοῦ καὶ ὑπὸ τῆς αὐτοῦ ἐκείνου: *efficaciam subjiciendi etiam sibi ipsi a-*

*omnia*: ut loquitur Apostolus *Phil. III. V. 21.*

Peculiaris ille *Exercitus Christi*, cuius respectu *Castrametatio* quædam supra circaq; fideles fieri intelligitur, sunt *Angeli*, qui *δυνάμεις* nomine insigniuntur, ut patet ex collatione locorum *Marc. XIII. V. 25. Luc. XXI. V. 27. Matt. XVI. V. 27. &c. XXV. 31.* Ipsi quidem Angeli Christo etiam ab Apostolo sic adiunguntur, seu subordinati significantur: ut vocentur *ἄγγελοι δυνάμεις αὐτοῦ*, *Angeli potentie seu Virtutis ejus, 2 Thes. I. V. 7.* Per hos igitur Christus supra Paulum, quoscunq; hostes experiatur, quacunq; ex se infirmitate laboret, qualemcunq; à latere Insectatorem habeat Satanae Angelum. implere id intelligitur, quod *Psalmo XC. V. 11.* promittitur, & *Psal. XXXIV. V. 7.* velut cum gratâ prædicatione celebratur: *Castra signi Angelus Domini circum eos, qui ipsum timent, & eripit eos.*

Sanè & in ipsâ illâ Christi, Ducis & Consummatoris Fidei nostræ, Infectione, quam Diabolus, Spirituum malignorum omnium Archistrategus, tentando multipliciter peregrisse refertur, *Matt. IV.* Angeli, hoc est, Sancti Boni, Benigni q; Spiritus illi, accessisse postea, & ministrasse ei referuntur: *V. 11.* Ut Paulus, contra terribilissimum illum Insectatorem, Electorum Angelorum ministerium



ex ἐπιστηνῶσαι illā τῆς διδάσκουσ τοῦ Χριστοῦ. cum plenā omnino fiducia sibi polliceri potuerit.

## SECT. 77.

*Vsus promissi sensus, in verbis etiam proximis, si probè perspectus habeatur, qualis quantusq; esse possit.*

**H**unc verò sensum, in verbis Apostoli etiam proximis, seu ultimis istis, si probè perspectum, animoq; porro etiam impressum habeamus: tam id nobis, in Infirmis nostris, solatio esse accommodo potest, ut ne concidamus animis: quàm existere etiam incitamento, sub dotium eximiarum collatione, ut ne infirmitates nostras suppudeat nos quasi cum gloriatio quadam profireri.

Ecquid enim quæso, dum infirmi nobis comparemus, inq; iis præsertim, quæ muneris sacri cuiusdam respectu supra vires nobis incumbunt, imbecillitatem ipsi nostram nimis sentimus: dum sæpenumero, qui aliis *Magistri*, seu *Eruditores* & *Castigatores* esse debemus, in haut paucis ipsi non *Institutores* tantum Divino aliquo, sed etiam adversus prolationes *rigidiore* quodam *Coercitore*, vel ut ita

loquar, *Absterritore* indigemus: ecquid quæso solatio æquè nobis esse potest: quàm quòd sciamus Servatoris nostri Jesu Christi *Potentiam* illam, quæ nimirum cum *Benignitate* & *Sapientiâ* perpetuò conjuncta esse intelligitur, non in procinctu esse tantùm, ad nobis subveniendum; sed sua jam velut tentoria super nos ponere etiam solere: ut ne nobis non appareat subsidio auxilioq; omni apparatissima atq; præsentissima?

Quod ipsum, quia sic nobis contingit tantò certius, si ipsi nobiscum habitemus; si nostro nos pede ac modulo metiamur; si alios non despectim habeamus; si jactatione quadam dotium nostrarum tenuioribus nos non præferamus, sed ad tantò magis sublevandos infirmiores, animandosq; pusillanimes, nostrarum imbecillitatum confessores, aut etiam quasi præcones quidam existamus: quia sic inquam, contingit id nobis tantò certius, ut *Sapientipotens illa Christi Majestas ac Benignitas*, super nos tabernaculum suum ponat, & pro nobis velut excubet: Ecquid nos adigere in eam curam magis efficaciter potest, ut, non tantùm Elatione quadam nostri in alios delinquere, diligenter caveamus; sed omni etiam Submissione ac Tolerantiâ nostrâ, rem Christi sacram promovere enitamur?



Ferè Res illa Christi Sacra non leviter sic impeditur, dum qui promovere eam quacunque sui Dejectione debebant, eminere præ aliis nimiooperè affectant. Res omnium seculorum experientiâ extitit in Christi Ecclesiâ testatissima: quòd optimi rerum progressus, sic fuerint pessimè sufflaminati, dum qui iis præfuere, noluerè infirmitatum suarum agnitione submitti.

At enim, imminui nobis etiam nostrarum infirmitatum professione videamur: eminebimus tamen per imminentem tantò præsentius inexsuperabilem illam Christi potentiam.

Cirea nos sint vel ipsius Satanæ angeli, ceu *σκόλοpes* quidam, carni nostræ positi; adstent illi nobis, ceu tyrannici quidam præfecti, atq; indultum in nos, non tantùm licentiam, habeant, ut exercent nos in Virtutibus: ut explorent de Sinceritate & Constantiâ: quin etiam jus quoddam & quasi munus habeant demandatum, ut in exorbitantes nos fortè, graviter animadvertant, seu castigatores nobis rigidi, ac flagellatores existant: *Supra nos* tamen *ἐπισκηνώσιν* illam Potentiæ Christi paratam scimus, quæ obumbret adversus æstum incumbentem; quæ non refrigerium tantùm præstet, sed opportuno

quoq; subsidio & auxilio ex alto nobis præstò  
fit : ut evadere è quovis periculo, & ὑπερνικᾶν  
h. e. *vincendo superiores esse* possimus adversum  
omnia, quæ nos plane in nobis videbantur  
prostratura.

Quod cum meminisse perpetuò nos fa-  
ciat DEI Spiritus, sub omni tribulatione  
atq; castigatione nostrâ : tum verò experiri  
reipsâ Sapientipotens Christi Gratia nobis  
largiatur, iis maximè momentis, cum su-  
pra vires ac humanum modum accidere seu  
imminere nobis aliquid videtur : ut sic no-  
bis contingat ex ipso & per ipsum, tum Vi-  
gor ad sufferendum; tum Robur, ac Pator ad  
evadendū : usq; dum tabernaculis (σκηνάμασι)  
corporum nostrorum solutis, seu depositis,  
recipiamur in æterna illa tabernacula (σκηναί)

simusq; cum Christo semper isthic, ubi  
verissimè ac perfectissimè erit,

ἡ σκηνὴ τοῦ θεοῦ μετὰ τῶν ἀνθρώπων

h. e. Tabernaculum DEI

cum hominibus.

*Apos. XXI. v. 3.*

Atq; de Pauli Palo tantum.

PRO.





## PROBLEMA,

Cuius suprà *Sect. 38. p. 149.* facta est mentio,  
 ab ESROMO RVDINGERO V. CL. Pien-  
 tissimoq; olim eruditè tractatum,  
 ad PSALM, LXXVIII.

### An Diabolus sit administer Poe- narum Divinarum ?

*Libuit id hoc loco subungere, ut Lectori cupi-  
 pido ad manum esse queat: cum ea in  
 PSALMOS Commentaria, quamvis  
 multò accuratissima, rarioribus ta-  
 men suppetant: Et Serò Eius  
 rei Consideratio ad id, quod  
 Sect. dist. 4. itemq; 6 c. in-  
 nuimus, accuratius  
 expendendum, fa-  
 cere hanc pa-  
 ru queat.*

Sic igitur Vir Clariss. ille ad Psalmi dicti Vers. 49. seu ut  
 numerus commatum apud alios habet, 54. (*Misit  
 in eos iram indignationis sue: Indignatio-  
 nem & Iram & Tribulationem: Immissio-  
 nem per ANGELOS MALOS:*) in Scholiis  
 subjunctis disceat.

Ple-

**P**Leriq; Interpretes hunc versum sic interpretantur, ut totum tribuant angelis malis seu vastatoribus, quorum scilicet furori, sævitæ, & grassationibus, Ægyptum, in extremâ indignatione suâ, permiserit Dominus, atq; omnes illas pœnas Ægyptias, malorum dæmonum vel operæ vel ministerio tribuunt.

Aliqui tamen immissionem angelorum talium, tanquam partem iræ divinæ numerant, qui scilicet angeli pœnarum divinarum administrati fuerint, & quorum operam Deus ad hanc rem sibi assumserit, & hoc non tantum eis permiserit, sed etiam mandaverit.

Ego verò cùm persuadere mihi non possum, diabolorū ministerio unquam uti Dominum, sed per angelos bonos suos exequi eum credam, si quid facit mirabiliter, & præter naturæ ordinem, sive beneficia conferat, si ve pœnas sumat.

Hac igitur de causâ, angelorum mentione bonos & sanctos angelos accipio, qui etiam si boni sunt, mali tamen appellari possunt iis, quibus mortem & exitium afferunt. Ideo & ad avertendam alienam sententiam, malui vastatores seu grassatores Angelos, quàm, quod est in Ebræo, malos seu noxios, aut no-

cen-



centes appellare, et si sic etiam non excludi-  
tur ambiguitas, Sed faciendum esset : angelos  
bonos ad vastandum. Sed de his peculiarem  
disputationē unius ex Problematicis nostris  
hoc loco inferendam putavimus, quod le-  
gat, qui voluerit.

Sunt tamen qui in hoc loco psalmi, nun-  
cios malos seu malorum, interpretantur de  
Mose & Aarone, qui hæc mala eis & denun-  
ciaverint & digito Dei immiserint. Sed sic  
tamen non excluditur ministeriū angelorum.  
Nam angelus fuit qui percussit fœtus pri-  
mos, non Moses neq; Aaro, sicut & alia fece-  
runt angeli, non Moses neq; Aaro.

*An diabolus sit administer pœnarum di-  
vinarum?*

Occasione quæstionis de potentiâ dia-  
bolorum & an cogitationes hominum vide-  
ant, quæramus iam de hoc etiam, An hoc  
genere, & ministerio diabolorum, utatur etiam  
Deus, per quos mala immittat terris & homi-  
nibus, atq; ita tanquam lictores & tortores,  
atq; carnifices hos habeat, adversus genus  
humanum, & universitatem rerum, quam ho-  
minis causâ condidit. De hoc igitur quid ex  
sacris literis responderi possit, quæramus, præ-  
sertim cum hac occasione multa, quorum in  
superiore quæstione mentio facta est, aliquan-  
tò plenius explicari possint.

De

De quo, verò ego in præsentiam memini, ex Veteribus primus de hoc pronuntiavit Autor Asceticorum eorum, quæ hodie inter Basilii scripta, & nomine eius circumferuntur, Scribit autem Sozomenus, libro 3. historię Ecclesiasticę, ἀσκητικὰ illa, à quibusdam referri ad Eustachium Sebastenum, qui in Basilij tempora incidit, & ab eodem Arianismi & Eunomianismi accusatur in epistolâ ad Episcopos Occidentis.

Hic igitur, quod recorder, primus pronuntiavit quæstione CCLXXVI, Deum *μετὰδαι*, ut ipse loquitur, *ὁπηρεῖταις κακοῖς*, ad excendendas pœnas adversus peccata in terris hominum, quæ ira eius immittit, hoc enim est malum, quod facit Dominus, quod in scholis malum pœnæ vocant. Peccatum autem quod à Deo punitur, malum culpæ est, quod non est à Deo, neq; Deus autor huius, sed osor & punitor. De quo nunc non agitur. Est igitur ἀσκητῇ illi diabolus *ὁπηρεῖτης* seu minister Dei, cuius rationem affert unicam ex versu 49. Psalmi LXXVIII. Vbi græca habent *ὅτι ἐξ ἀπίστευεν εἰς αὐτὸς ὄργην θυμοῦ αὐτοῦ, θυμὸν καὶ ὄργην καὶ θλίψιν ἀποσλὴν αγγέλων ποιησάν.* Omnino autem ibi ad verbû est in Hebræo de angelis malis seu nocentibus, per quos immiserit irâ suam Egyptijs, quod & autor ille Græcus de diabo-



diabolis accepit simpliciter, & similiter Interpretes atq; explicatores ferme omnes, sive hunc sive alios secuti sint.

Quæ verò huius sententiæ *πρὸς* Scripturæ manifesta afferri possint alia, similiter non venit in mentem in præsentia. Suspicio tamen huius explicationis in Psalmo autores, eò delatos, etiam cap. 39. Siracidis, ubi legitur de diabolis, ἐστὶ πνεῦμα ἃ ἐῖς ἐκδίκητιν ἔκτισα, καὶ ἐν θυμῷ αὐτῶν ἐσερέωσι κασίγας αὐτῶν ἐν καιρῷ συντελείας ἰχθὺν ἐκχέουσι. καὶ τὸν θυμὸν τῷ ποιήσαντι αὐτὸν ἐκκοπῶσσι, quorum sententia est: Sunt spiritus, qui ad pœnas exequendas, id est, ad puniendum, conditi sunt, quorum spirituum indignationi flagella fecit firma ad eam exercendam, id est, qui magnam potentiam habent à Deo concessam ad exercendā iram suam. Quando venit tempus, tum robur potentiæ suæ effundunt, & exequuntur seu exercent iram eius, qui fecit seu curavit eam. Vel etiam hanc eis indidit. Puto autem verum esse ἐκκοπῶσσι, cū præcedat ἐκχέουσι. Referunt quidam huc quæ sunt apud Augustinum in Enchiridio cap. 100. & 102. Sed ibi quæritur an & quomodo Deus sit autor mali, & nolens an volens sinat malum fieri, quod nunc non agitur.

Quod si verò nullis aliis fundamentis

hæc

hæc doctrina. & explicatio psalmi nritur,  
 haud scio, an consistere nequaquam possint:  
 de quo nunc deinceps videamus. Primum  
 autem hoc indubitatum, Aegyptiis pœnas  
 omnes à Deo immissas, & digito Dei, per  
 Mosen & Aaronem perfectas, & nullius dia-  
 boli. Magi vero qui illas mirabiles effectio-  
 nes Dei in Mose imitabantur, hi igitur con-  
 trà, diabolorum ministerio, & per præstigias  
 perfecerunt, quod fecerunt, neq; ope neq;  
 potentiâ divinâ ullâ, cuius hoc genus capax  
 nō est, usi sunt. De his præcedens quæstio re-  
 spondit non nihil. Quomodo igitur idem  
 spiritus autor esse potuit eorum quæ Magi fe-  
 cerunt? & quæ Moles & Aaro? Quæ verò  
 Deus à se & suo Spiritu facit, ea vel sine me-  
 diis facit, vel ministerio ministrorum suo-  
 rum. Ita jam de ministris Dei quæstio est,  
 qui sint illi.

Constat autem hoc etiam, & hominum  
 sanctorum operâ Deum, & Angelorum casto-  
 rum uti. Et de Angelis bonis disertè scribi-  
 tur, quod sint *ἀγγέλων πνεύματα*, & quidem in  
 bonum, & ad salutem hominum, ut scribit  
 Apostolus. Sed & ad malum pœnæ, Angelo-  
 rum ministerio Deum usum esse constat. An-  
 gelus Domini cædit peste populum Israëliti-  
 cum, aspectante Davide. Angelus Domini

cædit



cædit exercitum Sennacheribicum. Vbi autem uspiam Diabolus appellatur simpliciter angelus aut minister Domini? Spiritus Domini quomodo appelleretur, postea quæretur.

Angelus igitur Domini etiam fuit, qui interfecit primos fœtus Egyptij, non malus, neq; Diabolus: & Dominus hos interfecit, non Diabolus, de quo & ipso deinceps fortassis: & ad incendium Sodomæ pluit Dominus à Domino, non Diabolus: & angelus Domini dicit Lotho, non possum perdere hæc loca, antequam tu discedas. Angeli ministrant Christo in terris, Matth. 4. Diaboli nusquam: imò hic ibi tentat eum. Et Christus dicit, Vbi ego sum, ibi erit minister meus. Diabolus semel electus cœlo & abiectus, nunquam erit, ubi Christus est. Quod autem Deus non tantum non utatur, in suâ tanquam politiâ, ministris Diabolis, sed etiam non possit, id est, non velit ijs uti, eius rei argumentum sit hoc, quod Diaboli sunt hostes & Dei & imaginis ipsius, (quod est genus humanum) & naturæ universæ, & omnis boni, quod à Deo est solo. Quomodo igitur hoste utatur ministro? & eo quidem hoste, quem ad æternas pœnas ab æterno damnavit?

At dicat aliquis, hoc valere ad declaran-

dam potentiam Dei, qui possit imperare etiam hostibus suis Diabolis. Quasi vero inviti hoc illi faciant, aut aliud quàm hoc unum agant, ut perdant opera Dei omnia, & homines imprimis, quod sua sponte & cupidissimè quidem unum agunt: Ut non mandatis ad hoc, ut noceant, sed prohibitione, & repressione potius, opus sit, in iis locis, in quibus iuris habent tantum, qui est mundus. Aliud etiam est imperare, aliud ministris uti. Imperat eis, ut migrent à Dæmoniis: ut noceant non imperat, sed permittit eis, quod sua sponte experunt, (ut cùm porcorum gregem in mare præcipitant,) & quod semper faciunt, & nimis quidem. Et sunt illi spiritus ἐπιχαιρέτικοι, quibus εὐαχία sunt συμφοραὶ ἑθνῶν, epulum sunt malorum dæmonum, calamitates hominum, ut scribit Synesius.

Et si autem sunt κοσμοκράτορες jam antè, (& hominum quidem, non Dei culpâ, qui sepe peccatum subiecerunt iis, quibus imperare potuissent & debuissent, ut in alterâ quæstione dictum est:) non tamen, ne in hoc quidem regno ipsorum, permittit eis Dominus tantum, quantum volunt & possunt, ante tempus, tam adversus impios, quàm adversus bonos, imprimis propter Ecclesiam suam, quæ in mundo colligitur. Et Domini terra, & quæ



quæ hac continentur, esse non desinunt, etiã-  
 si in mundo, propter peccatum, regnat Dia-  
 bolus. Quod regnum tamen eius & ipsam,  
 in eo punietur, id est, propter ea etiã quæ  
 iam in mundo facit, punietur: tantum abest  
 ut sit administer iræ eius. Neq; opus est  
 Deo ministerio Diabolorum: & hoc digna-  
 tur eos multò minùs, ut quod ipse fieri vult,  
 Diaboli administrent.

Apud quos igitur in hoc seculo, & peculia-  
 riter aliquid facere Deus vult in utramq; par-  
 tem, id est, boni vel mali aliquid, & extra qui-  
 dem causas secundas, interdum, & cum his,  
 ad ea, ut ego existimo, Diabolorum nun-  
 quam, sed Angelorum tantum bonorum o-  
 perâ & ministerio utitur.

His rationibus minimè obstant Siracidi-  
 ca, si rectè considerentur. Quid enim est  
~~πνεῦμα ἰσχυρὸν ἐν τοῖς ἐκτίστοις?~~ Primùm diaboli non  
 sunt conditi, sicut neq; peccatum: neq; ho-  
 mo conditus est, ut peccaret: etsi hoc futu-  
 rum esse prævidit Deus, apud quem coràm  
 sunt omnia, futurum nihil. Neq; prævisio  
 hæc voluntati necessitatem affert. De qui-  
 bus longâ esset oratione opus. De malis ta-  
 men spiritibus accipienda esse Siracidica,  
 ostendunt, quæ ibi sequuntur.

Sic igitur ~~ἡ τοῦ~~ illa interpretanda, quòd

post peccatum, illud genus, cum ad alias res conditum sit, potestatem iam habeat in universitatem rerum totam, & ex genere humano omnes, à quibus divinitus non arcetur. Si enim Diaboli simpliciter ad poenas sumendas à peccatoribus, & ad cruciandum, atq; carnificinam in terris horum, conditi essent, quis ipsos tandem puniturus esset & cruciaturus? Sic enim tamen res deferretur ad Angelos bonos, & hi fierent carnifices Dei, non Diaboli.

Sed scriptum est, & condemnatum iam esse Principem mundi huius, & ignem ipsi, & angelis eius, ab æterno præparatum esse poenis ipsorum. Hic igitur ignis, ut appellatur, hoc faciet, ad incorporatas has naturas, & genus hominum corporatum, neq; angelorum sanctorum ministerio, ad hanc rem ampliùs opus erit. Et acclamant Diaboli, in historiâ Evangelicâ, Christo, quid venisti nos cruciare ante tempus? Nihil autem est de his rebus, quod sciam, patefactum aliud.

Hic verò spiritibus in hac vitâ permittit reiectos, & ad desperatum modum (ut humanitus loquamur) profanatos homines, Dominus, & regno ipsorum, non aliter, quàm porcos Gedarenicos. Qui spiritus, ut semper, ita tum inprimis, naturâ hominum, (ut  
univer-



Universitate rerum universâ, ) ad perniciem  
 ipsarum abutitur. Sic dicit ibidem Siraci-  
 des, Ignem & mare, & famem & mortem, ad  
 pœnas hominum condita esse, *πῦρ καὶ θάλασσα*  
*καὶ λιμὸς καὶ θάνατος, ταῦτα εἰς ἐκδίκησιν ἔκτισται:* &  
 dentes ferarum, & Scorpiones, & gladiatorum  
 ferramina, ad internecionem impiorum. Post  
 peccatum enim nimirum hanc vim nunc hæc  
 habent, cum initio in usum hominum bo-  
 num condita sint, omnia, & non ut tortores  
 sint hominum, ad quæ rursus novâ scholâ o-  
 pus fuerit.

Sicut igitur natura universa subiecta est  
 vanitati, quæ & ingemiscit hoc nomine: ita  
 hæc, quæ ad salutem hominis condita est, &  
 quæ in hac, salutaria piis omnia, ea impiis dia-  
 bolorum operâ, & propter peccata, in pœnas  
 & malum vertuntur: sicut ibidem scribit Si-  
 racides: quibus ad exitium impiorum uti-  
 tur, ut alios igne, alios aquâ, alios ferro per-  
 dat. Quæ tamen eluvio, interdum etiam  
 pios, occulto iudicio Dei, simul abripit. Mors  
 autem & fames non sunt aliter condita, quàm  
 peccatum & diabolus. Itaq; & diabolus  
 spiritus Domini alicubi nominatur, nimirum  
 quia fecit & creavit illum spiritum bonum,  
 & potentem, & angelum lucis, sed in verita-  
 te non perstitit. Ideo ea, quæ in ipso condi-  
 ta sunt,

ta sunt, corrupta sunt universa, sicut in homine, qui peccavit, & *signis* hæret in naturâ conditâ, tam diabolorum, quàm hominum.

Sicut igitur homo est imago Dei ex conditione primâ: ita Diabolus est spiritus Dei, ex conditione primâ: *signis* verò, in utroq; ab ipsis est, non à Deo, Volente an non volente, nunc non quæritur, cum instaurârit naturam generis humani, diabolorum non item. Et si de malo in naturâ sic censeo, Non esse hoc rem in naturâ ordinatam, atq; ita neq; diaboli, neq; peccatum, quorum neutrum, ut in scholis loquuntur, intendit Dominus. Omnia per Verbum facta sunt, & sine ipso factum est nihil, quod factum est, & quæcunq; Deus fecit, bona sunt omnia. Sed ad ea, & ex iis, quæ fecit postea extiterunt, quæ ipse neq; vult, neq; fecit, sed odit & punit. Ideo ab ipso non sunt.

Neq; sic etiam loquor, ego quidem, ut conservari hæc à Deo dicam, quæ odit & punit: neq; sequor, quod de generali conservatione dicitur. Sed conservat Deus naturam à se conditam, atq; ita ex consequenti conservantur ea, quæ in hac hærent, sicut quamdiu rota conservatur, quod rotæ adhæret, cum rotæ artifex rotam quidem efficiat ex ligno, sed non etiam lu-  
tum



rum adhærens faciat aut allinat. Etsi peccatum non est lutum aut substantia, sed *τέρας*, ut aliquoties iam dictum est, quâ consideratione hæc similitudo minùs congruit. Vector tamen ordinariè onera vehit, non lutum, neq; hoc à vectore redimitur. Sed qui fides, aut fistulas, aut inflationem harum, in iis quæ *ἐντατα* sunt & *ἐμπευστα* corrumpit remittendo, intendendo, impediendo, magis representat peccatum, cum in tali corruptelâ sit *ὀλεόν*.

Quod autem additur apud Siracidem *καὶ τῶ συντελείας ἰχθὺν ἐκχέουσι καὶ τὸν θυμὸν τοῦ ποιήσαντος αὐτοῦ ἐκκαπῶσιν*, etsi sic etiam aliquis interpretari posset, diabolos sub finem mundi, & appropinquante jam tempore iudicii eius, quo æternis pœnis adiudicabuntur, ipsi & mēbra ipsorum, hoc igitur tempore eos furere immaniùs, & omnem potentiam suam effundere, & iræ indulgere ei, quâ ipsis uti ab autore rerum conceditur, qui & propter iram suam adversus peccatum, huius iræ furorem ipsos furere finit: hoc tamen potiùs, & solum dici videtur, quando venit tempus, quo licet hoc eis permisso divino, &c.

Sed non libet in præsentia plenam explanationem Siracidicorum instituere. Si quid dicit tamen aliud, quàm quod nos inter-

pretamur, non possum auctori illi plus credere, quàm quantum Scripturæ testimoniis docere potest. Scripta etiam cuiusquam contra doctrinam patefactam, & analogiam fidei interpretari, inscitia est, aut calumnia.

Sic igitur summa hæc. Quicquid & semper ab initio fecerunt, & in hoc furore suo ultimo faciunt Diaboli, non facere eos mandato Dei ullo, multo minùs in ministerio Dei, sed, ut sic dicam, pro iure suo, quod habent in naturam, & genus humanum, propter peccatum, cum ante etiam adhuc peccatum, & integrum adhuc hominem, attentare non dubitarent: Neq; in Christo ipso, ideo quod homo esset, hoc facere omiserint, ut nunc plus iuris eos haberet, & plus posse in homines, & tentandos & exercendos, dubitari non possit.

Sed quicquid in hoc genere habeant, & exerceant, iuris & potentia, non desinit tamen, adversus hæc, interponere suam potentiam Deus, ut in hoc regno etiam suo, diaboli, tamen non possint, quæ volunt omnia: Et sicut porcos Gedarenicos, ita multò minus homines, quos volunt, & quando volūt, & quomodo volunt, affligere & perdere, antequam Deus hoc facere, peculiari consilio suo sinat.



Nihil curat Deus per diabolos: non sunt hi pars politiæ eius, non ministri, non tortores, non carnifices Dei. Et sicut Christo, ita Deo etiam, nihil est commune cum Beliali. Sed quod suâ sponte volunt & agunt, & quod de quibusdam eis licet, hoc ut faciant, eis, ut hostibus suis, & hominum & operum Dei omnium, & non ut ministris, permittit. Itaq; & nomine & imperio Dei nihil exequuntur: Sed ab eo quod ipsi volunt, & propter peccatum possunt, interdum à Deo non arcentur.

Ita in historia Achabica, 3. Reg. 22. offerunt à se, quod velint esse spiritus mendacij in ore prophetarum. Et si permittit eis sæpe etiam, ut pios exerceant, sicut de lobo disertè scribitur. Contrà hanc potentiam diabolorum diriguntur preces Formulæ Dominicæ: Ne tentemur supra vires nostras, & ut liberemur à malo, vel *γενικῶς* à malis omnibus; ve etiam à Beliali, qui est *πενηδός*, & summum quidem malum.

Solus Deus, per se, & Angelos, & Vicarium Magistratum, punit, & vindicat eorum peccatum in hac vitâ: Solus item in alterâ, in quâ & ipsâ diaboli non erunt tortores, aut poenarum divinarum administri, sed harum cum impijs socij, in eo, qui ignis appellatur æternus. Est enim ignis ille paratus diabolis,

& angelis; & gregalibus, & impiis universis, sicut suprà diximus. Et regnum principatusq; diabolorum tantum durat in hoc mundo. Et ultimus dies sternet hostes Dei universos, ut nullum regnum tum superfuturum sit *avrixetor*, quæ sunt in hoc sæculo diaboli, & impiorum regna. Illæ autem locutiones, Deus facit malum, Diabolus est spiritus Domini malus, factus ad pœnas; mare & ignis pœnæ sunt, & similes, figuratæ sunt, & explicandæ ita, sicut suprà dictum est.

Neq; hic valet regula, quod quis facit per aliû, per se fecisse videtur: cum quod diaboli faciunt, de mandato DEI non faciant: & Deus nõ intēderit diabolos & peccatum, non minus, quàm natura nostra nõ intendit &c. ut suprà dictum est, etsi de his perperosè quæritur.

Ex his igitur versum 49. Psalmi LXXVIII. sic interpretor, ut mentionem Angelorum malorum, non de diabolis accipiam, id est, malis & reiectis à Deo angelis, vel ut liber Regum loquitur, malis Dei Spiritibus, qui afflixerint Ægyptum, & percusserint fœtus primos, &c. Sed de bonis & sanctis Angelis, qui & soli ministri sunt Dei, ut dictum est, diaboli verò nunquam. Etsi autem angeli illi boni sunt, mali tamen appellari possunt, & reverà mali & mortiferi fiunt iis, in quos gra-

san-



fantur, & quos percutiunt, & significat sanè  
hebræum, malos seu noxios vel etiam nocentes angelos.

Erunt igitur mali tum, quando à Deo, ut ministri eius, & ut hominum, ita Dei etiam *λειτεργικά πνεύματα*, ad puniendos & cædendos homines mittuntur, & non ad defendendos & protegendos. Quando autem exequuntur pœnas divinas, non sunt administri in bonũ, seu rei bonæ *επλός*, sed *πός*, & diaboli multos ex iis impiis, qui à Domino cæduntur, sæpe mallent diutius conservari, ad damna Ecclesiæ, odio Dei & piorum.

Angeli tamen boni, cùm perdunt & perimunt malos, sic etiam serviunt gloriæ Dei, in exequendâ iustâ irâ eius. Sed mali angeli cùm affligunt pios, & impios, serviunt illi quidem & indulgent libidini suæ per se, sed simul inuiti gloriæ Dei serviunt, per accidens, & maximè cùm pios cruciant, &c.

Et si autem quid in præsentia de hac quæstione sentiam, exposui, relinquo tamen rem in medio, de quo quærat amplius.

☞ (:) ☞

HISTO-

## HISTORIÆ,

*Qua in Tractatione præmissâ sic quadam alicubi, breviter duntaxat innuuntur, cum multò illa existant memorabilissima, Amicorum quorundam monitu, addi hîc, pleniore Enarratione ex suis Scriptoribus, ista potissimum etiamnum debuerit.*

*Ad Sect. 14. p. 57. De P. Francisco Aquilano, Concionatore Romano, In Anatomia Pontificiâ Francisci Albani Th. D. cap. 13. commemoratur, quid pro Concione protulerit, in hunc sensum.*

Cùm concionaretur aliquando Pater Aquilanus, ad S. Laurentii in Damaso, narrare occæpit, sibi dum sermonem sub vesperam seram sequenti mane habendum meditaretur, accidisse, ut fores audiret à quopiam pulsari suas. Eum se inclamasse, ut ingrederetur liberè: cùm à meditatione surgere, progrediq; non liberet. At jubenti haut illum paruisse tamen, sed usq; præ foribus pulsantem stitisse. Tum igitur exsurrexisse ipsūmet, cum indignatione, visurum, quid adisset hominis, fortè eidem nec nodosiore cingulo suo parciturum. At enim, foribus adaperitis S. Paulum præ illis stantem offendisse: quem quidem vehementer miratus fuerit, quî Romæ auderet comparere, cùm  
haut



haut pauca scripserit hodiernis Romanensium dogmatibus parum consentanea. Non celsasse se tamen, quin virum tantum comiter mox alloqueretur: Et, pro more Gentis suæ, Siate il benvenuto, Messer S. Paulo, diceret: h. e. Adventus tuus, O Paule Sancte pergratus est mihi: Ecquid autem est, quod apud me negotii geras. Ego verò, respondisse Paulum, hospitio perfrui tuo in hanc noctem cupio. Annuisse se, et cum restarent, quæ pro Concione in crastinum habendâ meditaretur, monuisse, uti interim in suo isthâc stramento decumberet, ab itinere quieturus. Ibi tum verò, Paulum, paulò postquam decubuisset, obvolvere sese cœpisse, nec leviter ingemiscere: ut quid se fieret, sciscitandum duxerit. Quo facto, regessisse ipsū, post multā tandē hæsitationem: Quid angat quæris? *Datus est mihi Stimulus Carnis.* Tum verò contrā, se exclamasse: O Sancte Paule, tecumne ita etiamnum agitur? Si tuæ se res hunc in modum habent, satius utiq; fuisset, ad Romanos Epistolam Te non scripisse. Credideram hætenus te in cœlo tertio, in quod usq; subreptus fuisti, approbè evaluisse castratum. Sed enim nunc præclare agnosco, Nos perinde omnes, Monachos Sacri ficulosq;, Petrum Paulumq; in nosodochio

eadem

codem omnes attineri, Cypridosq; cesto usq;  
existere obnoxios.

*Sed verè fabularis isthæc est Historia, quâ  
En id dilucide doceat, quod spectâsimus.  
Dignior est, quæ contrarium docere potest  
ulcra, spectatq; ad*

*Section. Eand. p. 39. De Jacobo Fabro Stapu-  
si, Theologo Sorbonico, quem MARGA-  
RETA Valesia, NAVARRÆORUM REGI-  
NA, FRANCISCI I. Gallia Regis Sotor,  
Pietate Heroïna, & Virtute ac Literis lauda-  
rissima, Novi Testamenti Vulgata Versionis  
Emendationem, & Purioris Religionis instau-  
rationem fortiter aggressum, exulem tutata  
est. De quò sic habet Narratio apud Hubertû  
Leodium, atq; ex illo apud Bucholzerum.*

**Q**Uadam die misit ad eum REGINA, & se-  
velle cum eo prandere dixit, convoca-  
tis aliquot doctis, quorum confabulationibus  
mirè oblectabatur. Inter prandendum au-  
tem cœpit Faber vehementer contristari, &  
subinde lachrymari. Eorum causam dicere  
cùm rogaretur, accusareturq; à Reginâ, quòd  
pransum apud se venisset, ut læta fieret, ipse  
verò tristaretur: Tandem inquit, & quis pos-  
sem, ô Regina Serenissima, esse lætus, aut  
alios ex hilarare, omnium, quos terra sustinet,  
secler



sceleratissimus. Et quod tantum admisisse potuisti scelus, inquit illa, Jacobe, qui vilus es semper ab ineunte ætate sanctissimè vixisse? Ego, inquit, sum *ætatis centum & unius anni, purus ab omni contagione muliebri*, & nihil recordor me admisisse, quo gravi Conscientiâ discedere ex hoc seculo reformidarem, nisi unum, quod expiari posse non confido. Cumq; illa urgeret ad aperiendum, vix præ lachrymis tandem inquit: Quomodo ante summum Dei tribunal consistere potero, qui sanctum Filii sui Jesu Christi, Evangelium purè & sincerè multos docui, qui doctrinam meam secuti sunt, mille tormenta & mortem ipsam constanter pertulerunt: Ego verò malè constans Doctor effugi, & cùm tantæ & tam provectæ ætatis, iam vixissem satis superq; neq; mortem ullam reformidare, imò percussisse debuissem, clanculum me subduxi, & Dei mei præceptum turpiter deserui.

Ad quæ cùm Regina, ut erat eloquentissima & plena divinorum sermonum, multa disseruisset, & rationibus ac exemplis docuisset, multis bonis & sanctis viris, qui cum Deo regnarent, idem obtigisse: neq; desperandum de Dei misericordiâ & bonitate unquam, & pleraq; in hanc sententiam, qui assidebant, adderent: Confortatus tandem inquit:

quit : Ergo nihil restat , nisi ut hinc ad Deum  
migrem , si liber , condito meo testamento :  
neq; , ultra differendum sentio , quia à Deo  
me vocari intelligo. Deinde intentis in  
Reginam oculis : Ego , inquit , te hæredem  
meam instituo : Concionatori tuo Magistro  
Gerardo libros omnes meos do , lego : Vestes  
& quicquid insuper habeo , pauperibus relin-  
quo : cætera Deo commendo.

Ad quæ subridens Regina , Jacobe , in-  
quit , quid ad me de tuâ hæreditate redibit ? Ne-  
gotium , inquit , distribuendi bona inter pau-  
peres. Estto , inquit illa : Juro , hanc hæredi-  
tatem mihi gratiorem fore , quam si Frater ,  
Francorū Rex , me suam hæredem nominasset.

Lætior deinde visus Jacobus ait : Opus  
habeo , o Regina , aliquâ quiete : Estote læti  
interim & valete : Declinavitq; in proxi-  
mum lectum. Et cum putarent illum dormi-  
re , obdormierat in Domino , nullis signis ma-  
læ valetudinis editis , quod volentes ipsum ex-  
citare , vehementer admirari , jam tum exspi-  
rasse. Hunc exitum habuisse sanctum procul  
dubio virum recitabat Regina , quem honori-  
ficè tumulari fecit , & marmore , quod pro se  
exscindi fecerat , contegi voluit.

*Hæc ex Hub. Thom. Leodio Bucholz erus : quæ eadē  
recitat quoq; in Chronico Chronicorum Ecclesia-  
sticopolitico Ioan. Gualtherus Belga : quem Iannū  
Gruterum fuisse quidam suspicantur.*



*Sect. 1. pag. 6. post lin. 11.*

Qui antè sesquiseculum editus est, *Interpres Germanicus*, Anno scil: 1480. is adhibuit hâc vocem, *Gârte*, quæ tantundem valet ac Latinum, *Ferula*, (quâ voce nonneminem hîc etiam usum esse videbis p. 191. lin. 17.) aut nomen Synonymum alterum, Germanis usitatum, *Rutte*. Verba *Versionis* istius, quantum hunc Contextum attinet, addere Lectoris eius gratiâ libet, qui cupidus forsan fuerit Antiquitatis Germanicæ hac etiam parte cognoscendæ, utq; sic occasio simul præbeatur, profectuum intra sesquiseculum nostro ævo secutorû, & eum gratiis erga DEum, expendendorum.

*Sic igitur ea habent.*

**V**nd mich vïlleicht die grösse der eröffnungen  
 ich erheh / der gârte meins fleischs ist mir  
 gegeben der engel Sathanas / der mich hals-  
 schlecht / darûm ich bat den Herren zu drey-  
 en malen / das er schaide von mir / vnd er  
 sprach zu mir / Dir begnug meiner genade  
 Wan die krafft Christi warr volbracht im  
 siechtum. Darûmb geren ere ich mich in  
 meinen siechtumen / das die Kraffte Christi  
 entwon in mir.

Ad istam quidem Versionem si illi atten-

X

dissen.

disent animum, qui isto etiam seculo ad *Stimulos Venereos* verba hæc retulere, facilius utiq; agnoscere diversum quid potuissent, quàm pleriq; omnes scriptis Latinis suis proditum reliquere.

*Sect. 47. p. 183. post lin. 5.*

Legi porrò eadem hæc possunt in Editione Wittenbergenſi Germanicâ Postillæ Ecclesiasticæ D. M. Lutheri, ad Dominicam Sexagesimæ.

*Sect. 48. p. 193. post lin. 9.*

Et cùm Stimulatorem Carnis dicere voluit, debuisset potiùs, Stimulatorem Carni oppositum, seu appositum, scribere: qui illi scilicet cohibendæ inserviret: nec ad incitationem libidinofam illam, quod Pontificiis Dd. plerisq; etiamnum hîc placet, referre verba ea, proclive sic usq; manifestet.



Corre-



# Correctim legatur.

Pagi.

1. l. 19. *iva*  
20. *παρεκάλεια*
3. l. 10. Sufficit
5. l. 3. Vulgato
6. l. 4. *ἤ*  
25. *Myrothecio*  
36 *ist*
7. l. 17. agnoscenda
33. l. 27. *αἰσικεῖ*
36. l. 16. arbitror
38. l. 4. Clave  
sic alibi deinceps  
l. 6. indicat
40. l. 23. Pauli
41. l. 1. *dit*  
l. 24. *uterg<sub>3</sub>*
45. l. 2. *nii*  
l. 28. *presertim*
47. l. 15. tela  
20. *quo*
51. l. 20. denotari
58. l. 28. *pramoniti-*  
*onis ergo*
60. l. 27. nocte dieq;
61. l. 11. bene
64. l. 19. *luculentius*

Pagi.

- l. 27. *Ille Meto-*  
*nymia*
70. l. 28. *Tiberii*
73. l. 24. *initurus gra-*  
*tiam*
82. l. 21. *tanquam*
83. l. 21. *est Conca-*  
*pisc:*
87. l. 7. *Marc.*
89. l. 4. *quod*
91. l. 14. *Expiations*
92. l. 16. *Pontificiis*
94. l. 16. *rationcinari*
96. l. 11. *accommo-*  
*dare*
- Sic deinceps alibi  
in voce ista *m* du-  
plicare Syllabothet-  
ta ferè neglexit.
102. l. 16. *probabilis*
117. l. 24. *simpliciter*
123. l. 16. *Sexto*  
l. 17. *diceretur*
122. l. 14. *Si*
124. l. 3. *dele in alterū*
128. l. 11. *sentiendum*  
l. 17. *Ne*

Pag.

l. 17. No  
137. l. 15. Explicatio  
139. l. 25. enuntiatio  
141. l. 19. lingua  
142. l. 7. ut pro  
147. l. 11. occurrit  
159. l. 2. rectissimeq;  
160. l. 27. quodammodo  
nita  
167. l. 12. excitandis  
169. l. 17. Lexico-  
175. l. 18. pugnantium  
179. l. 19. vehementis-  
sime

Pag.

184. l. 18. miserrime  
192. l. 13. protensa  
196. l. 4. propinquo  
199. l. 4. LXXXIV  
208. l. 18. Is usus  
28. nimirum)  
216. l. 16. excitari  
218. l. 17. Spiritu  
220. l. 11. contemptus  
l. 27. At.  
235. l. 21. Inrepatio  
245. l. 25. occasionem  
267. l. 1. subventri  
268. l. 14. prater ea


BIBLIOTHECA




UNIVERSITATIS



















Biblioteka Jagiellońska



stdr0021346





666.

Uechner

418.